417619

別窓

王里

全

上海民智書局發

行

417619

第

集

函文

札電

自巴黎致民國軍政府電

與淸室議和之要電自海外歸國時致同盟會諸同志電

救民疾苦之通電

爲粤事致廣東各界電

推荐袁世凱爲總統之各電附就臨時大總統後所發布之各種重要通令

錢幣革命之通電 致袁世凱辭大勳位電

目

鋒

文電



勸袁世凱辭職電

月

缝

請各省一致聲討袁氏之通電

促各省協力討袁電

令各省討袁軍罷兵之要電

致黎元洪請斥龍濟光電

致英相請勿加慫恿中國加入協約電致黎元洪請規復約法尊重國會電

關於加入協約事致北京參衆兩院電

主張護法之通電為二百二十萬匯欵事致泗水中華商會電

主張護法致陸變起電

致湘鄂各將領電護法之役致川滇黔湘各省安電

致黔督劉顯世電

致川滇黔靖國軍各軍將領電致雲南章太炎唐繼堯王文華等電

護法之役致上海本部各電

致譚延闓程潛請釋畢同電

團結川滇一致抵禦北軍之通電

大元帥時代致川黔粤各省電致李純陳光遠論和平電

致章太炎等電

致四川盧錫卿黃復生等電

致貴陽王文華劉顯世電

致汕頭陳炯明許崇智等電

討莫之役致滇湘黔閩浙粤各省當局要電

目

錄

第

致唐繼堯電

目

致貴陽王文華劉顯世電致長沙周震麟譚延闓等電

致福州李厚基電

致杭州盧永祥電

致粤軍

陳炯明暨各路司令前敵諸將領電

致鄂西各將領弔唁高固羣烈士電

討伐陳炯明之通電退出軍政府覆國會議

辭大元帥職之通電

爲和平統一事致林建章電和平統一之通電

爲曹錕乞和致孫洪伊電

73

集

總

東征時致胡漢民電

東江之役覆劉震寰電

討伐曹吳致段祺瑞盧永祥電

致段祺瑞電

致盧永祥電

北伐軍興致唐繼堯劉顯世電

致劉顯世電 致唐繼堯電

自天津行轅致各報館電 曹吳失勢後與段祺瑞商議國事之各電

上李鴻章書 目 錄

涵札

Ħ.

倫敦被難時之書簡

月

鋑

由日本經香港致港督書

敬告同鄉書

鎮南關之役致各同志之要緘

致宮崎萱野各書

欽廉之役致鄧澤如書

致南洋同志請籌互欵書

在暹羅致鄧澤如等緘

南下至吉隆坡等處致鄧澤如諸同志書在星加坡成立南洋支部之通告

抵歐洲以後致各同志書赴歐洲前致鄧澤如等緘

赴歐途中自馬賽致吳稚暉書

六

由

日

本抵星加坡

俊

致

同

志及

鄧

澤

如

將 在 歐 由 歐 時 去 致 美 吳 稚 時 致 暺 吳 書 稚

暉

到 美後 致各同· 志 書

致 日 本萱野氏 書

廣 州新軍之役致美州同志請

助

餉

書

廣 M新軍· 之役致美 國 紐 約 志 書

曲 美經日至 南 洋時 致 吳 稚 暉 書

由檳抵 在檳榔嶼致美洲 日後致美洲 紐 紐約 約 同志 同志書 書

再赴 再 赴 歐 歐 美前 美途 中致 致 鄧 鄧 澤 澤 如等 如等書 書

致滔

天宮崎萱野各書

月

鏃

七

在巴 一黎將去美國時致倫敦吳稚暉 書

目

鍅

到美國時致吳稚暉 書

在美致吳稚 暉 各 書

甫

到美國致吳稚

暉 書

遺花崗起義前 致李源水鄭螺生書

廣州之役失敗後自美洲致各同志 書

由南洋再赴美國後致吳稚暉 書

在美致吳稚暉各書

旅歐途中致宮崎萱野各書 由 美回 一南洋時 致吳稚暉 書

由 **「歐返國時致鄧澤如之書**

武 致 昌起義後由美到英訪吳稚暉於倫敦所留之緘 袁世凱辭大勛位 書

八

覆參議會論國旗書

覆民生國計會贊成移民就墾書

覆女界共和協贊會書

要求自由禁烟主權致英國國民書

致南洋同志書

邀容閎歸國書

勗南洋各同志書

爲二次革命捐欵事致南洋同志書

討袁之役致鄧澤如各書

討袁之役委鄧澤如

爲

財政部長及南洋籌餉事

致鄧澤如述范鴻仙被殺事

致南洋同志書

組中華革命黨致李源水書

且

缝

九

目

錎

爲 深 籌 餉 事致鄭螺生李源水書

委託

南洋同

志變賣

庇能

房屋

書

派許宋赴南洋致鄭螺生等書

通告洪門改組支部函

通告海外國民黨各支部改組 函

在日 本組織中華革命黨致鄧澤 如書

答朝 討袁之役致南 覆鄧澤如談討袁與籌欵 日新聞記 者書 洋同 志

書

事

討袁之後與鄧澤如各書

致鄭螺生等論討袁事

爲 致 中日交涉 馮 國璋請釋秦毓鎏書 覆北京學生書 集

率

海軍開府廣

州致南洋同志及鄧澤如各書

通告國 内 外同志之兩 書

致黎元洪辭顧問緘

通告華僑從軍經過及遣散情形函 通告黃克强先生逝世

通告黨員儲金章程函

通告海外各支分部職員暫不改選函

通告醵資安葬陳君英士函

為對德參戰問題復段祺瑞緘 再復李村農論借外資書

督軍 團倡亂致鄧澤如各書

軍政 覆港 商 府 改組致 陳賡 如 函 國會及各方面之要緘

銯

且

第

致陳競存函

目

莫榮新抗命致李烈鈞書

勗討莫各軍書

辭大元帥職後通告海外同志書

爲粤事致胡漢民鄒魯書留別粤中父老昆弟書

辭總裁覆國會各議員書

覆在滬國會議員論南北和議書

覆蔡元培張相文討論編輯民國史事

護法之役致林修梅書

覆美洲葛崙埠分部長吳東垣函

致滔天書

護法之役覆何成濬書

創辦英文報致三藩市林直護法之役致川中何民畏書

一勉書

與海外國民黨同志書

發起中央籌餉會致李源水書

討陳之役勗蔣介石守福州書

關於勸告裁兵事覆全國商聯會書

緘促議員南下

致胡漢民許崇智書致胡漢民楊庶堪各書

關於處置商團事件致蔣介石各書

11

伐致蔣介石各書指

示關於分配槍械與練兵等事

銯

月

目

錄

一 文 電

總理全集

第一

僅

自巴黎致民國軍 政府電 (辛亥年)

競點為新中國開一 亦善總之隨宜推定但求早鞏固國基滿清時代權勢利祿之爭我人必久厭薄此後社會當以工商實業為 內情各省次第獨立略致疑怪今聞己有上海會議之組織欣悉總統自當選定黎君聞黎有推袁之說合宜 民立報轉民國軍政府鑒文已循途東歸自美徂歐皆密晤其要人中立之約甚固惟彼邦人半未深悉 新局面至於政權皆以服務視之為要領文臨行叩發

文 電

自海外歸國時致同盟會諸同志電 (民國元年二月二十七日)

雲為宣慰委員更與我同志接洽一切黃君為金山同盟會長張君盡瘁黨事有年因特專函即閱義安孫文 同盟會諸兄大鑒弟雛國十餘年匆匆過港又不克與同志諸兄握手深以爲憾茲派黃君尝蘇張君藹 非淺鮮專此電賀並盻教言孫文

與淸室議和之要電 (民國元年三月一日)

薦舉袁慰庭君微執事等言文豈忘其私約因今日始得接清帝遜位之詳電當卽報告參議院 一)北京蒙古聯合會蒙古王公鑒電悉帝制已除合五大民族爲中 華民國幸福 無涯 中外同 提出 慶來電 辭 並

推薦袁君之功能衆俱信服文之推讓非祗尚賢亦以爲國區區此意凡我國民當共鑒之專覆孫 文

專防升允北軍退出潼關决不西進僅留隊伍防堵土 (二)西安陝西都督張鳳翽鑒淸帝已經退位南北一 匪 一餘均開 致今日袁慰庭君來電云請電知 巴 北方防堵奉聞特此通知宜相機 陜 西 移 防 軍 戦 西 爲 向

盼總統孫文

家同心協力竟破壞之功開建設之緒鞏我共和民國之前途增我五族人民之利樂所仰望於諸將士者尤 北京姜軍門由專制變為共和實項城維持之力更諸將士贊其功四萬萬受福無窮深堪嘉佩從此南 (三)奉天張總營務處廣水陳統領張家口何統制北京馮軍統天津張軍門徐州張軍門穎張倪先生 北

與清室議和之要電 爲粵事致廣東各界電

爲粤事致廣東各界電 (民國元年二月二十六日)

(一)陳都督省會商會軍團協會報界公會鑒大局已定袁慰庭南來文與精衞 漢民俱可返粤幷可籌

借鉅欵爲粵經營布置請公等維持現狀勿使目前有所動搖切切總統孫文印

兄及電省城各界矣昨再電粤許分精衞漢民俱囘請省會毋庸另舉他人汪胡兩人未返之前仍應由 (二)香港陳席儒楊西巖廣州陳都督省會各界團體公鑒家兄之事文期期以爲不可前已有電勸家 陳都

督代理想我粤父老聞之當可稍慰總統孫 文印

(三)陳都督幷各界公鑒革命功成民國統一胡都督不日可囘原任精衞亦能同囘助理請毋庸另舉

他人現狀維持統所暫為盡力總統孫文印

以精衞督粤陳督代理其廿二日漢民囘任之令取消特此電聞幷轉各界知之總統 委任汪精衛督粤俟袁世凱來寧精衞即返示到任以前由陳督代理兩電想先後到粵自以廿三日 (四)萬急廣州陳都督鑒前卅二日電冷胡漢民囘任汪精衞同返次日漢民面陳力辭故廿三日再電 孫文廿六印 電 為實

皆不能講平等而命令必出於一是倘以猜嫌之故致啓紛爭驚擾居民誰任其答特此正告我愛國之民軍 為今日治粤必然之策且分別留遣幷無一 (五)萬急報界公會轉惠軍統領王和 律解散之說君等宜遵守約束共維大 順鑒聞 惠軍 在省與督部 新軍有衝突事陳督 局須 知 世界各國之軍隊 設法處置民軍自

此意大局之幸也孫文印

自不能聽陳都督之輕辭然徒托虛言慰藉究非所以安陳督所企吾粤父老兄弟知任事者之苦衷於是非 苦心當爲各界共諒當此 所在辨之至明絲毫無惑萬衆一心交相維繫以圖我粤久安長治之局則陳督將欲去而不忍去各界能體 行高潔本總統所素知苟社會為少數人所簸弄不復詳其苦心則宜有抑鬱思去之志矣本總統責備賢者 足知輿情所嚮公論所存 (二)陳都督省議 會 無以 商 大局初定內亂初平陳督斷無輕卸責任 pp) 易 軍 也王和 圃 協會各 順之種 報館 各 種 團體會鑒連得軍商各界團體挽留陳都 不法各界具知之該督為地方治安計不憚為難而 丽 去之理惟君子難進 而 易退陳都督志 督之電敷 十通 行 其

文 電

im.s

救民疾苦之通電(民國元年四月五日)

時約法來中央平政院陳訴或就近向都督府控告一經調察確實立予盡法懲治幷將罪狀宣示以昭警戒 各省都督具有治兵察吏之權務須飭所屬勿許越法肆行一面出示曉諭人民有前項疾苦者許 欲橫溢官吏放肆民人無依若不從嚴締治將怨鬱之極挺而走險恐非地方之福現在地方官制尚未 名籌餉強迫捐輸甚且廣入勒贖者有因挾微嫌而擅行逮捕人民甚或鎗斃籍沒以快己意者排擠傾陷私 將領良莠不齊每每憑藉權勢凌虐鄉里有非依法律輒入人民家宅搜索銀錢衣物書籍據爲己有者有託 本總統雖解職在卽然念及民衆塗炭國本所關不敢自暇願我各都督百僚有司共勉之此令二十八日孫 各省都督鑒臨時大總統孫分此次改革原為数民水火乃自各省光復以來各地方行政長官及帶兵 其按照臨 頒行

文印

集

附就臨時大總統後所發布之各種重要通令

脂蕈突梯恬不知恥以致君子在野自好不為事無與治民不聊生踵循不悛以底滅亡民國成立萬端更始 隨心之便一或不慎將有甚於滿清之季者治亂之分端在於此言念前途能無兢兢南京臨時政府草創之 舊日城祉掃除略盡 一)滿清末年仕途腐敗已達極點親貴以財賭招誘於上士夫以利祿市易於下奔競弋謀相習成風 |蕭整吏治時不可失然而法制未願考試未行干進者有乘時竊取之心用人者有高下

察受者不白是為冒利胥無取焉以後除有特別緣故不得兼職以

能掃

除弊蠹近歲以

來是非倒置黜陟不公致鑽營奔競之

風大

開

謹

(蕭官方)

而飭吏治切

IJ

此

分

何

取

滌

官常

維我

同官各宜清白乃心束身自愛毋負

本大總統

般

般語誠

之意

此

分

学賢能 際各 身之具 而 邊號畢 處 遠引是為 其遺患方來何可數計 奔 業家混 走疏 附來求 Ψ. 至要又查各部薦任各員每有以 枉 得之為能雖 地位者當不乏人以此苟得之心遂開詐偽之習或本舊吏而 為此合 轉 瞬 仰該部總次長等於用人之際務當悉心考察慎重 統 政 府 ---成立 人 而兼 此 地各官署立 兩職者殊非慎重職 卽 取 消然使不肖者得持 務之道薦者不 冒稱新材 銓選勿使 知是 或甫 此 非 以 才 入校 爲 濫 進

厚者或貶節以 得 務 舍喜怒為進 存 絕 (二)方今民國初基首 非 根 分之希 株為 水全巧 退 此 冀而 通渝 如 有此等情 滑者益 作 百 僚須 無謂之營求况佐治 在任用賢 形 知凡屬官員 趨炎而忘耻官方既紊職守全隳傾 屬員 催 其 皆係 申 訴 需才果有寸長 倘屬員 爲民 服務官規具在 對於長官 奚患淪棄自今以 覆之由 再有鑽營奔競 莫不負應盡 多在於此此 往 情事 之責 該管長官 等惡習 必當 任 而 一毋得 重 無 加 特 自 懲戒 以 應 别 之 好 痛 以 悪 利 加 肅 為 益 湔 7

之慮亟宜重 知 、禁烟為除害救民之要圖凡我國民尤宜 (三)鴉片烟為害歷歲久遠年來訂限 中嚴 禁責 成各長官將從前禁種 視 禁絕幸覺悟者日多稍免茶毒乃軍與之後禁分漸 為耽 禁運禁吸各辦法繼續進行 毒互 相 勸 逐不得 圖 時之利 ·毋得稍· 而忘 有疎解弁當剴 無窮之害 地復 تالا 切 有滋蔓 曉 諭 俾

四)據該部呈稱 擬 第刊 新模鼓鑄紀念幣就中一千萬元上刊第 期大總統肖像 流通遐邇 垂 為美

電

文

談 通 査 其 用 幣 徐通用 新 制 幣花 改 良新民耳 新幣花 紋 中間 應繪 目自屬要圖 紋式樣亦 五 穀模型收豐歲 應 所請以一 律 更改請 千萬元上刊第 足民之義垂勸農務本之規 將花紋酌定頒發分合各省造幣廠鼓鑄以資遵守等情 期 大總統 肖像以 爲此 訓 令該 爲 紀念 部 卽 節應 便遵照速將 准 照行 新模 其 前 來 餘

印就分合各省造幣廠照式鼓鑄可也此合

爲萬國 告之輕 乘民 猶用 民事案件有賠償損害回復原狀之條刑事案件有罰金拘留禁錮大辟之律稱情以施方得其平乃有 拘 行 留 政各 戒責且 國 詳 (五)近 ·便執行之迅速逾越法律擅用職權漫施笞杖之刑致多枉縱之獄者甚爲有司 官署察 所屏棄中外所譏評前 細 初 規 成 法令未 世各國 定俟之 |施之婦女以 理及 [刑罰對於罪人或奪其自由或絕其生命從未有濫加刑威虐及身體如體罰之甚者蓋 他日 剕 具之際復萌故 决民刑案件不准 滬 法 上開 亷 此 清末葉雖懸爲禁令而督率無方奉行不力頃 通 最早 態者 亟 四 再用答杖枷號及他 宜 方觀聽所繫之地 申 明禁令迅予革除爲此 項不法刑具其罪當笞杖 而員 司猶 分 踵 仰該 | 故習 聞 部 則 上 海南 速行 其他 心枷號者 各省官 不取 市 通 飭 裁 也 所 判 夫體 悉改 屬不 吏難 所 審 科 論 保 訊 罰 圖 罰 無有 案件 制 司 宣 法 度 金

慮為此合仰陸軍部速即頒行軍合合責成各軍司令以下將校切實奉行以後各負其責任並附譯該報所 切實警戒 (六)頃 約 東不惟 據 上海 太晤士 貽笑外人後 報載 患何堪設想該報所載下級軍官及高級之官終必同受其危險者誠 南京之兵士現象均係實情該報向表同情於民國今為懇切之忠告若不 非 過

論之文給與各軍將校傳閱須知紀律嚴明訓練有素然後能保軍人之名譽壯民國之干城我金陵軍隊不 乏愛國健兒斷不容以少數不規則之行爲致壞我軍人全體之名譽也速將此義通告知之

文電

=

推薦袁世凱爲總統之各電

推荐袁世凱爲總統之各電 (民國元年

當也則堅之簡諾甚濡其言懈信彼之布告天下萬世有云不使君主 君盡 鑒因推舉袁君為第二臨時總統紛接來電相爭其詞頗多誤會恕不能縷縷見復謹將括舉其要以相答諸 君 國之分子量才而選彼獨賢勞正我國民所當慰勉道歉責之以盡瘁愛之以熱誠者總統 民國一公民不受亡清之委任於旣被選舉之日猶僅任維持北方秩序亦可謂能知大義者矣至彼 所舉用之公僕當其才者則選焉袁君之性情不苟於然諾當其未以廢君爲可也則持之及其旣 我輩之義務告盡 求全予亡清以優待亦隱消同 即為任勞之人宜敬觀其從容敷施以行國民之意使民國之根基由臨時盡力維持而完固焉公等其 其心力與各省同志左右挈提覆滿淸而建民國今目的已達以此完全民國歸諸全體四百兆人之手 (一)致廣州各界電 而 |權利則享自由人權而已其他非所問也至於服務之行政團若總統者 民國元年二月二十一日萬急廣州都督臨時省會軍團協會總商會報界及會 國之戰爭功罪弗居心迹自顯前 日之袁君爲世界之一人今日之袁君 政體再發生於民國屢次來 既非酬 皆我 览 目 電 庸之具袁 共和 由國 知 自 爲民 委曲 承為 民 爲

事宣言贊成共和民國從此大定不勝忻慶蓋全國人民之幸福也現卽報告參議院提出辭表推荐執事至 二) 致袁世凱 電(民國元年三月一日) 北京袁慰庭先生鑒畏電及唐轉來真電具悉清帝辭位

衴

文之微忱也

孫文印

共和

政府不能由清帝委任組織若果行之恐生莫大枝節執事明於理勢當必知

如

慮

時北

方無

人維持秩序當可

由執事舉人電知臨時政

府畀以鎮守北方全權謹佈

候覆件

表歡迎之

此請卽速來甯以

一副衆望

北 京袁慰庭 先生鑒今日 文偕各部總次長到 | 参議院 辭 職 已得 承諾 以 新總統接事 爲解 職 期 同 時 文

推荐 執 事為臨 時大總 統 明 H 時 **参議院開選舉會先此** 電 聞 秩 庸 少川 已

到

寧孫

文

上 海陳都督其美鑒粤督删 電 用意 專在 反 對臨 時 政 府 設於北京今參議院既决定仍 在 南 京之議 則

粤督疑慮可釋矣此復總統孫文

世凱 為臨時大總統仍以 (三)致陸榮廷電 南京為臨 廣 西 陸都督榮廷鑒電悉十五 時 政 府地 點須 袁親 來接任而舊政 日參議院於本總統及內閣總理解職後卽選定袁 府始能解職若將 來之大總統 及 國 11

都 則 **「須俟民選議院成立及舉行至國大選舉乃可决定今仍號以臨時名義於臨時大綱未嘗不合也總** 統

孫文

文 電

--

致 衰世凱辭大勳位電 (民國元年十月十九日)

平民主義不欲於社會上獨占特別階級若濫膺勳位殊與素心相違務乞鑒茲微悃收囘成命實深感荷孫 艱苦乃有今日文始終因依其間實無功可述今承大命特授殊榮中夜捫心適以滋愧且文十餘年來素持 同胞感情尙有隔閡須急謀統一 奉真電特授文大勳位無任悚惶去歲民軍起義東南十餘省已次第光復文甫歸自海外其 組織臨時政府勉從衆議承乏南都後賴我公以救國决心力全大局幾經 (時因) 國內

文元叩

表耳 之 習慣之常理常法以解决之便不欲以非常之事 寖 題之當解决必不容緩也文於謀革命時卽已注意於此定爲革命首要之圖乃至武昌起義各省不 錢幣革命以解决財政之困難今日我之不能言戰者無過於財政困難自南北統一後則謀借外債以救我 也 人 出 金融之恐慌然至今六國之借欵無 冒不韙行之我國人皆知蒙亡國亡與 以紙票代之矣然則 财 而北 乘我 非常之策以應之也錢幣之革命 以文觀之民氣如 此 力 北 軍贊和清帝退位進行之順適逈出意表故所定方略百未施一 代 如 建 京叁議院各省都 設未定 表之 故 出 物 產 金融 在 有 此實足救亡惟必出非常之策事乃有濟非常之策維河請爲我政府國民言之第 紙票者將 加 工 商 其所 恐慌 督省議會全國國 未發達之國 災 ifii 必盡 成此 攫我蒙古以 成若一有戰事則更復無望然則就財政上言之無論有戰 者何 奪金銀之用 貧困之象者 多以 其不抗俄 現在金融 民暨各 金銀 常情 論之我 而為未來之錢幣如金銀之奪往昔之布帛刀貝之用而為 屈 則 而驚國人也不圖借債 爲之其在 恐慌常 辱 報館鑒稱聞遇非常之變當出非常之方以 錢幣之不足也 而亡孰若抗俄而 萬無能 人皆以 I 商 抵 已發達之國財貨溢於金錢千百萬倍 抗之 爲我 錢幣維何不過交換之中 國今日 理在俄 民國大定後財政雖 無 爲壯烈之亡故舉國 成 而 俄 人固 必較 棡 昔日 又 知之素而審之熟 起存 窮乏其 準而 亡所 困以爲皆可 致矢死 應之今者俄 無戰 貨 實 關 不然我 約 財 財之代 不 能 政問 非 故 則 而 以 甘 他 不 同

13

文

數發

給

紙

幣

以

應國家度支至

期

稅

務

處當

將

所收三萬萬

元租

幣繳還

取

消

幣 錢幣 何 之免 卽 以 也 金 國 此 銀 法 天 祗 分 然 之進化 准 所制 向 紙 定 紅票寫 幣發行局兌換紙幣 勢 所 必 錢幣 至 理有固然今欲以人事速其進行是謂之革命此錢幣革命之理 m 悉貶 不准在 金銀 爲貨物 市 面 流 國 行如 [家收支市廛交易悉用紙幣嚴禁金銀 此 則 紙幣一 出 |必立得| 信用 暢銷無 其 也其 阻 現 存 法維 則 財 錢

運可 此 值 失則 倘 其原 可 通 矣但 流 因 成為空頭票若 行 則 紙 紙幣之行 市 幣之本 面 而 無 質價廉 仍流 用無論 弊 此 行 兩 古今中 物代 於市 而易 表百貨之功 制 面則弊生矣而 外初出 不比金銀之本質價昂 時甚形便利 用 同 金銀之代表百貨 丽 性 **外之則生無窮之流弊必至歸天然淘** 質 不 而 同 難得故紙幣之代表百貨也 故 流行 也 其代表之性質 之結果 有 朔 雖 昔 失 人 多 英 而 代 不 本 表之性 質 汰 知 尙 此 而 有 後 理 故 價 質 JŁ

之收 國 無 家 從 設 毀 中 央政 紙 法 幣 防 其 府 之 功 流弊今我 毎 年 角 賦 旣 税應收 爲 百貨之代 人 旣 眀 三萬萬元 此 表則 理 則 發行 稅 防弊之法 務 之時 處旣 無 得預算之命令 必得 難其 代表之貨物或 法當 項之紙 設 Ép 兩 可 機關 如 人民之担 數 專 發債券於 紙幣消 司 紙 負 而 幣 毀局 紙幣 之發 紙幣 發行 沔 行 生效 债券 專 局 該 力 司 如是 **今如** 局 紙 幣 如

發行 及稅 局 務 處於所 於得 稅 收稅項 務處之債券 如數繳贖債券之紙幣為失效力之紙幣因代表賦稅之功用已完名之 如數 而 發出 紙幣此等紙幣以有人民之担 負 成為 有效力之紙幣 日 名之日 死 幣 放當 生 幣

毀之也 發之紙幣至於供 如收 稅之數溢於預算之數則 社會通融之紙幣則悉由發行局兌換而出當紙幣之存在發行局為未生效力之幣必需 贏餘之紙幣效力尚可再流轉市 面 無礙 也以 Ŀ 為國家賦 稅 保 證 所

之 以 之 然 非 政 觡 戜 死 發 仓 而 票 增 而 仓 困 如苦 錢之 若 府 全 售 此 欵 國 悉 銀 金 加 其 難 已 多 將 或貨 時 當 銀 便 稅 財 無 代 雖 म 價 立 之 源 多 金 所 गि 額 繳 而 祇 交 錢 金 定 抵 或 미 亦 物 抒 祇 |愛莫能 消 收 大 收 無 或 錢 有 額 論 丽 因之 此 先 口 活 毀 紙 產 若 流 祉 業 數 期 論 動 局 觡 弊 會 輸 乏工 不必 毀之 發行 免換之 助 愈 發 捐 不 口 乏適 徒 出 得 遇 捐 命 再 減 分 收 商 喚 行 如 局 輸 借 乃 奈 成 少必 用 每 此 金 發 事 ----生 出 銀 業 何 窮 外 循 市 出 人二元全國 債 亦 耳 成 面 鏠 環 此 紙 效 上 泉 恐慌 幣 力 加 不 觡 必 此 矣 種 吾. 窮 源 發 如 息、 由 如 -- m H 是 行 國 公 得 躍 中 則 中 丽 之數 加 倉貨 紙 各 國 局 家 市 國 巴 千 多 遇 幣 人 便 代 丈 現 國 볘 八 或 此 म 有 由 在 銀 永 物 價 Z. 八萬萬 一數人 業奸 之貨 流 之 更埋之地 如 非 無 易 此 境 數 囘之紙 常 於 觀 金 民或以 之需 之紙 况 商 元若 發出 融 物 if 篴 其 池 恐慌之思 面 貨 中 觡 觡 若 從 收 紙 祗 悉 外國 幣以 工 金銀 因 物 有 之行 行 由 In 取或 代 壟 囡 交 代 錢 表之貨 人 應 m 表 用 幣 斷 則 民 入 國 紙幣 公倉 必然 以 革 必無 議 之人 他 有 家之用: 貨 物之 方 命 决 物 流 民 易 此 以 預 由 轍 亦 求之市 功 之海 弊 紙 雖 數岩 算 永 去 公倉 幣 激 按 表 無 其 用 不 流 效 貨 生 外 收 期 就 代 於 如 力 紙票則 弊之憂 旣 義 如 數 地 物 金 面 由 必 稅 責 立 發 愈 如 鏠 此 憤 能 售 務 彼 則 欲 則 成 成 多 緊 囡 左 局 爲 或 則 國 報 必 Im 右 易 收 轉 死 鏠 利 家 急 R 運 效 移 票 幣 逢 益 囡 行 囘 担 他 財 Œ

凡

方

因

間

文

艦

不

म

是

宜

政

府

與人

民

同

心

同

德

協

力

進

行

錢

幣

革

命

以

救今日之窮

在

政

府

當

速

行

立

法

備

設

立

觡

想

殊

不

共

諒

當

局

人

爲

難之甚

也

當

此

強

鄰

逼

處

質

行

瓜

分之

秋

非

徒

大

言

壯

語

所

能

抵

禦

非

有

實

力之

對

待

大义

如

此

况

值

非

常

之

變

非

先

解决

財

政

問

題

必

不

能

言

戰

乃有

熱

血

之士

徒

蕡

政

府

Z

無

能

im

不

為

設

身

代

之

家

政

需

源

15

紙

囚

任

時

兵

Б.

一百萬我

現

在

練兵五

一十萬民

兵無

量

數就

俄之現

勢

而

觀六個

月之內必難出

至

五十

·萬之兵

而

我

削

之道

岩

何

必

備

屢

戰

廔

败

M

乃能

水最

一終之一

勝

語

有

之知己.

知

彼

百

戰

百

勝

今俄

有

常

兵百

萬

戰

勝

負

未

可

知

惟

第二年

175

敗

則

第三年當出兵四百萬若猶不能得利則第四年當出兵六百萬則未

我當出兵二百萬意料中當可逐俄出滿蒙之野

丽

復我黑龍江

沿

海

州

之侵

地

然

有不勝者也在此期

內俄

必

於此

期

之内

可

出

Ħ.

十萬於外蒙北

滿六

個

月之後又可

加

新練之兵五十萬然以

此

顺

敵俄

在

第

年

之戰

24

之戰 事業亦 嚴罰 爲 有 功之 各 為定 與之言仲裁 局 債 輸 種 製 略以 主 後 機 制 出 其 其受授之人二籌備設立公倉工廠以便人民以貨換幣或以工換幣之地三籌備 金銀銀 金銀 以享其利 能 關立 製出 抗 如常活動 元十元百元千元 珠寶以 悉 強 既貶爲貨物則金銀出 法必臻完善方可無弊在人民當一 若干之時便可發命分頒行 歸 鄰 無 子 而 效 7. 况我既 為 保 而 已此 抵者 必 頟 也 土 錢幣革 照第 金 氣卒不撓 語 行紙幣則財貨必流 四 錢 日 種之紙幣五毫一 能 策先 命之結 戰 物我 口毫無影響於經濟界因我不以此 而 限期將 行 後 旣 不以 能 果 解 决 和 也 為錢幣 總 市 財 惟 通工商必發達出口貨 面設立救窮會鼓吹其道以助政府實行 毫之銀幣五仙一 政問 我今日 之 面現銀之幣收換 題 祇 經 然 不 此 有作 能戰 後 次革命之後我之財 為器血 乃能言戰 故俄敢公然侵我 仙之銅幣以 過 物爲錢 朔有 或貯之外國 心多於入口貨而外貨 而 戰 仍用舊幣者 必期 幣縱全國 輔之其本位 政 於 領 立 以 供 可 設立 不 土若徒然 一全國之借貸 敗 無 錢 活 如 紙幣收 動 金銀 幣草 數 乃能 可 第二 不能 倣 沒 與 我之 命此 日 收 言 辦 謀 燬 和 相 充 本 交涉 經 以金 局 敵 事 不 公 不 而 败 我 敗 濟 成 必 此

證之以太平天國與滿清戰爲期至十五六年而兩方前後合計皆出兵千餘萬五六十年前 五 限制 出 有 至千萬必直抵莫斯科聖彼得堡 十萬人口之國能出兵五六萬以抗英支持三年之久而 以非常之力則未有不能行者也 財 矣而以四萬萬人之人工物力而供給千萬之兵五年之餉實綽綽有餘也 政 之恐慌革命之起義 與我 丽 可 近世戰鬥之力每以金 後 乘之隙者甚多若彼猶 已或疑: 此作戰之計畫為萬不能 謂我不能出千萬之兵作五 不 錢爲限吾先旣 屈 服 則期 行 第 之事 已行錢幣之革命 五年之大舉必出兵至八百: 一證之以 不知 此 年之戰 南 万以 非杜 中 剘 常 有是理 不 國 阿 理 受金 國 而 國 内 言 錢之 之戰 耶 以 耳 萬 艾 四 若

難無一 戰 與 **况今日乃舉國一心生死與共遠非往昔惟知自相** 已有三倍之長期三倍之兵數而當時人工物力尚能給之無待取助於外債而謂今日 其 有 必 俯 |勝之道| 國肯首先公式承認而蒙古一 而 聽 人之瓜分何如發奮一戰 不戰爲必亡之階孰利 以勝強 域之獨立俄乃首先承認之各國不以爲難此非故爲瓜分之餘 孰害不待智者之决也縱以常理論之今日戰亦亡不戰亦亡 俄 而 一殘殺者之可比耶今日民國成立已 固戏國基於萬代之爲愈也況當此民氣正 則不能 年 丽 **恥乎無是** 盛國 列 國 興 體 耳 其 地 方 相 理

府我國 於覇道 民當仁不讓毅然以非常之力應非常之變先行錢幣革命而後定作戰之計畫民國幸甚全球幸甚 權 心二不如 殉 人道 一公理 而亡一 戰 不 獨 不亡而 更可揚國 光 衞人道伸公理於世界 也 望 我 政

屈

新

乎

17

阻

也

孫文叩

強

而

文 電

五

勸哀世凱辭職電(民國二年)

果欲 逞樹威雪忿此但自為計不為民國計亦未爲公計也清帝辭位公舉其謀清帝不忍人民塗炭公寧忍之公 戈而 至於 必力 日舍辭職外决無他策昔日為任天下之重而來今日為息天下之禍而 國民反對猶當引退況於國民以死 屹不為動人之進退綽有餘裕若謂為人牽掣不能自由苟非託辭卽為自表無能公必不爾也為公僕者受 所難文當日辭職推荐公於國民固有人責言謂文知徇北軍之意而不知顧十七省人民之付託文於彼時 卽 雖激昂之士於公時有責言文之初衷未嘗少易何圖宋案發生證據宣布愕然出諸意外不料公言與行違 民屬望於公不僅在臨時政府而已十年以內大總統非公莫屬此語非對公言之且對國民言之自是以來 兵革必以前此反對君主專制之决心反對公之一人義無反顧謹為最後之忠告惟裁鑒之孫文 使云亂而 起衆口 勸 如此既憤且懣而公更違法借欵以作戰費無故調兵以速戰禍異己既去兵眾仍挑以 北 京大總統鑒文於去 東 戰事宜用於效忠清帝之時不宜用於此時也說者謂公雖欲引退而部下牽掣終不能决然人各有 南 **酿亂者誰公於天下後世亦無以自解公之左右陷公於不義致有今日此時必且勸公乘此一** 軍民易惡感為善意不使公懷騎虎之慮若公必欲殘民以逞善言不入文不忍東南人民久困 辭集於公之一身意公此 年北上與公握手言歡聞公諄諄以國家與人民為念以一日在職為苦文謂國 相拼殺一不辜以得天下猶不可為況流天下之血以從一己之欲公今 時必以平亂為言姑無論 東南軍民未叛國家未擾秩序不得云亂 去出處光明公復何憾公能行此文 致東南 軍 Ė 荷荷

理

請各省一致聲討袁氏之通電(民國二年

其身 以武力濟法律之窮 塗炭 用 不知自謀者更憶當時文受十七省人民之付託承乏臨時大總統 願 祗以民黨有所不滿即毅然引去以明心迹大臣風度固宜如是況共和國之人民公僕為人民荷戈以 國之大臣亦不得不以人民之好惡為進退有如 遍於六省人民心理之表見旣已如是爲公僕者卽 自安文卽 帝舉二百餘年之君位為民國而犧牲當時袁寶主其謀亦以顧全大局不忍生靈權兵草安有知 袁為標識 心不欲 流天下之血以保一己之位置哉使袁氏而果出此非惟貽民國之禍亦且騰各國之笑迴憶辛亥光復清 命以 必不可免夫使袁氏而不違 北 京 於全國共和之時 求 辭 非 參議院衆議院 達之大 職 對於國家而 向 |参議 非惟 勢至 院 推荐 其情可哀其義亦 此全國流 脫 國務院各省都督民政長各軍師旅 離關係亦 倘 有南 袁氏當時固 法則 北對峙之象是以推讓袁氏俾民國早得統一由是以勸袁氏不宜藉口 血之禍繋於袁氏 東南 非對於北方而 此舉 至 有責文知徇 正且 無 日本桂太郎公爵以國家柱石軍 使 卽 能左袒今袁氏種 自問 使袁於所謂 **睽異惑情僅欲袁氏一** 一人之身聞袁氏决以 北軍之意 無 愧亦當 長鑒江 而 聞北軍於贊成共和之際欲舉哀氏以謀 違 法有 謝 種 西事 不顧十七省人民付託之重者然文之 違法 職 以平 所自解然今者 起南京各處依 (兵力對: 天下 人辭大總統之職遂不 ·衆怒微 所 人領 待是無 知 論政 東 袖 人次響應 决 南 重 死反 出 體 人 論 民迫不可 iffi 共 勝 為人謀 入對之人! 敗 組 和 致以討 卽 織 惜 ifni 逐而 君 得 犪 內 生 閣 憲 民 Ē 民 牲 mi

文 電

命為重以國危為急同向袁氏說以早日辭職以息戰禍使袁氏執扚不聽必欲犧牲國家與人民以成一己 於部下之擁戴而拒東南人民之要求可斷言矣請公維持民國為人民所攸賴當此存亡絕續之際望以民 之業想諸公亦必不容此禍魁文於此時亦惟有從國民之後義不反顧臨電無任迫切之至孫文

20 ---

全

(一)致漢口田桐山東居正香港朱執信電 文囘滬後已宣言與各方面協同一致聲討國賊此時袁 切事 宜務

用俾不致同一 逆負隅戀棧而南方義軍勢力猶薄各地方進行彼此不相協則更使袁賊得間請兄體察此意一 求於討袁各派協同進行以收羣策羣力之效至於旗幟雲貴桂浙均已一致選用五色旗吾黨亦宜 討賊之軍而有猜疑至於武力進行為目前唯一方針請諸同志更加意努力以期早除國賊 律 沿

而奠國基孫文

朝食已分電告各同志取一 民意尤見憂國 (二)致演點桂浙粤都督及各軍 至誠惟袁逆戀棧負隅意猶叵測際茲時 致之行動吾人志在鋤奸當集羣力猛 一司介電 奸人竊柄顛覆民國公等討賊聲振天下且維持約法尊重 局一 髮千鈞文近自海外歸來誓從國民之後 一向前進决不使危害民國如袁遊者生息 一滅此

於國內文惟知憂國甚 (三)致岑都司令電 一願盡 聞公己任兩廣都司令以疾惡至嚴之人持滅此朝食之志南方健兒素稔順逆 力所能至爲公等助惟公等有以教之孫文

得公提挈鼓行

倂力求事實上之一致請公亦正告濟軍一方務嚴約束勿復生釁庶幾同心戮力共伸天討公德隆望重有 行粤省獨立以前義師先起聞至今猶與濟軍相持大敵當前而內紛不息事甚無謂文已電同志俾冺猜奠

而進壯偉何似誦公宣言有不分黨派省派之語實獲我心主義目的既合符節允當共力進

文電

促各省協力討袁電

所指導允字衆望文知憂國甚願盡力所能至爲公等助謹以電聞孫文

22 —

孫文宥

令各省討袁軍罷兵之要電 (民國 五年六月十 24

日

- (一)致朱執 信 電 香港朱執信兄鑒袁死政局 變我應罷兵孫 文蒸
- (二)致居 JE. 電 維縣居覺生兄鑒袁死政局一 變我宜按 兵勿動 俠 商 黎大 總統 解决孫文蒸
- 不來攻我宜按兵勿動維持秩序未舉兵者宜停止進行政治問題候商黎大總統解决孫文元 (三)致福建革命軍 電 碿 州轉展 南 松溪政和崇安各軍袁死政局一 變可 望平 和 已佔 領 地 方倘人

國會當息紛爭事建設以昭信義固國本兄見何如孫文元 四)致黄克強電 東京黃克強兄鑒兩軍舉義多數揭去袁復約法召國會為的袁死黎能復約

(五)致吳大洲薄子明電 周村吳大洲薄子明兄鑒袁死內外情勢變我宜按兵勿動維持地方秩序

候商黎大總統解决孫交

變我宜按兵勿動靜候黎大總統解决與護國軍方面聯絡協進唯沿用五色國旗粤魯閩等省已照行矣 (六)致四川革命軍 司令石青陽電 松坎戴總司令義勇隊盧團長請轉石青陽兄鑒袁氏暴斃局勢

文 電

法召

集

致黎元洪請斥龍濟光電(民國五年六月二十八日)

名目自袁氏倚為爪牙龍乃恣睢縱惡名器假人可為前車龍近已於韶州橫開兵禍陷粵糜爛是其 消祗 喁喁待命無事招携如龍反覆小人尤不能合有所憑藉溯昔胡陳督粤龍侷促轅下其時尚無外江 去粵無噍類政府與民更始維新萬不宜留此奇凶以禍百粤况龍目不識丁而性獨狡詐忽而 圖自保毫無政治上意味大總統依法繼任民望所崇惟能執法秉公斯天下莫敢離異西南諸省今方 比見唐紹儀等請除龍濟光電質為天下公言龍在粤三年無惡不作粤人惡龍甚於洪水猛獸此 獨立 本懷即 壯 忽 入不 士等 m 取

致黎元洪請規復約法尊重國會電 (民國五年六月十一日)

望收囘成命立予嚴懲毋以一人之故而失粤三千萬人之心非惟一方之幸孫文宥

職曰公僕一 制歷數千年共和方新忽被摧挫去亂圖治願力反前人所為有如規復約法尊重國會尤不容緩民國總統 大之規模勇毅之精神精密之條理與國民從事 (一)公以首義元勳夙繫人望民國創始文慚薄德與公追隨今聞於陽日依法就職良為國慶中邦專 切僭制妄作宜即屏除庶幾氣象一 變目 建設天下幸甚孫文佳 前紛糾若定前途希望無窮尤企公本高尚之旨趣宏

(二)治電敬悉文前電請規復約法尊重國會二事為根本要圖覆電已承嘉納顧經過旬日尚未施行

效

害屠戮 戰靜候解决旋讀十六日申分飭各省撤兵停戰具見至仁大公無任欽 命令變更不法之命令其間毫無疑義內外期望惟 謹申前言以當芹曝囑派代表 間 傳聞謂因審慎手續其實約法停廢國會解散俱係前人越法行為今日宣言承認遵守不過以適 區胸安邱似此 顯違 明分應請嚴電懲究倂電閩粤軍官須謹奉命令不得縱兵殃民以維大局孫文 一節稍緩當更電告再者文以公依法就職逕電居吳朱諸人及福 此最 先 切糾紛宜令速解願公無復顧慮辱公明問文 佩惟得最近報告張懷芝等乘機侵 建民 軍息 法之

此

文 電

視

盖

向

聖地作戰自囘教徒觀之乃大不敬也且恐中國內懲或致引起協約國

間之內訌內訌

生

則

與協

能

輕

精

徒

致黎元洪請規復約法尊重 國 會電 致英相請 勿加慫恿中 國加入協約電

致英相請勿加慫恿中國加入協約電 (民國六 月

之病 官員 者自此 自 討 分 肿 統 嚴 和平之習 爲 (蓋)自 論 别 終 中 謂 意 運 夫不 雖不惡識 渻 文中國之愛國士也 未 國境 協 孰 文審愼 而後此 動 友跳 H 泯 約 慣與: 能自 中 內 圆 國 滅 國加 人 勢 要 敞 感 逼 行 豣 種 則太短之英人鼓吹中國 推 且 力 視之協約 究竊以 入協約 情耳 照料 有 強 中 信任心遂大搖動矣若 其 機可 結果各國胥受其 大 國 但若 尙 丽 加 大不利 須 爲 且曾賴英國保護得以保全生命亦英國之感友也責任 乘安 國欲 有 入 異見 善爲 中 此 危險之兩 國 知 H 說 於中 看 破 拳匪妄殺外人之舉動 國加 ---甫 生 護扶 壞 傳 英二 則 人之一 r|ı 害而 大 中 中國 加 大亂隨之中國 ĬĹ. 部 國 助是中國 一國之情 適 份 入之說生英字報且 在 執 果人戰 東方利 念適爲協 興 者 政 兩 皆將 者之間 未 國 形爲閣下告焉英人常 局 可 有 被 猛 害蓋中 人民從前極信任英國之實力 視 激 已生 約 則 不再見於今日戰 更大之英國受害自必愈重再 為組 國 iffi 必妨害中國之國家生活且傷 起自起 自 內 國乃 認不 有主張派華兵數師赴美索波太米亞 織完善之國家其 訂. 意見不 義以 能與德對 幼 有以 合將 稚之共和 事 還 仇 __ 抗之一 中 關 爲 外 國 亂 能自全者僅 所 感 無 國 知之輩 加 在不敢不以英 情 階 與其 恍若 入 已見 證 囘 丽 協 教 損英國之遠東威 仇 也 約之間 徒 劉 消 一段總 最後之勝 甫 外 於外 賴 亦 滅 人憲政醫院 派 正 與囘 國 惟 理 國 報 民 題 未 人 仇 嗜好 利 駐 作 屬 Ħ 何 外 教 告

但

文

蕋

種行動文之曉然於闊下之前者不獨志在保全中國以免離亂亦因對於英國感情極深有所感而發也 約國之主義大有妨礙此誠中國內亂之極惡結果也依此情形處此時機中國除嚴守中立外不能望有他

文

電

=

集

明於此

,必能曉悟但恐彼國際行動已經發表不能等於兒戲遽爾收囘轉圜之方仍視我國令者報稱政府

危機文處南方察之最審昨已以此意電英國首相勸

其

打消

此

議

英

相

賢

察

動

商

及誠

使了悟

必不勸誘中國蹈

此

關於加入協約事致北京參衆兩院電 (民國六年一 月

恃強權 進須視 我國事與彼殊不必以人道為由自驅入苙文於中國加入一事再三熟盧審察南方情况灼 君 侮 內 起 爲 諸國引入中國 使協商諸國之弱點暴露將致發生他種 岩與土 兩種 有以利害言者謂加入之後可以一躍進為頭等國外交從此順利言之自成理有以人道公理言者 敵人損傷及我之事其圖報復者將不辨國籍恋行殺戮第二之團匪彈指可見囘教徒 與己 北 自 必 京參衆兩院均鑒外交問題關係至大文亦國民一分子於此不能不貢一言今日主張加入協商諸 有 危 須懲創 一一一 妨 戰彼必循其宗教之熱狂起而 力加入之結果於中國有紛亂之虞無改善之效則 協 以 商國之團 為排外之盲動也一為回教徒之離叛華人排外性根久伏遇險必發一 義不能坐視公理淪亡雖以國殉亦所不辭其精神尤可欽但文以爲一 圖強助 **結將形** 殊不可 危險此 得而團匪之禍先被之更恐以 困難則欲 反抗中國從此大亂危亡指日而見此豈徒中國之不 實於中國與協商國 為人道助者恐反為德人所利 頭等之想像恐未可幾且為 兩無 中國內訌將有 利 益之事 但 此 一二國以 也且 兩 危機協商 旦開戰 國之地: # 他 在中國勢力不可 國 知加 本為利害之爭 __ 損 利 國 入以 位 則 者 而: 人 國 能 心有國 同 之行 已 未 否上 謂 後必 時叉 協 能 德

之淵庶幾不負國民重託孫文

已决加入此或有迫而然諸公代表民國責無旁貨務望審察堅持轉圜樞紐惟在諸公勿以中國投之不測

文

觉

=

義虛

爲二百二十萬匯款事致泗水中華商會電 (民國六年一月三十日)

會收 赞助何處有二百二十萬交文以助政府荷屬自開戰以 事人從中侵蝕虛 府資會未經借過一錢於此事無須容喙若貴會果有此二百二十萬曾經撥匯 銀行單據可憑即應提示以便追查銀行總之文雖收過泗水一萬八千餘元並非貴商會經手貴 二百二十萬之說當帝制議盛之際文道人至貴會陳說大義約共擁護共和貴會首鼠兩端不肯爲絲毫之 由陳鐵五匯囘英洋二千七百元統共日金英洋一萬八千九百四十元均經由本黨財政部發出收條 千三百一十八元一角二仙内祗有泗水劉亞泗古宗堯經手匯東京十九次共日金一萬六千二百四十元 求等語查文此次為維持共和 百二十萬文未收過一錢文所經手借債二百七十餘萬元均經約定國體鞏固即予償還故以實情聲之政 據何 泗水中華商會鑒閱報載貴會電財政部云前交文欵二百二十萬係助政府之用未望償還請 構事質誣揑他人尤不可容法律具存公等應知自惕若謂電文非由貴會所發則假冒商會名義發電 存 如謂 報圖 查即 **数已匯出** 損 知 他人名譽必應控追如貴會未嘗經手有此二百二十萬元即 匯於幾何不能誣揑資會如果曾經匯欵與文則必應有中華革 未得收據則 推翻帝制曾借日本商人日金一百萬元華僑日金英洋共一百七十四 由何人經手交某銀行於某年某月某日匯至何處交何 來限制帶現銀出口凡有大筆銀 則 文並 係貴會濫 未收到顯係貴會辨 、 錢來往 命黨收據試問 必經 用 會所稱二 人收應有 拒文要 商 並 銀行 曾名 貴 無

必有其人若不從速電部更正澈查冒名主謀依法控告則責任有在亦難爲公等曲恕尚望審思電覆孫文

文

配

31

主張護法之通電(民國六年九月)

為天下 湘 軍 護 維持國會質具犧牲之精 西南舉義 北 政府以 南 法 其 討 舉 一有襲段祺瑞故智敢與約法國會為 前 所共見 逆旋與 兵 者 資統 段祺瑞主使叛黨蹂 眺由 兩 嬼 於蹂 近以 扶 ---海 義 而利進 軍艦隊南下號召 西南 躪約 不辭勞瘁躬 :將士用。 法解散 行文與陸 胂 則 (躪約) 除 依照軍 (國會則· 効地 命克奏膚 14申請 法解散國會文與西南諸將帥痛共和之中絕懼民國之淪胥率先主張 唐兩公同 驅 含恢復 仇 政 聯 者一 府組 合西 國 功傅逆潛 被舉為 會議員 南 息 約 織大綱非至約法完全恢復國會職權完全行使 尚 法及舊國 師 存量容 旅 大元 在 逃段賊解 《修力同 粤開非常會議食謂戡定內亂恢 九帥責以 坐視諸公匡時愛國具有同情尚祈一 會外斷無磋 職於是有 心共謀約 興師 討賊之任 商之餘 法國 主 張調 會之恢 地 和 由 以 是滇軍奮起 文雖不敏於擁護 復品 解决 復約 區 大局 爲 法 時斷 者惟 國之 必 西 致主張 蜀 須 誠 聯 組 不廢 約 此 法 次 翩

堅持到底民國前途實利賴之臨電迫切無任神馳孫文巧

文對於真復辟者雖以為敵未嘗不敬之也今張勳雖敗而段祺瑞等以偽共和易真復辟其名則美其實尤 馬 <u>二十一</u> 電奉悉清室遜位本因時勢張勳強求復逆亦屬思忠叛國之罪當誅戀主之情自可憫

粤自由集會將來再由國會以决凡百措施布置既周乃以海陸軍護送國會至國都然後可使基礎不搖成 會則凡百措施皆為背法彼叛人既不利有國會我護法者必當擁護之是以文到粤後即電請國會議員來 .-..-勞永逸之計不然則今日外人已認民國為未有合法之政府將來危險更不堪言我公再造民國勳在宇 一祸亂之機方始與公倡義護國之旨相戾已甚國會者民國命脈所存託名民國獨 去國

宙救國之畫必有早定既承勉以共濟尚乞協力主持孫文敬

文電

護法之役致川愼黔湘各省要電(民國六年

(一)致湘鄂各將領電

一)衡州劉鎮 守使探轉林德軒 先生鑒豪電悉知 擬率所部北伐熱忱毅力至堪嘉慰 望即 興

君妥為策畫與在湘 各軍接洽勉事進行以 樹大勛譚黛督處已另行電告矣 此覆孫文六

(二)長沙程省長轉襄陽黎師長荆州石師長均鑒近讀通電知舉義荆襄宣言討

君指揮其間從此左提右擊共清中原匡復之功良可預竣所望努力進取勉膺難艱先電馳賀續盼提 風聲威稜所播足褫逆膽方今滇黔聯軍已先克渝關湘 桂諸 師亦進規岳陽荆襄控扼大江 M 連巴 蜀 音孫

文十一日

(三)零陵劉鎮守使鑒近據譚石屛先生自滬來電稱前派畢同至湘號召義軍作西南之聲援嗣 聞忽

傠 因事被逮羈押零陵囑代電尊處請為省釋等語查畢同 請量予省釋以 層國民好義之氣希裁酌電覆 為荷孫 文稿 返湘舉義志有足多其後因事逮職 倘果情有

可

原

四)長沙三井洋行 轉余建光探轉 林谷凡旅長鑒簡電 誦 悉近 日 少數 人雅 於私圖 率 主張 和 議 陸幹

宗旨則無論如何必貫澈始終爲止况重慶已得荆襄繼起倘能竭力堅持必可益望發展嶺南方面文當力 卿且密電 吶 粤議 取 銷自 主 嗣莫代督以衆意反對抑不實行態度頗 極曖 味文以 爲現 在 冱 何 既 以 護 法

賊為大江義師

樹之

尤宜奮劇也孫文敬 Æ.)衡 州

任維持之責望兄與

湘中及前敵各將領互以

此

意相勉使勿誤於緩兵之護致廢

一簣之功

時

事多艱吾人

萬

拳 方警省既 戀奸囘之興逆我武維揚繫國 開 天下之先已褫奸人之魄會師 程總司令趙師 長 林旅 本 於苞桑共拜嘉貺 長林民政處長 武漢 盾 在 折 孫文得印 永州劉鎮 顧 驅場賢勞曷 守使 均 鑒段 勝系 念茲林 逆竊 柄國 祖 涵 法 攸数 馬也 往 15-衡 間 永 首 藉 致拳 義

致黔督劉顯世電

我有則 則豫洛 一)貴陽劉督軍鑒頃奉歌 淮 順江 泗之郊必有 東下熟能禦之望促莫 起 而景附者 電 知我軍 挽囘 帥 及電輪司 氣 ·已克重慶捷報遙傳無 連 在 今日 命倘 惟 部署惭定宜 左右 圖之孫文七 ģþ 任 會率精銳逕趨宜萬應 忻慶渝關控扼大江风 H 荆 稱天險今既 襄創 義之師 爲

方均宜顧及援湘 應必當竭力援助後有規畫幸時惡教孫文 乞靈外人冀逞殘穀狼子野心罪不容死西南共 (二)貴陽劉督軍鑒報載公通 即所以 保黔而 和 電]1] 援湘 義 規 JE (起義師 一鄂尚希與唐陸兩 詞 嚴 足 非 寒逆贍敬佩之至段 實力聯合不足以 帥互相提挈以奏討並之功軍府居 抗兇鋒 城肆厥 m 暴力近更謀軍器借 **将國難點界** Ĵij 中策 湘

雙

欸

3**5**

三) 致雲南章太炎唐繼堯王文華等電

一)雲南 督軍署 轉行營章太 炎先生鑒申密江電奉悉陸此次出兵本在攫取湘權 長沙既得 其欲已

馮意益 償故一 再 肆 局勢至此 電馮停戰 危險質甚現幸黎石 而 未及 舊國會之應恢復對於岳州 兩 師舉義荆襄聞聯軍亦下重慶大江 北 軍亦 無驅除之意於軍府始終無誠 脈絡可望貫通 此 意之表示致 實 大 轉

渝事稍定即分兵東下武漢三鎮桂所必爭倘能爲我所有即形勢略定文於皖洛之郊亦稍

期內可有一部出發此後局勢不無挽囘之望惟在吾人奮勉而 已孫文七 日

一起相應此間征閩軍已定協和統滇軍競存統與軍悅卿

統海軍

玉堂任聯軍總指

揮

星

有

布置屆

時當可

並

機望促蓂帥

遙傳 欣喜何 (二)雲南督軍署轉行營唐元帥黔軍王 極 渝 關 控扼 大江 實爲天險今既 爲 總 我所有 可 介 少 剘 鑒頃接茣 義軍 旌 旗可 볘 魚 以 電 知聯軍 直指東趨壹刻日督師 已克重慶吳 周 出 潛 陝 遁 聯 捷 合 電

荆 襄傳檄大江 以 慰國 人之望軍旅賢勞臨電 馳念孫文八 日

戰 議 和全出 (三)雲南 於自便私圖故於近日荆襄舉義槪稱之爲暴動其態度可見惟各方對於此舉多未贊同 督 軍署轉 行營唐元帥 並郭 E 劉段諸君鑒申密字鏡兄等支電奉悉正議遠慮甚佩陸 現海 主停

大部兵力布置不久即可次第發動望葉帥迅出宜昌東下進據武漢則長江以北將悉屬軍府範圍屆 軍及演粤軍已於佳 日開始向閩省出發荆襄及南陽已先後舉義滇點聯軍已克重慶文於黃河 流 域 時 亦 陸 有

雖門.

獨

議

和 亦

無

能

為

也

知

念

特

覆

孫

文十

H

黄河 流域文亦均有布 四)雲南 派滇軍護送由桂 督署 轉行 置 皇莫帥 營唐元 赴演共三百七十 帥 速出宜昌趨武漢下 章太炎先生 离分裝五箱計三百二十五册內三百萬歸葉帥撥用叉二十萬 抄 鑒申密太炎先生魚電 游響應者必羣起陸雖單獨構 奉悉滇海粤軍定日內出發赴 和無 爲也債券安南

閩

交太炎先生五十萬交黃復生先此電聞孫文十 日日

接境各官廳軍 德貴護送公債收條三百七十萬共大小六箱及滇軍 五)雲南劉護督 隊特 別保護沿途 並 轉行營唐元帥 關卡迅速放行 均鑒申密刻特 並同 十 時電粤桂 餘 派黃嘉梁為雲南 人 日 大吏飭 內 取 道 粤 闔 一勞軍使 柱 體保護驗放爲要先 至滇望尊 隨同 處通分演省與 本 府委員 秦天 此 電 聞 廣 173

形見覆孫 文删

全

子 處置滇川事得左右及莫帥主持川事又委黃盧辦理文亦何樂紛歧事權以生掣肘想亮及之孫 轉章太炎先生鑒真電奉悉此 間並無派 趙端爲招 撫使倘有假名招搖踰越軌範舉動 請商由漢帥 文 酌

派員赴渝 (六)雲南督署轉行營唐元帥鑒申密頃 接洽不日可到等語林君 於川事素有聯 據林參議鏡台自重慶來删電內開 絡果 如所言於川 局前途殊多進步究竟現在 頃聞 劉 鐘均决心 情勢 附 如 義 何 已

宜昌 下漢中以收奇 功 此事 是否可 行文未遙度並希裁酌見覆為荷孫文巧(十八日) 望約與

商當

不

無裨

益又林

君

來電

並

稱現川滇黔將士均

極

服

從

左右

調度應

清酌

派

勁旅二大隊

出

文

雷

也文沁

之五十萬一箱係託劉 軍十名弁目一名於本月二十日內外由 七)雲南督署劉護督並 一護督留交寧遠張午嵐總司合者 轉行營唐元帥均鑒茲派雲南勞軍使黃嘉梁及委員秦天樞馬德貴隨帶 廣州啓程經桂赴滇解送債券七箱共四百二十萬其較 到時請電致寧遠以便張處派員來領 並 一望尊 前數 處仍 增 加 滇

通筋溟省與桂省接境之各官廳軍警一體特別保護為要孫文

後如兩廣無甚變動當逕以正式債券解送以保道途之安全幷免以公债收條更換債券之手續重複 日左右由粤起運惟近據私訊陸有冷兩廣取 意亦以為然也知關注念特此電聞孫文 三星期不能抵滇且為數又有七箱之多中間恐難安全現在正式債券三四星期內可以造完不如 八)雲南督署轉行營唐元帥章太炎先生 銷自主之說雖 均鑒申密前 未徵實然訛言繁多運送程途在兩粤境 因運送內國公債收條事會經電達擬於二十 待 想奪 造 內 成 非

順 曷若就歡迎於湘 倍蓰况滇爲首義 流東下會師 九)雲南 武漢則 唐行營章太炎先生鑒申密 具軍 「鄂望告莫帥早撤駐瀘之師鼓行 安頓 長江下游黃河流域必更 於 偶至勞師之病 效電悉北軍內 月. 有嚮應者斯 m 瀘州雖拔 東期與黎石 紅黎石奮起 兩軍 榯 破竹之勢已成 賡 聯絡破敵必突不然困頓 (續開戰) 此 時用 所 其所獲 損質多與其重 兵之地適在 視之瀘州損失奚啻 於瀘非 中原 恶威於蜀人 《倘滇軍船 沿計之得

一十)雲南唐行營轉章太炎先生鑒申密漾電悉瀘州已拔甚慰能不與川軍爭持剋取東下大局庶有

Ł

(十二)萬急雲南行

營

唐

元

帥

鑒申

密

H

議員

菊

池

昨

電

云俄

國

內

亂

由

俄之德俘

煽

成

恐

有

#

國

煽

動

餘 裨 **个其**改用靖國軍名號請告 不 M 益 營不日 矣 昨 所 得密告北 亦可 示三事 向 閩出發如 軍仍廣南 張積怨已深無可 漢帥 秀山能 來議和 轉 於中部 (動前敵 排解 必非誠意李秀山 程 獨 將士與之提挈為禱文勘 潛處已復電 立則 北方援師 能度漸 聯 絡幷 近明 已絕破閩 表同 瞭聞 意 必矣林 過程松經 有 派 兵浦 德 出 軒 兵兩 口 截諸 等起兵湘 團 北 攻 一國競 兵之事

西有

兵二

存

得

兵十

西

南

益

統 指揮起 (十一)雲南行 見文極 贊同 營唐元帥 責 望所 貴陽 關 劉督軍 兩公毋以 **鑒劉軍** 撝 謙 自許望早 **漾養兩電均悉熊鎮守使電舉演川黔三省總副** 就 職以 慰衆心 文豔 司 分為

救倘荷贊同 物力以攻俄之說對德宣戰 圖 爲宜等語 東亞大局 擾東亞平 一教濟文以 查 和 為南 此 致 者對支政策 此 將 次石井使美梁士詒赴日段充赴歐 (尊旨見) 北和議本不容外國干涉但恐為強有力者所制是為可 際認為必 元示俾早 變昨 已鑄 要至急派遣 啓行 成大錯今并禦俄 閣 議 决定 幷 西 轉 與 南各省之人於日代表南 告 (協商國 儒 舟 德亡國必矣今擬照派 助 青 商 戰監督皆與 陽 議 復 生 姖 南 北 帆 八日本此 妥 諸公為 方各 協 中 舉有 一

形

文

艶 慮幷聞協商國 派 國 張 (汪二君: 以 早 關 在 歸 國 4 日 赴日 脈將 有信用之張 和 南 有利用 災 陳述意見 方 此終 須 多 不得 繼 中 讓 藉 國 汪 步 人衆 圖 不急 兆 勉 鈋 求 挽

政策 十三)雲南 **遵段轍其所承認某某** 督 軍署 唐 萍 條件 賡 先 皆敷 生 **鑒義** 衍 密 請 時之計今軍借數又 譯 轉李 文字 鋌 JE: 由 塘 馮相 靜 庵 接向 諸 兄 伯 某國要人交涉 籣 來 電 云段)成立國· 氏 復 出 家必 馮之

希

錦

文

鬥志事必有成

協和

競存

攻閩之師

已繼續出發岩共和有

幸得

以保全破賊

必矣交陷

護法之役致川濱黔州各省要電

F 宜昌 圆 由 動員介 會 漸趨滅亡况苟且言和馮段合謀挾中央以臨長江西南諸公必無幸免此間已與贛寧秘密商定確 一馮段窘 政 府 抵 宣 抗 或 有明 誓守 北軍 令停戰 法兩事 北 **方各省內潰已甚我軍能堅持不特段倒馮亦隨之應請莫公速通電** 已準 但 我軍萬勿輕以承認致貽 再議其 他條件以 爲將 來 後患此電係代陳贛寧之意伏乞垂察洪 根本解决之備 並 以爲贛寧之聲 援並 二事 伊 逨 宥 恢 分 已密 兵下 謹 復舊 轉

達文陷

動兵已 督 此 失又電云此 轉唐莫譚三督及西南各軍迅速一 機萬不可 已悟調停無望且 7 成 应 事)雲南行營唐元帥鑒申密伯蘭敬日電云段復出局勢大變北兵陸續南下並决議先取 失以 實但 間與各方接洽已决議徹底解决長江戰事恐不在遠亟望粤軍 私 恐狐 藉調停以緩我師决以寧力抵抗日昨已密下動員仓軍隊已由 言之寧贛竭誠 立. 無 援長江 致進行勿命寧督陷於孤立岳州北軍已有退讓之意天相民 或爲 助 我 北 護 軍 法决不可 所 踩 蹦深 坐視 望貴埠軍剋日東下以 其 危自 翦 羽翼等語 攻閩 分 查 北 此 湘 間 軍速攻岳州以公言之 浦 軍之勢武漢 觗 П Ц; 得 各路 發事機迫 北 消 國 機不可 南 軍 息 京寧 寧巴 切請 久 111

E 用嘉慰文猥承大任義必堅持國會諸君 趨一 十五 致分路出 二 雲南 唐元帥 |師計可實行尚望時慰箴言以匡不逮孫文陽印 轉章太炎先生鑒義密冬電悉唐 時相接洽均能和 帥决心北伐贊同 衷共濟可 副雅懷陸帥陳督近因利害共同 軍政 府先生此行益資固 聯絡 良

(十九)雲南

唐元帥

鑒申

密

川

事非得民軍

助不足以資提

挈黃復生盧帥

諦在

瀘

組

織

四

JII

國

民 軍 全

威繫於諸帥公負海內重望早經誓帥 十六)雲南唐元帥鑒義密程王堂總長由南寧返粤陸帥决心討逆已有誓約兩廣可歸 北伐務請首先來電宣布就職 陸帥自未便獨異軍府 臻 致軍 固 結

府鄭

戰事開始外交即 可認為交戰團 體此中 關鍵諒 已洞 遍不 勝 **盼切孫文庚印**

歸 致外交承認關 十七)雲南 唐元 鰎 在 帥 轉章太 視 諸 帥 是否就職 炎先生鑒義密程玉堂總 先生望重海 內 長 唐必能見聽除另電 由 南 寧返粤陸 帥 **心詩即宣** 决心討 布 逆已有誓約 就職 外 務 望 兩 速 廣 口

勸駕唐就陸必不辭勢難再緩幸力圖之孫文 庚 FII

聯梁說實訛傳此間仍與陳督協議撥囘前親軍 嗣聞梁士詒亦適嗾莫擎宇張天驥等在惠獨立謀粤競存 (十八)雲南唐元帥鑒申密譯轉章太炎先生鑒效電敬悉競存前因陳督收其親軍故在惠招 陸陳意亦沒接近本日派演泉謁陸商方略俟稍 : 乃急止 所部舉動梁段謀逐敗故惠事 妥協 驟 集舊 發 卽 ÉD 定 部 分 41

別出師先此 奉覆以後倘 來電有關學事請改用 中密孫交有

和 茲已任命黃為該 川軍 此三人 均可 軍 為用請 總司令盧爲 量予援助 副 司 並 **令石** 電前敵各軍 青陽在 相 綦江 長轉 亦 組民軍 筋各 師 旅團 已任 長知 爲川 照互 東招 相 討 接 使關 治以 於牽 資 連 制 絡 遊軍 及

(二十)雲南唐元 帥轉行營章 太炎郭王劉段平諸先生鑒申密電悉偽政 府利用此間弱點 搗亂學局

孫文

八

文

霊

其自覺孤立非與軍府固結則將為學人所逐自可審度利害就我範圍舉足重輕繁於唐

|帥惟諸

君圖

之孫

文眞印

九

護法之役致川濱黔湘各省要電

晤近 粤桂 感情太惡其中情形複雜雙方皆有通北之嫌甚至玉堂之態度亦頗 無實力無從發言所幸海軍 派溥泉使陸請其承認軍 如起內訌 於援湘 ŖD 生障礙西南全局或致動搖即軍府亦難立足此理至明人所共見惟陸陳始終不 **尚能自保唐帥旣已親自督師** 府文必降心相從即退讓亦無不可茲又派漢民往梧記未得其答復粤對陳 理應即 日 (難測) 宣布 就元帥職以 日間决裂之勢益形岌岌軍 壯 軍威 並 電促 陸 府 使 旣

及電 之反對卽知段逆狡謀之難成公擬聯名致電日本洞中肯要文極端贊成請列鄙名由尊處拍簽以免遲緩 公敵亦即日本所鄙 (二十一)雲南唐元帥鑒申密陽電悉段逆謀軍城借欵外兵以殺國民賣祖國而利一己實爲世界之 碼重譯之誤孫文印 棄日本朝野一 致主張中日親善豈有助段逞逆而能與我國民親善之理試觀其與論

便聯名招集佇侯答覆孫文寒印 會議務期聯西南各省為一大團體兵家所謂先為不可勝者是也如蒙贊同即希公决集 渙散若無具體之聯合恐不足以資抵抗原電似有聯合西南之意但苦無具體辦法宜 (二十二)雲南唐萱廣先生梧州陸幹卿先生均鑒奠廣先生佳電敬悉北遊勢驕且挾外力 ÉD 會地點及 時 發起 西南 西 時 南 期 聯 问 以 勢 合

二十三)雲南督軍署轉行營唐元帥鑒申密选奉文巧皓各電敬悉聞趙黃顧各軍在川屢獲大捷義

能

中止否

則

郎由

敝處體察情形聯名電日特此奉覆孫文箇

集

展當可 員 幟 則 所 各方必可捐蠲嫌怨協謀抗敵交志在救國固毫 會各節足收同力共舉之效鄙意亦甚贊同望由尊處分促進行為荷 臨 **叶足落逆膽** 預期粤局 至可 始以陳督不理 欣賀 /望藉 於 屢 隊之威 衆故 内 情頗 即 就 兙 極 帥 無芥蒂之私 紛 之職 糾現陳已 以 慰 退職 也 國 協和 人之嚮望 此 日 兄 後 內訊 主張 繼任 則 段逆確 組 者 西 織 倘 南 軍事 能 基 已辭 公忠 礎益 聯 職 合會及 衞 形 軍 國 鞏 械 共 固 借 政 濟 前 欵或 務 艱 途 發 難 委

江之形勢定矣軍旅 部 **注**并承補: (二十四)雲南 助 光感 此 多勞臨 次演 督軍署轉行 黔聯 電 神 軍 營王電輪師 馳 攻 孫文鴻 川 屢奏大捷倘江津得手望卽會攻重慶然後順流東下直趨武漢則 長 **鑒殿密效電敬悉知督率** 勁旅進赴前敵至 為欣慰石 声陽 長

四) 致川滇黔靖國軍各軍將領電

望乘新勝之銳厲義武之衆直趨大江則國人必有羣起應之者然後略定武漢進規宛洛逆軍不足平 (一)雲南督署轉重慶靖國第 軍顧 一總司令鑒支電悉執事修力我行力摧 強敵捷 書遙 布 無任 欣慶 也

電馳念續盼捷音孫文删

遠控扼南 服旁通 東川專送寧遠靖 川 邊 形勢之區 國 第七 正 可 軍. 張午 力籌發展茲加任兄爲川 嵐 總 司 介鑒傅 君 暢 南 和 來與備 鎮守使望竭 稔近狀 誠規畫以 知 心
能
勉
不 樹 勛業 懈 佩慰 傅 君 何 明於 窮

文

電

集

再

葕

赴川青陽

已改委川

北

招

討使張煦任

川

南鎮

守使傅暢任

達昌

道

尹幷

聞

孫

文

護法之役致川濱黔湘各省要電

收 政 條五 理 + 萬 優裕 計 茲 五. + 亦任 ·册裝 為 成 建 ---昌 箱至雲南劉護督於該債券到 道 尹 想能 相得益彰也 聞尊處軍 時 卽 需 由 稍形支絀特於日 尊 處派 員 /備文赴 內派 滇 員 領解 解 送內國公債 應 用 並 膀

覆孫文

共誓討 宣義 平 已 祲 相 和之勢 俾 應 派 國 荆 西 張 南 伯 法 沙 逆 露 得 為 而 荆 蔣文漢 將 速期 大江 固 布 州 頟 民 傅 靖 戮 國第 力同 恢 國之基文自以受國 來 兩 師 旅 欣 復國是得漸臻治 君 喜何 化 赴 樹之先聲從此 軍石 荆 用 慰勞外 極 能屢克名城疊摧 總 吾人 司 命 此 特電奉 會所 次舉義 傅 理 西通巴蜀 參謀 낈 付託 ·賀續 竟吾人救國之初志所望 大敵 長朱 西 南 數 南 盼 :連三湘: 全 本 劉 月 捷 為護 國 以 音 兩 來夙 風 旅 採 文 提 動 法 長 掌左右 夜自厲 逆燄 胡 衞 國 孫 李 겚 知 喪國 懼 謝 非 勗勵力籌進取大局 共規大計會西 無以 以 各 武 團 人 矯首引 副 力 長 爲國 均 國 人之望 鑒頃 南 法之保障 領 之雄 以 讀 鬒 待 賴 蒸電 利 銳 者 海 清 賴 有 內 則 夘 H 河 芯 無 義 日 洛之氛 矣今果 士 H 以 職 內 後先 促 壓 除 成

當 望各 恢 節 將 復 前 四 根 據 領)雲南 本 苟 唐 旣 ग 帥 督署 轉 固 電 閾 始克東下 業 轉 幸 經 勿 加 唐 深 委 行 望即 電介 營轉 拒 想 積 知 内 永 兄 照在 寧黄 極 必能 進 案 備 盧 近聞 酌 提 總 畫得宜· 挈 副 픠 赴 可 中 畢 介 各軍 鑒 也 商 承唐 申 滄 密 渝 白 尙 瀘 帥 元 寧遠 策畫 居 電 悉改 滬 已據兄 分道 進 行 任 並 兩 極 處 出 兄 為嘉 及渝 興演 爲 慰 四 黔共 電 劉 Ш 鐘 靕 促 來學 圖 如 國 聯 進 不 商 取 间 重 定 Ш 南 總 辦 敍 中 副 瀘 法 前 司 後 觀 必

南

鎭

守

使

傅

暢

和

任

建

昌

道

尹

附

聞

孫

文

集

文電

蒸電 促 電 討 宣 來 令 龍 粤 知 氏 布 由 Ŧî. 議 照 此 就巡 此)雲南 擴 r F1 然 間 阅 固 譯 後 充 赴 兵 别 轉 督 使 隊 以 軍 JII 有 職 署 鏡 固 機 後 陸 台 絾 毋 轉 靨 卽 然粤局 要圖 通 暫 再 重 竮 電 崩 慶石 同 來 械 **交卸又電莫督** 粤 靑陽 彈 終恐生變動 密 實 電 Ш 唐所 H 無 朱之洪宋輯 法 情 陳辨 購 形 故 取消 希 運 隨 唐 法 H 先林鏡 自 自 時 前 帥 主莫及 缺乏 由 就 電 職尤為 切 告 要之圖 台諸 庙 復 在湘 生 青陽 錫 時 君 勢所 各 一鑒同 惟 卿 請 改 滇 桂 當從 密蒸元 黔接 不可 軍 任 將 四 唐 `緩靑陽 濟較 領 帥 川 抑 宣 兩 靖 順 茅 布 電 阅 悉唐行 改 素 軍 M 就 任 行 元 易 總 得 川 副 帥 營無 滄 北 面 職 司 令 白 招 海 入 手 同 午 在 討 陸 近 密 嵐 滬 使 軍 當 業 日 特 叉 任 jij 電 經 聲 龍 將

相 日 提挈宣 會 師 云 直搗武漠扼 布 荆 自 州 石 主 一益見護 總司 長江之形勝聯西南之義軍殲 令 朱副 法衞 國之誠今 司 **介暨全體** ·由諸君 軍官 公推 均 一鑒成電 滅醜 爲 湖 類用竟全功 悉黎君天才有功 北 靖 國 聯 軍 所至望焉 總 司 民國 令 孫文 極 素所欽 所 贊 同 佩 尙 此 祈 次與 積 極 諸 進 備 君 耳. 尅

興師 荆 依 方 襄之聲 誼 秩 等 序 純 七 使 為)雲南 體 擁 息 義 旣 執 護 師 督 通 事 所 國 豫洛 文與 署 家大 至 七鬯 轉 奠 之士 法 重 放不情况 帥 無驚尤見策畫之密 慶熊鎮守 氣 爲 益 體 振 躯 戚 相 國之兵以 使及各將 則 共當 勘 亂 此 濟 望 領 協 爲 危 根 均 É 卽 同 異 獎率 鑒頃 救 本 國之 人 廓 任 軍. 清 誦 之計 時 耶 旅 元 軍 務 電 統 旅 宜 籌 執 知 質勞臨 事 頀 通 大 法 計 素 力 合 努 懷 衞 風 作 力 忠 國深具苦心 馳 進 於 以 念專電 厚 取 謀 實 貫 國 力 澈 此 會 佩 布 次 始終 斡 慰何 悃 師 旋 續 東 Ш 似 盼 滇 F Ш 捷 進 黔 局 此 次西 音 規 維 唇 孫 鰛 持 齒 南 文 宜 相 地

箇

護法之役致川滇黔湘

各

省

(八)雲南劉護督唐衞 戍總司分並轉行營唐元帥顧庾黃趙各軍長各將領均鑒乙丙之交逆袁叛國

轉戰於數千里間 帝制自爲國的 人怵於淫威暴力相 斷 **厄糜踵** 後先相繼海內始羣起 顧 屏 息 心時薬師! 僻處南疆不忍坐視共和淪胥與諸君率先聲討勞 應之卒使逆衰窮蹙以死餘逆解體 民國始克危 師 而 復定 數

艱鉅 追 一維匡復艱難允宜 所望力完靖國之業 同 市慶祝今屆紀念之辰又當民國漂搖之際漢帥及諸 成民國三造之功俾此 光輝 赫弈之紀念日與民國 水永無 君 正戮 力戎行 極 此 則 感念前 國 人所 功 岈 責辦

禱者也專電馳賀不盡區區孫文漾

當即 **介參謀暨全體將領均** 復電致賀茲接來電護法衞國辭旨凜然執事自辛亥革命以 九)襄陽黎聯軍總司令丁總參謀杜總參議並轉第二 鑒前 荆州石總司令電知執事以衆望所歸 軍張總司合李副司合陸參謀長各路 來屢著勛勣 由各將領公推已就湖 有功民國此 北 次宣 靖國 布 聯 梯 自 軍 之職 專 主 抗 司

義討 思逞厚集兵援 脱於江 一漢流域樹之風聲壯我軍 思 欲再 戰 執 事 據 荆 襄 重 威 益 地 寒敵膽逆軍之在川 地 扼 iI. 漢之形 勝 南 湘 與滇黔川 者已師 徒奔命將 湘 桂 軍互 吏逃 為聲 遁 援 合 m 好人 力 倂 猾 進 狡焉 以 成

腹背夾攻之勢則 輪 苶 返前 此失 在 姑 必勝之算操 息除 恶 未 自 拡 以 我 致奸 手若 人选出 稪 東 収 武 變 漢斷 亂 頻 仍 敵 今茲務定澄 歸路 而 西 南 大 本清源之策爲一 兵奮 擊於 前 更可 勞永逸之計 使 逆 軍 Œ 倘希 馬

積

極

進行

貫澈始終盡

殲醜類永奠民國軍事

勤

勞諸

維自珍孫文宥

<u>_</u> 트

軍之助希妥為接洽互相提挈毋任切盼文勘印

現介改稱靖國軍以歸 湘西德軒有兵三千餘 (十一)雲南唐元 衆相 劃 師貴陽 請 若 轉生前 劉督軍 集合於常禮合之張周諸 敵各將官妥為聯絡是所厚望文勘 重慶熊鎮 守 使鑒湘中同志林 軍 計 湘 西 有 德軒張 兩師 以 Ĺ 學濟周則 决計 與荆石師 范胡漢前承令 聯 絡 護 起兵 法

接洽互相提挈毋任切盻文勘印 各路合計有兵兩師均屬慣戰之士與兩公誼屬舊交义為同志維持桑梓須具同 (十二)零陵劉鎮守使長沙林旅長修梅鑒湘 中同 志林德軒張學濟周 則 范胡漢前 心現擬進窺武漢 承文命起兵 布 妥為 湘 西

頃得 法 終必殫竭棉 滬電知 (十三)長沙譚督軍程總司令鑒敬電悉忠勇至誠溢於言表苟且言和非所夙許所示各節豈不贊同 北 軍陸 力以 續南下甯已下動員冷戰事當不遠望即率勁旅迅攻岳州分其勢力文以護法始以護 相 援助望諸公共勉之孫 文陷

生函 狀仍寄兄轉前寄盧招 一稱已在這 十四)上 瀘 組國民軍 海楊滄伯先生鑒陽 討使狀卽 可得 有械八支隊請任總司合盧爲副 取 消但石仍照舊是否合宜應否宣布盼速電 日寄上任 命盧 師 諦 川 西 招 司介 討 使石 此 後委者 青陽 Ш 東招 覆 均歸復生 致方師 討 使各狀茲得 一節制 長電已送孫文 等語 卽 滬 照委 電 復

電

文

師諦為副司令該軍稱中華民國軍政府四川國民軍靑陽在綦江另任命為中華民國軍 (十五)瀘州趙軍長轉黃復生盧師諦石靑陽三君鑒茲悉已組成四川國民軍即 任命復生為總司令 政府川 東 招 討 使

除分電唐帥劉督量予援助並 |轉各軍師旅團長知照外望即妥速接治共策進行狀另寄孫文

(十六)雲南督軍署轉行營黔軍游擊軍司令石靑陽轉林參議鏡台鑒元電悉川中贊同義軍大局之

福刻莫帥已親赴前敵指揮倘重慶早下宜急趨大江則形勢成矣袁君勇略可佩應加委何職請電告以憑 核辦諸將士戰爭勞苦望隨時宣布軍府軫念之意孫文碼

Ŧi.

全

護法之役致上海本部各電(民國六年)

傳布國· 在 此 浙 不敢建攻俄之策蓋除中國之人衆物力世無足以禦德俄者文决日美之敗更速於英法 南 事若 為李督後援請李放膽做去斷不致孤立也寺內决定方針使中國南 北 一)上海國民黨本部轉伯蘭請告李督如南京宣布獨立軍 分離 人孫文 成中國其高麗矣一國之亡當亡得轟轟烈烈萬不可因馮段之私途曖昧斷送之也此 庶不致為寺內利用劫持 中央以臨各省我能分立寺內無所施技中國不與寺內一 艦當可一致相 北 調 和 利 用我 助文或乘之來滬以 人 衆物 也望將此 幐 力 致寺 救亡 以攻 意 一妙策 設 M 俄 収 法 國 冰

宜等語 籟 亞 平 兩督: 大 和 者故 局 (二)上海 此 協力救亡電末云此際 致云云石井使美梁 間 日 對支政策 經電莫賡徵求 國民黨本 ---變昨 部諸 同 士治 閣議 意 須 同 急派 一俟復電即 志鑒日議員菊 赴 决定與協商國 代表西南各省之人於 日 1段充 請精溥二兄赴日陳述南方意見文 準備 池 昨云俄 赴歐 一商量 使南 助 戰 國 監 日代表南 北妥協中 亂由俄之德俘煽成恐有 一番皆與 方各 國早 日 本 派以 此 歸 舉有 平 日 和 關 南 有信之張機汪 方須 國 入中 脈將 多讓 國煽 以 終請 動 步 兆 勉 擾 銘 告 東亞 與 橣 東

49

致譚延闓程潛請釋畢同電 (R國六年)

挽救等語畢同事文固未詳第其鄉事之始既以鼓厲民氣協同討逆情實尚有可原倘所犯輕微望即節令 **宥釋以厲國人勇義之風並盼電覆孫文十二月三日** 長沙譚聯軍總司合程總司合均鑒頃據畢同祁陽來電稱奉譚石屏命返湘組織義軍現被拘留請為

緒此 等燃眉唐督軍扶義北征心無 後當以一 自 督軍壞法國會解散民國淪亡建樹義聲擁護約法實惟西南是賴川點之門本由誤會北兵入蜀 致抵禦北軍為主旨三省形勢相 固 我而熊鎮守使周 依軍事行動宜求統一 師長亦贊成西南義舉力拒吳軍川滇 鄙意謂宜設川滇黔三省靖 黔 之 和 解 國 旣 軍總 有 禍

船

决外特此電如陳荷贊同請合詞推舉俾早收統一之效孫文印

司令由唐公擔任統率既

歸於一庶指臂之效可

期除將此義函告三省國會議員請其在非常會議趕請公

理

電

交

事負

調停之責全國屬望所歸

西南

將帥

尤所欽

重當望示以

良規力求持平庶文亦

足以將此中委曲

本

極 簡易

執

圍 結川 滇 致抵禦北軍之通電 致李純陳光遠論和平電

致 李純陳光遠論和平 電 (民國六年

舊國 (一) 南京李督軍 會 約 法 餘事 關 並 懐民 轉南昌陳督軍均鑒本 魔維持調 護深 、佩苦心 日李 尚望始終主 白兩君來學備述尊旨甚欽偉略方今欲息紛爭但在 張斯義 挽救 難 危 國 事 幸甚 臨 電 馳 念孫 恢復

四日

龍 雖獨 帥皆素以 (二)南京李督軍鑒元哿兩電均悉執事本息事寧人之忱負排難解紛之任人同此心詎能持異西南 濟 立甲 光擾西粤近且聞任曹錕張懷芝爲征 **冑未接於武漢不可謂為無意於和商權調停本自不難就緒然北方政府今任段芝貴長陸軍** 維持大局為心相見以兵勢非得已今日重慶雖下師老加於宜昌潮汕雖平卒不逼於閩境 南總副司令 汲汲備戰不遺餘力舉措如斯何以推誠西南諸 各將 荆 省 命 襄

縱不言進取勢不能不謀自衞執事又將何以教之文以爲解决國內之爭祗在法律二字辦法

諸將士以 期糾紛立解有以副執事憂國公忠之意也孫文敬 函奉覆寄渝孫文叩銑

(一)致章太炎等電

大元帥時代致川黔粤各省電

(民國七年一月)

公推屬實則軍府應加 業於青日就職不審確否前 執事勵其破除顧忌提兵進取國安乃所以保川也謝慧生 存厚既與鍾體道抗命不悟勢非聲討不足以固吾軍根本克武兄兵力既厚又得人心洵吾黨難得之士望 (一)火急重慶熊鎮守使轉章太炎先生鑒申密真密敬悉道途勞瘁極爲系念妥抵渝城欣慰無已劉 委任請召熊黃兩兄妥商辦法密復為禱去年十一 經唐帥電商軍府嘗委任黃復生盧 來言得電川中同 師 諦為川 軍總副 月手書奉悉略有 人公推克武兄為川軍 司令聞 復生 商權之處已另 現 亦 在 總 渝 司 冷 如

聯馮排段等尊見如何盻覆孫文梗 過半聞蜀中同志主張遙戴黃陂護法各軍不能力圖鞏固根本惟以利用為事恐他日失敗亦與聯段攻袁 為民黨之死活問題亦實民國存亡之所繁望聯合川滇黔同志盡力主持倘莫帥能就職則一 (二)重慶章太炎先生鑒申密養日通電西南各省說明文之主張當已達覽軍政府能鞏固與否不特 切 問 題 解

决

(二)致四川盧錫卿黃復生等電

文

魐

力謀設法

接濟俟籌妥後再告現成都

既下此

,後主持川局以何人為宜望商推電告以憑核辦其

血戦

有

功

來電 稱東日在 (一)盧錫卿司伶鑒申密頃接署銜川南民軍總司伶何紹城一二梯團 長 「甯獨立 卽 日就職連日克復興文古宋江安等語軍 政府不悉紹城等為人 一長鄭鳴九徐鑒臣支日 如何 係 受何 由 叙州

委任該軍內容實力系統如何統希查明速復以憑核辦孫文養

敬軒李靜安丁厚堂陳華峯呂漢羣向育仁諸 (二)黄總司 · 合 盧 副 司 冷鑒申 秘並 轉 石 君 青陽夏亮工 鑒頃接資州徐 朱叔 考剛 **癡宋紹尊黃聖祥** 鍾 體道 兩 君 篠 陳鳳石 電 稱 加 顏 德基 入 西 陳 南 炳 致 苑 護 蕭

計或縮兵符究應 法積之三十一 日 何八 通電推賢讓能 督川始能 適當諸 舉錦帆 主川軍 君迅速秘商 等語 推定由 查 劉 電此 此間 間 未得 卽 予任命以 而 泖 督 謀統 職 **亟應解** __-而定 决諸 川 局 無 君 任 主 粉禱 持 大

文梗

兄軍行止 近兄宜竭力聯絡使得有力之輔助庶川局能大發展於將來北伐影響尤大也至兄處困難 (三)石招討使鑒同密林君鏡台返粤備聞近狀知血戰勞苦勛績爛然甚為欣慰現呂司令旣下成 如何宜速决定閉川中各軍隊復生錫卿外顏德基袁祖銘陳鳳石陳炳堃呂超皆與軍 此 間 深悉現 府 表示 接 都 方

各將士應 馮段等勢已窮蹙我黨各能决心奮鬥結果必較辛亥丙辰為良望激勵諸將士努力進取收最後之成功國 如何獎勵之處亦望開列名姓電告為盼現粤莫督對軍府頗能聽命長江 及西 北 帶亦 漸 發展

事庶可根本解决也孫文徑

相

助

希

仍努

分

進

行

業為

民

國

國

史

之光

所厚望

心軍

旅賢勞至深悵

念軍

事

近

況仍

望

隨

時

電

為

个大竹陳 四)急順 司 慶石 介 均 鍳 招 討 林 君 使 鑒同 銳 台 密 返 粤備 並 轉 聞 永 甮 諸 黄 君 總 在 Ш 司 戰 介 續 盧 極 副 司 爲 欣 令 慰今 呂 司 令 成 都 重 慶袁 旣 下 旅]1] 事 長 綏 可 定 望 顏 統 司 分 尙 保 望 耳 甯

陳

圍 司 結 致 進 行 使 Ш 4 布 置 稍 就 卽 可 協 同 北 伐 也 現粤莫代督 與 軍 府 頗 形 融 洽 地 方高 等 審 檢 所 及 廣 州 相

交涉員 均 係 軍 府 所 任 命 粤軍 陳總 司 **冷炯** 明 率三十 餘營分駐 潮 汕 滇 軍亦 有 兩 旅 駐 汕 即 可 间 閩 開 始 攻

擊 長 II. 方 面 寧贛 兩 督軍 亦有漸趨 中立之勢馮旅 長玉祥已在武穴宣布 不願 與 南 方作 戰 陝 西 則 曹 胡 兩

日趨擴 司令已包 張 圍 此 西 後 安聞 但 在 陳樹 吾 軍界 藩 已經潛 同 志協 遁山 力同 心 西 期收 河 南吉 最 後之 林黑龍江等處亦紛 成 功 m 已諸君 在 .紛 舉義 川 勞苦 大局 情 形 日 文所深 趨 發 展 悉甚 軍 政 思 府 設 勢 法 力

盻孫文徑

理 並 望隨 五急 時 電 順 告文宥再 慶 石 招 討 轉 使 鑒同 復 生 錫 宻 卿 轉 德 成 基 都 呂 鳳 石 漢 摮 炳 堃 司 亮工 介 鑒克 勃 Ш 復 諸 成 兄望 都 勞苦 與 青陽 功 高 兄 切 致 善 贊 後 助 事 漢 宜 羣 統 共 望安 維 Ш 局 辦

文宥

四 111 靖 子 國 順 軍 慶石 西 秀 **黔彭** 招 討 總 使 司 變 介 同 現 密 擬 轉 擴 成 充 都 軍 衞 旅 戍 會 司 攻 命 武 鑒 漢等 操本 因 府 自 Ŧ. 應 叄 酌 議 委軍 安富昨 職 望 自 gn 銅 擬 仁 定 電 名 稱 稱 已 電 由 部 請 任 下 命 公 以 推 免 爲

紛歧而便編制希速電覆孫文儉

文

雹

 \exists

聯

合會議

欲

求

外交

画

承

認各

國

領

事

聞

扩

條

例

未

經

國

會

通

過

軍.

政

府

承認

75

胃胃

此

無異

天

津

督

軍

再

丽

拒

(三)致貴陽王文華劉顯世電

(一)貴陽探送王 電輪總 司 **介鑒殿密支**電 誦 悉 謀慮 周 詳 尤 所深 佩文 自 去 年 南下鑒於護 法 各

省

無

是 不就任 西 使愛國國 成 正當之統一 南 何 遂有軍政 能 各省义未協同 得 與 軍 國際之承認 民失所趨向 政 府之組 機 府 娴 共處 內 織 無 致 放自軍 時局至今混沌答誰處乎 選出大元帥 以號召全國外不能交際友邦 放始 地之學督陳炳 終 政 未嘗 府 成 元 立以 通 Éþ 告各 焜尤嫉 爲對 後非 國 內對外之統 外人 夫欲 求 視甚深百端 其 承認耳 不承認 求外交之勝利 故 主 張 ----a 然今日 軍政府 阻撓 機關 組 織 惟 政 力謀破壞以 各國 必先謀內政之修明今內 質文鑒於軍政 並 府 政 會諸 對 府 軍 成立 君 政府 護 亦 返法之人 以 鑒於 府內 已表 後元 膀 算崇 部 為蔑 帥 勢之必要 及各 未 如 部 經 視 日 組 旣 國 部 一會之舉 分 總 前 織 完 裂 致 西 長 全 南 如 皆 贄

職員 絕之現莫代督及粤省長官將 亦 均 分 别 受軍政府委任 前 茰 途現象 已稍 有 日趨 覺悟 光 對軍 朋 倘 政 西南 府之態度漸 各省能同 趨 有 接 近廣州 此 覺悟 交涉 致 員及高 擁 戴 軍. 政 等 地 府 承 方 認 容 大 檢 元 所

帥 則 國 内 團 結 既 固 對 外 發言効力自 強 斷 不 思 外交團之否認及交涉之不 朥 利 也 兄素悉 外 情 此 申 關 倸

當 瞭 初 困 然 一難皆可 倘 能 由 迎刃 兄 處 主 加解 張 抑 聯 文狮 合 給 演川 有言者唐莫元 各省軍 民長官及諸 ,帥為護法最熱誠之人衆亦以 將 上 致 丰 張 表 示 此相 擁 戴 推 軍 然所謂護 政 府 承 認 法 大 者護 亢 帥 國 則

74

除飭

財

政部

照

辨並

另

行電

覆外

專

布

一盼惠覆

孫文眞

治

出

畫望密

復

孫

文豔

理

會之本身及其議决之法律也今非常會議之在廣州實際上即係行使國會之職 較近 行 便 望以 H 華 民國之政權今莫帥於非常會議及軍政府猶未 此 意轉達請其即 日宣 布 就元帥職 則護 法旗幟 鮮明 正式表示承認被選為元 益 足以 堅國 人之崇信矣兄 權軍 帥 政 亦 府又係 未 處所 就 國 職 需 옑 會 處接 所產

劵

在由 為不易辦法現 國會自行 (二)貴陽 劉督軍 在此 召 集正 間 式國 鑒齊電誦 攻閩之舉所以 會依法 悉 北派 解决國事 固粤 :主戰甚· 防 則 且 英 一促浙 一力南方自不可誤於和議之說致懈戰備尊論積極準備 餘支節不難迎 動以閩 如不得手浙力萬難自動 刃而 解 矣孫 文元 也 至大 局 根 本 問 誠 題

黄以 鏞 (三)劉 暨 王 君 代 汝光 督軍 ·鑒同 自 麗 密 江 郵 據 絾 報 稱 載 自 陳遐 鹽源 一齡寄北 敗 退率 京電 餘衆數 稱常 百 遠張司分煦兵 駐滇邊謀恢 復近 敗傷 日 重 上斃命又 情形如何及尊 據鹽 源 處援 衞 戊司 計 令

四 致 汕 頭陳炯 明許 県智等電

集

聯軍 酌 核 辨理云云文意 刻方向資 (一)汕 頭陳總 簡 方 此 面 司分鑒頃接 時 前 攻 進 閩 期 見 軍. 將 劉點督齊電 力如 成 都攻下 太單薄恐難制勝分 ÉD 謂 馮 東 出 旣 宣戰 會師 兵出 和 惟攻閩之軍 議恐難成事實我軍宜積 湘 餇 似不 能 否分 宜 出 行且攻閩 湘 H 極準備 173 請 之舉旣以固 日 戦事 王 競 協 崩 一粤防 黔濵 諸 公

五

文

*

武穴宣布

自

主

脫

雛

中

央

關

係

寍

亦

備攻

倪

王范甯事請秘勿宣

俟

彼

處

確

實宣

有

後再

電

告

H

文養

亦以 促浙 動 故 務 宜 力圖 至 大局 根 本問 題 當使國會速自行 召 集 E 式國 會則 切 問 題 皆 可 依 法 解 决等

語復之矣特此奉聞孫文元

餘尙有一百六十名 (三)汕 頭 陳總 有 司令鑒據確實報告奉天張作霖派兵南下援閩已有六百名於諫日 船即 行 輸 送閩事 關 係全局 北方陸續加 兵愈進 則敵力 愈 厚望速進行 由 茶 金島 文皓 出 其

油 頭 陳 總 司 分 鑒 競密頃 接滬 電 馮 玉 祥 王 汝賢范國璋李奎元閻文等商同 致 行 動馮 箶 日 在

四)汕 頭 陳 總 司 令 鑒養 日 通 電 西 南各 省 說 眀 時 局 情形及文之主張可否由尊 處 再以 此 意 通 電 西

南多一人主持則多一分効力如何附覆文梗

職 時 唐始 告成 小 小 過 所 伍 伍 促 來商之文文直以違 以 有 於是問計 而 £ 明 不能 難色乃持歸 通告外國之時 競 示 通過 存 反也兄當與張一 於美領 兄鑒改 後各議員 示伍 事 為美 組 法拒 領 基滿 來問文文以實答之故國會擱之為懸案張 事 事 領 致以維軍政府於不墜可 足次 絕之後彼再請 乃告 事 萬不 所 日立欲國會通 以 反 可 Á 費同 對 必 惟 興 蓋其 此 唐來 軍 爲 政 西 初 省調 過稱 府 闸 西 南 聯 督 也此覆孫交得 為 和 為 聯 軍 唐出改 合會本 經文修改者以 團 致 勾 得 結 組 國 違 以 條 會之通過 法之機關 開 例 外交承 儒聞 瀜 文 飛飛 順 改組之說立 筆 乃可 美國 認 3 改 丽 為所 其 此 政 打 瑡 改 府 消 動 和 組 及 軍 就陸軍總 幾 二字 之 國 政 败 說 民 府 乃事 為 决 所 也 軍 不 由 乃 長之 矣為 政 承認 其事 生 府 也

集

近查

明

辨理

務

以有

利

於軍

政

府之進行

爲

主孫文宥

領乃 伍旅 長 Tt. (六)汕頭陳總司令鑒競密頃據汝爲敬電稱夏述唐所部柏李兩營脫離夏氏來歸由兄委吳忠 電對 旅 毓 於汝為 瑞 來潮 頗 稱 有微 奉李總指揮之命接收柏 詞 似 此 兩方各許 恐成誤會究應如 部當答以應俟電請尊處示 何處置文以 未悉真相不便遙斷望 遵等語前 來 丽 協 和 方 由 面

信統

兄

就

亦 得

就近 竟出 和 對 閩 此 查 七)潮 計畫 頗 眀 形憤 辨 理 因 州 務 激 許崇智司令 此 有延滯 軍 以. 政 有 利軍 府若 否收 鑒佳 政 取 府 爲 納 進行 [密養宥] 親 叛亡是否有 軍 交吳統 爲主 兩 電 希體此意商承陳總司合命迅安辦結 誘起部 帶 均 悉夏述 未必彼方應 下之邪心 唐 所 允徒損威信又滋 部 兩營水 丽 致違 分 搜 粤軍 督叛之虞此 П ----質效 節事 Д. 報係 NI 1 前 無從懸 交勘 電 此 陳總 處 未 揣 據陳 司 分 現 請 李 明 協 毠 其

文

t

軍

事計劃希

隨時電告此復寒電孫文篠

討莫之役致愼湘黔閩浙粤各省當局要電

(一)致唐繼堯電

起為 事變名爲莫榮新助逆實則陸榮廷以老奸巨猾之手段行其破壞護法竊據西南投降復辟首 動 去則 盧劉廖各同志早作準備想已與兄接洽今當促其速舉請兄電令駐川滇軍助而促之熊可一 畫不幸莫等勝而協敗陸則統有兩廣必擁李根源返演與兄為敵即協勝而莫等敗陸則以罪名加莫等而 二為達最後目的必須合川滇黔全力圖之然熊克武不去則不能紓後顧之憂去熊計劃已命呂向石顏黃 自處調和地位仍不失其兩廣地盤故此舉必具決心以剿平游勇奠定西南為唯一之目的無調和之可言 需 助殆 督率川省所有之衆可 巨欵今欲使其 (一)兄既具最大之决心前途光明準可實見文已加電各處力促協力援助惟急待商者如下一 未知韻 松近來隳落此 出 力祗有給錢取其可用者用之文已着手運動五三電王殿輪協同 指揮如意矣三競存决行動員因方聲濤妨害後方故稍 後如致電 韻松宜介其 顧全大局毋滋紛擾四 「悦卿為· 稽遲來 人不 湘 電云水 如 南 壓而 領之豫 大舉兄 玉堂 去也 韻 而 此次 定計 海 松共 熊 60

和辦法甚是惟協和近為桂軍印軍包圍消息不通無從接治潮澄伍旅又被劉志陸逼令繳械解散今所恃 二) 莫賡兄鑒港函 協和以侵日抵肇與奠等散布協允調停之說故各方稍持觀望來電以全權 委協

(民國七年)

以

救

協和

者各路

民軍耳非有正式大軍以持其後民軍

力薄能救協

集 皆 分 衆而 州 恐 絕 困 鐵道之便為 兵百色文必促競存! 援不宜置於粤事之後報載尊處又出 難 裂 地 在 m 派 攻之非 尚 實 川 達 代 (三) 롳廣兄鑒協和此 號 為兄 阴 目 何 表 至貴陽 Ĥ. 的 全之足云文爲大義 動 攔 多為 查 也 速救恐仍不免昨 作皆不一 當 桂 頭 抄 有收 李 賊 此 色其數 之衆現分二大部一 干鈞 侧尾追之攻擊 同 源 致前途 時入粤及合欽廉速 復 勾 湘 結 無論 髮之時 次以 西民 其中 計 接兄 利 為兄 多少必能 維 鉞 軍勢力之計劃請 必有不 漾電具 協 持兄之威信故間道 所望於兄者火速出 **未可逆料叉川事當即** 並 和 師 圍 協和 能 白 - 爲兄用: 奪其胆 色此誠 攻 起 體之言只有 脫 計己着 協 制之則游 險 和 im 者彼 氣而 - 至 上着亦救協 致電 競存 一肇興 防 摇其根· 制 料雲南必不能出兵故 兵耳 勇可 湘 出 已以全權委托 肇興 競存 出 實天幸也 解 西各軍勿爲所誘要之老賊 非全權 兵 波 决即使不能遽行移兵而 本蓋此 其 相 所走之路 也 和之急着如尚 老巢 孫文 救 惟 然肇 為所誘要之老賊心一而力齊我則兵和與否倘不可必近聞陸復派兵至永 也 則 况滇 為彼之弱點也如兄百色之兵已 桂 協 、甚空 與廣 賊 與 和 對 軍 亦 虚 對兄有此輕侮之舉兄爲 於 絕 已 語 韶 未行者宜火速舉行兄 聞 夫協 競 有 地 鐵 柱 存 道 桂 法熊亦· 賊 早 部 和 爲 賊 之意 有 附 今 冒 平 戒 李 尙 行 九 備 根 用 線 大足為粤聲 爲兄之兵力 死

桂

賊

利

用

數

倍

之

衆

鬛

女

文必合

欽

廉

鄉

團

並

起以擾之而

絕西江之交通如此

則

一彼攻協和防競存之兵不能不囘救老巢而競存之

競

存

路

源

則

權

已

61

生

而

蹈

阻

可消

協和

之圍

可

解

便可合攻廣州

廣州

救計

宜

火速

出

兵百

下逆軍必解體矣兵法云攻其所必救令撲其老巢非兄莫屬

退出

聞莫尚抵

抗省垣

一已有戰

事

惟

湘贛各軍

應早入粤邊吾輩望之如歲請促其兼程

並

進

北

江空虚

四

時

而勝 負亦 在 計莫之役致滇湘黔闽浙粤各省當局 此 着 桂 賊 滅 而 兄之威信 沙 可 復 也 一望勇 决 圖之勿 逓 疑幸

甚

採

文

三

致長沙周震麟譚延闓等電

一)周 道腴先生鑒道密沁 日魏邦平以所部及江防艦隊進省與海軍李福林聯合限莫賊二十

可以 順流 而下 此 時形勢若祗 遙為聲援非所 望也 採 文艷

當 靠該 其協 李 逨 可 部組 驅 解 同 莫賊 决 攻 万有 周道 柱 織煞費苦心今當 以 俾 安粤局 倡 使 腴先生鑒道密 间 調 外 和 外 之說莫利 發展於學於 特 恐 桂 賊 賊猖 轉 心不 用之以 譚 湘 狂之際多一份兵力 總司合鑒據李國柱 死 兩 重 緩 得 其益 以 兵 且 糜爛粤人實不堪 諒 要 求 म 行 條 印多一 來 件 也 離 再 信曾迭請出 間 據 份 命 與 港 電 功劾 請 人以 念救 自 况聞 邃 魏 兵攻桂查李從事 兵如救 狡 李 該 計 獨 除 寸. 部 火之義 已有 海 由 文 軍 與 編 同 革命 迅 唐 倂 時 飭 計 伍. 逼 有 所 莫雛 劃意 諸 年 部 公電 省 ÉD 極 直 告 圣局 可令 為 F 可 魏 北

江 驅 除 柱 賊 豈 惟 導人 受賜 全局 實 利 賴 之 孫 文東

驅 何 以其 無 從 (三)長: (響義 懸 揣 沙 心 惟 周 切 前 當即 者 道 粤柱 腴 先生道 囑 其 戰 (與各將) 事 發生之 密 轉 領 謂 聯 時 總 絡 湘 可 進行 介 抻 將 趙總 並 領 派 多 指 林 揮鑒 主張援粤計 君 修 歌 梅前往查察是否出 電悉 桂育寅 王育寅原電 亦曾 此 派 於誠意茲接來電似 人來 間 尚 此 未 接洽 桵 到 究竟 願 率 内 所 奥 容 部 前 如

君

從

踰

軌

速查復特此電聞並希見覆孫文

粤義 名 派 理 員 矣護 言 來 聲 所能 四 所 法 稱 長 播 罄 軍 願 賟 率 湘 溥 沙 擾 人 所 海 省 好 攘 部 同 議 義 數 攻 欽 會 實 載 柱 鑒 目 出 民 以 庚 下 生 抒 戰 電 自 乏憔 粤 悉此 第 事 患 正 次粤人 天 悴 頗 在 性 亦 嘉 進 甚 其 行 倘 (知義當 ~驅逐 E 矣 匪 勢仍 督 顧 桂匪 促 欲 孎 未 進 滅 縮 務 潛 實迫不獲已貴 犲 與 銷 不 涌 苦 湘 所 勝 乏期 中 望共 肹 將 尶 限 抒· 飯 孫 省人民及統兵長官多數 文侵 惟 Ħ ----致 有 助 精 進 相 率 行 pip 以 並 而 清 派 起 速清 林 西 君 南 内 修 餘 壁上 奸 梅 主 柱 前 張 匪 往 月 察 Ŧ. 出 禍 育 師 看 非 助 援 寅

職 文以 能 湘 出 義 兵援 軍 後 容 師 之光 景從 其 納 復 五. 有 頗 粤 人 一長 | 榮亦 然寇 之忠 近 攻 知 桂 大 挺 沙 之通 告 義 勢 湔 徵 趙 著不臨 民之 逐分 雖 諸 總 電 窮 興 指 矩 湘 論 林 揮 倘 穫 修 以 中 則 未 宋 武 望 民 梅 更 壓 去 (RE) 贊 力 對 氣 親 魯 直 於援 倘 未 往. 旅 此 義 有 該 所 鄰 長 舉毋 激 粤萬 處 謂 省 林 H 視 對 间 處 使林君 慷 察 盜 衆 張 長 慨之 賊 撻 各 心 切 談 伐 司 獨 稱 仁 合各 頃 卽 何 為其難 義 林 據 譚總 難 來電 也文 殲 君 團 起 譥 可 厰 分仗: 且 義 公推 竊以 長 渠 一樹之風 衡 魁 周 州 林 爲 義 削 道 不然曩 艱 修 轨 據 腴 一聲尤 言亦 難 梅 李 周 B 爲 君 懋 能 戰 湘 者 有粤人治粤之魚 震鱗 吾 今又 得民 王 先生 西 筝 靖 育 意之助 勇 國 電 寅 各 於 稱貴 軍 派 報 討 總 員 館 他 賊 前 省 抄 司 分 H 登 來 電 各 鑒 湯 壇 自 軍 阕 林 夫 軍 修 柱 多 滌 請 瑕 主 舳 梅 援 厞 討 穢 此 就 非 張 賊

文

電

攘除姦凶公等之功皆在民國矣孫文有

甚望貴省軍事當局勿再有所瞻徇與林君爲一致之行動尤望貴議會代表人民之真意促進貴省行 州石 寸之延長故不得不亟望湘· 亚 柱 m 枕 厞 助 始終不 其自 席問者尤甚為今之計惟有速求解除與人此等恐怖觀念縮短其時 能雖 (六)長沙湖 已克復然柱 治 | | | | | 搰 人 何 湘 類 省議 人 最 爲 匪之占據學境 合 會議 維 理 之衝 人之互助 護 人格 員 動 諸 計託 君均 質為 且 備 鑒新 冰 44 此舉亦正惟平昔富於公義心勇敢心之湘人及湘 極 一殘然 | 國政 君 成密元 修 者其地 治之一 梅 巴 電 湘 綫生. 計 尚廣學人現視柱 肩 達 此 重任 機貴省當局 竊此次男人 並 電致 力謀 間 趙 亦 匪之在粤比 縮 師 旣 有魚電 長等勸 小其 自决 與 區 與與 域 虎疫 湘 共 141 典 勿 軍乃能 人之 使 鰬 林 軍 蛇之 土 再 君 自 力 寫 基之故 近 致 谋 主 晷 援 在 盤

與善耳惟諸君實利圖之孫文十六

之抽象名詞

代表之亦非與

局

維

持

其宣言庶美國

[國會宣言助歐之名譽不能專美於西方也人類倫理

世推移所能取得惟能及時努力抵抗或

征服社會所公認之惡魔

如柱

肌

者

乃

上之最高善意决不能以

孤立

認之和 張 之人格外人不察濫予援助 見難 (七)雪竹兄鑒 會於不 再容於西 顧 帕 悍 然以 **遂公然降** 我 軍 偽 艷 北庭愈 總 H 克復 統 北 近 匮 紙 有所恃以遂其毀法賣國之私和 飯 命 欲 州 假 夷 分 宜 統 林 沈誻 布 ___ 以 統 借 逆 此 俱 外 逃馬 债 不 獨 爲 视 濟挺 征 四 服異己之圖 率 南 殘部 為 平將永無望故某等為護 一二桂 繞道 逐致 賊 北 所 護 Π 法各 私 囘 有蔑 柱 省之主 粤事 視 法救 我 護 張 μĵ 國 1 稍 法 團 外 計 體 共

尚

出

牏

方

(三)致貴陽王 一文華劉 顯 世電

得

不有十月三十

日之宣言組菴護法决心至

所佩

仰

前滬報載其反對桂系單獨構和

義正

嗣

嚴尤足懾

服羣奸此

次 對於

北

庭統

僞

介

想必有堅决之表示以

慰羣望會問

希為致問幷

一路示覆

孫文

和之危 育 以 協 用心此次事變名為莫榮新助 領之豫定計 二公協 质肇 剿 和 勝而 4 (一)貴陽王殿輪總司介鑒殿密足下主張 方 柱 H. 「賊奠定」 制 面 **莫等敗陸** 鲁假 质 湘 《州之命》 育 如莫等 略 肟 洒 西 韶 帕 則歸 南 州 共 爲 罪 成 他 E 唯 勝 英等 败 欽 游 丽 廉方 之目 在 興 協 逆 此 桂 質 m 和 敗兩 MI 軍 的 則 自 學者 足下 處調 亦 積 陸 व 一榮廷以 有 粤完全為陸勢力恐 含此 惡威者 搖動 逼 和 近 地 不岡 怕 賊 位 老奸巨猾之手 Œ 足下 巢一 「仍不失 一義欣 寧巢穴者亦 胎 《慰之至 就近 舉足 誤滋大希察納 兩 根 電 以 関 着着 地 段行 **4H** 促 源 衝 婉勸 湘 破 盤 亦 使其破 進 爲 H 柱 強 莫督以 賜復此 將 賊之腹 李耀 打 盜 甚望 飯 用 壞護 率 心 漢 大局 復元 足下 第二 軍 肺 刻 下競 育 法 肝 電 統 何 竊 爲 下 如 孫 率精 存實 有於 據 重 直 見 故 則 抵 西 爲今之 國 是 韶 南 銳 行 就 州 動 未 會 搜 員 近 非 軍 降 知 先收 與 惟 計 復 桂 政 辟 賊之 唐 解 府 惟 協 湘 有 首 卽 65

單 否 獨投降近 此 次莫築 (二)貴陽 且益肆猖獗介 新挾李根 劉 督 軍變質 源抗 की 接 劉 志 破 湘 壞四 陸 電 攻 稱 南 圍湖州赣 陸榮廷派兵至永派代表赴湘 形同 叛逆陸榮延佯為不問實欲借此 軍繳械解散以杜學軍歸路 商改 編 屯軍永州 湘 驅 西靖國 逐 滇軍 挾 軍 取 歸 譚 延闓 消 其 勢力 國 以 會 杜 未 軍 政 知 湘 府 確 西

六

文

電

是

並 靖國軍之攻桂林 協 和 計若合 一軍出 狼子野心志不在小文已電令在粤海軍 柳 州以 衝其巢穴則 彼直 無 所 逃命 耳前 同 志起 此 廖 救協和共除 湘芸失敗文命 桂 賊我公為大 其重 張 旗鼓 局 復 計為 出 洪江 **冥**賡

局 以 收永 爲 至 柱 並 肹 祈 如何 我公電 望復
帝駐 孫 湘 西 各將 領如 遇廖軍 到 處希妥為接洽協同 動 作以期早靖柱 氖 iffi 定西

南大

四)致福州李厚基電

前方閩粤合兵一得惠州則廣肇各地不成問題矣今日 丽 顧之憂銘佩奚似此次粤軍回粤屢戰獲勝俱賴尊處接齊援助之力已深感荷惟我師轉戰 柱 賊 (一)余田侯參議愿籌密轉呈李督軍鑒濴電敬悉王旅及廈門方面軍隊己出發助防俾粤軍先無 則 盡傾 兩省之兵死力相抗故惠州未能即下今王旅以精兵助我聲威立壯尤金早清內 得湘省碼電云湘赣兩軍已出發在途計 月 餘 <u>L</u> 患 郎 不無 日內 趕 疲乏 必 後 至 66

入粤邊云云此亦可分敵人兵力知注 一杆及孫 文敬

艦 能 後海軍亦 间 長湯廷光為粤督之議而納商 時 (二)培之督軍 以 大軍 改態度助粤於是魏 至省 而莫賊 鑒此 次競 乃生狡 邦平 存 | | 回粤得 各界只圖荷安多附和之魏李本為部下所迫今有調 李 獪 福 Œ 公之助 圖 林 乃得 雛 間 粤人 故 佔 能 領 廣州 所向 海軍亦以是生 而 無 莫榮 敵 桂 新降 賊 一心欲 喪胆 服 粤事 由 14 方響應 海 軍全握粤權 本 可 從 至 虎門 和 此 一之說 解 於是 決獨 爲 JE. 民 4 有以 惜競 軍 彼 佔 懐倘 海 存 領 圻 不 以

t

惟

有

催

促

臧

師

王

旅

间

時

倂

進

火

速攻

破

惠

州

使

桂

賊

重兵潰

敗粤

垣

大

局

定

見

解

决

則

海

軍

無

援

其勢

亦

必

道

潮

山於

助

我

左

翼

則

勝

算

必

操

可

無

疑

義救

兵

如

救

火

不

能

刻

或

延

如

何

急

切

肹

獲

孫

文冬

之 舵 蜀 此 如 生 借 事 此 力 終 調 則 成 軍 和 粤局 事 助 mi 實 戰 收 不 回 拾 則 定 能 不獨競存 柱 丽 殲 系: 閩 滅 殘 部 東 局 苦戦 ίÏ 大 亦 之敵 安 唱 矣若 閩 四 + 此 人 冶 股 餘 公以 日之功 閩 主 爲 滅 然 則 義 終歸 請 柱 丽 與公 逨 力 冷 全 幻 消 影 為 王 難 旅 IM 丽 突令 魏李 兼 公 程 礻 H 番 取 能 道 爲 王 競 大 不 成之力亦等空談 埔 就 杽 梅 競 挽 存 巴 縣 之範 九 以 赴 仞 之 圍 前 線 海 功 且 軍 非 海 並 速 亦 有 軍 分 必 必 隨 師 得 臧 隴 師 風 以 望 轉 上 取

聲 惟 賊 頟 濤 慮 馬 海 之 軍 海 江 =加 中 各 重 福 可 人 助 要 見 素 斞 寒 州 現 督署 來 更 已進 班 朋 多 用 近 余 怯 H 備 賄 H 且 惟 無 賂 出 侯 見粤 與之 發 陸 諮 軍 等 戒 軍 聯 **鑒籌密** 為 詔 形 助 絡 查 勢 恐 北 則 將 廷買 稍 更 譯 次第見 鈍 轉 退 陰 縮 收 李 謀又露其 觀 游 督 於 望 軍 軍 其 事 屢 後 實 海 在 用 易 此 軍 詔 巨 為 各 間 欵 安 利 汕 巴 以 艦 用 電 閩 决 頭 籍 易 坐 省 意 爲威 觀 港 人 北 粤 多 歸 闻 攝 軍 芯 圖 開 閩之 竭 攻 如 间 此 取 力 厦 設 說 今 潮 門 亦 日 法 與 油 毕 爲 阻 北 不 閩 敢 有 艦 止 躞 爲 俟 所 合 共 桂 聞 得 力 存 當 最 以 賊 之計 圖 及 再 近 方 報 桂 佔

67

不 我 者 敢 不 逞 兵 難 於其 法 有 時 以 以 攻 為 紙 守 者 命 令 此 貿 類 是 海 軍 也 若 2 歡 非 心 擴 此 張 時 目 前 我 亦失先 之勢 力 發 使 制 彼 不 人 之機 敢 相 矣事 逼 而 勢萬 我 僅 言自 急 Mi 勝 守 算 則 在 北 我 方 故 有 反 電 對

奉 聞 望 逨 裁 定 以 挽 大 局 孫 文

田 侫 叄 議 鑒 密 轉 呈 李 督 軍 慶 前 電 諒 達 左 右 未 蒙 賜 答 至 切 懸 黔 粤省 局 以 海 軍 徘 徊 故 魏 李

文

電

布

捷音孫文

一莫之役致資湘黔閩斯學各省當局要電

九

麾下 弱 往 到 故 不能急攻逐莫桂 點岩 前 德 連 卽 線 H 人 粤軍 速電 助戦 卽 粤軍援助則 潰 令 只 敗 不甚得手此 **須無餘** 狽 臧 師 更 賊 彼贼得 進 以 出 知後方搖動 發開 兩方 步 爲成敗緊急之關 伸縮自 久 戰 臧 至 萷 師 線學軍 俱 善 則 如渡過 戰 疲故生 亟以 尤爲 得 死力反攻粤軍欲令我軍受創且不能分力 桂賊 力精 難關 此 頭蓋彼已首尾受敵我有全勝之勢惟粤軍 則 破 所 軘 銳之援師 畏懼 败 賊 無 爲 滅師 勝 疑 若 成 目前救急之着專在 長王 功至大閩粤安危一體臧 彼 賊 前 旅長亦素秉承麾下 方大兵潰 敗省 壓下 有 局 援省彼乃囘 意旨 亦迎 師 **人**戰 如歐 E 决心 戰 JJ 旅 甚 美國 丽 \overline{H} 疲 殺 兵圖 辦 解 彼 成 賊 助 拨 亦 敬望 師 防 窺 敗 魏 得 崩 我

盼 mi 進公固 捷 音 倂 祈 患無 覆 電 詞 再 北 以 京已 相 抵 無力約 也 孫 文 束各省 公以 銳 師 破 惠大局 竟解 决彼 必不敢 責 難 而 臧王 旅 狂 外 適

不

失祗

數

H

間

事

想我公此

時必不忍使粤

事

敗於

垂

成

而

吝

此

最

後

之

援助

事 機

至

迫

惟

企

速

行

專

電

陳

桂合戰 聞 力近頃粤垣 麾下 五)子 後 已請命李 甚 於兄鑒 一發生 疲 督開前 巨 得精銳參加成功必大況麾下謀勇兼優豈惟破惠直可由茲抵定百粤師行貴速敬盻露 變柱 轉 臧致 助戦蓋籌 賊 **%後方動** 卒 師 長 勝算 搖因拚命力 鑒自閩粤交涉 良足斡旋大局今得閩電知李督亦已同意許 戦 以 以來深荷援助 牽 制 我 師 Mi 圖 至 自 爲級 救 我軍 | 威競存入粤幸不辱 **人戰疲乏故** 麾下 助 攻 急未 戰 命 俱 殺 賊 麾下 能 計 得 粤 芝 手

(五)致杭州盧永祥電

師 其效力至大事 係重大粤軍 力至為感荷最近臧師長更决定開赴前線與粤軍合力討 莫氏自非由粤軍勦除柱系在惠州之重兵使其失恃全局未易解决此次培督節節. 所 需 一)杭州督署石 子 彈 俾得 人 戦 機迫 助 稍 戰以 疲一 切 事 小川先生變覺密譯呈盧督軍大鑒粤垣因各方面之障礙魏李未能急用武力驅除 得精 電陳請立 成 大 說然加 功 有 盼 如 崩 破 歐 《惠無疑》 教 戰 美 孫 國 文 而省局 拨兵一 佳 到德人 亦迎 賊惟聞子 刃 即潰敗無餘 可解三省誼切同 彈不甚 **|**充分 兩 方合戰 求尊處為之接濟 舟早在洞 相 俱疲有生力軍 援實賴執 鑒望即 事 趕機 間 此 舉關 援助 接 助 溅

轉交此事不落痕迹而粤軍受惠至大放敢代陳幸爲援助 (二)住電想已 達 典籤頃得競 存 來電 言七 九子 彈告乏閩 無任 督已無 威盼倂候覆 可 撥 教孫 請 求 文具 尊處濟以 百 嶌 解 由 閩督

69

(六)致粵軍陳炯明暨各路司令前敵諸將領電

集

兵所向大捷連得名 (一)汕頭學軍陳總司令鑒請轉學軍各路司令暨 劫成 險要 使 敵 聞 風 iffi 潰良 由 執事等指揮素定謀勇兼優捷報傳來欣喜無量 前敵諸將領均鑒得悉陳總司令電知粤軍 由 半分路進 此 綏定

文電

預祝最大之成

IJj

孫文

箇八

月

#

日

討莫之役致滇湘黔閩断粤各省當局要電

州交與李根源調囘林虎馬濟以對李魏有從桂軍中來者云日 能再振作士氣仍取攻勢則最後之勝利必歸諸我 有復辟之舉真日林保懌藍建驅 (二)老隆陳總司令競存鑒眞電悉甚喜此 通電南 北海軍統 時宜乘勢撲滅 也昨日李純自殺於南京張作霖兵逼京津曹錕南 一此最近南北之變局也孫文冬 擊柱軍士氣沮喪已極戰鬥力差極 麻子以振 軍威 而 寒賊 胆 傳 聞 桂 賊 若 欲 逃將 將惠 我軍

出殘害有功之人兇暴橫行誰尸其咎即希窮究主名以昭法紀而慰英靈孫文樣 起義元勛有功民國陡聞凶變曷勝悲痛前此蔡君幼香既已被戕令茲高君重復遇害以鄂軍所 夔州黎輔亟先生施南柏烈武先生吳厚齋兄及鄂軍各將領 (均懸皓電驚悉高君固羣被狙殞命高 在之地迭

君

文

《郭西各將領邪暗高固羣烈士龍 辭大元帥職之通電

辭大元帥職之通電(民國七年五月廿一日)

於國 國 納 解 棄 難 則 固 告 四 使 悉除異己 於邦 於法 持 所 日 舊 秉 决國是之方 mi 線之命 人競 政 國 謂 會必全國 闻 文前 民治所 蹶不 者 律 人 非 會 然特 權 徒 君子之前幸 常會 以 軌 能 蚁 轍 振 脉 巴 力 知 質賴 謂 有 Z 亟 復 陷 其 於始逞意氣於 以 議 曾 中 共同 武 法治 正式開 其 於勢 暴力欲以 辭 勴 諸 則 補 劾 力 去 垂察焉 君 窮 大元 何 過 力 相 其大本要不在 遵守之大法斯 會有 維繫 又豈 莫 雄 其 力 非 问 絀 恣 長 帥 國 之職 護 之境 後其 嫉 云晚 不滿 期 mi 睢 各省 法元 爲 法 於天 護持之尤冀排 並 政 極 律 徵 倘 於 勛义 雙方 之袁氏 為束縛之具國 此 地 於同 舊 治以 非 亦 政治之舉措 自民 國 至 必有 先 誰 犧 能 會 刀 後 H 得 凜國 國 與 者 前 鋸 牲 通 表示 除障礙 而 亦 立 成立 鑑 國家 電 爲 非之也 事 宜 匪 有 民 略 援助 法 之危 遙今茲 同 人又隱 以來 常軌 主政 摒其 罄 律 護法 力膺艱鉅 其 歸 鄙意茲於臨別之際惓惓之懷 治 必國 國 迫 固 國 於 極 我之見 之役 大責負 會諸 知 蓝 賴 也 於強力不自 會兩遭非 會能 Û 民 必至 而 使 君 意 國 維 不 曉 荷有 正式國會依 負 難 人 民 止 自 系 然於 代 由 不敝 違 生 朗 法 旣 解散以 盡 人文亦 表 各 知 嗷 有 行 含恢 其護 蠲 者 民意之責際危急存 頀 嗷 大力者起強 使 其 其 法 不 其 法之責 期開會以 可 得以 權 復 爲 致 職 根 大法 舊 念 利之爭忿噬之見 終 權 本 國 存 務 日 斯 猶 卸 也 陵 法律之 於 會以 能 去微 難 則 亦 慰國 然武 夷 務 必 倂 法 自 外 弱 邦 爲 律 萓 以 E 人叫 効 亡之 力角 衆能 基 謹 更 貫 國 而 故 分 無 於 澈 民 阨 機 再 隅之 秋 咸 暴寡 逐 能 終 阻 樞 葢 可 所 孔 R 以 始 势 共 自 此 永 忠 月 在

實圖利之孫文馬

望則共和前途實式賴之時變亟矣長此相持國將不國心所謂危不敢不告臨行惓惓。護布悃忱維諸君子

文

電

退出軍政府覆國會議員電(民國十年)

岡根本之救國耳非置國事於不顧也所望諸公行使最高職權毅然取消誤國之軍政府毋使 致一誤再誤庶不負國民之所托也如公等能此文當惟力是視以從公等之後而圖根本之解决也孫文冬 林子超先生轉劉治洲並各先生公鑒電留甚感文以護法之局無望特脫雕軍政府得以自由行 強盜 利 動另 用以

理

討 伐陳炯明之通電 民國十二年 ---月五 日

協同 蕩然 以 於福 容誅 此義 屑 爲 幻 二月二十七 分命諸路 之慣 成 依 如 撥 建居 驕 帥 陳 齇 動 近 廣 褶不 亂 作 更野 兵悍 州 奮發 逆等之 絕 將 軍 AJA. 反正 無 汕 士同 叛徒 將 部 足 威 H 吞 心 頭 克籐 不戢 之功 噬不 貧官 置 惟 落 遠振賊勢不支聞報之餘深爲嘉慰諸 香 辯 港各 知 拘 心 喪膽當急 龙之見 討 盤 須 近 縣隨於二十八 惜勾引贛兵以 肆 汚 聞 细 毒 吏 踞 賊 報 隣省 以 地 此 賊 弦 館 據西 次討 竱 討 軍 百 起 方 直 布 西 性 廣 以 賊 路 散 東 前以 土 功 賊 則 爲 施 一豪自 諸 魚 成 流 日會同粤軍 討 對 全省 言謂 於 人心為士 諸 軍. 賊 行夾攻計劃 肉 諸 尤 深 駐 命 軍 人民公鑒 軍報告 復陰弛 客軍 各 孪 朋 柱 我 滇軍 有 大義恪從 第三四 廣 任 入境亡省可處此等瀾 氣之後盾 滇軍 窮凶 東全省 及柱 賭 陳 務 或 軍 禁操 逆 一總司令日 師 炯 葢 命 極 軍 將士奮勇殺賊為民除害凡我與人 合為 克梧州 縱 惡實 窮 俾膚 人 逐 瞯 民 國 極 金 叛 國家除 楊 為 挑 融 國之罪 防 既 功早奏四境义安有厚望焉孫 整軍 國民 備受陳 或 希 撥 以 閔 致民 服 離 所同 東下 會同 間 擢 務 叛逆為廣 言出 逆之毒 之技 生 髮 鄕 憤 於 直指肇慶 憔 難 土 桂 賊 軍. 文自 誘 數 奉 悴 軍之 害必 公守 東去 總 茅 使 半 阼 載 指 म 相 拜 揮 年八 深 X П 攻 終 法 以 一殘純以 得沈 乃其 以 知 惟 劉 來 日 震簑於 務 月 爲 禍 倒 陳 日 得 總司 雛 粤之 文支 邳 宜 逆之詐 行 且 H 敵 去 計 遊 人 不 壽 廣 罪 道 暇 愾 令 昨 東 施 州 更不 僞 張 同 鴻 年 緔 給豈 國 則 英 為 仇 + 紀 法 卽 對

文 鼊 於成

此

時之中

國已入於法治

之軌

徒以

陳

逆叛變護

法

政

府中斷

而

北

京政

府

所

爲

篴

致任

情

而

未

及

澈

底

諸大端反言行相

違不

且以毀法之徒謬託於恢復法統國會糾紛及今未解而於人民所渴望之裁兵廢督

來力

求

諒解較之昔

時

已為進步囊

者

法統之復亦

可

為時

局一

大

|轉捩誠|

得

西

南

頀

法

諸省

監

頀

匡

助

以

底

覺悟

信

使往

已不宜輕假兵戎重為民困

茲者西南起義特因護法之故不得已而用兵於今日則各方漸有

和平統一之通電(民國十二年一月二十六日

月十五 **際縱橫靡忌百業凋殘老弱轉徙人民顛連困苦之情狀悚目恫** 主省分北京命令不能遽及統一之業仍屬無期回憶年來南北紛爭兵災迭見市廛騷擾闆閻 歸於統一文始獲與國人雍容討論以圖治惟曠觀全國以北京政府尚未純踐合法之塗轍 年以來之血 禍粤之陳炯 吳子 輯將士及綏靖地方外當盡心力以 玉先生 北京黎宋卿先生張敬輿先生馮煥章先生天津段芝泉先生奉天張雨亭先生保定曹 H 發表宣言對於國事 戰卒得導民國於法治之途凡諸為國犧牲者可得代價而 明 南京齊撫萬先生杭州 以 申 衂 法 m **講粤**亂 主張 敦促 使護法問 盧子嘉先生並各省農工商學各界各 **学者** 和 討 一賊諸軍 平統 題完全解决以和 之進 已逐去陳並而 行 並務以 平方 心竊以爲謀國之道苟非變出非常萬 水達護法事 戡定粤局則 法促 少慰而 成統 報館 障礙旣 此分崩離析之局面 業之圓滿結束如是庶 轉全國國民鑒文於往 ----對於國事 除 建 仲 設斯易文 主 故猶多獨立自 張 爲墟盜 珊 先生 討 亦卒得 伐 /於撫 不獲 幾六 浴 匪 叛 年 乘 陽

皆以 興 護 之緣 平 未 之 24 法 知 稍 守 約 派 諸 故 應其 所 武舉个 法奉 省 相 以 止 一个之大 企 此 周 求 公引 統 四 旋 mi 增兵備 以 派 日 之成 為天 之實 調 國 病 節 內 固 戰之消 **燻炭** 職 勢力 其 際 在 利 則 利 執 害在 害 各 統 彼 政 果 此 派 柄 息 之實 乃嚣塵 首 何 不 統 兵 者 以 相 領 諒 未 不 衝 攝 未 突 上不 成 難立見文今為 有 解 燭 之前 亦 老 尊 斯 (言文當 自 估 知 重 難 較 兵 四 法 計之可 日 派 言 律 誓 然 之誠 益 暫 救 竭 時 四 增 畫 國 别 政 緜 派 心 家 薄 疆 耳 爲 H Mi 危亡計 杰 自 相 四 國 盆 鄭長 守 提攜 中 其 ----所 谷 日 質 能 擬以 互 IÁ. 此 不 ij 系二 及 相 相 派 不 了 侵 和 馂 必 利 平之方 内部 解 日 使 害 匪 開 特 和 奉 不 之事 系三 誠 求 45 同 統 法 治 茣 布 各不 圖 公 目 相 無 ---使 統 期 期 皖 調 於實 干 率 系 助 劑 之 涉 歸 亂 四 亦 効 先 現 其 日 速 守 果 致 致 禍 丽 两 期 和 南 質 和 Mi 此

平之要: 其 則 恐 不 難 人 統 速不 在 育 也 蓋 當 容 在 裁 擁 藉 此 兵以 謬 端 兵 說 未 推 言政 有 有 諉 謂 IJ. 張 黷武之 皇武 則 須 俟統 政 紊 力 私 濫 擁 後始 衷為 兵以 行 招 言 可 強 募 議 國 法 而 之瞀 則 及 可 法 裁 昌 骫 兵者 誧 言 強 各 和 權 此 平 派 未免 盛 首 以 餂 則 領 公理 爲 不 人 怙 乏明 者 亂之談 衰武 誠 達見 知卒 力 張 義 多之足 何 **野爲當** 者 則 文治 兵不 以 仁不 弛 裁 亂 此 剘 國 必 無 護 禍 主 其 民 和 之 間 則 平 期 當 無 滅 之惟 國 和 大 平 有 人 77

然嗤 所 起 身受語 行 乏而 者文籌之已 况 焉 能 並 詳 世之賢豪豈 審 者 也 其 不裁 綱要 有 兵而 復 昧 此 言 和 本 丽 化 謂 平 兵為 或 猶 人可 挾 工之旨 刃 欺 以 邓 談 揖 然 先裁全國 讓 而 不 非 徒 和 現 i 平 難之 有兵數之半二各 而 言 談 統 黂 ---空之論 猾 視 Ħ 爭 派 Ų 裁 首 為 領 兵 求友 贊 辦 好 成 法 後 可 愚者 全 以 體 坐 且 簽 緉

請 邦爲佐 理 籌畫 裁 兵方 法 及 經 費三裁兵借燉其用途除法定 監 督 機 關 外 另 由 債 權 人 並 全國 農

文

配

與

為實踐以

矯虛

與委蛇之失而塞

河清難俟之譏也敬布區

温 願 聞

明

教

孫文

工商學 報各 團 體各舉人監督之其詳細條 目 則由 專員妥訂諸公朝贊成則 夕可 商 諸 施 行此 在 諸 公 轉

時 政 念間 精 實業教育諸端始獲次第爲理 中 而 而 國 民 非形式國人同 將 咸拜嘉賜文亦當率西南諸將敬從諸公之後不敢 處於法律範圍之內而無特殊勢力之可虞蓋兵者所以防 國民意志方與以自由發舒而不為強力所蔽障其 有 避 統 成 丽 後 國 為統 m 切 非 興 革 私 則 方有 衞 永 及假 人 मि im 以 非 言 竊 財

權之具也能如是乃眞民治重符共和盛軌以與列 公當代人 賢謀國 戢自焚文愛國若命將不忍 有 素其 聆鄙 坐視淪貨弗圖振救諸 言 丽 决然許之毅然行之乎此實誠悃之忠言期代人民呼籲 、強共躋於平等之域百世實利賴之不然者民意可 公之明當不復仓至此語曰 「人之好善孰 而冀諸 不如我」諸 畏不

=

今和 於多 領皆 亦 而 極表同 語民顛 者皆吾仇如執事之明達與在滬海軍之澈悟文當竭其綿薄 平統 數軍 如執 海軍 沛 人 事 情幸勗前途以 林司令鑒佳電遲至昨午始達朗誦迴環欣慰无量以爲此 已爲全國 流離之苦已增至不忍見聞矣文迭次宣言標明主旨凡贊助和 眛 者 厥 則 和 衛國保民之天職甘爲強權 **平統一盛業不難指** 一人心所傾向少數冥頑之徒乃必背道而馳於川閩粵諸省均已屢試其技野心 竟全功臨電欽遲至深企禱孫文陽印 揮立定年來國事蜩螗由於一二軍閥之憑藉武 所利 用 而供無主 相 義之犧牲等 與戮力同 時全國兵士皆如在 論一 心共紓國難南 4 統一 語破的讀之令人快慰方 者皆吾友反抗 力态行 滬海軍袍 來海軍諸將士 攘 和平統 奪實 澤 木達 其將 山

即本

此意以答仲珊孫文侵

為曹錕乞和致孫洪伊電 民國十二年七月二十日

我與人以誠不能逆億不信然不直則道不見主張武力誰為或首谷無所歸徒務空言天下其孰能聽之請 則亂閩禍 上海孫伯蘭兄鑒轉來仲珊齊電已悉前此我揭出和平統一之主旨仲珊亦嘗贊和乃其見諸事實者 川 擾粤以及種種行動 無一而不與和平為敵今茲云云其既有所覺悟耶抑猶是前日之敷衍

兄能

照此

行事可

悉奪之則

(博園可

解

我

東江之役覆劉震寰電 (民國十二年

督攻城 之亦以全部來接大約三日後其他 精 來此次東江之事無人不焦急萬分 銳出擊淡水兄之後方斷無危險少泉聞博羅 萬急飛鵝嶺劉總司命鑒營密宥函電悉敵人當然有計劃所幸其數不多自易擊滅紹基已親率五 故望兄急調 隊至 白 沙堆 西北江 斷 ___ 以絕 無見危不救想不出 軍實亦 各隊亦 敝 人後路二可 被圍 加利莫大也幸速圖之孫文 陸續調 非常焦急已徵集所有趕速出發大 保我 十 來今日省城 日 賊必消" 航 線 聞 敝 波 已運到米糧四十餘萬斤當 人食糧 我俟各軍出發後當再 輜 重皆在 約 風門 兩 H 後可 抝 來 附 梅 煙 到信 近 湖 Ŧ 若 親

鼊

文

東征時致胡漢民電(民國十二年九月十一日)

淡水平山之敵該艦長搜擊海上偷渡之敵毋使漏網幷相機與楊總司分聯絡協同動作若無線電不通着 鹽運使派安北艦傳介幷助永豐擊敵再紹基已赴龍崗淡水矣可慰也 速由無線電傳分永豐艦長澳頭我軍退却但兩日後可恢復現楊總司介希閔親率滇軍由龍崗出擊 全

討伐曹吳致段祺瑞盧永祥電 (民國十二年)

一)復段祺瑞雷

之仁作同澤同胞之氣驅共同之障礙建民國之新元辱荷德音彌殷企頌 舉國痛心文已移駐韶關宣告邦人出 **頃誦佳電本悲天憫人之懷申伐罪弔民之意仁言周狹義聞昭宣曹吳禍國窮兵殘民以逞甘為戎首** 師入贛期與浙奉義軍一致討 賊公志存匡國誼切同 文皓 仇推己飢己溺

一)致盧永祥電

83

致聲討躬率 杭州 盧督辦鑒支電奉悉義 師 旅以為前 驅興師偕作用尋白馬之盟敵愾同 正 詞嚴邦人誦 仰 曹吳嗣國 稔悪 仇直 **貰盈除暴鋤奸** 孤黄 (龍之洞 咸同 佇聞奇捷以集大勳文蒸 **斯願文已宣** 布國 人

討伐曹吳致段祺瑞處永祥電 北伐軍與致唐繼堯劉顯世電

北伐軍興致唐繼 堯劉顯 世電 民國 6十三年

(一)致唐繼堯電

爲副元 實慰风 討賊 可謙讓望即 戰 (一)民國俶擾垂十三年 帥 懐发於本 端 _ . 旣 宣布 惟提 開吾輩揭橥大義倡率天下 就職以慰企皇之誠將率三軍北伐中原願共馳騙以建大業專電奉達佇望新猷 室之日以成康濟之勛文聿求友聲欣茲多助知樂推之有在信吾道之不孤羣情喁 日招 集政務軍事聯合大會僉謂執事勤勞國家功勛丕著宜有崇號以重戎行是用 大盜念橫 已非 亂國竊位 朝尤宜及時奮與以定大難 西南 頻起義師皆以 動 止 **参差大功不立近者奉浙** 但軍長怒剛等來粤具述偉 孫文眞 推公 興師 喁

滇黔聯軍總司令請公担任 (二)頃電以衆志樂推請早就職計已達覽川滇黔三省軍隊久在指揮之下宜正名號以資統 切出師計劃均請就近主持文既移駐韶關誓師北伐望早定大計尅 H 興 師

偉畫所關 並望指示孫 文眞

(二)致劉顯 世電

艱曹吳竊國窮兵又為國 如淵 先生麾下張 代表 人共棄近復廿為戎首肆虐東 (張 瑞 麟 來 攜 致 手書至欽偉 南 討城與 抱 西 師 悔 頻 實在今日文已移 起義 師 犪 牲 至 駐韶 巨大 劚 功 誓 未 庙 立 人發期 國 步

日

未

率

擬

]1]

元偕作同仇實資碩畫餘屬張代表面盡

與奉浙聯軍一致聲討演點此若長城精銳所存足當一面願奮遠猷共張撻伐張西南之義幟建民國之新

文電

_.

集

張皇

補

苴亦將無及故強支病體鬱其所欲言惟垂察焉

曹吳失勢後與段祺瑞商議國事之各電 (民國十三年

定有遠謀文擬即日北 天津段芝泉先生大鑒大憝既去國民障礙從此掃除矣建設諸端亦當從此開始公老成襄國 上晤商一切藉慰渴慕並承明教先此奉達諸惟鑒照是荷孫文威印

天津途 未得其 其衷 此 會議 條例 曲 爲和平統一之方法而 已於國 無如 詳及十二月 4 在各 段執政賜鑒東電敬悉溯自去歲十一月十三日文發廣州曾對於時局發表宣言主張以 病 一務會議 **人未愈遷延至今屈指自接東電至今已逾半月距善後會議開會之期** 報 電 聞 рц 通過 日抵天 欄内 一獲知執事於十一月二十一日發表召集善後會議 以預備會議謀國民會議之產生迨十七日抵上海二十一 當時 津為 曾就鄙見所及竭誠相 肝 病所困許君世英造 訪臥 告想承轉達自思屢思於入京晤對之際繼 榻 出 示馬電全文及善後會議 及國 民 日向 已近夫今不言 代 表會議之主 jiili 戶三十 條 例 並

之南 分子 既不能選舉代表參列議席甚至求會議公開而不可得坐視會議與人民漠無關係人民不得不仍守其漠 北 則預備會議所列人民團體無一得與夫十四年來會議之開屢矣其最大者有六年之督軍會議 善後會議於誕生國民代表會議之外尚兼及於財政軍事之整理其權限自較預備會議爲寬而構成 !會議而! 皆無良果揆其原因實由於會議構成份子皆為政 府所指 派而國民對於會議 無顧 間 之權 八年

張

而

續

扩

云

國

民

Ľ

向

視國

事之故

習而

人民利害

絕不

能於會議中

求

其

入表現且

政府所

指

派之人

物

類皆

為所

謂

實力派之代

表

且.

各自之利

害

情

威

雜

然互

殊往

往

苦於

無

調

濟之術

故

會

議之不能得

良果

亦

固

其

所

說

者

謂

會

議

若

不

為

為會

質

聽

命

會

議

興

否

爲

斷

恐會議

爲 荷於 平 統 設以 質 例 會 兵三百 力 且 會 議 巴 派 當國民 議之際 黎 絕 所 無 餘 會 左 干 萬 議 右 革命之初步有賴 退處 預 美國巴星 言之法國 其 無 權 權 之結 限 將 分 將 福 益 果不能 眀 軍 煦將 增 如 統 於武 其 兵二百 此 軍 八榮譽謂 故 實行 戰 力與 能大 時 文 餘 統 民意 必欲左右 萬其 有造於國 則 法國之兵不 以 相 實 結合故 力在 會議 家由 議之能 下四 國 是 預 夫豈 内洵 備 言之此 收 百 會議 其 效與否全視 無 餘 然惟當國是紛 倫 萬 以共 次共同 協 比 然 約 同 國 ___ 反 反 日 陸 對 對 戰 軍 力派 育吳各京 擾 曹 事 亦 期 吳各軍 平 歸 能 間 息、 指 軍 不能以 釋 揮英 岌 誠 兵 政 為勞苦 歸 國 黨 歐美 伍 海 與 克 對 人 先進 功 於 將 民 和 軍 87

團 體 平等同 使 預 備 會議 列 此 丽 卽 能 求 實現則國內智 **脗合於武力興** 識 人 階 民 級如 相 結 教育會大學校學生聯合會等生產階級如實業團體農工 合之言也

國 利 商 面 民代 害情 而 會等皆得與 於民 表 會議 意方 有 面 在 然國 軍 未免忽略恐不能 事 民於通力合作之途民治前途必有良果善後會議所列構成 民代 政 治之實力者相聚於 表會議由善後會議所誕生則善後會議安可不愼之於始況其所論 矯往 轍 成 新治 堂以共謀國家建設之大計既可 此 鰓鰓之慮所 為 不安者 也 固 分子則 知 使此 於善 會議能 後 似 會議之後 編於實力 表示全民之 議者 尙 尙 廣 方 有

文

及

軍

制

財

政

那

曹吳失勢後與段祺瑞商議國事之各電

所云現代實業團體商會教育會大學各省學生聯合愈工商農會等其 少以期得迅速召集 文籌思再三敢竭思誠 如是則文對於善後會議及善後會 為執事告文不必堅持預備會議名義但求善後會議 議條例當表贊同至於會議 代表由各團 能 事 體之機關 飨 頂雖 納 人 、民團 可 沙及軍 派 體代 出 人 政 數 表如 財 宜

政 吳禍國挾持勢力壓制 而最後决定之權不能不讓之國民會議良以民國以人民爲主人政 人民誠 所謂冠履倒置今欲改絃更張 則 第一着當令人民囘復主人之地位 府官吏及軍人不過人民之公僕 m 使

切公僕各盡所能以為入民服役然後民國乃得名副其 實也

幸孫文十七日

凡 此 所陳固 以 為國家前途計亦以執事與文久同患難敢附於知無不言言無不盡之義尚祈 俯 察

≡

日與疾入都選擇醫療在醫療期內惟有暫屏萬慮從事休養以期宿恙早痊健康早復俾得發打志願仰副 意歡迎所以 各報館均鑒文此次北行目的曾有宣言諒蒙鑑察抵津以來執政招待殷渥期望綦切京津各團體盛 一島勉之者良厚至深感荷原擬早日入都共圖救國不意肝疾偶發濡滯兼旬茲承醫生勸告卽

厚望專此電達敬祈鑒察爲荷孫文世

電

文

=

二 函札 第三集党

甲午(一八九四年)上李鴻章書

舞而 特以凌我者我今亦已有之其他新法亦接 民成俗之規至於時局變遷之故睦鄰交際之宜輒能洞其竅奧當今風氣日開四方畢 西之語言文字政治禮俗與夫天算輿地之學格物化學之理皆略有所窺而尤留心於其富國強兵之道 公已籌之稔矣又有軺車四出! 比見國家奮籌富強之術月異日新不遺餘力駸駸乎將與歐洲並駕矣快艦飛車電郵火械昔 治之時朝廷勤求政理之日每欲以管見所知指陳時事上諸當道以備芻蕘之採嗣以人徼言輕未敢遽達 已夫復何 宮太傅爵中堂鈞座 所指 陳然 而 猶 敬稟者稱文籍隸粤東世居香邑曾於香港考授英國醫士幼嘗游學外洋於泰 則外國之一 有所言者正 [踵舉行] 欲乘可 舉一 動 亦 則凡所以安內 為之時以竭其愚夫之千慮仰贊高深於 無不 週知 草 野 攘外之大經富國強兵之遠 小 民生 逢盛世 惟 **牛集正值** 有 逖聽 萬 歡 略 日西人之所 國家刷精圖 在當 111 呼 聞 局諸 風 鼓

竊嘗深維歐洲富強之本不盡 在 於船堅職利壘固兵強而 在於 『人能盡其才地能盡其 利 物 能 莁 其

函

札

_

用貨能暢其 而 不急於此四者徒惟堅船利礮之是務是含本而圖 流。此 四 事者富強之大經治國之大本也我國家欲恢擴宏圖勤 末 也 水淀略 仿行西法以籍自強

所謂 人能盡其才者在『教養有道鼓勵以方任使得法』也

成其用 其所學 千萬 遍布國中人無貴賤皆奮於學凡天地萬物之理人生日用之事皆列於學之中使通國之人童而 性質之所近 教養之道莫備於中華情日久廢弛庠序亦僅存其名而已泰西諸邦崛起近世深得三代之遺風庠序 人 夫人不能生而知必待學而後知人不能皆好學必待教而後學故作之君作之師所以教養之也自古 有學 由 Mi 淺 有 校以 iffi 而 若 肆力焉又各設有專 深自簡及繁故人之靈明日 陶冶 非 隨 之則 人而 智者 施教之則 進焉愚者 師津津啓導雖 賢才亦以無學而自廢以至於湮沒而不彰泰西人才之衆多者 止焉偏才者專焉全才者普焉蓋賢才之生或千百 廓智慧日 理至 積 幽微事 也 質有愚智非學無以別其才才有全偏 至與妙皆能有法以曉喻之有器以窺 里 非學 Mi 習之各就 見 學校 有 無 測之 或 以 此

教養之道」 也

異自立無待乎勉勗也所謂豪傑之士不待文王而猶與也至中焉者端賴乎鼓勵以方故泰西之士 四學報以進其益萃全國學者之能日稽考於古人之所已知推求乎今人之所不逮翻陳出新開世人 藝之微 且 人才不一其上焉者有不徒苟生於世之心則雖處布衣而以天下爲己任此其人必能發奮 而國家必寵以科名是故人能自奮士不虛生逮至學成名立之餘出而用世則又有學 會以資 雖 爲 無限 雄 才 卓

能

守

遷而

無

更調

夫 久任

則

閱歷深習慣

則

智巧出

加之厚其養廉永其俸

禄

则

無

之上賞則 之靈機關天地無窮之奧理則士處其間豈復有孤陋寡聞者哉又學者倘能窮一新理創 榊 者 有此 其國之士豈有不專心致志者哉此泰西各種學問所以 『鼓勵之方』 也 日 新月異而 歳不同 幾於奪造 一新器

化

m

疑

鬼

必邀國家

今使人於所習非所用所用非所長則雖智者無以稱其職而巧者易以飾其非如此用人必致野有遺

賢朝多倖進泰 西治國之規大有唐虞之用意其用人也務 取所長而久其職故爲文官者其途必 由 仕 學院

優者則 者為商董皆 為武官者其途必由武 仕 且恪 就 少年 所 途有陞 學 學堂者其他文學淵博者為士師農學熟悉者為農長工學練達者 而任其職總之凡學堂課此 業則 國家有此一 官幼 而 學者即 為監工 肚之所行 商 情 其 學 講 習 丽

瞻顧之心而 能 専 其 志 此 泰 西之官無 苟 且 **吏盡勤勞者有** 此任 使之法」也

斯三者不失其 故 教養 有道』 序則 「人能 則 天 無 **濫其才**] 枉 生之才 矣人既盡 『鼓勵 以方し 一其才則百 則 野 事俱舉百事 無鬱抑之士 俱舉矣則富強不足謀 任 使得 法 則 朝 無 也 秉國 倖 進之徒 鈞者

盍 於此 留 意哉

所 謂 地能 葢 其利者在 『農政有官農政有學辦耨有器』 也

民 間 養生之事 夫 地 利者 未備故能 生民之命脈自后稷教民稼穡我中國之農政古有專官乃後世之爲民牧者以爲三代以上 生民能養民者為善政三代以下民間養生之事已備故 聽民自生自養而 不再擾

K 札

之便為 遺利 農民 勞多 知幾 東之東 恆河 在 於 雖 .美國之密士其昔汎濫之患亦不亞於黃河而卒能平治之者人事未始不可以補天工也 千億兆: m 無 民 善政此 遺 有餘 患之而 獲少民食 西北三江 地 利 力生穀之土未盡墾山 此 中國 無失農時故 其耗 無 於古 日 如 於水者 何欲 艱 今日農政之所以 未嘗有患今則 水 道 修之而力不逮不得不付之於茫茫之定數 河 固 特設專官經路其事凡 如 渠昔之所以 此其多矣其他荒地之不闢山澤之不治每年遺利又不知凡 澤之利未蓝 日 爲 就廢 患年 利 驰也 甚 農田 出 者今轉一 農民祗 有利於農田者無不與有害於農田者無 也 年 如此 推 之他省亦比比 丽 而欲致富不亦難乎泰西國家深 知恆守古法不思變通墾荒不力 爲農田之害矣如 Mi 如是此 已年 中 失時 由於無專 北之黄河 傷稼 通 固 責之農官 不除 明 网 水 無 有國 計之其 致富之大源 幾所 利 論 如印 矣 不 家者 戉 卽 俢 謂 逐 度之 地 理 如 मि 有 廣

不『急設農官』以勸其民哉

其 六畜以爲人 在 土 理 地不能以 興農學 法 也 水 則 在人之靈能 患平矣水 一能反繞上為沃壤化瘠土為良田此農家之地學化學也別種類之生機分結實之厚薄察草木之 食夫士 講 日 廣 求樹 利 也 尚不日 也草 與矣荒土闢矣而尤不能謂之地無遺利而生民養民之事備也蓋人民則日有加 取之用之而已夫人不能以土 畜速其長植倍其繁衍以彌此憾也夫天生人為萬物之靈故備萬物爲之用 也 固 求進益日出新法則荒土既墾之後人民之溢於地者不將又有饑饉之患乎是 取不 촖 而用 不竭 者 心是在 養而土可 人能考土性之所宜 生五 穀百果以養人人不 别 土質之美劣而 能以草食 已 丽 丽 倘 草 萬 多而 若 可 物 長 固 明

性 能 田 質 產數倍之物是無 速農物之成熟 明六畜之生 此又 理 異將 則 繁 農家之格物學 行可 献之田 期而 變 人事 為數 也 蠢 得 一〇畝之用 操其權 蝕 宜 防 疫 卽 此農家之植 無 癘 異 宜 將 避 此又農家之醫學也農學旣 ---國之地 物學 動 廣數 物 學 國之大也 也 日 光 能 如 助 此 眀 農物之生 則 則 民 能

雖

增

使

同

等之

一長電力

可 無 饑 [饉之憂矣此[農政學堂]]所 宜 亟 設 机

皆藉 馬之工起水則一 木有器易以 牛馬之勞乃近世製器日精 農官 既設農學既 收其 器能灌千頃之稻收穫則一 功機器之於農其用亦大矣哉故 興則 《非有巧機無以節其勞非有靈器無以速其事此農器宜講求也自古深耕 多以器代牛馬之用以其費力少而 器能當數百人之刈他 泰 西創器之家日竭靈思孜孜不已則 成功多 如鑿井 濬河 也 如犂 非 機 田 則 無 낋 異日農器之精 器 濟 其 能 事 作 墾荒 數 易 百 伐 4

又有 過於此 時者 矣我中國宜 購 其器 而 防製之

故 農 政 有 官 則 百 姓 勤 『農務 有學」 則 樹 畜精 耕耨 有 則 人 力省此三 一者我國 所 枋 效

以 收 其 地 利 也

所 謂 物 能 盡 其 用 者 在 窮 理 日 精 機 器日 IJ 不 作 無 益以 害 有 盆 也

凡 動 植 泰 西之儒 礦 質之物 以 昔 格 人 致 已 為 知 生 其 民根 用 者 本之務 固 能 含此 廣 m 用 則 之昔 無 以 典 人 未 物 知 利 其 民 用 由 者 是孜孜然 今亦 考 出 日以 以 窮 為 用 理 致 火 油 用 也 爲 普 事 日 如 化 棄 置 學 精 如

遺今為 日 用 之需 要每 年 入 口 為 洋貨之一 大宗煤液 也昔 Ħ 視為 無用今可 煉 為藥品 煉 爲 顏 料又煮 沙以

函

札

Ħ.

乏材

物多有廢棄於無用者每年之耗

不知凡幾如是而國安得不貧而

民安得不瘠哉謀富國者可

地

大物

博

無

所

不

具倘

能推廣機器之用

則

開

礦治河

易收

成效

紡

紗

織

布

有以裕

民不然

則

大地

之寶

藏

全

大

甲午(一八九四年)上

李鴻章

作 水 玻 帲 財 璃 機 源 我 化 而 省 國 土 煤力 倘 以 爲 能 礬精 壓力相 推 而 仿之亦致富之一 煉石以爲田料諸 吸而 升水 電性 相 大經 如此 威而 也格致之學 類不勝縷書此皆從化學之理而 生 光此 猶 崩 其小焉者也至於水作汽 剘 電風 水火皆為 我用以 得收 以 物 之用 運 風 舟 動 年 車 輪 中不 雖 而 萬 代 知裕幾 馬 Ī 所 不 以

能 理 愈 及 風 明 潮 而 所 用 不能 愈 廣 當電 如 電 無 氣傳郵頃 形 無質 似 刻萬里此 物 非 物 其氣附 其用 爲何 於萬物之中運乎六合之內其爲用 如 哉然 而物之用更有不止於 此 較萬 者在 物爲 人 能 最 窮 廣 求 而 其 叉 理

蓄之可 不待天工 將 最 來 靈 必 可 待不 棄 以 其 作 丽 時 煤 燭 由 之用 機 可 人 事 以 而 可 也 用 傳 供 然而 郵 電 隨 力 可 以 地之需 也 取 運 電 毓 必資 機可 物 此又 開 以 乎 礦 之功 毓 取 力 之無 物 而 發 尙 可 力 未大 以 禁用之不竭者 必藉 開 明 礦 乎煤 顧作 將 來 亦 近 燭 又有 傳 也 必有智者究其 郵已大行於字 由 人想 此 而 推 出 物 新 理 用 法 愈 用 内 則 瀑布 生 求 mi 則 Ŧî. 運 機 縠 人 以 乏用 力 長 水 萬 愈 力 省 生 物 近 始 將 電 取 以 來 知 Ŧi. 之 必 器 金

至 人 祗 用 心不 事 勞 人 力 丽 全役 物 力 矣 此 理 有 固 然 事 所 必 至 乜

造 工 有機則 成 人事 機器 巧 千萬 所 則 不 成 百 人 之物 逃興 所 作之工生 製 如 Ŧi. 作 金之礦 盛 H 上 可 丽 有 就 軍. 機器以 至 國 繅 要需 廢 開 下 絲 織絨 而 則 碎 民 堅石 呢則 生 日 用 化 如 虀 皆 無用 粉 能 日 透 爲有用的 深井 就 精 以 矣機器之大用 良 im 吸泉得以 省 財 力故 關 不能 作 天 人力所 tll 之寶藏 遍 舉 我 不 矣織 作之 # 國

夫百貨者

成之農工

m

運於商旅

以

此

地

之贏

餘濟彼方之不足其

(功亦不

·亞於生

物

成

物

也

故

秦西各

國

勢

日

強

也

H

國

則

不然過

省有

關

越

|境有

卡海

П

一完納又

有

補

抽

處處

歛

征

節節

阻

滯是奚異

遍

地

風

波

滿

求

機

器之用

鬼 神 物 车 理 1 迎 · 矣機器精矣若不節惜物力亦無以固國本而裕民生也故泰西之民鮮作無 市中 賽會之舉化帛燒紙之資全國 計之毎年 當 在數 千萬 此以 有用 之財作無 益我中國之民 益 之事

以

有

苚

之物 作 無用之施此冥冥一 大漏 巵 其數較鴉片爲尤甚 亦 有國 者 所當 並 禁 地

勤惰 爲取 甪 故 夫 之多 物 窮 也 理 炒 者 地 有 日 精 產 天 生之物 者 則 如 物 五 用 有 金 呈 百 地 產之物 穀各 機器 迦 有 所 日 巧 自 人 (成之物) 有 則 在 能善 成物 天生之物 取 多 面 示 善用 作 如 之 光 無 熱 也 益 電 人 成之 則 者各國之所 物 力 物 節是亦 則 係 於器 共在 開 機靈笨 窮 源 7理之後 節 流 之 亷 人 深 大 力 以

媏 也

所 謂 貨能 暢 其 流 省 在 『關卡之無 阻 難保 商之有 善法 多輪 船 鐵 道之載 連 也

輕 國 其 體 歛 恤 商 入 情 口 抽 祗 稅之外則全國運行 抽 海: 口之稅祗設入國之關美之爲民生日 無 所 阻 滯 無 再 納之征 無再 用 所不急者 過之卡此 重 其百貨 其稅貨之爲民生 暢流 商 賈 雲 日 集 用 財 所 源 必 需 日 裕 者

天荆 Ħ 姓 足 棘 君孰 商買 爲 之裹 足 負 販 從而 怨嗟 如 此 丽 欲 百 貨暢流 也世 不 難乎 夫 販 連 者亦 百 姓 生 財之一 終古也 大 道 也

與不足 百 姓 不 函 足 君 札 靴 興 足以今日關 卡之濫征更胥之多弊商 賈之怨毒 七 誠 不 能以此

関関

闢窮荒之絕島以立

商

塵水

Ŀ

國之名

都

以

為租

界

集

殊

方之貨實聚列

、國之商

氓

此

通

商之埠

所

以

貿

於多

也

數百年

前美洲之地猶今日之地

何以今富而昔貧是貴有商焉為之經營為之轉運也商之能

貨物不流貨物

不

流則

財

源不聚是雖地

大物博

無益也以其天生之材為廢材人成之物為

廢物

則

更

何

貴

八

八

九四

年上

徒削 則不 自 恃 大 母 興 囡 者 雛 無以 西 行 政 鄕 平 人互 飾非 與 井 民之脂膏於國 多 商 展 市以 爲 鴻 商 政 業遠圖 則 饑 並 來利 寒所驅 興兵餉以 不集西人之虎視寰區憑凌中夏者亦商為之也是故商者亦一國富強之所關 放泰 權皆爲所奪者其故何哉 計 經商異 民生初無所裨謀富強者宜急爲留意 商財爲表裏故英之能傾印 西之民出外 地 情 至 一苦事 經商國家必設兵船 至 以彼能保商我不能保商而 戴也岩國家不爲體 度扼南洋奪非洲並 領事為之護 於斯 恤 則天下幸甚 不爲保護則 衞 澳 反剝損遏抑之也商不見保則 丽 土者商力爲之也 商亦自設保局 是夫商賈 小 者 逐什一 無以 銀 覓]蓋兵無 之利 行 蜖 也 我 相 頭 別父 # 徼 與 餉 國 利

者 有國家為之維持保 夫商 務之能 與又全恃 頀 他謀富 册 車之利 强者可 便 故 不急於『保商』哉 西 人於水 則 輸 船 無 所 不 通五洋 四 海恍若 戶庭萬國 儿 洲 儼 同

易繁 興 財貨 山 積 者 有 輪船 爲之運載 也 一於陸則 鐵 道縱橫四通 八達凡 輪 船 所 不 至 有 輪 車 以濟之其 利 較

輪船 運接靈速遇 為 尤溥 以 方 無波 困 乏四境濟之雖有荒旱之災而 濤之險無礁石之虞數十年 來 無饑饉之患故凡有鐵路之邦則 泰 西各國雖 Ш 僻之區亦 行 鐵 軌 全國 枚 其貨 四 通 物 八達 能 轉 流 輸 利 行 便 無

無鐵路之國動輒掣肘比之癱瘓不仁地球各邦今已視鐵路為命脈矣豈特便商賈之載運而已哉

我國

滯

98

連

理

我

政

理

宏

我

規

模治

我軍

實

保我

藩

邦

歐

洲

其

能

匹哉

物 鐵 之資 其效也不然徒以聚歛為工 而 效立 家亦 於繁富之區 足 能 路之載運 E 與 盡其 此 大 見可 恍 西 然於輪 招 半為華商 人 用 以 商興路之扼要也 頡 則 則 利 則 頏 材 貨 無以 轉 船 而 集 力豐貨 物之盤費輕如 輸 收 鐵 路之益 股利之所 可 收 我 以 利 ---能 勵 時 權 放無關· 暢其 之利 矣故 捐 富戶 然不 納 在 此 人 則機之以 多 沿 流 爲 而 而貨有 卡之阻 共趨之華 一設於枝一 計吾未見其能富 爲後 則 海 則 财 源 日 設 裕 難則 推 河 不暢其流者 推廣之圖 招商之輪 廣 內港 商 商 何 者 放 買願出 商股 亦不 日 厚於英屬而 也 船 此 必 乎貨流 心多而 於陸 四 夫 也 能 於其 暢 者富強之大 設於繁富之區 乙 我貨流 則與官商之鐵 能 市有保商善法則般富亦樂於貿 薄於宗邦是在謀國者 國家亦易為 旣 盡其 暢 則 便 經治 才 我 財源自足矣籌富國 則 如 商 國之大 力試 粤港 路 百 運 事與 也 但 蘇 輪 鐵 觀 木 地 南 滬 路 船 能 津通 也 有 洋英 先 祗 行於沿 四 盡 以 通 含當以 其 者 乘勢 屬諸 於關 等 旣 利 處 路 則 遷 得 丽 埠 海 外 民 多 大 然 商 其 利 而 輪 築路 食 務 成 不急 江 後 足 修 收 船 而 雖

爲日 能 礦 干 立 躯 1幾何 年 紡 顧 此 織 必 四 我 而今日 能 製 中 大 造之 駕 綱 國 歐 枋 而 效 成 洲 舉 局 效 國 與 西 而 商 巨大 並 法於今已三十 上 之 行 務 蓋謂 之也 則 有 招 可 此 間 商 觀 嘗統籌 以 也 輪 試 年 能 船 舉此 育 觀 開 全局 日 平 人 四大 才 本 鐵 路 竊 則 綱 國 以 已 有 與 中 後 而舉國行之而 同 國之人 西 先 文方言各館 輝 人 通 映 民材 商 矣 後 而 於我 無 力 猶 水 丽 不能 師 人 能 İţj 武 效 與 阻之夫天下之事不患不 步 備 西 武 歐 諸學 法 泰 洲 堂裕 亦 西 頡 叁行 後 頏 於 者 財 我 新 其 源 其 法 故 則 闢煤 維 其 何 哉 新 時 以不 不 金之 Z 政 過

九

函

札

_ 0

以 Mi 忠無 代為之行不知之人多則雖有人能代行 行之人方今中國之不振固患於能行之人少而尤患於不知之人多夫能行之人少尚可借材異國 而不知之輩 必竭力以阻撓此昔日國 家每舉一事 非格 於 成 例

輒阻於羣議者此中國之極大病源也

風 通 之所以扼腕文昔日 膏肓之病 斯平 猛 軍津關之 氣之變革亦 纐 劑邀投膏肓 此文今 嘗 聞之昔我 丽 不能除之則堯舜復生禹皋佐治無能爲也 一路夫以中堂之勳名功業任寄股肱而又和易同衆行之尚如此 H 之所 強弱之轉 獑 愈逮乎 所以欲捐其學而匿跡 中堂經營予 以 望風 機近年 法釁告平之後士大夫多喜談洋務矣而 m 興 海軍鐵路也嘗脣爲之焦舌爲之愀苦心勞慮數十餘年然後成此 以 起 來一 111 切 新政次第施行雖四大之綱不能齊舉然而 於醫術者殆爲此 更何 也 期其效於二十年哉此志士之所以灰 然而 拘迂自囿 天道循環無往 之輩 其艱其他可知矣中 亦頗 不復 爲之以漸其發軟於 人 欲馳域之外 事 否泰 心豪傑 北 窮 凼 洋之 觀 極 有 此 此 則

集 能 以 巨 無緣 為八股以 欸 m 竊 沾 不惜 惟 雨 我 博科名工章句以邀時譽然於聖賢六經之旨國家治亂之源生民根本之計 露之濡 遇 中堂 藝之成 自 中興 叨桃 李之植深用 mi 技之巧則 後 經 略 南 獎勵 為城顧文之生二十有八年矣自成童就傅以 北 洋孜孜然以培育人材為急務建學堂招俊秀聘 倍 加 如獲 異 (寶誠 以治國 經 邦人 才為急心至苦而事 至於今未嘗 則 西師 無 時不 而 督 離 至 課之費 往 學 盛 復於 雖 也 未 嘗

胸

中於今之所謂西學者概已有所涉獵而所謂專門之學亦已窮求其一矣推中堂育才愛士之心揆國家

附

於干

謁

者

流

躬

民

時勢 時 艱 當務之急如文者亦當在陶冶 而 不 敢 Ű 蓋欲 巖穴自居 行而實踐之必求澤沛 也 所謂 乘可爲之時 而收用之列放不自知其駑下而 : 乎萬 以 竭 愚夫之千慮用 以 敢 仰贊高深 求 知於左右者蓋有慨乎大局蒿 非 欲徒 撰空言以 瀆 清

目

我 民為 因 努已岌岌不可終日 而 雛之禍是豐年不免於凍 舉 中 人滿之勢遂至潰裂四 國 國 本民以食為天不足食胡以養 竊 並與 自古之大 維今日之急務 學 校 非十 政 上則 故 天子 年 固 出為毒天下方今伏莽時聞災荒頻見完善之地 無逾於此 餒 仕途壅塞下則游 無以致其 有親 丽 荒歲 耕之典 民胡 四大端然而條目工 必至於死亡由 功時勢之危急恐不能少須何也蓋今日之中國已大有人 Û 以 立國是 手而 勸 萬民 嬉嗷嗷之衆何以安此明之闖賊近之髮匪皆 斯 **今欲振興** 在 先養 mi 夫不能造次舉措施布各有緩急雖首在 往 其勢 Mi 八農務亦 後 教此 必至 不過 日 農 甚 政之與尤爲今日之急 廣我 已形覓食之艱凶 H 故 不急挽救豈能 規 叄 行 新 祲 法 、滿之患 之區 乘饑 務 無憂 丽 陶冶 已 也 夫 饉 民 難 且. 之餘 矣其 人才 習於 農 免 國 爲 以 流

101

所 之 知 益 雖有 如 此 更革 則 踵 必 行 無 他 政 傾 必 駭 無 成 撓 效 格之虞 ____ 見 爭 其 相 樂從 益 固 雖 不 舉 止 國 端 遍 行 也 爲 力 倘 易 爲 時 亦 逨 业 且 **伶天下之人皆** 知 新 法

於考 所 聘 地 西 竊 質察物 以 儒 亦 我 未 國 理之法 家自 皃 有 欲 農學 略 行 西 有 之師 法以 所 知 此 來 毎 惟農 興 亦籌富強之一 鄉 政 間老農談論耕植嘗教之選種之理糞漑之法多有成效文鄉 ---事 未 聞 憾事 枋 效派 也文遊學之餘 往 外洋肄業學生 兼沙樹 藝泰 亦 未 聞 西 農學之書閒 有人農政 學 堂 居 者 觀 香 覽

函

札

之利

旣

奪英

人可

勉

而

自

國

旣

禁我

可

不 栽

此

時

而

申

禁吸之分

則

百

年

大

患可崇朝

mi

滅 矣

勸

種

罌

102

何

逐客 此 逈 歲於農隊 樹桑遂為考 山 之東 非 無 檀]1 礙 滇各 於 島 負 禁工 農 試 山 之其 土之可 核 瀕 田 地 各 海 而 不 漿 質 $\bar{\Pi}$ 有 地 果與 比 茶商又多虧 多 補 知 去冬所 於漏 其 砂 FII 磧 頗 度公土 禁英 不宜於 巵 土質磽劣不宜於耕故 亦 產 折 數 無 鄉 斤 時 種 桑 權 異 間景 凡 嗒 而 宜 毎 況大遜 之計 甚宜於 畝 阿 芙蓉之癖 可 獲 也 波畢 囊 利 鄉之人多游賈於四方通商之後頗 他 數 日 時覓食農民尤為不易文思所以 近以憤 者 十 膉 爭 金 行 一現已羣 相 必能 k 於 英 人 購 吸 盡 以 奪印 相 Иj 禁烟之議 此 烟之利 决 效家家試 其 能 奪印 蓋其 難 栽 成 烟之利 今冬農 稱當 氣味 篴 廣 勸 其 農利 較 農 饒近 公土 隙 人 也 栽 车 必 欲 所 矣 鴉 去 以 爲 種 美 削 片 禾 尤 必 洲 烟 佳 M

農事 週知 栗實 瘞 叉 手 詳 敬 處 細 毎 其 文今年 畜諸 宜 節 法 如 盤 中 設 先 目 設農師 片之權 立 堂 端 當 詳 農藝博 另著 有 擬 耳 阴 濡 意 利 有 學 輿 以 法 目 益 他 堂 與農政 盡 覽會 染洞 編條 國之行從游其 也 由 **lti** 栽 西 所 悉與竅泰 分 選好 烟之事 縷 所 法招 則文於囘 興 晰 民開 學 學 可 觀之則 堂相 |國之蠶學名家考究蠶 西 以 博 華 坐言 駹 理 物 集商舉辦此於國 後 法 之士課之三年 表裏廣集各方之物 亦頗 知農民之見利 可 丽 再 起 有 行 行 所謂 心 游 得 歴 至各國 有 非 内 必趨羣 桑新 欲 計民生大 地 成 產 徒託空言者此 然 新 法醫治 疆 土 時 後 一地之所 關 相 與老農互 派 有裨益 往 枋 外 等處察 各 蠶 效 省分 宜 到 病 **一所謂欲** 也 相 處皆然是 並 種 考證 文之先 類之 設學堂以 擬 看 順 情 此 道 佳 躬行實踐 形 劣非 爲辦 則 往 人躬 何 課 農 處 游 宜 法 農 政 環 遍 耕 之綱 之與 家聰 歷 數 必求澤之沾 耕 球 各 其 代 何 文於 甚 境 穎 領 處 邦 未 易 宜 觀 子 至 牧 易 樹 其 其

沛乎民人者此也惟深望於我中堂有以玉成其志而已

農桑之大政為生民命脈之所關且無行之之難又有行之之人豈尚有不爲者乎用敢不懈冒昧侃侃而談 為生民請命伏祈採擇施行天下幸甚肅此具稟恭叩鈞綏伏惟垂鑒文謹稟 伏維我中堂佐治以來無利不與無弊不革艱鉅險阻猶所不辭如籌海軍鐵路之難尚毅然成之況於

. .

札

函

 \equiv

四四

发馳

鳴

謝

悃

孫

號

丙申(一八九六年)倫敦 被難時之書簡

將予幽 禁于 幽 中 禁使館中致 國使 館 中一 康德黎 二日 小簡 後 使 館 將 逕啓者予 特 僱 船解 於前 予囘 星 期 國 日 被二 囘 國 華 後 人 必 被斬 始則 首奈 施 災 誘 何 孫文敬 驅繼 則 復 啓 驟 加 強

政 界共表同 體 一十簡敬 (二)使 及文 眀 情 館 國 及 時 釋 人之眞價 援 出 後 助 謝英政 文緘 予 値 於英人之崇尚 於波德蘭區覃文省街四 敢 府 不益竭其思以謀我 及 報界 公德 書 子此 力 持 袓 次被 Æ 國之進 十六 一義素 幽 於中 所 步 欽 並 卿 國 公使館 身 謀 受其 所 以 開 惠 賴 英 通 益 我横 堪 政 徵 府 被 信 之力得蒙 壓 且予從 抑 之親 省 此 釋 愛 益 间 知 並 胞 承 立 乎 憲 報

蒙上 之傳 外 中 呼 船 父母 興 私 忽然安慰全無憂色不期然而然自云此祈禱 否耳 帝施 連 書已爲所賣將書交與衙內之人密 出境船已賃 人之情也弟此 但 致 恩 香港道 接我祈 日 夜三 備惟 四 濟會堂區鳳 鬳 人看 時 使 我 惟 候 安慰當 機宜 有 守窗戶俱 痛 初六七 堀書 心懺悔懇切 必能 閉 嚴 日 啓者 感動 事 俱 密異常惟有洋役二人日 無 祈 弟被誘擒於倫敦 人 其人使肯為我傳書次早 俾 知覺弟 知之防 有應蒙神 虅 丽 已一 身在牢 範更 施恩矣然究 連六七日 為 加 中 牢 自分 於清 密 日 而 入房中一 使館十 必死 在牢 夜不 可 他入房中適 爲 無再 絕祈 我 中生 二次遞傳 有餘 傳 死 虅 生之望窮 消 關 愈新 日 防守偶 息 擬將 者 頭 終 食 葢 愈 疏 在 切 則 弟 必 物 綑 得 賴 各 能 至 阯 第七 傳 天 鄉 件 乘 其 消 痛 間 前 乘 人 日心 癢則 夜下 息於 奥 他 旣

M 札 **蕩子還家亡羊復獲此皆天父大恩敬望先生進之以道常賜教言俾從神道而入治道則弟幸甚蒼生幸**

關 臣兩 說果得允肯然此 師 他等 聞此 時筆墨 事着力異常即 紙料俱 (被搜去 報 捕 房即 幸前 稟外 時將名: 部 而 帖寫定數 初 時 尙無 言未 人信 捕 曾 搜出. 房以 卽 此二人為癲 交此 傳 出 狂 外 者 與 使館 簡 地 利 全 推 萬

坊欲 不誣 並 日間 無我何適足以揚其 無 報館始 號召人拆平清使衙門者沙侯行文着卽釋放不然則將使臣人等逐出英境使館 其 使 館 事 他等 興 八北京電 為傳 初 揚 一二日自 而 無道殘暴而已廚朝之名從茲盡喪矣弟現擬暫住數 報來往不絕我數十斤肉任彼千方百計而謀耳幸天心有意人謀不臧雖淸虜 全國震動歐洲震動 出 暗差自出 防守恐漏 天下各國亦然想香港當時亦必傳 夜蓮往 別處初 報館 亦不甚信迨後彼二人力證其 月以交此 揚其事 地賢豪弟遭此 始 倫 懼 敦幾乎鼓噪 丽 放 我此 大故 陰 事之 謀 + 有 如 終 餘 街

理

庚子 (一九〇〇年) 由日本經香港致港督司

任用 又不 謂 可 變之來殆難 教堂 效為 受其害者不 不憚勞悴先事預籌力謀變正以 補 尚 詐 救於後 特華人已也一 遍 難 私人文武兩途專以 竊某等十數年來早慮滿政府 於內 政 術較量強弱恩可為仇朝得新歡夕忘舊好是謂賣邦交外和內很匿怨計嫌釀 府 逆料 冥頑 特華人也天下安危匹夫有責 則請將其平素之積弊及現在之凶 地故某等不嫌越分呈請助力以 此 轉圜 害 固 一不易疆 非某等所願當亦非貴國之所願 ___ 利 賄進能員循吏轉在下僚是謂屈俊傑失勢則媚得勢則 相 去 臣 杜 重 如斯望貴國 後患不期果有今日之禍當此北方肇事大局已搖各省地 庸懦失政既害本國延及友邦倘仍安厥故常保守小節禍 更觀望依 先知先覺義豈容辭某等觀 其愼 襄厥 違定亂蘇民究將 **頑略為陳之朝廷要務决於滿** 裁之否則 成願借殊勳改造 也 時不可失合則有成 恐各省華人望治心切過為失望勢將自 誰 屬深知貴國素敦友誼保中 中 此時 國 則 內 艱 臣紊政 如謂 無 亟 |思挽| 驕面從心違交憐慣 反 人側外固 滿 **|弄權惟|** 救竊恐 政府雖 禍伏機屢思報 邦交受其 一勢力微 方勢將 恐靡既 為心 以貴選是謂 失政於先或 且 謀禍 技是 糜爛 用是 利 商 弱 者 奏 務 107

函札

丽

就現在之己見者記

則

女!!

妖言惑衆煽亂危邦釀禍奸民褒以忠義是謂誨民變東亂旣起不卽

謂

仇志

七嚴

刑

取供

獄

多瘦斃寧枉

毋縱多殺示威是謂

尚殘刑

此

積弊也至於現在之兇頑此

後

尚無

涯

路是

剿平又借

謂嫉外人上下交征縱情濫耗民膏民血叠剝應需是謂虐民庶鍛鍊黨罪殺戮忠臣杜絕新機閉塞言

事

無

偏

益

利

溥大同惟是局緊機危

時刻可慮望早賜覆以定人心不勝翹企待命之至

所

謂

中

央

政

府

者

舉民

望

所歸之人爲之首

統

轄

水

陸

谷

軍

宰

理

交沙

事

務

惟

其

主

權

仍

在

憲

法

權

限

之

禍 元 兇命 根 蕩 為前 其物業是謂 是謂: 害洋 挑 邊 商 釁 睦 教 異 鄰 遣 理 使 同 國 傳 體 道 攸 何 關 罪 移 唆聳民庶 一碗環攻 如 屠 待 戮逞心是 強 一敵是 謂仇 謂 戕 慩 教 命 士 書 通 未絕 商 有 交 約 使 保 猶 頀 滯 宜 境 周 圍 乃 困 種

誅伐反 使 署 M 禁外 .授兵權是謂 臣是謂背公法平 用 僨 帥裂 匪全交乃為 土瓜分羣雄 耽 至 理 視 暗 竟 受調 因 忠諫 護 慘殺 漠不知恩是謂忘大德民教失歡 無辜是謂戮忠 臣啓釁貪 功覬 原易 覦 大位 排 解 偏 不 加 爲

輕 深知今日 挑 撥逐 心 Ŀ |啓禍端| 囡 遠 中外安危之所關 圖 是謂 或蒙取錄 修 小 怨凡 茲謹擬平治章程六則呈覽懇貴國轉 滿 此 漢存亡之所繁是用力陳利 皆滿政之的 確罪狀茍不反正 弊曲 慰同 爲禍 商同 何 志之國極 人南省亂萌 極 我南 力贊成除 人求治之忱良 籍知 稍 去禍 緩事 為 根 宜 此 借 聿照新治 矣 力 某等

計 開

遷 都於適中之地

如 南 京漢 口 等處 擇 而 都: 之以 便 辦 理 一交涉 及 各省

來

往

之

於都 內 立 中 央 政 府 以 總其 成 於各 省。立 自 治 政 府 以 資 分 廽

内 設立 議 會 由 各 省貢 让 著于 名以議 員 以 馬 京 公 使為 暫 願 問 局 員 所 謂 自 治 政 府 者 由 1 央 政 府 選

派 駐 省 省 總督 人以為 省之首設立省議 會山各 縣貧士岩干 名以 爲 議員所有該省之一 切 政

__

戒

三、公權利於天下

民間選舉以

目前各國之總領事為暫時

顧問局員

如關 稅等類如有增改必先與列國妥議 丽 行 又如 鐵路鑛 產 船政工商各業均宜分沾 利 權 教士 教

堂

議會內公舉至於會內之代議士本由民間選定惟新定之始法未大備暫由自治政府擇之俟至若

徵收正供皆有全權自理不受中央政府遙制惟於年中所入之欵按額撥解中央政府以為清洋債供

軍

餉及

宮中

府

中費用省內之民兵隊及警察隊部俱歸自治政

府節制以本省人為本省官然必由

旅店一律保護

四、增文武官俸

內外文官廩祿從豐自能廉潔持躬公忠體國 其有及年致 仕者 給以年俸視在官之外暫定恩額之多

少岩為國捐軀則撫養其身後

五、平其政刑

集

大小 訟務仿歐美之法立陪審人員許律師代理務為平允不以殘刑致死不以拷打取供

六、變科舉為專門之學

如文學科學律學等俱分門教授學成之後因材器使毋雜毋温

札

函

=

甲辰 (一九〇四年) 敬告同鄕

此書當時發表於檀埠隆記 報館

全 然然而 者 外國而倡保皇會也其威恩圖報之未逸豈尚有他哉若果有如公等之所信彼名爲保皇實則革命 計 謀軍國大事民族前途豈有故爲名實不符而犯先聖之遺訓者乎其創立保皇會者所以 事名不正則言不順言不順則事不成夫常人置產立業其約章契券猶不能假他人之名況以康 人之欲而誣妄康梁一 立憲而延長滿洲人之國命續長我漢人之身契公等何不一察實情而竟以己之心度人之心以己之欲推 近政見書此書乃康有為勸南北美洲華商不可行革命不可談革命不可思革命只可死心踏地以圖 以進 尚得處於人類乎直禽獸不若也故保皇無毫厘之假借可無疑義矣如其不信則請讀康有為所著之最 從事雖不成而 同 士 鄉列公足下公等以為革命保皇二事名異 不然也梁之言果真誠無偽 以舉人而蒙清 康梁從此大名已雷動天下此誰介為之孰 至於是耶或曰言借名保皇而行革命者實明明出諸於梁啓超之口是何得 帝載恬特達之知非常之寵千古君臣知遇之隆未有若此者 .耶而何以梁之門人之有革命思想者皆視梁 而質同謂保皇者不過借名以行革命 **种致之非光緒之恩曷克臻此今二子之逋逃** 為漢 仇耶梁爲保 報知己 此實大誤也天下 也 百 日 維 也 梁之智而 剘 夫 皇 謂 新 保皇 康梁 言 康 會 逊日 聽 梁

111

函 札 領袖閱歷頗深世情寖熟日擊近日人心之趨向風潮之急激毅力不足不覺為革命之氣所動

之運

動

盪偶

中

事决

分

兩

途

如

黑白之不能混

消

如

東

西之不能易位

革命

考

志

在

倒

滿

m

興

漢

保

皇

者

芯

在

扶

滿

丽

臣

淸

理

相

反背

道

而馳互·

相衝突互

相

水火非一日矣如弟與任公私交雖密

談政事

則儼

然敵國

然

1:

各有

細彼 保皇而 當保 番 得 梁 心 報 E 說 過 Ħ 而 於其 Ë 必 有 同 失其 有 賤 海 無 如 種 說 肆 地 口 皇 僞 眞 魯 म 談 此 亦 保 情 爲 報 乎夫革命與 帥 初 mi 藏 一章命者欲籠絡革命志士也彼身入洪門者欲利用洪門之人也自弟有革命演說之後 心背其宗旨其 可享 皇立 主筆 康 其 洲 其所言保皇屬 孔 也 圖 甚 謗 出 有為者是猶 窮 而又口 有 憲之旨大 竭 此 氣 者 可見彼 皇 力訾譭 而七首見矣若彼果真有革命之心必聲應氣求兩心 者 不可不辯也今幸有一 保皇 帝 也 之權 談革命身入洪門 康 運不. 乎病 雅 張 竟敢 眞 在 旣 ()則革 吾漢 滿 刻 新 所言保皇為真保皇 民叢 不 相 心 人 人之偶簽囈語 命之說 之毒 顧報 容勢不 寫 人以四 服 報之忽言革命忽言破壞忽言愛同 燄 律 以 據可以 亦偽 其混 傷及名譽若訟之公堂彼 兩 表白 千年文明之種 丽 立 痛罵漢人之無資格不當 一个梁以 矣又 耳 其保皇之非僞 證明 所 非 言革命 眞有 非 如 彼雖 顛 本 倒 族 埠 人 反 黑白 則 俕 清 П m 爲假革命 談革 民權 持二說 皇 Mi 歸 報之副 者 粱 漠 未 倘 必 命身入洪門而爲保皇之中堅漢 如 去 享有民 難 首 不能 此 已彰 暗 與之决絕未與 逃國 種之過 相印 無怪公等向 鼠 投 主 い明之實 で 享此 崩 筆 兩 何致有 較 權 法 陳某者 端 一於其 繼則 著 叉 其 夫 何 灰 滿 所 心 攻擊不 八恩光緒 之以 之分 康趨亦 山 說 洲 大露其漢 言革 也 以 其 何 此 為 觀 僔 東 命 離 以 之革 趨康 外 留 北 耳 屬眞 則 知 忽言愛眞 以奴之本 餘 目 其 族 所 彼 命 抑 游 地 者 然 步 則 牧之野 始 族之奸 亦 保 革 哉 保 同 混 來 則 革 夫 理 種 步 之 面 於 Z 命

旣

來反 復之奴隸則亦已矣如知冰山之難恃滿漢之不容二百六十年亡國之可 計 不能相強總之畫清界限不使混淆吾入革命不說保皇彼輩保皇何必偏稱革命誠能如康有爲之率直 非 {對雖失身於異族不愧為男子也古今來忘 獨 康梁已也滿漢之間忠奸之判公等天良未昧取拾從違必能審定 本性 昧大良去同 族 而 事異 恥四萬萬漢 如果以客帝為可 種 拾出義

大安不旣

革命毋惑保皇

一庶漢族其有多乎書不盡意餘詳演說筆記中容出版當另行呈政

弟 採 逸 仙 頓

此

致

ģŋ

候

(族之可

興 則

宜

大倡

依

甘為

萬叔

茅

m

為漢奸者不可

勝

丽

陋 札

8

集

丁未 (一九〇七年) 鎭南關之役致各同志之要緘

革命 安無居 光山 育 廷 鑑 省 進 見革 外同 詳 長 寧 亦 府 闸 取 情 為慰弟前 軍亦 寧 欽 + 志之協力聯合好義敢 城 大破之法 命軍之名譽矣二十 一) 澤如兄暨同志諸君惠鑒五月七日曾發第十八 帶若南寧既 府 分 以 州 民 南寧為 提防 秋毫 蕊 述之弟自南來即欲經營大軍 燭) 虛 銳 圍 涵 十 無犯民 相 現盡調廣西之兵往救南 其 闒 云數 持以 廣 城 日之內全軍二萬餘 西 破 西之中心 以 新聞 月以來兩廣革命軍已豎旗起義破城 心 决 則 誘 勝負若 大悅鰈 前 虜 論之日: 七 兵 無 日 死之士輸運 點得 強 來救八 乘 金備 敵 能破其数兵則南寧可得南 勝 此 关 南 進 處革命軍 寧則 錢猪 軍所至迎刃而解矣此為勝負之關 人 月 攻 寧又調 初三 新式 連 防 在欽廉發起 破 炮 北 城 槍械 日 竹以 取 數 縣 不 全軍 城軍 廣東之重兵以駐欽廉欲以兩廣之全力與革命軍 桂 知 林以 歡 鼓 用 百 威甚壯 事俱備 迎義 破 以東西兼顧 直趨靈山 何 出 戦 城 軍各 略地 湖南東取梧州以出 生 術 號函想已收到比維文明進步憂國思潮 寧既得則 能 **虜兵不戰** 擒 乃於中曆七月二十 電報紛 初 鄉之民携械從軍者萬餘 知 Ťi. 戰 沛 縣 六兩 等官責 然進 丽 兩 iffi 去 傳想我同志諸兄聞 廣 敵 頭革命軍 降 日 取 其不知· 兵四 或 連 躬自 易定因現時 破 廣東革命之基礎 横 分之三可 戰 四 經營者數月有 第一 州 賏 大義身為漢 而 〈虜兵戦 潰 永 級之著手處也今 兩 淳兩 現 人即 其概 廣之兵皆聚於 在 稱 於 全 縣 晚 奇 可 軍 全軍 奸 捷 欽州之王 餘又 矣今更以 (皆 固 云云可 興時 决 進 蓝 得海 戰 誅之 惟 取 廣 出 西 城 俱 我 南 虜 115

区 札

大

振勢力

增

加

此

爲

目前

最要之事

披

堅執

銳

M.

戰

千

里

者

内

地

同

志之責

也

合力籌欵以

濟革

命者

海

外

同

H 接 電 報 廣廷既 已調湖 北軍 來會戰 夫以 新起之革命軍敵三省之兵聞者或代為憂慮然弟已夙 計 及 此

來則 早為豫備 長江 義 不 Ĥ 帥 廣 乘 東將 虚 mi 起愈為 有義起 得手 而 響應 此 使 可 虜 無 朝東 足憂 (西不能 慮 者今之所急惟 兼顧 至 於湖 在 北之兵恐長江 챮 力 幫助 攻 取南 有 寧之革 事 不敢 。邊來若 命 軍 使 得 其 果 早

H 勝現今革命 破 敵 耳 夫 虜 軍 好義 廷旣 有勇 合 兩 入 廣之兵力以 心 堅定 固 救育 μŢ 以 寧我同 進 取 無 志亦 前 惟 必合全 必 須 接濟 體之力以 軍 需 使 接濟南 其軍 械 足 寧之革命 用 重 餉 不 軍 缺 然 然 後 後 可 聲 以 威 必

志之任 也今內 地 同 志 旣 爲 、國民出 死 力以 求自 由 切 望

望者 同 志 也 諸 兄慷慨 弟 已與 各國 仗義籌 鎗 **礮廠約定新式** 欵接濟以充拓革命軍 槍砲隨 時可以購買 之實力使 得 丽 近日革命軍 戰 破敵斯則同志諸兄之責任而國民之所 已占領欽州沿 海 岸 隨 時 可 以 運 屬

送軍械今所缺者為購械之欵耳望我

志踴 同 志諸 躍 兄接此 濫 力即 卒 信 後 H 即照弟前 來當聯合之人亦必樂於助義 涵 所言 1由同志 中舉出妥員 宜不 分畛 再任 域 以 運動籌欵之事 期 迅集 巨欵 能 當此義聲霆震之際不 於信到 一後七八 日 内 籌 獨 同 得

奮力立 以 則 兩 濟 廣指 軍 薃 功 日可定 以 則 革 慰 海 命 有 外 軍 兩 知 同 廣以為 胞 海 外同 期 望之般 根 志之熱心公義 本治軍 而 且 北 軍 Ŀ 當 長江 且 旣 裕 衞 南 顧 則 兵精 同 北 及黄河 盟 糧 兄 弟 足 南 必能 如 北諸同志必齊起響應成恢 手 足之 打 破 此 相 救 勝 唇 敗 關 幽 之 頭 相 虜 兵 依 必然 旣 復之大 破 勇氣 南 黨 功立 旣 百 倍 得

公安

文明之政體在此一舉我

軍有 同 諸兄籌餉之功 所統系屆 時必詳定章程凡捐資助欵者計期必厚利償還從豐報酬其助餉尤巨者並於國 必與身臨前敵者共垂千古而不朽矣南寧破後弟即於該處建立軍政府使各道革命 一中開

種利源特優給以權利弟知

同志諸兄急公好義必不因報酬之有無以為輕重惟報施之道本宜如此且亦可 對外而 勸 捐 請

兄舉定妥員後凡捐 資助 》 輸者皆 由 經 理 員 給囘 收條電 涯 香港 上環德輔道三百 零 中 國 日 報 胡 展 堂收

卽 由 胡 君一 面發回 收條 面 電 進 弟 處將 來 軍 政 府 成 立 後 卽 照總收條以 爲 報 、酬皆可 豫 為

同 志 諸 兄告者 此 也附呈兩 廣革命軍布告海外之同胞多張祈 Ell 廣布各埠華商以 資觀 感當前國 民革命

已覩萌芽祈

同志諸! 兄鼎 力同 心以慰國民之望堅革命軍之志不勝盼切專此奉託 敬請

弟孫文謹啓九月二日

身新 夕 討 唇 力 月 二 日

防城 以來聲勢甚盛各報登載想兄必已覽及周知故未馳書奉告今者義軍崛起已閱五 (二)澤禽同志仁兄大人足下久未相見敬維文明福禮為慰弟經營兩廣革命軍事自七月廿六 月根 據堅定 屢破 日 破

清兵滿洲政 府傾兩省重兵聚於一 隅而皆不能 與義軍敵則革命軍之勢力可知矣弟謀事十餘年 以 爲 如

此機會實不易再得今革命軍盡心 **戮力已足以對國民所望者各省之響應與** 海外之接濟耳各同 心志皆已

函

札

≖

祈與

備乘機機起以為響應海外同志度必熱心屬望其成功弟前派汪精衞兄(民報主筆偕弟南來參

實力豫

籌鉅 畫革 匯濟 个精 衞兄 命軍 一款接濟軍需子瑜兄於庚子惠州之役及今年惠州之役皆為主謀盡力之人與精衞兄同為弟所信任 事) 赴河內海防西貢星加坡暹羅各埠會見同志報告軍事勸募軍需各同志多慷慨仗義籌資 由暹囘星弟特函 約鄧子瑜兄與精衞兄同赴庇能吉隆坡及各州府與諸同志面商設法速

義安

同志諸兄盡心商榷同籌善法以慰國民之望堅革命軍之心是所切盻專此敬請

弟孫 文謹啓

74

丁未 (一九○七年) 致宮崎萱 野各

體之勢· 辭及弟· 野君 欲 固 信 園 尙 發 欲籌妥軍 《得全權 任 内 地 持 各 舉 位 重俟 此 巴 (一)宮崎先生足下久未作 | 甚穩喜 數 國 力 有 去 破 全權」 購 餉 機 辦 東京後聞 防 人 A. 理之事 其關 専俟 乃發 械與 重. 城 立意欲破 械 縣 之語不知 然衆數千· 足下 外交等事始入內督師 如 於日本之運動當託 平山 取 慮平 __ 發則 謀 壞 南寧則革命軍之基礎已成廣東長江 ·人極得 議事 團 料 山 北 和 體 平 北 兩軍合併 E 旣 Ш 和 田 民心現已全軍北 書以事方進行無以告慰也 垂 將 田等 諸人與足下 北 和 成 A 足下全 本 旣 廣西不難定也南來苦意經營數 丽 H 等不 關於 人的 挾意 機 /Ψ, 見不能 權 於 方 顧 H 衝突當時 公義為 本之運動弟在 辦 此 面 趨以取 理 數 破 自 和 人之手凡 壞 秘密行 衷故第 弟意以 無 弟之所不及 南 餘 寧黃 等響應之師 一萱野君歸國把 H. 東京時 事不 此皆 五. 進 爲諸人意見不合非 7 君 mi 興 特平 不 侵 *} 79 ,法之舉 月始 於同 非 曾 人 號 内 惟 託 相 Щ 函 | 悟當可 部幾致 得 志方 無以 繼 北 中 足下全權辦 有 此結果此 和 mi 鲗 THI 田 公義之蠹 維 起 『於各· 暢談 有大故 事 數子 全局 持團 絽 可 合 不可 爲之瓦 大有為 體 人 軍 得 理 放於 切 之精 オカ 也 mi 初 足下謙 新勢 使之 弟以 旭 近 來 解 所 也 mi H 胂 現 聞 後不 書 勢 西軍 增 及 力 削 之範 弟急 知本 託 讓 力 進 此 肵

函 札 之助

力以

犬養毅君

爲

最

適宜

今縛

涵

致犬養毅君

新郎

轉交相與謀議現

時最急者軍

餉軍

械

兩大宗望

部

 $\dot{\mathbf{H}}$

人及

民報社

#

人

亦不必與之商

議

專託

足下一

人力任

其難

如

有

所

商

酌可

直

接

函

電

弟

處其

在

H

本

復

團

述

119

固

甚

時

維

持

東京團體

辦法遂覆電與精衞云

『收偕往及得駁囘可再商囘

東事

近事

複雜

無關

運動

故

未

巴

書

問

原

電

有

---峇

人居

無

聊

且

未

得

巴

書欲

巴

東云云』

萱**人二字**誤電作

一个乃詞

意不

朗

篴

致

兩

俱

誤

解

殊

出

悉力籌畫以相接濟欽州海面已為吾黨勢力所及輸運軍械較前容易矣 專此 奉託 卽 請

弟 採

文謹啓八十八

、號九

月

十三日

俠 女

四 軍已發東軍之事 望速 緇

賞野 君 想已 到 東祈 轉 告 一營至以 為 望

得精 與精 衞 巴 查 進 西十 來 衛兄 如 西 衞 (二)萱野先生閣 其文云 年 何 月廿六 底囘 來書乃知閣下以關於東事 辦 法 新詳 東籌欵如何電 『日本來 日得精 電 下前 當接 函必欲派 衞電其文云 月 聞 復」故 此電 閣下駕經返 __ 時以為精衞自述在星無聊不指 人囘東以維報局而 廿六日電所謂 曾以西十一 『暹電已收否昨到當偕鄧往各地 港歸 月廿六電問 日 本因 回東 四人心 有書寄三上 如何辦法亦即 丽 此 已與克展兄詳議電復公等勉支報 間 他人而十一 囘 君 並 運動今乃居 電不明閣下有不釋然之點 為精衞問伊自己囘 與閣 月十二日此 下述械事 無聊 諒 且 東理整 一未得囘 間 已達覽矣頃 曾致 書欲 云云 報事 事 電 精

其 丽 進 睛 步 亦 得 其 精 少無 衞 星坡書 能有益 一於精 (未囘) 衛之經濟的 德事 略滯 待急 運 動 故 所謂 未與 精衞 近事 書也今得 複雜無關運動 精 衞 者乃 最 近 指 來書 在 万知前 西 所圖之事 電 係 為 複 閣 雑 下而 變 幻

意 歪 料之 於此 間得閣 外 此 間 若不 下倩精衞代作之書其時已了然於東事之失敗其責任全在許雪秋一人夫閣下之任 接 精衞 此 次來 書 尚不 明 此電 爲閣 下而 發而 精 衞 至今亦 當 尙 未 明此 處之電之 意也 務以

मि

得

其

着

落

詎

精

衞

到

暹

器

欵

不

多

自暹

返

過

星

加

月

以

爲

言

械 及吉 故致 劣下 能 西 全 備 貢 使 在 大 連 H 電 掌 故 船 軍 等 精 勯 此 械 秋 報 頗 囘 告 載 衞 袳 來之 稱 各 人 不 迸 === 得 暹 運 資 # 也 措 送至 欵 不 手 丽 以 置 及 指 敢 且 萬當 及再 雪秋 爲 復 李子 Ħ 暹亦 信 的 來之方 蔚 邀 用 關 地 易得 萱 於潮 之報告 於雪 ÉD 鄧 為完全無闕 手 法 秋 事 同 均 來 至 H 而 丽 非 萬 軍 此已三度失敗 船 元 得 卽 械 之射 以 而許氏乃遇事倉皇偵 有 係 處置 數 欲 致 不 Ŧ 雖 邀 問 閣 難 已運 題 坡寄來十 金 矣伊 欵 以 下 及 其 送 商 Ŀ 得 之 他之事 自 到 辦 欵 乏條 目 而 東 邀閣 的 則 械 候不明 地之軍 各 谷 則弟 理 廿六之電 節 事 F īfii 同 問 其左 而 質欲 不知有 來 題 械 所 此 右 則 均 以 閣 m 間 可 難 待 仍不 F 如 李子 央艦 相 解 欸 議 决 者 來 待 之故 精 蔚林 其用 預備 東 則 Ink 事 內 衞 因 自 之 弟 閣 茅 鶴 故 面 Á 辦 見 r 商 松 日 其 雀 不 誳 精 來 其 法 東 能僱 辦 才 責 m . 衞 涵 尤 旣 軍 任 在 述 法

下之權 此 坡 於選 覆電 此 不 未嘗 間 之電 數 有 後二 覆 責 日 獲 書 也是以 則 且 丽 \mathbf{H} 者 邃 精 以 在 則 得開 爲 衞 於 精 此 連 純 再 下歸 間 以 淶 轍 衞 自 上之理 於前 重 電 日之 暹 械 必 得 云 主 電 經 閣 於 曲 一萱 目 尚 星 F 丽 得 的 絕 以 加 星 電 無 爲於 坡 加 辿 所 决 **T** 坡 iffi 秋 疑 H 書 卽 後 於閣 本 返 巴 時 鼣 東京 'nſ 東 不 未 能 内 作 F 之行 覆者 此 接 或 則 得 中们 良 械 以 戸 腊 電 事 mi 有 為各 看 不 云云漪 其 也 愃 遠 所 僱 無 事 **雪秋** 經 閣 疑為閣 營之 非 待 權 下 復 面 書及 嵿 商 圳 歸 不 點 БХ F 化 接 精 始 亦 能 別 妥善 收 作 得東京之電 復 衞 軍 書 於 不 寄 能 械 暹 mî 三上 所獲 渴 再 而 泉 舉 待 軍. 及 不 精 則 mi 閣 於惠 多 衛之籌 事 不 歸 質 F 潮 星 Ŀ mi 爲 得 前 加 其 欵 闆

=

權

責

巴

歸

消

滅

閣

1.

運

轍

至

Ħ

的

地

責

仕

無

膨

然以

運

日

本之

放因

而

更生

新之權

責

但解

决

如

何

輸

入

H

丽

札

軍械輸 舉之計 我 言之再之以許行既不可阻又必強邀閣下去因慮許氏言不踐實許瀕行謂 本及如何領收之問題非弟智能所及惟有聽閣下次度之報告而弟所急亦聽之又其介紹書乃閣 商定何處海 本蓮至澳門附近之海 均任之 畫而 入領收之安全與否至若既得安全領收則乞以電報知現 而 後茲所倚託於閣下之事正多願閣 面 地 胡 點為 不信 中途第 机 벰 由 故為閣下作書致張陳等便為東道主其書因言閣 他 人請負 一次接收之處然望 轉至 目 的 地 F 更爲鼎 如 得日 此 則 本之消息 力賜助是幸專 日船之再度運 嵵 經濟問 電知弟等俾 此 來無何等危險其事較

題雖

未能解

决然欲

商

爲

由

H

下係

與許氏來籌欵云亦

不

得

到星加坡萱野

君

切

費

用

F

與胡

弟孫文謹啓十二月廿六日

卽

叫

易於

、商量

漏

如

何

再

來

他

易今雖

未

俠女

24

丁未(一九〇七年)致宮崎萱野各書

兄

所

捐

軍

費壹

千元已收

續得

精

衞

子

瑜

兩

君之報告

書

備

悉

戊申(一九〇八年)欽廉之役致鄧澤如 書

(一)澤如同 志仁兄足下 去臘 星加 城同志 涯 來

戰巡 關 典 得 死 旹 以軍 苦戦 夜 來降 兄之熱心好 後棄關 時 陸 藉 者二人敵兵傷亡數百 H 防 **勝下** 軍 我 心 П 也 八 各營則 將 以 軍 自 民 月 破鎮 軍與 前 令 士 言復 i 未嘗 進 廣 爲 義 丽 關 舊 人已有心歸附其能任 以 少挫軍 實深 陸 ग्प 南關之時 論 來廣 巡 軍 時 自 誠 收 經 撫 兄弟以是之故我 可 感慰弟 復所 心堅定 提 此 廷調 無 **泛菱蓋草** 督 役之後無論 其後我軍赴欽廉革命軍之約趨往十萬大山以相 陸榮 有 及 兩 自 諸 廷傾其部下之衆來戰 攻破 前 無 廣之兵聚於欽 命軍 統 此 慮 花 領 渙 鎭 之根 謂 軍百 戰 紅 廣西各營兵聞風膽 散 南關之後默察 + 者 重賞 m 日 端 惟 本 各 陸榮廷 州 連 内 已立 鄉人 概不 不 動 南 寧龍 一矣而 能 陸 民 與以 部下 復關 視革 軍 時我軍僅 廣 將 州三處兵數 目 西 寒即 致全軍怨望而 士 四 前 全局 命 逐漸 千人 律 更 軍 數百 有千 斬 陸軍亦心 大 如 首 而 傾心 親 有 已此 友不獨 如 人 載 可 雖近六萬 能 且 而 爲 陸軍共 克復當 折我軍 虜朝 四 陸榮廷諸將尤怨廣之濫刑客賞 時 月 千人 之機 會合共取南 鄉 來 待 丽 民 所 有重賞 之堅勁 (四千人) 者皆百 能戦 會則 圖 人無信當我 爲然 較 者 以 卽 前 乃我 寧而 相持 戦 mi 甚 廣 各 極 悍 我 鮮 西 團 有 陸榮廷 軍 軍 軍 七 卒 客 邊 練 進 攻 畫 屯 步蓋 ML 中 兵 兵多 亦 破 戰 人 夜 駐 旣 多 七 鎭 多 軍 邊防 我 我 不 腤 醅 晝 南 有 篴 軍 習 約 軍 附

根

據比

立

矣而

叉

有

F

載

時之機

曾

如

此

煩

兄

晤

陸

河臣!

紛

時 可

善爲

說

辭

以

觀其意倘列臣翁

有

贄

成之

故 我 軍中 將士得以乘間 丽 連 動 奏敗現時 陸榮廷部下之兵多來約 降 弟許以若 毎 人 **鵝槍及子** 彈

戊申(一九〇八年)欽廉之役致鄧澤如書

龍 州 南 寧後 毎 人予賞一百元而 谷 兵則 謂 來降之時 卽 求賞三十元俟破 龍州 南 寧再 領厚 賞云云 其 來 降 所

求 亦不爲奢弟料 此 軍來 降 則 龍 州 舸 甯 確 可 以 必破 因 現時 除此 軍 外 實無 他 軍 足以 任戦 也 惟 來 降 之初

命 毎 人給三十元以四千人計之為 軍之根據 地可 謂 難得之機會無如軍 費當在 十餘萬 餉 奇 絀 以上夫費十餘萬之欵而 末 由立 集此 數故弟决意來 能兵不血 星加 坡 刃以取 行 卽 專為此 南 寧 龍 事 州 iffi 為 來

心現 萬則大事之成已在把握中矣語云為山九仞功虧一篑今革軍苦戰八月始得造成今日之機局無異九仞 時陸軍已有約降之意則內地 月內可無須 惡戰故弟得 抽暇 來此一行倘能得欵二十萬 或 +

之山 所望者南洋同志不吝一簣之勞耳

據 乃可 兄素抱熱誠 從事 校 勸弟宜先營鑛務等等厚 祈 爲我籌之陸两臣紛前與弟 集 貧 财 īmi 陪 後用之合者革 談數次與語革命之事弼臣紛極 命軍 轉 戰 如是之久兵力 為贊 成惟 如是之勁 以須 《先立根 叫

心 祈 卽 電 知 弟可 來 會 مكائلا 外

兄可 以 爲力之處祈 不憚勞瘁以底大業於成是所切望以後知有囘 音 或電 報 祈 照下 開 住 址 發 來為 要此

義安

上專請

弟孫文謹啓西三月七號

(二)澤如仁兄同 志足下 前

接

復 涵 誦 悉 初 弼 臣 紛 處弟意 欲 吾

兄爲我 善爲 說 辭 今有 致朔臣! 一紛書 封 祈

論 兄撥冗 許以 專爲此 利 權 谷 節 事 誠 行 爲有見弟書先問 以 熱誠 威之以大利 其欲得何等之利 許之或能有 權俟 效也 其囘 最 好在說 答 如 一 何 再 紛 為商 涵 量此 邀弟 事 來 訪 總 望 更 費 易 繭 說 非 話 異 來

所能任 也 弟不 日 復遣 精 衞 君 來 芙蓉 郥

義安 兄 相 曾 Hi 籌 切 先此 奉 稪 致

候

弟 孫 文謹啓四 月一 日 通 三十 八 號

下我 定約 大局可定 務 望 足下早日籌便付 興 깸 (三)澤如 我廣 路 義 III म 師 東路 别 同 在 惠潮 志仁 軍 欽 同 麃 兄鑒刻 亦 深以 時 連 起事 可 戰 便轉匯 豫備 大 急需 勝 接 精 肇 再舉矣雲南之局亦有布置 勢 軍前 花 衞 紅 大 應培 冷立行事: 張 並 廣西 月餉萬元精衞 兩 同志 邊 若於此 防營勇之思反正以 涵 備 述 足下 跱 來 廣 廣 泫 熱心革 謂 西得 W 能 足下處力能籌 大活 手 為義師內應 命 則 力任籌 雲南 動以 |之師亦| 爲欽 輸以 址 廉 千 者 濟軍 可 義 如 甚衆今有數營 **双師之聲 一隨之而** 此 當 需 可 欽 尅 佩 援 動 期 則 無 如 巴 集 此 西 極 路 則

 \equiv

之成否今得足下

力任

臂

事可

無憂矣惟機

局之來難得而易失今誠

千載

時之機若不致遅

延

錯

過

則

蹈

札

兩

廣雲貴可

期恢

復

而

革

命

軍之根

本固矣全局

關

鍵係

於廣

恆

邊防營勇之響

應而

響之遲

速叉

係

於

欵

慰無

量

大為漢

族前

途賀矣弟此次南來籌欵已得三數

埠同志

捐集多

少故欽軍得有

近日之活動

連

戰

大

前 方 基 礎 可 定而 破 於 分之形 成矣懇爲留意幸甚得 匯星 加 坡張 永 褔 兄 代收 便 安張 兄住 址 列下

卽候

義安不一

各同志統此問好不另

弟孫文謹啓西四月十七

妥據 彬兄等稱 四)庇 勝 间 述各同志極熱心愛國現已竭力推廣勢力以為陸續籌欵以 盟列位 義兄大人均鑒鄧彬兄來星帶到澤如兄一函盟 表二十 助 单 命軍 張軍 之地 費銀壹 步 聞 千元 風 欽 俱 佩 已收 越

提軍 布置叉已妥當 威爲之一 可 振今叉得貴埠及芙蓉谷同 隨 時 發起 所 待者数 耳 刻 下有 志贊 成前途更有大望矣現 最急之需 憪 不容緩 者有廣西營勇約 時 廣 西 邊防營勇已 降之花 約 紅 降 及 ൬ 餉 雲 南之 7. 萬

得 餘 !比 元有雲南 數 則 兩 粤雲南三省相 待舉之接 濟需 萬 連 数千 餘 元 里之地 有欽 軍 之加 ग 以 補 同 時 子彈需二萬餘 活 動 則 虜 兵雖有百萬之衆亦 元 此三宗統 計不過 必 五六萬 難首 尾 兼 元 顧 耳 矣 若 況 能 彼 立

虜 兵傾 國 不過十 餘萬之弱 卒 那 廣 西雲 育 兩省 起 則 欽 軍 無 後 顧之憂可 以長驅 進 収 而 東路 惠 心潮之義

師 可 以 再 起 福 建漳 泉可 `以響應: 如 是則 南 七省之局定矣此 朌 則 北 軍 必可 起 於燕 齊 中軍 必 可 起 於 吳 楚

此 弟 數 车 之計 畫 也 無 如 財 力 不充 毎不能 爲所欲爲加 以 近 日 1用兵欽 廉 廣西等窮荒之地 爲 時 旣 久 所

過 鉅 一昔時 同志已成強弩之末所以有今日青黃不接之憂而區 ||區五六萬之欵亦無從挹注 也今幸 得公等

JU

此

庸之典

剘

爾

也公等從此

问

各地

勸

關殷

商

助

力皆可

以

此

爲

則

若更有大財

力

者

願

得

他

種

之特

别

利

權

弟

亦有

權

可

以

允許定約

順

此

並

望公等

力任

其難爲國

立

功

是為禱祝此

致

卽

候

存亡

所關

不

能

不望公等竭

其能

力

以任

此

念

需

也

地

借

債於外國

此

時

自可

左右

逢源

雖數

千萬數萬萬之

軍

餉國

用可

以

無憂矣惟當此得失之交爲吾漢

族

可

立

增十倍達

近月

的

則

基

礎可

固

乃能持

人

能持久則軍政

府可以

成立軍

政府

成

立

便可

因

|糧於內

力

之新力則九刃之功或不致虧於一篑矣顧今日之得失成敗在於能速得此欵否耳得此欵則吾軍之勢

能 担 任 幾何 乞 爲 預 示 以 備 打 算 並 懇將 續 集之欵 早 日 滙 來 以 便 趕 付 軍 前 應急 子 緊至

路 緊革命軍定章 鑛 商業優先利 凡 權 出 及列 資 助 爲 餉 爲 者 國 軍 立 政 功者 府 成 立 與 之後 戰 士 勳 年 勞 期 ----體 內 四 表彰公等為義 倍 償 還即 萬 元還 īffī 起 自不以 四 萬元 此 也 爲 並 計 給 然 以 軍 囡 內 政 各 府 筝 酬

義安不

採 文謹啓西四月廿 日

弟

應之時 也 惟此 如星火茲得 惟 十萬大 持 金 之以 也)心持盟兄鑒吾黨財政之困難眞為十餘年來所未有前各函 但 堅忍出 欵 前 河 將 內 者兄等之竭 總 從 之以 何 機 得其 關 至 處 力以 能 誠 來 函更 m 為力者捨两翁 助 懇 革命軍實出於熱血 求之 知非急得十萬之欵 則 終 未有 實 無 其人 不 動 出 則 心 日 者 不能 來 於大義耳若問革 若 涵 電 廔 進 取裕 求 相 托 丽 屢却 游 如今將 電已屢述之自雲南 說 之俱 命 而 原 前 求 途有 者之望 未 函 獲 抄 何 復 來 把 仍 示 握 不失 想 閱 義 事 便 師 則兄等 起 則 未 知 後 易 其 終 自 更急 必 入 詳 問 有 手 矣

函

*1.

 π

亦茫然也今有河內 來函讀之必 瞭加 粗火從此兄等之出 丽 說 人必更有 把握矣既 有此 詳 糾事 實以 爲

六

成 動之資料 、敗得失 弟是以有更望兄等接 則 在 於此 此 實爲數千年 此 祖 信 國 時 再三向 四 萬萬同 阿翁游 胞 說必得 線 生 機之所係 承諾 丽 後巳也 也 故 必欲兄等再三四 蓋此 事 所 關 非 丽 小 圖之 吾黨今 必 抵 運

於成 m 後已也 惟 運動之方面 必 随 诗 而 變先當動之以 大義不成矣 必再動之以大利想 此 兩方 法 兄等必

比二 已試 者 之而 為 元有力 無 驗然 世 更有 惟 用 此法 法則 當動之以 必得多人合力方易成事於此弟想陸秋傑君必可合力惟此又必要先得 情誼兄等與 酮 紛 相 往 來有年交誼自然 而深用 此 爲 游 說 之具 或 陸

君 之深 得彼之諾彼必言出惟行今於革命之事吾陸君非 信 此事之有把握彼乃肯合力以說 他人及自出力以 無其心惟不詳知革命事業之內容聞 助革命軍弟素聞陸君老誠持重不輕然諾 日來吾黨 所 傳

意又西報之言中國事者 其新聞多傳自北京今清政府力禁雲南之事外傳故 西 報少知 也自雲南 起 事 後

布雲南革命軍之事彼亦不大深信蓋以西報不多論其事也

而不知雲南與此地

關

係甚少故英報不甚

泩

滇督 北京只傳過一電係西 虚 報 闲 當 時 吾黨 倘 未大 進兵故滇督 猶 可 欺蒙 班, 丽 北 京政 府 只報 勝 丽 不 報 败 故 各 烟 西 報 寂 然 無

五

月五

日由北

京發往

上海者言清軍

已復

囘

河

口

此

後

則

無言矣復囘

河

口

事

乃

報 聞 也 (英字報) 惟 安 南 法 有 報 特 密 派訪員 邇 放 多論 在 河 雲南革命 內其五月十二 軍然英報不譯也 一號新聞 有 訪 (大約無 函(五 月 法文之譯者亦 九號來函)言雲 未 南 定 軍 事 惟 頗 香 詳 港 盛 南 清早 稱 五.

黨之文明河內

.離河口不過十二點鐘火車電報息息相通北京五號之電言復囘

泂

П

丽

河內

訪員五月九

128

年

辿

望

如

法先說肯

秋傑君

然後同

被協

力以

說弼翁事當有

成

也祈早示復幸甚

此致候

+

省

城之後

万能

自

|給現正

待濟

甚急之時

弟前

日

連

有

涵

電

詢

及剪

紛肯

否

助

力

未審

如

何

此

紛

諸

則

大

事

代交日

來我雲南

軍

所

至

皆捷

清

兵之歸

降

者

巴

盤

14

Ŧ

有

餘

毎:

H

糧

食

軍

火

甚

鉅

必當

源

源

接

濟

王

破

雲南

129

軍 陸 號 更 宁 君 涯 图 日之局 茲將 猶 看 稱 革命軍 使 Ŧi. 月五 IHI 彼先信雲南之革命軍 有 如 號北京報收 ---此把握乃可 面 守 河 П 復河 ___ 望之協力也若秋君 面 已起確 П 分 之西字新聞 兵攻蠻耗蒙自等處今蠻耗亦已破矣此訪較之北 有其事不是虛傳然後請將河內 並 或朔翁肯任此 Ħ. 月 九 號河內 訪員 +-萬當酬以雲南全省之礦權 報香港之新聞二紙 來 涵 纹 彼 !京尤確 觀 使 彼深知革 寄 上 丽 專 且 利 日子

義 安不

弟 孫 文 謹

(六)澤. 如盟 兄 大 人 鑒 四 月 五 日 來示 並 三則單 千元及譚德 **植霧**信 函 槪 收 一安随 復 電 想 Ē 達 覽

茲 付上收據 兩 張 並 譚 紛 信 涵 祈 寫

無量 成 事 也 方令吾軍 萷 所 謀 É 加 在聲威 補 欽 廉 軍火及招納 大振之時 望足 廣西營勇兩 下與心持兄竭 事皆以雲南之急未有 力動之 如 能 成 就 則 餘 欵 足下等之造於革命 兼 顧 質大滯動 機 如 軍 欵 功 項足 德 實

大安不

以

招

呼三

一處同

時大

活動則

清

廣之滅易如

反掌矣望為圖之並祈賜

復

此

致

ép

候

冽 位同志統此 候 好不 另

PH.

札

弟 孫

文謹啓

14

五

當吾軍 退後三日清兵乃至元氣毫無 講籌不得即 言今復之計惟 大勝一仗之後則行收隊不 說 七)澤如兄暨列 大 翁之舉也今事 勝之時籌欵已如此其艱今事 使籌得亦多遲延失機也所幸雲南之事自破河 有各埠合力另創善法先集備大欵然後舉事乃可 已如 位同 此 守鐵路河 志公鑒寄來二千元已得收到雲南軍事以 所傷大 不禁為之痛惜夫以十萬元便能得雲南全省吾人之力猶 敖一 口等處此弟前 不成則必更難矣貴埠同志將何 得再舉甚 易也 日 涵 惟刻下 電已詳言成敗之機係乎接濟所以 口至 乘勝 辦善後事宜 收隊入山一 趨利若 人多餉少不 以教 我書不 月以 倘 如已舉事 來傷亡極 能進步前 蒸言 不能 後方籌欵 此 致即 少河 月二十 辦 有 託 此 集事 兄 候 接 口 尚 叉於 等力 復何 四 H

大 安不

弟 孫文謹 啓 西六 月 儿 號

130

該件收到 (八)澤 「望為示復有無遺失易於查察 如先 生大鑒來書敬 悉 亦 兄 滙 來 仠 元 具於前 收 到 後即 照 來單 肵 刻 寫囘 憑據今早 由 郵 局 担 保 寄去

軍

情詳

細

涵

專

此

敬

頌

義安

弟孫 文謹 啓 西 歷六 月 十三

緊急之際得 九)澤如仁兄同志鑒前接來電 兄助我 一臂威慰無似 悉進銀五 第所慮者星坡同 百元並 志現無可設 麻 坡認 銀二百元 法 而 今日接 河 內 銀 子書 行 日 內 並 到 銀 期 則 欠 欸 幀 兴五 經 收 妥

兄書中有云 『如蓉埠各同志再竭力籌得多少隨即 匯來」 則尚有 一線之望煩轉語蓉埠諸同

元之多雖不能全還至少亦須還其半數方足以再求展限今所籌者

尚

未

足半數

焦急

何

似

志為

八

公安

內籌還之想必可辦到祈爲注意至望此上卽請

大局辛苦設法挪借二千元以濟眉急準於年內籌欵特不能急若有同志先借出二千元以還急債而於年

弟孫文謹啓八月一號

函

札

北

理

乏者

祗

此

區區之財力十萬元

不過

檀銀四

Ħî.

萬耳

若

檀

山

[ii]

志出

一錢能似

内地

间

鱽

此

品

IIII

之

戊申(一九〇八年)致 南洋 同志請籌 巨欵

之催 舉必 力在 雖 事 稅 末 香 <u>ME</u> 民心大變 此 此 可 促 港 滯 國 次之欵總 想 成 並 民 隅或 已達覽施行 盟長並列位同志仁兄大鑒敬啓者 兩 功 有 時 决 辦 月之內籌足此 無 事 得 有 望檀美同 疑 反抗 領 檀 裘 袖 埠 矣乃者 吾等 也 人員 同志之接濟 志担 惟 數 預 到 新軍之運 時 任 但 備 此 機日 Z 商 前 ---大分也弟提倡革命以 費當要十萬 戒 ilii 洋各埠華 逼 動 已决策定計 他 已普 力; 外 則 mi 人雖多 及於雲南 前 仍 高 Ŀ 麗 無 兀 乃 不 法 旣 久 滅滿 iffi 足 可 函請各同 再舉此 設 布 廣 風 西三江 洲 來 氣 置 也 亦分 至今日 周 閉 H. 次機 塞 長貧 密 志籌飲接濟香港機關 H 兩 所 ini 有之同 為第 局 難 湖 國 策萬全今欲 命連 較 機局 顧 前 待 志前 懸於 之非策弟今承 已算 好機民心歸向兵士 尤 佳 合南 成 志捨命之勇 曾屢 且 ~ • 線 熟 有 加之黨 次 洋 弟 內 爲 長流經 蕊 檀美 就 mi 有 内 Ħ 近 幾 各 指 地 中 釘 倒 揮策畫 谷 财 門 費 成 地 牌 Û 政 义 強 间 地 所 一努之 志之 同 收 得 日 缺 志 困 樑 辦 133

丽 札 能籌足

此

數

削

决無失

敗之虞

也

枚

此

次事

之利

鈍

則

全視

海

外同

志之盡

力與否

耳

內

地

同

志

既

不

惜

身

命

軍

費

無論

會員

非 會員

凡

我漢人皆當助

成

此事

有

力者多蠹

力無

力者

亦

。盡其

所

能衆志

成

城

彩

擎易

舉

如

數

檀

地

n

志亦能獨力任之而

有餘

無待弟

更问

他

求

1

見信之日務望向

衆宣

布

gp

日

舉行

開

捐

事

HÎ

頂

備

苦心

生焦慮竭

盏

其力乃

能達

至

此

地

步令祗

待海

外同

志

臂之助

則大功立可

告

成

如

葡

萄

牙

近日

之偉

業

義安不一

矣望為勉力以竟全功幸甚幸甚信到之日限兩個月期內籌集收齊匯出大埠支部理財員彙匯弟收暫由

理財員發給收條俟匯到弟處弟卽着籌餉局人員發給憑據收執以昭大信茲付上籌餉局約章一 為宣布於衆是荷此候

弟孫文謹啓西十月十六號

_

紙請統

赤霓)心持三兄公鑒覆書已讀前議之件蒙兄等堅持力任勉為其難必踐所得.澤如 佩甚威甚磨家子母

相

戊申(一九〇八年)在暹羅致鄧澤如等緘

邀人 新報 羅消 繼 人然華人 華已足對待之不足搖惑人心也) 死亡人心必大 能工 陳景華轉交於弟至關於團體通常之事 息 知 一誌哀廣 爲保黨所惑 一械念甚佳遂定於今午四 帝 動 3時局可3 丽 吾黨 輔政司叉以吾人勢力大黨徒多以爲有心 則 爲惜 反對之上午何心 財力不足赴之於目 想必得一 點偕漢民兄弟往 當到暹欵事 則 弟留 田 開 店 同 暹 削 邊被爛 志鄧慕漢在 想同 (聞 如何當以 徐勤以 人等亦為扼腕 人無數 挑撥感情轉 遞解出 電告 星 擾亂並投石 亦能 如 料理 境往 有 而歎弟况欲急於從事適 為地 與 、弟之要信可 暹推 H 方妨害乃妥弟 昨 筋其妻女警察 以 想彼 保黨聯高 逋逃之餘 寄暹 彈壓 羅 捕 全 華暹 陳景 領 得 去 多 暹 事 所

布) 宣布(部使 藉此而謀擴充者弟行匆匆未及發揮要可將來利用耳附及順叩 (無有舉 亦一奇事想保黨及滿奴見之轉為駭然英政府旣認弟為有在呈管束團體之力則吾人勢力多有可 (張永福兄被)知爲吾黨任事之人輔政司兼責成之而弟適要動身往 動弟辭以在 坡 八衆口! 說為勞惟 有 出訓示告之警察長唯唯認可今日 暹故使永福兄 已着人印 涌 刷多張公然 (其名我印

義安

札

函

弟孫文謹啓

大安

戊申(一九〇八年)在暹羅致鄧澤如等編

(二)澤如仁兄同志大鑒弟在暹得收

尚未能决定各省同志因廣家子母之死各派專員來星洲以 兄寄欵後當有書報告一切弟偕漢民以十四號歸星 加坡連日冗忙故未暇修柬該件 取進止 弟以 機局固佳然吾 談 剕 八財力未充此 在 進 行 中效果 次

當為大舉為一勞永逸之計吾人仍要養足實力以待之且此 倘稍遲半載則吾人蓄銳方周而彼虜戒嚴已懈益易圖也中興報可望支持過年然來歲則 時海內人心已大動搖惟彼虜亦自張 擬為擴充股份 皇 戒 備

議論 頗愜 人心而 經理則 多不善擴充之舉想

兄亦必贊成候訂好規則再為寄上專此即

請

之辦法因今年資本不足屢次臨渴掘

1.井故報務甚為支絀非得資本較充不能從事於改良進步今年文章

弟孫文謹啓十二月十九號

啓者近年以來南洋各處同志日多各就所處結合團體以實行宗旨發展勢力真有蒸蒸日上之勢殊

為主消息通則情誼治情誼治則協力相扶同心共濟而黨力滋偉成事可望故特定通信辦法三 可慶慰今在星架坡設立南洋支部欲使南洋各處團體互相聯絡以成統一夫欲聯絡情誼必以消息相 條 如左 通

(一)今將各處團 體 通信住 址開單寄覽以後至少每二個 月互相通信

次

(二)各處團體通信住 址有移換時 須即 通 知南洋支部

三)以後如續有新立團體 即由南洋支部(支部長胡漢民)發信通知各處接信後即寄書新立之團體 賀

其成立且勉勵之

以上三條皇留心照辦以團結同志之精神廣通各處之情誼是所至囑此致

澤如同志兄鑒

弟孫文謹啓

中國同盟會分會總章

集

函 札

本會會員須謹奉宗旨親寫盟書當天宣誓以表其誠

本會以實行贊助中國革命事業爲職

志

本會定名為中國同盟會直接受支部之統轄

137

戊申(一九〇八年)在星加坡成立南洋支部之通告

,本會公舉如下職員以司理會中事務

正會長一名 中文書記 名 理財 名 調查員

名

副會長一名 英文書記一名 核數一名 幹事員 名

、本會職員定例每年選舉一次幷每遇會員增至一倍時選舉一次

、本會員皆有選舉權及被選舉權

、當地會所及一切經費由會員均分担任

、凡會員皆有介紹同志入會之權

凡會員能解釋宗旨 明 白者皆可任為主盟人隨 一時隨 地收接同 志入會

凡 凡會員 主 盟 旣 八收接同 完盡 志入會後須將盟書繳交書記註册 己之義務領有底號者至革命成功之日得列名為 由 書記彙交支部 中華民國 收存發給底號收 |創建員 以垂青史 執 為據 而

永

誌念

由 凡會員能介紹及主盟新同志十人者記功一次百人者記大功一次至歲終計功由會長宣勞嘉獎並 支部代請本部總理給功牌表誌至革命成功之日得與軍士一 體論 功行 賞

本會欲使會衆團體密切聲氣靈通特仿革命軍軍隊編制之法以組織會衆其帙如左 (此條請卽施

之質事)

以

四

隊

爲

營

外

自

舉營長

人

共四

百零五人

百

零一人

注

意

組

織

會衆

為營為隊為列為排一

條為極緊要有此則會員之感情乃能密切團體乃能堅固

以三 以 以 DЦ റ 列 排 人 爲 爲 為 隊 刻 排 外 内 外 自舉 自 自 舉 躯 隊 刻 排 長 長 棱 人 人 人 共八 共 共二

十五

以各列 長隊長營長等人員為曾衆之代表人

` 本會辦 事各 細 並 特別 再條可隨 時由 員招集各代表會議

種

詳

规

則

職

訂

立

本會各等 規 則專條總以不違背支部號令及本會章 程為圍 範

各列 知 如散 列 長 沙 長 交 不 曾中 與 過 報 理 有 財員 事. 個 由 職員通 亦 排 事 長 簡 排 長則報七 一傳於各營長或各隊長各轉傳 丽 效大 也 岩 人 不行 知 如 此 此 工 法 一夫易做 則 他 日 岩收月 毎 於其所屬之隊長或列長則 埠 人 費收 多 至 會費會員交於排長排長交於列長 千 或 數 則 無 人不過走 人 能 識 報 四 人 而

長 分 識三 會 機 個 關 之職 排 長 更易 員 亦 曲 無 營而 從 通 隊 知 mi **各人之住** 列 **猶身之使臂臂之使指** 址 行 蹤 业 故 必當 節節 為排 腦 冽 筋 __ 排 相 長 連 靈活 識 其 也 所交好之七人不為 千 遍 難 會 員 列

函 札

3

不致

步殊速論

其精

йф

尚可

並駕於芙蓉也悤悤先白餘事

續陳即

頌

戊申(一九〇八年)南下至吉隆坡等處致鄧澤如諸同

吉隆 辨即 收 法以處此只可俟與他埠同志再商之或有一當耳現時弟經行之埠以諸君子之勇毅芙蓉新氣自不待言 推 此 人 所喻 諉 事為彼心意所 到芙蓉轉 放此事 關 **坡雖亦有熱心之人而團體散漫弟已與各同志謀其改良擴充以求其進步至巴羅則** (一)澤如心持赤霓我兄同志大鑒弟等於昨 者其 於許 各碼之餉無所 與外人之利益 尚不能得良好之結果於吉隆坡聞心持兄日間親至吉隆弟亦與秋傑道及或心持兄 來之信乞勿介念該要件弟已與 極對成 而彼力量則有所不副云云在吉隆坡 一渠亦無立 出已將物業押於王家而月付 甚 疑義 惟 預 陸秋傑兄 出 數千 日 由吉隆 欵項 面商秋傑兄亦 九 厘 坡來巴羅以下 息口又 節則彼 人亦 頗有知秋傑窘狀者其所言當 其花 自云現在窘鄉經濟之困 極贊成以為欲大事之易舉 午五 園亦以支持為難 點 半 鐘 到 遠勝吉隆其進 埠 已擬 在吉隆 難 别 出 有 非 非 有良 租 非 坡已 藉 此 故 外 詞 141

公安

弟孫文謹啓西十一月三日

庇能 兄轉交此電台未遞 昨 (二)睪妲 日下午五 我 兄间 點 到 鐘 到 惟 志大鑒弟等抵巴羅 埠 渊 内 在 已詳 此 處 擬 言之續又得星洲來電言河內收藏軍 駐 三日 後曾將 刨 Ľ 在吉 星 洲 隆坡 也 在 時情 巴 維 時 形 接 涵 告 星 火之事 想已 洲 來 閱 涵 云曾發 洋行須立交一 悉矣巴羅 電 至芙蓉託 小 駐 千五百元 夜 即往 ĬĎ 持

函

札

卽 速電匯云云電內並云已電芙蓉心持兄轉交想心持兄處連得二電必已輾轉寄來放今未得收到 也

戊

(申(一九〇八年)南下至吉隆坡等處致鄧澤如諸同志書

千五百元之件弟已與螺生源水兄等熟商並告以收藏軍火之緊要螺生兄等已悅允擔任日 内籌得 卽

非裕 電 匯故與法人商借一千萬之件雖與螺生兄等商量但 既竭蹶以應千五百元之急需勢難再有 餘 カ以顧 他事 祗詢其意見並未屬其 也 一容與庇能同 志謀之成否再復後日精衞隆 /担任盤 費因螺生 冗等 境

生 搭 船赴 仰 光弟與漢民亦擬後日搭船囘星加 坡也餘俟續陳專此 敬 請

大安

弟孫 文謹啓戊申十月十 日

坦 羅情形略告 切想已入覽庇能同志亦甚熱心惟 連 動 聯 絡 之

星洲同 君 人不及芙蓉 皆以生意十分支絀無力担任自是實情(其經濟困難之狀弟等所目視)適得暹維同志書招往 志陳君武烈(陳於暹羅極有勢力)亦適往暹羅大約此件須於暹圖之因該埠生意無何等之牽動 坦羅弟 因 另派定主持各人為推廣團體事將來可全發達至於捐欵之件則吳勢榮黃全慶二 彼 埠

熱心 將令漢民兄先往兼挈帶尊處所已籌得之數而行 mi 有實力者不乏其人數千之欵籌措可得亦在意中弟於星洲尚有事未了(如與德進行涉訟等事 四 在暹羅 一籌足數卽可同匯越南免於週折二 因既

有得 华之數則對於彼方同 志可示信而 愈堅其心 也故專 函 本 白 望

兄等見信即將惠諾之欵速匯來星俾漢民得以即發到遙速成其事不勝感幸八號由庇能往仰 光聞該處

公安 並祈覆示

會黨私門頗烈惟與人皆渴望精衛到彼想運動自是易事知閱塵注附及專此即請

函

札

弟孫文謹啓西十一月十號

第

占酉 (一九○九年) 赴歐洲前致鄧澤如等緘

赤心澤 覧持如 我兄大鑒弟定於十九號離星往歐洲一 遊此行以財政外交為兩大注意問題英法荷等國

能復 各 事均 種外交俱必於彼祖國政府運動方能得力至於財政問題即前日借欵要件前途催往共商 可 筱 如常 也弟行後仍望公等以熱力 通 知商 辦 近旬 H 内 漢民有要事 鼓吹同志增進團 暫往 香港想 體爲 一日千 未幾卽能返星或伊 里之象南洋支部弟託諸漢民君 有未暇兼 履之時 如日已久不 料 理各

公安

理亦

屬

漢民

君之權責為此

專

告

ģŋ

頌

弟孫文謹啓三月十七

另有一書致譚樂亭乞為轉交並屬小心加慎為荷

待註 力維持弟今再代請本坡林義順君 **岩不合致小有衝突伯令遂决然辭去而** 多未交來而中興報前日用了後 安册成為有限公司發出股票未易收也未知貴處能否再將其餘股分千元速行寄來以應燃眉之急 (二)澤如仁兄鑒中興報前 曲 日錢前貴處寄到之千元爲債務及日 第代 出來司理一 請 永 (亦有) 湯伯 训 推 分 君來 却一 而吳悟叟副之日內已開辦註册事務 坡 切 辦理改良各務 責 任之事 惟中興 需已用盡今又告急矣各埠散 乃伯令君 報 於大局甚為有關 到 坡後因意見與 惟 各地 不能 所認之股 股非 永 福

函

札

甚

已酉(一九〇九)赴歐洲前致鄧澤如等編

股者亦 中 嶼 (報若) 給 股票收銀 能過了此 所餘者卽託各同 次之關頭便可無憂矣蓋註册 心散買. 如此則 **传擬印製就股票四千張前** 股本可立集矣而 目下則急望貴處先行 已有股者卽行發給此 設法 維 持幸 次認

籌之前禮拜再待暹維來函云日內當竭力籌交文得仰光來信云該處已有公款于餘盾可以 此 現在 另向 未到之前 因 相 本 又弟久欲速往歐洲决奪重要問題以遙維所承任之旅費尚未寄到故不能成行其所以遲遲之故只 依 領袖同志以米較生意不前幾有破產之憂故牽動 同志加籌籌就 坡百務交迫谷同志皆陷於窮 而 尙 日 須三百元乃足支月內之用此又不得不怨足下等供給一月之費以待接濟之至也以上二事 內又有安徽省與熊成基起事之同志他隊營管帶洪承典等來星皆不能不招 一並交漢民帶來有 境多有自 . 此兩路之預約欵則歐洲之行或不致久延而誤絕大之機會 顧不暇 一切日前此欵幾使弟失望故着漢民向 之勢故弟處已絕糧矣而辦事要人 (倘有十) 呼 随時 故暹 仰 | 撥用今 餘 仰 光 也惟 人在 同

皆屬緊急而以弟之日給爲尤甚

ဝူ Bearer 公等如能兩事 卽隨人可收乃便捷也匯單信 並 辦 最佳否則 **請從速籌三百元**匯 111 担 保寄如左之地 來以解在陳之困可 Mr. Chung 直匯至弟處單寫

Orchard Road

Singapore

大安

總

之人極雜

非盡屬革命軍

人亦有極壞者在其中破壞人家治安之事所不能免今惟設法別其

良莠耳

此

送來

叉

1

興股

銀

मि

直

匯

中

興

報名義收

惟

匯單.

亦宜

寄此

處以便弟親自交托

切

此

處

地

步 可

用

至 西四四

月尾

過

此 月

則

勿

角

特 此

聲明

前

因

刦

案及尤烈事

被拿去石

山山

人同志

廿一人日來弟出頭與華民交涉或可望省釋也安南

卽 候

大安

弟孫文謹啓四月六號

(三)澤如仁兄鑒來函並盟書廿一張匯票一紙已卽着人收妥矣南洋近況如此眞爲大事進行之大

阻滯 也幸尚有熱血如兄者否則吾等不免有坐困此地之虞矣底號並此付上祈爲照收是荷 此

弟孫文 謹啓四月十二

號

本坡被拘之十九人已釋 四)澤如仁兄鑒盟據十八及郵票五十元俱收漢民兄昨日已搭船囘港 放於前 H 搭船往 暹羅矣中與報聞註 册事已經妥當日內可發給有限公司股票 弟亦擬十九號啓程 日前在

云現吳悟叟經理較前差好亦略可稱意南洋大局望兄等及各同志維持勵進 爲 幸 此 候

大安不一

弟孫 文謹 啓 西 五 月 十二 號

特 擴張中興報註册 (五)澤 如我兄大鑒示悉茲如 成立有 限公司 命書就 辦妥刻製印股票日內製妥當再遣人往各埠交給並催收未交之股及 涵 請代交戟門兄爲荷 弟以 朋 H 起 程 南 洋大 局 深望公等維

函 札

=

發買餘股如有人到望為贊助一切幸甚此致卽候

各同志統此問好不另

大安不一

弟孫文謹啓西五月十八號

24

己酉(一九〇九年)抵歐洲以後致各同志書

法想 報此 十號 君 將 途所 英路之介紹 手之人而 前之經手人交涉 居利文 君 游 有 富 路 起 說 仍 成議矣乃不意 擬之條件 同 之條 可 程 欲 外務之事 志公鑒弟自抵歐以 梳」必能 行 往 興 托 人現 件甚 俟得實音則 美 外部 政界上有勢力之「韜美」 因該 (卽在 往 屬 至 許 結 大 美國 處亦 法國政 便宜 數 म 果亦 臣 日 故 再 芙蓉呈覽之件) 並 弟 利 頗 前 投 商 必 奉聞以 息亦 有望 如此 到美時當與 始 機 欲 府忽然更變新 來竭力經營籌畫以 有 由 丽 照通 彼以 故 巴 來 萷 **泛請大教前借之欵現尚無由歸趙求爲寬限以待此** 鬒 經手 也 常算 動 往 m 音云「現在事不能 乃 人一見吾人河口之事 君 他 新 以 內 法述 再商 觀 閣之變更實為意外之事 內閣大 內閣 經 卽 機局 手 不 期 如得實音當另行 大臣 比利仁」不贊成 人欲從中 前 要求 如何 (臣因法資本家非得政府之許可斷) 任安南總督) 輔同志之望然所謀至今尚 特別之利 也在英京亦找得 水清遲 漁利 **一實則出** 非資 以有 都同 詳 權 報 惟 玄 本家之意也弟察 待上等 但 須 則 條件以示吾人者彼蓋忖知 此 運動資本家 事 捌 無 吾黨各埠 於出 路 而資 語 論 惟 何 弟 未就 名 不家故 現 人 緒因 担 同 尚 得 説 事之揭 保 不肯投 「韜美」 志出 未有 合皆 悉 此 信 有遅 此 在 節 名 眉 情 ÉD 11] 育 曉當再 弟 於西 鉅資 担 目 成 疑 君 卽 洋 E 保 事 故 時 丽 滿 行 思 + 所得 也 前 意. 未 也 婉 報命 事 得 卽 敢 月三 韜美 內 韜 贊 却 耳 詳 閣 曲 美 成 經 前

函札

此

此致敬候

大安

已酉(一九〇九年)抵歐洲以後致各同志書

(再戟門兄五月初三日來示已得收讀統此覆候恕不另函)

弟孫文謹啓西十月二十九號英京發

要

己酉 (一九〇九年) 赴歐途中自馬賽致吳稚暉書

英國各同志詳情相示爲望故人 倫敦而談 椎暉先生足下來示讀悉以旅次無着故未即行奉覆別後事故千緒萬端非筆墨所能罄當俟遲日到 切尊夫人等此時想已安抵英京矣從馬賽港張兄會托令郎帶上一函當已達覽便請將在留 Muekern 君亦數年未有通信未知邇來 先生有與會面否彼仍在倫

敦否並近况如何亦望示知此致即候

大安不一

弟孫文謹啓六月廿四日

再弟現在秘密行動中無論中西各友如已知弟到歐者務望轉致請爲勿揚並 切不可 使報館 知之爲

函札

-- 151

=

己酉(一九〇九年)在歐時致吳稚暉書

午後當來貴寓詳談 稚 雕 先生大鑒弟定期明午由比京來倫敦明晚(即七號晚)十時 如八號或有阻不能到九號午後必到此兩日之午後務請先生留寓一 Ħ 到 Charing Cross 待也弟 車 住倫 站 元 敦 號

留亦未可定餘俟面談此致即候 想不過四 五日有船便往美矣然到倫敦後乃與他方通電或有意外之逢則非此時所能

大安不一

弟孫文謹啓六號發

知

如有此

則

或

हिल्ल

札

第

稚 暉先生足下巴黎事機頗 有可望惟非立刻可以 成功必待暑分後各富者囘城搭路人一一見之然

此禮拜之內可 後乃能實覆地 以 步已至此級弟毋須再留巴黎等候已於禮拜六日來比京同志八九人相見甚歡弟大約於 來倫敦相 晤 也聞 曹君亞伯已經遷寓惟未得其新地址故托一函 先生轉交此致卽

大安府上各位統此問好

弟孫文謹啓八月二號

候

札

處設立同盟會人心甚為踴躍他

日進步

必有可觀足為告慰者

1

全

己酉 (一九〇九年) 到美後致各同志書

助吾黨之事業也弟今在美擬一 未可知美洲華僑前· 一)澤如仁兄並各同志均鑒弟由歐抵美已數月所圖之事 時多附和保皇今大爲醒 面謀所志之大目的 悟 漸 有 傾向革命之勢不日當可聯 面 則 聯絡華僑現已在紐約 尚未大就然甚為有望將來或有 成 芝加古 各埠 爲 舊 金山 大 團 成就亦 大 體 埠三 낈 贄

商此 預約 爲倫敦商人 人之手當可 人所產之錫自運銷於美國弟思馬來宇島為出錫最多之區而美國則為銷錫之一大市場然錫之轉運向 合同 茲有一 事彼甚赞 承銷全 省 所獨攬價格低昂隨彼所定弟意以為華人若能將所產之錫自運銷於美國中間 事奉聞請各同志留意謀之如事在可行務所設法合辦如事不能行亦請早獲示此即統攬華 成 一年之出 扣 **筆經紀之費且價錢不爲倫敦商人** 任 一銷路但 產或數年之出產皆可茲將要略開 必要大幫倘能包攬馬 來半島出產之大牛或一牛彼能介紹於大資本家立 所制自當兩有所益弟在紐約曾遇一 列 如左 商場 不經倫敦 大經紀與 商

每年能包攬出產幾何

一每担價錢幾何(長年定價)

一交易之法如何(此當兩造妥議然公等當可先發意見也

函札

已酉(一九〇九年)到美後致各同志書

長 年倉 大公司直與美人交易當能聽回一 荷 屬 间 出產 亦可 '總之此· 亦甚多 但 中情節公等較弟爲熟悉此事可 此已歸荷政 府包攬專賣商人無從過問惟馬來半島華人所產之錫如能聯合 筆甚大經手之費如不能聯 '否施行 望為詳查 成一 公 司則先預定一 示覆有信寄金山 價格與各 大同 日 佛 報 廊 交 成

大安不一

便妥此

致

並

候

弟孫文謹啓正月二十日金山發

即將 埠大約在檀有三兩個月之住留後此或再往美或囘東方現尚未决前書未知 各節後覆函寄至大同日報轉交等語弟今適有要務來檀於西三月廿二 返若不遇 函 (二)澤如仁兄鑒西三月一日由金山寄上一担保函言錫務收攬直接轉買於美商一事托足下 直寄檀香山(地 船期必定費得 址另列)更為快捷因近六七日路如已囘 月之久則再寄一 函或較前尤快 也南洋近 音亦請 日人心若何黨勢有進步否甚 一號由 多抄 足下已囘 金山動程 函 寄檀因 一十八 示否 口前寄往 號早可 加 尙 金 未 查悉 以 山 巴 往

悉此候

大安不一

弟孫文謹啓三月廿四號升中發

路先成 再 [則弟再] 者 事又 失敗 囘南 殊為可惜然弟在外之運動日入住境不久必有成議現在英美皆有甚有望之路若英 洋與各同志切實謀一 辦法美事則另有辦法不用費神再及

明日

己酉 (一九〇九年) 致日本萱野氏書

歡迎惟弟尚未談及欵事因見彼甚爲忽忙無機言之數週之後弟再過芝加高到時 (一)萱野我兄大鑒正月二十二日來翰早經收到前數週弟道過芝加高會訪貴親 如有機緣當言之也弟 戚大塚太郎 甚蒙

往米京見彼外部大臣並一二元老及其他政界之有勢力者此間人士漸留意於支那問題矣想不日

必能得其實力之助也

弟囘 日本之問題何時可以辦到現聞內閣已更變其後之對支那政策如何望足下詳以告我有信仍

照前時地址寄來便妥此候

大安不一

弟孫文謹啓五月二十日寫

(二)萱野君英鑒別後未審近況何似所謀之事能否成就甚以爲念弟與某處交涉中之問題 倘 未達

最終之目的現時在檳榔閒居以待君及某處之消息君事之進行如何並東京近事如何政情 如何 請 君 時

時告我幸甚此致即候

俠安不一

弟孫文謹啓九月七日

(三)菅原君足下近以事 急離京未及告別良用為憾然 日前 相 約之事想不忘懷 也今者聞貴同 志已

握政權而吾人義兵亦起此真適逢其會千古一時也舉旗至今十餘日連克大敵數破堅城軍威大振· 人心

函

札

附從從來舉事成功之速未有及此也 惟現下萬事草創人才兵械多形不足今特托足下代轉求貴同志政

府暗助一臂之力借我以士官供我以兵械則迅日可以掃除清朝腐政而另設漢家新猷矣務望向伊 君等力爲言之如蒙允諾暗助即 移駕到橫濱海岸九番地佛國 郵船 會社 通知同志黎煥墀君托他卽

用電

候星

報通傳為幸此禱即候

大安不一

幸祈將此信秘密切勿登報

弟孫文謹啓十月廿三日

庚戌(一九一○年)廣州新軍之役致美洲同志請助 餉

土項所 新軍六千尚大有 務望各同志竭力向 初四日舉義省城新軍六千反正 (一)公壁盟兄足下弟正 担 任 也以 可為若接濟及時則 未 曾匯 大衆籌欵蓋今日事已發露不必秘密矣 去故黨軍大隊不能 月 初 刻 倘苦戰 成 行抵 功大有可望救兵如救火各宜努力為之幸甚 金山大埠足下寄來之信已得收讀知 勝負未决現港中同志另謀起各府縣之兵以為嚮應 如期進 城 否則 此役於事前欵項太少初二 - -鼓而下之不必有今日之苦戰矣然吾 已匯欵於香 H 尙 欠 港 欵 需 矣 欵 我 Ŧi. 軍於 軍 千 甚 有 波 急

弟孫文謹啓庚正 一月七日

欵致會黨軍不能 尚能保全無恙仍 (二)公璧盟兄大鑒今日得接來電並未奉覆因省城之新軍又歸失敗此次之事不成不過差五千之 可 如期到省城新軍不得已而發動動 留 作 後圖弟今擬 **人留美國到各埠** 後又無欵不能在外起援兵以救之惜哉所幸二三標 聯絡同志成大團體以籌鉅欵現下大埠 ·加盟者 甚

各同 盛 人心 志大安 大有了 可 為 良堪告慰此 致即

候

弟 採 文謹啓庚 E 月十三

志如此關懷熱心眞屬難得然此次之失敗實因於年底缺欵五千波土項致公堂初許担任五千所寄不過 (三)公璧盟兄足下元月十三日 來 函 已得收讀 省 城 軍事 之大略 已經 奉 公函 佈告想早達) 覧貴 埠 同

函 札

千九百餘元因約致公堂許担任者一文未寄遂至年初二黨軍亦以欠欵而不能作應援之計新軍第

標逐不支退散幸二三標尚無恙可留後圖弟今擬在美久留遍到各埠以聯絡同志藉集大欵然後遲謀再 舉現下大埠人心極踴躍經已成立同盟會訂妥章程已抄一份至周超兄處請他招集同志宣佈舉行弟擬

貴埠同· 在大埠立妥一完善機關然後往 志尚能爲力以籌小欵 爲我行動之需否西方一 他 埠演 說立會但現在旅費告罄此 帶立 好團 體弟再來東方推 間 新立團 體未 便以此 廣本會於各處 小故 連累未知 足也望足

大安不一

下並同

志竭

力推廣已成之團體務使漢人皆當負一份之責任

川事

易為矣此

致即

候

弟孫文謹啓庚正月二十日

庚戌(一九一〇年) 廣州新軍之役致美國紐約同志書

匯去香港切禱切禱火速火速弟於初一日行抵金山大埠溪記及周超付來之信已得收到如得捷立 華僑籌捐以救此急接濟及時則成功可望幸毋坐視失此良機倘省城一 擒之計初四日新軍反正刻尚苦戰勝負未决急欲謀起外府之兵以為援應需欵甚急望各同志速向大衆 紐 約同志公鑒我軍已起獨惜事前欵項大拙於初二日尚欠欵五千故大隊不能如期進城為一 破則大功告成矣籌有多少速電 日當 鼓而

年安不一再報聞此致卽

請

理

弟孫文謹啓庚正月七 發

函

庚戌(一九一○年)由日本抵星加坡後致同志及鄧澤如

人 非 京故 所圖之件尚未達最終之目 **寄廣憶昌客棧鄧子瑜君處亦可** 已多歸化革命弟本欲久留該地一 想 本 意 函 必 (一)同志公鑒弟於七 一欲東囘 有 也 良策以 惟 旣 來此 就近親籌一 **匡不逮望為賜** 則 欲從新整 月十一 切到 的 惟 頓 教 日 進 喇 號從日· 弟 本 年半載以 步 住有 現 較 體以求吾黨勢力之進步則於革命前途必有所補貴埠同 暫 前 甚多將 本抵星 寓 兩 張君 禮拜後遇清政府大與日政府交涉諒難久居遂南 經營團體之事無 檀埠各 來總 永 加坡自離此 脳 有大希 花 園 不 如祖 日當另覓屋而 望也弟至美洲頗蒙華僑歡 地 ---年有二 國情勢日急又遇精衞兄等失 月適繞地 居有信請寄新長美轉 球一 週所 迎 該地之 來此 志 經 熱 事 五 保 六國 於 血 地 過 殊 北

澤禽兄寄金山

並

涵

俱已收到該事

容俟

圃

談

此

候

弟 孫文謹啓七 月 + 四 號

收 收入會費支部 盟 表 (二)澤如 旣 為 日 辨事費 已久 同志仁兄大鑒六月 則 請寄檳城 擬 由 會員 隨 緞羅 級樂捐 北 申 九 街 日 來示 庶 得昌號黃金慶君轉交由 免新進 接悉現下以 者之畏難 議改 、退縮 新章各事 弟暫存 未知 足下及各同 給號便是以 未定故遲於奉 志以 後新章 為 覆 然 如 何 足下 欲 此 處所 槪 致

候

義安不一

札

函

弟中 山謹啓西八月十 號

則

詩足下

將

所

知

而

:告之也彼究為何如人望足下詳為復示幸甚此致卽

候

稽

也

故

盟

書用之爲宜(美洲檀島已一

律

用之矣)至團體

興團

體之往還

兩者俱可

並

用隨

人擇之並

付上

又彼欲 下一言今將原 |三)澤如仁兄鑒茲得貴埠人寄來英文信一 知革命之總方針除非彼已爲會員 涵 付 上 ---觏 如 足下識其人為妥當則 m 願出 通稱 而 任 請代弟面覆之彼所欲得英文紙英文書弟現 職者否則不能相告 為托足下代寄者然審內外皆 也或彼欲 知者為革命之宗旨 人之筆跡 無 並 無 其 物 足

大安不

各同志新 為問好

弟孫文謹啓西八月十六號

四)澤如同 志仁兄大鑒來函並盟表三十張匯票一 紙已得 接到茲將底號寄上乞爲分給

英殖 沙蓋 說其前之中 各殖 至於盟 民 地收 民地 A 納之是 國同 書之改良則 有 例 盟會會員字樣今改為中華革命黨黨員以 嚴 也 禁私 若同盟 曾之名 殊非 會 捨 而法英兩殖 重 就 在各種 輕 |万再加| 民地 民地 嚴密 前 皆未 年 已公認革命黨爲政治之團體法安南送黨 耳其前之中間 註 册彼官吏可視為私會非 得名實 四 相 狩 語今改為三語各 且可避南洋各殖 如革命黨之名有 包一 民 主義 地 ٨ 政 以完其 府 出 之干 案可 境 ń

盟書底稿一 張 祈為 察照施行

本部及各地支部前者辦法多未妥善个擬重新組織之重要辦事之員議給一定薪水俟將來組織妥當時 叉照 新訂分會總章以後免收入會費而多舉主盟人以廣招徠至地方會所之費由會員均分担任

當定預算表其本部每年經費若干由各地分會分任向各會員捐助至足數為度其支部經費若干則

由所

屬 地之分會如前 法 捐 助

善名義選六人管之他等黨事亦不得提用只關於起革命軍者乃能提用俟此地 至月 捐 節檳城同志現已舉行每股月捐五角認股多少隨各人惟力是視每月收齊貯於銀行 辦有頭緒之後 必將 用慈 辦法

通 告他地同志也此 致即 候

列 位同志 大安

弟 孫 文謹啓八 月 # 四 號

吾黨不可 **H**.)澤如仁兄 不乘 時 圖 大 並 操惟 三列位同 弟 志 所謀歐美之路皆尚未 大鑒近 日 內 地 因釘門牌收樑稅谷 成就 倘 今有革命軍 處 人 心不 起則事亦立可 服皆 思反 成 抗 議 機 局 也 且 大 有 現 時民 可 爲 167

心 詢 問 軍心皆變亦不須 各可 担任幾何者合各埠可籌足此數固 大欵已可舉事若有十萬為事 佳否則略少亦可冒險一發也貴埠能 担任 多少並 另有 何法

前之預

偏費便可敷策畫而計成功矣弟現

已發

涵

谷

埠

向 他處籌資以 助 成此 舉請 為示知弟事略安頓後當來與各位面商也此致即候

大安不一

弟孫文謹啓西十月十四號

各人可 (六)澤如同志仁兄大鑒夢生代筆信並盟書一百四十八名已得妥收茲編就底 也間 有號數寫 不明白者可按次補 冩 唐字以便收者易記 更佳 自改 訂 新章 大 小 號 祈 此 叨已 Ŀ 祈 大收 剪 開 成 分交 效

單刺乞一 埠願來加盟 者 甚 患我已收二百多人聞不日可收至千人云茲付上章程數 張 祈 爲 察 入施 行最

函

札

大局之深良足欽

威往

坤

甸

事當俟

漢民兄

南

來與楊

君

齊

往

或有

成效楊君亦深以爲然且緩圖之弟今

四

要者爲十三欵 務望切實舉將新舊人員編為排列則團 體可以固結矣否則仍 如散 沙 也

吾黨之力以圖再舉按之現在時機之好人心大變軍隊亦從可以不需大欵十萬之數便可 弟前 在美所謀大欵之路近接彼地覆實消 息謂 不能 速成 (然非絕望) 故弟决意不再 外 預 求 備 他 人 發 丽 弟 欲 親 葢

行督師事當無不濟也此十萬之數小呂宋一 埠 可望担任三四萬之多餘分任於各埠若各同 志 肯 葢 分

之義務以衆擊之力想不難集事也貴埠同志能力任幾何若力尚不足宜速行推廣 出少資則易為力此數多間當要需用也請與各同志預為設法 弟現候 地來信一 團 二月內親往 體以 多數 人 小呂宋 iffi 人各

以 集此資或可多得亦未可料 也幸協力謀之此 致即 候

大安不一

列位同志統 此 候 好

弟孫文謹啓

七)澤如同志仁兄大鑒貴伴李 君 並 民鐸 社員 13 君到檳 接讀 來示並二君所言得悉各節足下關切

另有所見 必 須足下犧牲數禮 拜之時 日親來商助 則 事 望可 成見信之日無論 如 何匆忙必請早臨 為 。禱至

急至要 餘 容 面 談 此 致 並 候

大安不

列位同志統此問好

弟孫文謹啓十月廿八號

全

至 此 肼 就是 此 覆 卽 候

〉 澤 如 芸 如 玉

兩兄同

志大鑒來書敬悉所

云澤如兄

要

禮

拜之後事妥方能惠臨此

亦

未為遲

也

弟

大安不

(九)澤生兩兄同鑒坦羅來信已得收讀源水秋露二君如此| 踴躍 弟孫文謹啓西十一 以謀 助義 軍 實堪 月三號 欽敬各埠 同 志亦

洲弟當同時前往 樂意贊成想此次之舉必能達目 納閩有信來鄧子瑜足見該埠人心多向革命現已有同志百數十人皆埠中之望者 的 也 所囑寄書各位已如命行之捐册亦已多印五 十本兄等何 H 能 未 出 知 星

亦未見其名然未聯盟而 兄之友尚官該地否如在則兄前去必能大酬心願也楊君錫五據民鐸社中人言確未曾聯盟弟詳查 盡心力以助革命者嘗有其人吾黨亦不必拘拘於此惟楊 |君自認: 其已在知 航章手 總 册 169

行之此以 而 彼到 貴埠 無 則 作有似爲有意作偽殊不可 爲兄等所 折 服如是恐有 所為 解且聞之彼之同事皆稱彼平 丽 為之又據彼 同 事 所言坤 日人品平 甸之廖李等君 常皆無爲衆所 實熱 心 表同 欽 仰之行 情於

全黨非 對 個 人有 特別 感 情 似較楊君所 言亦有不符此中情節請兄等詳審之幸 甚 蓋世嘗有偽君子之爲

患較眞小人尤甚 也

弟文頓西十一月二十號

函 札

稚暉先生大鑒八月廿三日來函已得收讀所謀之事尚未大得頭緒下手之處猶費躊躇也聞石貞君

庚戌(一九一○年) 由美經日至 南洋時致吳稚暉書

現在北先生未知可 日學地及南洋黨勢頗有進步聞美洲亦有進步循是而前他日 否與他通信托他一 為調查其方法乎弟現居留檳榔嶼得有好消息即請通信示知近 必有好結果也此致敬

大安不一 夫人令媛令郎統此問 好

弟孫文謹啓九月廿七日

函

札

庚戌(一九一○年)由檳抵日後致美洲紐約同志書

欲留弟久居之意惟他大臣多不以爲然但此事 份轉寄貴埠同志公鑒自該函發後清政府用 紐約同志公鑒弟於西六月十五 號由檳安抵日本現寓東京數日前 全屬外交問 種 種手段與 日 題恐他大臣不便過為干涉則弟或有不能久 政府交涉日本外務大臣殊苦其擾大有不 有 ----長函寄檳拜托檳同志多抄

大安不一

居亦未可知一二日

再開

閣議當

有分曉,

如

何再報此致卽

候

理

再前公壁兄函詢長沙排外事件此純屬飢民舉動不是革命黨所爲此覆

弟孫文謹啓庚戌西六月二十二號

函 札

全

志假 報 名或蓋指模為據今於檳 可 為革 館 区坐埠中 樓 上 命)紐約同盟會列位義兄公鑒弟 開 前 途賀 戲院 會聯 大開 盟 也 前 惟 地 歡迎會到者二千餘 同盟會各 方有阻故所請· 埠毎晩來 地 入盟 所訂 由 者衆人人要親筆填寫則 章程盟書皆當親筆填寫其不能寫字者則 人每晚百數位 金山往 人人心極為踴躍大非昔日之比自開歡迎 檳前已函達想經 而到者皆樂於聯盟爭先恐後以 用數點鐘之時候尚不能寫完其 入覽今抵檳 埠 已逾 由 介 曾後 足證 紹 週前 X 毎 代寫 人心之進 晚 在 禮 本人 自 拜 日 由 同 晚 新

庚戌(一九一○年)在檳榔嶼致美洲紐

約同

志書

名日子 竟有寫盟 如此則人多亦能不阻時候此 書至 兩點 鐘故於工商各人殊為不便是以變更辦理將盟書印就聯盟者只填寫籍 辨法一 檳埠為創始以一晚過百人入會亦為他處向來所未有 貫及 其 也 姓

今後人心進步日速風潮一日千丈將來各處亦必有如檳地者故檳地之法亦可推行於他方! 書底數處可任 便照行 也檳會單創之初各事未定俟二三禮拜擇舉職員妥當之後當有公函通告也此 也前 寄 Ŀ 請 盟

卽 候

大安不一

弟孫文謹啓 庚西 四 月八 日

由報紙所傳其未起事之前 (二)紐 約 同 志列 位 仁 兄 未有所 公鑒唐 聞 麟 也 此是 兄 四 月二十 時暴動之事 號來 iki 已得 耳然新軍亦有 收 讀 領 悉 附 和 切 訽 मा 長沙 見此等練軍所蓄之志 氰耗 此 間 肵 聞 亦

函 札

能

聯

絡為

團

體

以

贊助革命

則

以

美洲

IIII

計

集合三五

一萬人亦

殊不

難事

而

有

此

數

則

郁

人

月

任

元

年

日

商

港 人 有 漢 民 反 君 對 虜 來 延故 電 云 精· 無論 永禁」蓋 如 何 總 精 有 衞 利 於吾黨 君 已被 精衛 **虜廷定為永** 君 往 北 遠監 京身入虎口欲有所圖不幸事 禁也 房不殺之想有顧 冟心 敗被 丽 拿昨 不敢 也 H 一然吾黨 得 接 香

失 文武 兼 全之能員殊深痛惜也從此 語黨同 志 如何 自 勉以 盡一己之份而 酬 先 我 m 犧 牲者之志乎

共勉之,

弟文頓 庚西五 月 拞

號

命大業以革命軍 =船 約同 HII. 近年舉事 列位仁 皆未曾得 兄公鑒弟 外 自 埠同 省城 志之大 新軍 失事之後 助 力 故 111 本 欲 故 人留 毎 坐 美國 财 政 困 逦 乞之失: 到 各 埠 倘 聯 海 絡 外同 人 心 志 Й 及 贄 洪 助 菛 革

之內 急電 檳 往 亦可 來催 本 積 以 故 會同志 先往 数 数 十萬 彼地 也有此 辨善後事宜岩事妥有 擬兩 月後囘 ----臂之助 金惟 不患大事不成矣弟在 近 稪 接東方 暇 弟必再 來 信知中 國內 金山 地 大 埠 各情更急途决於西 JE. 開 始 經營此 事 Ħ. 乃 月三十 檳 Ш 同 號 志 有

來代 行 此 事 如 他 日 有人受弟 而 來者 望各 位 權 力 助之以 成 此 聯絡之舉又來者必帶 有 弟親 筆 信 涵 方

到美洲

務期

達聯

絡之目的

岩

不能親

到亦

必

派

人

眞 確 倘 無 此 者恐 為 胃 托 無 論 何 人 須 愼 防 之也 現 几時美洲 各 埠 華 僑 漸有歸 心革命之趨勢望各同 志 務 要

젰 乘機 前 來以 鼔 舞 便 榳 革 發 巴 命 憑據收 思 潮 日 報可 進 不 Ė 也有 則 信暫仍 將 來 聯 絡之事 檳 山自由新報轉致俟到 自當易易 也 省 城 日本後有妥實地址寄到 軍 事 各 位 曾助 力者 請 將 乃可 姓 名 直 卽 寄也 數 開

谷 情 約東再 報 此 致即 候

3

函

机

再鐵夫兄及溪記近日各來一函收妥

弟孫文謹啓庚西五月廿五日核山發

₹

)夢生兩兄惠鑒弟近頃因有要務日間卽須動程遄赴歐美此行至速尚可及期返東南洋籌欵之)澤如

事既有頭緒且得吾

兄力任提倡成劾必大日前弟電招漢民兄由港前來

各事即以付託望

兄等鼎 井 形 無以 洞 若 JI: 觀 力與籌務至完善爲禱 **渴之患今此舉全力以經營止是鑑於前車故事之濟否在於經濟問** 火筒中得失不煩贅述吾黨不乏熱心之士前 時 機既近吾人决為破釜沈舟之計經濟多得一分即 此以 力分 而 薄 且 未能先事為備 題然此問 預 備 題 多好一 毎 乙能 有 臨 分大局 解 時 籌 决 欵 與 否 掘 情 179

則在

兄等之運動負此仔肩勉為其難此海外賢者對於祖國第一 之責任也前 因弟尚 勾留檀埠故約請登固兄

等到 埠敍商伊等之行動前則無暇及此可止伊等不來將來各事自 可就 近與香港辦 事 人均 商 方 略 也

此卽頌

偉 安

弟孫文謹啓西十一月廿六號

(二)澤如我兄大鑒日昨有書上呈諒已達覽螺生源水弟已有信寄去秋霞黃子當別為英文書與之

爾札

叉及

納閩 **偉廷亦有** 處我

兄友人依然服官則往彼必能得力星洲若得源水秋霞與漢民協力運動成勣亦有可

期

土庫

庚戌(

九一

〇年)再

赴歐美前致鄧澤如等書

兄以知已 無多專志於納閩自是 辦法茲 查出該地同志姓名並略爲介紹書 通去察收雲濤為炭山

勢力者 推

兄更能 得 他之同 情者 則 尤佳

淮 兄 往 叨 近 該埠見貴友時 日 間 更有 進步夢生兄 不必提及捐 旣 有 親 朋 mi 則 爲 利 公 用 事 其 交情 <u>.</u>. -行 尤 使 佳 人 狉 傾 動 並 將 則 三埠 妙 矣關 介 紹 丹 信 林 附 明 武 Ŀ 卽 叨 俱 E 有 夢 同 生 志 兄前 而 林 往 明

辦理漢民 明 H 卽 往 日 厘 大約 須 灩 拜 始 至 由 太平 頃 維 往 星 途中當詣芙蓉與

兄敍 晤 餘 4 Ė 詳 前 函 文 表等 剘 交妥 大專此 奉 覆 ÉD 頌

偉安

此 書繞畢與漢民論及關丹林明武叨同志久未通信現時辦事人名及機關所在均須查悉始付夢兄

而 利 運動 想夢兄稍待俟漢民出星查得後將介紹信寄呈再往 更佳 机

月廿八號

弟孫文謹啓西十一

外交問題

庚戌(一九一○年)再赴歐美途中致鄧澤如等書

此後與南 夢生並列位同志仁兄大鑒弟以十二月六號發檳城十號晚澤如 洋相 隔以日而遠中途或未便致書必俟抵美或回華後方能再通音問也弟之此行以 行抵高浪堡埠寄泊數時 即又動程西向 有 特別之

要需此行 想可 |須往英京及預計南洋之\| 熟難足十萬有誤大舉之期故順此赶速赴美向華僑籌足 達目的 因近半年來美之華僑開 通頗衆而 所籌之欵爲數不多當易集事 也此 間之事望兄

此數以應

等竭力圖之以收分途並進之效漢民兄此時想已曾面詳籌一切矣此致並

理

列位義安

弟孫文謹啓十二月十號

181

候

函

寄

南洋慰母喪之信已得拜讀感謝隆情此

致即

候

庚戌(一九一〇年)致滔天宮崎萱野各書

將以 國政策已變既吞高麗方欲幷支那自不願留一 向陸軍大臣處運動能得許我到日 革命之運動此地甚自由可以為所欲為也惟有所不便者則去中國太遠交通甚費時 此 (一)滔天先生大鑒弟於去夏到貴國旣不能居留不得已而往南洋然彼中無大可為故再往米國為 而占貴國之政策焉接信望卽 本居留則於交通北洋陸軍甚為利便弟必即 賜 囘 示 並 革命黨在國中 腙 時將貴邦時事政情詳示俾知東方時局之變遷幸甚前 也如其不然則 陸相之運動 時囘 日耳 日本居 倘 必能 先生能 住也 有 效 但 設法 也弟 恐貴

大安不一

萱野君統此問好

弟孫文謹啓

黨有如佛國之態度惟英米政府皆疑日本有大野心欲倂吞支那者也弟以貴國政府不容居留 及民間人士旣如此表同情於支那革命之舉則吾事可無憂矣近者英米兩國政府人民俱大 (二)宮崎先生大鑒正月十八日來函並東亞義會會則一紙接讀之下喜極欲狂寺內 陸 表同 相 陸 事 軍將校 情 證之 於吾

亦不能不疑貴國之政策實在如是今見東亞義會發起人多故交舊識心稍釋焉惟未知民黨之力能終勝

政府之野心否

函札

故自河

口

以

弟甚 一欲再到橫 檳駐足如能 有法與政府交涉得其允許實為至幸望 先生及犬養頭山兩紛代爲竭

庚戌(一九一○年)致滔天宮□萱野各書

力圖 之無限 切

弟 在 米 所 謀 機局甚佳不日當可達目的 也匆匆此 致卽 候

大安不

犬養頭山 兩紛統此 間好

弟孫文謹啓二月十五

H

足下足下反迎頭痛擊之克兄謂 (三)滔天先生足下久未通 問夢想爲勞比接克強兄來書述 足下為血性 男子困窮不濫廉節可風要弟作書慰謝弟素 足下近況窮 困 非 常 然 iffi 警吏 知 此 欲 種 賄 行 爲

固是 宣之同志人人皆為感激奮勵則此 足下天性無足為異然 足下為他人國事堅貞自操艱苦備嘗如此吾人自問慚 足下天性流露之微已有造於吾人多矣弟安能已於言佩 愧 何 如 謝 弟 以 耶 自 此 事 與

足下握別之後事變萬端革命軍曾於防城南關河口三舉皆未能一達目的 無非財力之不遠布置之未週

後已决不再為輕舉欲暫養囘元氣方圖再發乃自虜喪帝后之後各省人心為之一變無

不躍

躍欲 動 幾有不可 終日之勢惟遇吾人財力極乏不能 乘 時 丽 起 殊爲可 惜

早日 就 弟 道 近 苦以 接歐 旅 洲 費 八無着難 名商來信云經濟計劃 以 成行 刻已四向 有機可同 張維 圖 日 間 問 或望 弟何 有 辟 可 路得 到 歐 洲商 手倘 弟 議 歐洲之經 其事 此 言想非 濟 計 劃 欺 我 弟 通 本 則 欲 其

他問題可 以迎刃而解而吾人窮苦一生之願力亦有日能酬矣此 想 足下 所樂聞 弟敢預為告慰也 此致

मि

寄日

銀百

元托横

檳

永新祥

商

店

林清泉君

代交祈

爲察收

知

杯

水

車薪莫能

濟事

亦

過聊

表

圖

區

丽

已幸

爲

大安

卽

候

四)滔天兄鑒弟病氣已消今日已出外游行以吸清氣而抒體魄某君 前日來見時弟已應 言盡言倘

弟孫文謹啓三月二日

能如弟言去辨則於中國前途大有補 益也餘則非弟力所能及似可毋庸 再見此 覆即 候

大安

中 Ш 敬覆 74

月

日

(五)宮 崎先生大鑒近聞 先生 貧而 病弟心殊為戚 戚然客途無 力愛莫能 助 也故 久缺 音 問 今僅 奉

愛照弟近日遍遊 加 拿 大所 到 頗 豪華僑之歡迎不 ,日當能· 大達 目 的 也 可爲告慰 日 本近 事 如 何 請 時 時 詳 185

示俾得週知 切幸甚 此 致 ÉD 候

全

夫 人公子各人 並 此問好

大安

弟孫文謹啓四 月 日

(六)宮崎先生大鑒前 兩 月弟 个曾寄日 銀百元托橫檳 永新祥商店林清泉君交來未 知得 收 到否

弟近日由加拿大到米國明 日往 米京專為見彼政界勢力人士想可 得好結果 批

集

近 聞東京內閣變更未知於對支那政策有改換否弟入日本之問題能否向 新內閣再開談判邇來東亞大

勢如何 日 本人心如何趨向請 時 時詳告俾得有所取資决策犬養頭山等公所發起之東亞義會進行 如何

附 和者衆否亦望順 為示 知此 致 卽 候

札

M

≡

大安不一

候

庚戌(一九一○年)致滔天宮崎萱野各書

大安不一

(七)萱野兩先生鑒十月五日來書已接讀感謝弔慰近日吾黨窮極無聊勢難久待不得不出大冒險

之策以為破斧沉舟而速圖再舉也弟今重作歐美之行以十二月六日發途數月內當可東還應期舉事 京軍界近亦歸化大表同情於革命故他日之舉决其有成也 足下日本之運動如何某有勢力之當道已 北

歸國否能否援臂一助務望速為探實以為預備之策畫如有好音請為速示寄信照別紙英文便可此致即

弟孫文謹啓十一月廿七日

24

弟孫文謹啓五月二十日寫

軍書

般實商· 楚然此 數目然各數收入與支出弟在安南 之言甚是 數因不記 五家字號經手以用於欽廉廣 次之欵多 使新得革 吳先生鑒昨日先生之意以為宜將此事 適 人經手皆有數目列明除所入各數尚支長萬餘元(卽河內之欠債)弟所開各處之入數是大 |由外助| M 詳細所報皆過多面繼無報少也收數多由精衞支欵則我與漢民也此事弄清則可破疑惑矣除 命思想者無 表出以前助者之寡殊令吾人氣短然由前 世人之所見疑人者多以 而出緣之人如南洋各埠則零星合集數萬金當爲千數百人之所 此疑惑安知下次不更得多助乎前二次助 西雲南三地其潮惠之欵則 時多自經 角錢一 事着 ,和盤托出解第三者之惑而表世界之公道弟再 手弟雛安南 眼 三次 放將 八推之則 弟所發起之三次革命所得於 由香港同志經手日本辦械 後則漢民經手而受欵分 者 ___ 無 次多一次矣若明 幾無 甚可對人報銷之事 給各 出 崩 也 租 處用 弟此 白白 外助之財開 船之欵則 思之 表 者 處 則 未 前 示於 河 有 由 約之 日本 內之 詳細 第三 列 先生 人 前 淸

函 札

所言事實皆當作第三者之言則較弟之自言者更為有力也留此以作

面談今晚

有暇

請

到寓

敍爲望

乃

有

成

效也

世

請

先生為

三人經手之外知各欵之來路去路者尚有多數共事之同志卽今巴黎之張驥先生亦其

公道之評判則各地新開通之人心自然釋疑而弟從事於運動

長文一篇加以

所 攻者 见 我得 名以 我 攫 利 為 言

庚戌 (一

九一

0

奪.

在巴黎將

法美國

時

致倫敦吳雅

漸 人 無 開 不以 韶 而 學之士以革命 不 我爲 知我 之經營革命 大逆不道為亂 爲大光榮之事 在 臣賊子 甲午 以 業而 為匪徒 前 此 時 陶螿始妒人之得名然我之初意祗 固 海盗當 無留 學 時 生 如 有 為我吹嘘 陶 成 章 也 想 亦 mi 不欲 乙未廣州之事 在 得 赴大義 此等之名辭 行宗旨 失敗 中 也 而 今 囡 舉 興 H 共 風 図

家兄任 所 不 出 庚 失 得 而 以 之同 得亦 過 拞 子 事 助 世人 我 四 千 惠州 時 者 為 志 丽 之是從 不止 所欲 元 攫利 Hi. 香 不 亦 所 知我 其 萬 發 赴 無 港一二人出 萬餘 兵及 圖 餘 不 元 現之實跡己非 之快樂 耳 事 則 於 加 (未革命) 革 若 此不期 元 我 他 此 謂 命十 方 固 人之籌 經營接 我 資數 我 無不 以 餘 以 今日乃有以名而始談革命者 港粤人人所 前 --年 萬 千 以 濟所 餘 獲 餘 得之革命攫 在 檀 社會 年 來 丽 金 香 之 肵 來 費 所 山。 共知共見也 時 不下 能 費資 上所 也 人出 間 辦 自 處之經 資數千 利云 m 此 宿 財 + 借革 多我 吾一 萬餘 也 則 胡 丽 鄃 兄 人 萬 ·合共不 濟 人 哉 之財 界中 其 以 人皆 弟二人任之所 元 且 他之事 所得 攫 當 此 取 力 知 過 固 故固 日 他 E 萬 助 也 闘 皧 業投機取 盡 A 者 其 餘 廣 勝 屬風氣之開 乏地 四 州之革 丽 餘 祇 耳 得 緩 之 五 香 mi 急 萬 ·同 位 港 財 數 之資 利 國 皆賴 年之 命 李 何 也 者 人 君 以 若 m 自 獮 則 及 家 經 資 不革 出 來 亦道德之退化 過於此 兄之接 日 二萬 我 乎 營數省之聯 財 前 皆 命 本 贄 人之助 此 餘 則 我 助 兄 我之 也若 以賣 濟 者 元 及 HII 及 固 地 爲圖 者 妻子 我 絡 樂行 無 幾 前 位 日 及 所 出 利 醫 後 俯 木 於 必 人 計 統 義 羊 够 畜 也 也 失 丰 我 傘 共 亦 俠 叉 城 所 氣

港 破 實 業家者 寄人 産其 籬 原 下 因皆 非 以 我 從 以 耕 事 種 資 革 爲 助 革 活 命 以 m 命 連 耗 近 因 動 折 乏用 之 租 價 則 未完又 建洋 浮 錢 樓 巴 亦 將 盐 尋 為 則 常 地 以 事 主 恆 所 陶 產 等 逐 作 何 乃 抵 得 陶 借 貨 多 更 言 誣 到 以 期 此 在 無 庚子 九 償 龍 爲 以前 債 建 洋 主 我 樓 拍 夫家 從 賣 其業 事 革命 兄 今 本 事 為 遷 居 地 主 香

亦

何

樂於革

命

mi

致

失我谋

生之地

位

去

我

固

有之資

財

析

我

兄已立之恆

產

那

兩

年

前

家兄

在

檀

巴

報

於 一人得 自 庚 子以 失之結 後 中 果 國 也 內外人心

淵 資 可 動 心 力甚 逼 有之資以 事遂不 少不肯 已不可 此 進 我 為 凊 事 窘 取 退 牃 出 亦 連 偵 成惠七 買 止故 過乘 掉 有全 安 探 如 南 所 約 槭 不 靈乃忽 定 滇 我 悉 又 im 計 女湖 時 惜 篴 廣 Æ 菰 南行得 往 欽 礦 當 西 丽 工之變 官 事. 安南 倉猝應之亦 時 星 有 塗不 指 加 吏 他 同 日 坡 托 揮 方 人資萬 我 成 志 m 無 龍 思 吾 雖 起 州 人 到 同 初 陸 糧 星 法 人 屬 志 想 未謀定 續集 無 四 轉 食不 加 領 許 日開 事 千元及前 坡 破 功 助 吾人遂 革命 艬 欵 後 到 鎮 五萬 以 安南 丽 逐退自潮 南 則 金始從 河 關 助 動 風 述 砲 軍 轉 故 潮 П 查 所 之事 我 台 需 间 動 日 洲 蹤 許 以 精 欽 他 事 漲 方同 惠州 旭 五. 跡 促 衞 廉 派 忽 一萬元以 人通 占 叉 而萍 知 欽 興 欽康 據 我 親 該 志多不及助是以 軍 鄉之事 寓 之動 處軍 達湖 四 往 謀起 鎭 某 硊 南 台 南 街 事 洋 隊 湘 洋 文不 籌資 義 詸 相 泂 起人心大為歡 消 初從 彼 樓 約 息 口 Æ. 密 篴 邊 成 惟 而 役及 防 告, 破防 事 不支也) 我 萍 肵 清 潮 督 篴 得 鄕 惠潮黃 辦 辦 政 出 城 軍. 不 楲 收 多 已以 府 關 圍 迎 惟 連 降 欽 時 興 靈 丽 凊 岡 我在 動 有 法 軍. 山 無 入 槭 各 政 安 以 兵 統 惟 此 (陸營本 費統 府 南 未 刺 領 此 面 激 本 交涉 時 散 過 終 期 共 文 以 īfii 人 矣 財 所

札

函

H

集

流弊

子問陶

成章當自知之今乃責人而

不自責

所用將 近二十萬元此 **欵則半為南洋各地** 同志所出為革 命軍 初 次向 南 洋籌欵者 今計 開 由 精 衞 向 荷

所籌 <u>.</u> 述之同 者約三萬餘元向英屬所籌者萬餘 志 Ŧi. 萬元得於日本 人萬四千元河內欠債萬餘元此 元共約 四萬元向安南東京及暹羅所 各項之開支皆有數 籌者 目皆 約 五六 有 經手 邁 元 除 我 梁秀春 手 得於

自行 騙 去五 千及累去船械費數萬又一人騙去千餘及 《陶成章 用去一 百此外之錢皆無甚 枉 一費自 我 人

於此 於公用者一萬四千元家人私蓄及首飾之撥入公用者亦千數百元此我攫利之實跡固可昭示於天下也 兩年之內除住食旅費之外幾無一 錢之花費此同事之人所共知共見也而此 期之內我名下之錢 撥

破產此亦我罪也河內五家作保之萬餘元至今猶未還亦同為我罪也 然此時則無如之何之際聞 陶 現在

又以東京同志以官費摺作抵貸錢責我不代籌還此誠我罪矣然家兄亦因以家產作抵

南洋托革命之名以斂錢亦爲不少當有還此等債之責也何不爲之

之亦無 叉謂 從代受責 在 南洋有出保 任 也 而 陶 護票之事 成章亦在 此 万荷 南 削 發票布 闔 隅同志 14 處斂錢且有冒托我名為彼核數其不為棍騙乎其無 所發起行之本屬自 由 行 動 至 成 效如何我 全未聞

四

而致今日之

數人贊成革命事業者弟擬從新組

見寄到未知已出版否美洲東方一

帶自弟抵埠以來似覺有動機或能有漸入佳境之望也學生中亦

有十

織團體岩有成效當另詳報以便在歐洲亦可

仿行而擴張勢力也

此 致 稚暉先生靈到美後已奉一函想已收到先生來示並轉寄來之港函已得收到有勞多謝新世紀尚未 庚戌(一九一〇年)由南洋至歐洲又到美國時致吳稚暉書

大安不一

札

函

弟孫文謹啓 西十一 月廿五號鳥約發

191

理

庚戌(一九一〇年) 甫到美國致吳稚 暉

用 則 聽 英 妙莫 煽 頗 兩 談 自 必 開 月 頗 人行殺於弟之口聲之無理處指出 解矣請 削 為力甚 及檀香山三報館 如 歡 面之詞如外間 惟 稚 由 被 作 惟 暉 [新世紀] 古 陶 先 同 大倘各報館 志 生. 布散傳單之後新得革命思 ----先生 於前 鑒西 傠 用 未 多見能 費神 十 有人疑惑當按及理解釋維持人道等語此函當由巴黎寄發及蓋新世紀之印據 同 體 拜 自 人字樣作 能 月八 為之弟現住鳥約人暫尚不能决如有賜教請函寄如左此處較前之收信處更為 往 否從事 由 歐 維持公論 號早 故 「民生」 祗 ----函致美 見其 · 是行 聯絡 並下以公平之評判當較新世紀己言者略詳及勸 剘 想之人 抵 誹語不能遙惑也有新世紀報論 尚 代理者二人雖甚歡接然未能深談 「大聲」 鳥 西 不 四 得 約 報館 登岸 對於弟之感情大不善非多少時 丽 知 作為同業互通消息之誼將 卽 美 時 亦幸 國 「大同」「美洲少年」「中 政 客 無 現皆在 阻 難 可 華盛 為告慰到埠後 更有專函則 也 頓 聞 鳥 美 約 陶信內忌功爭名爭 日 西 未 西 所欲見者二人一 此事 易解 已見得二三舊· 金山等處華 及雲哥 報 中同 可以 釋 此 銷釋 業不 華之 種 疑 人 已於 弟不 如 可 利 惑最 思 此 誤 及 蕃 想

大安

秘密妥當

也

此

致

卽

候

札

函

弟孫

文謹啓西十一

月十二日

理

庚戌(一九一○年)在美致吳稚暉各書

行反噬 編 之惑矣近得 者當無不明 此足見公道尚存於人心也可否再下公評於新世紀一聽高見裁之 太炎檢舉狀寄上一觀此 . 輯為彼一人萬世一系之帝統故供 (一)稚 而章之欲則不過在數千不得乃以罪人陶乃以同盟 白可 東京來信章太炎又發狂攻擊其所言之事較陶更為卑劣異不足辯 暉先生鑒十一月廿二及廿六兩函並港信及新世紀已得收到新世紀所評陶言甚當 以 毋容再發專函於報館矣且東京同 **真卑劣人種之口聲也聞太炎此狀一** 應不週則為莫大之罪民報復刊不以彼為編輯則 盟會近已有一公函致各報館想 會爲中國而章則以 出則寓東京之人士無黨內黨外皆非之云 民報 陶之志猶 社為中 爲 此 偽民報茲將章 亦 在 國以 巨欵 足 以 解各人 R 不 一而公見 報之 得 乃

則人心必能再合此邦尚有華僑七八萬可引導而從革命者當有一 際此胡氛黑暗黨有內鬨誠為至艱危困苦之時代卽為吾人當努力進取之時代也倘有少數人毅力不屈 命之勢惟所阻礙者卽各埠先覺之士皆受陶謠一時不免疑惑故不能驟得彼等之協助耳俟此惡潮 奮勇向前支撑得過此厄運則以後必有反動之佳境來也靜觀美國華僑之人心自保黨瓦解人有趨向 **华此亦不無可為也** 此地一 有 基 礎則 革 過

加拿他中美南美古巴等處之華僑必有望風來付者也爲今之計欲從漸以蓄養革命黨之勢力

弟文啓

西十二月四

捨

此

必

無

函 札 他

法矣如

有進步再

報

名且有上海下獄一事爲世所重彼所立言若不有匡正其失則惑人必衆

(二)稚暉先生鑒前 寄上 涵 並 附入太炎之日 華新報論文 繑 詢 先生可否 再 下公評今得

庚戌(一九一○年)在美致吳稚暉各書

之辯論是非矣請 坡來信云太炎此論已登於保黨之南洋總匯 先生務於下期新世紀再加傍觀之評論 報且大 加 痛 擊 使人一 此其立 一心破 見曉然不為所惑為好因太炎向 壤 黨事已不留餘 地 自 不能 負 星 不 盛 與 加

弟孫文謹啓 十二月十三號鳥 約

也請

先生裁之此

致

卽

候

云此文又登於星洲保黨之南洋總匯報如此 (三)稚暉先生鑒前寄上太炎登日華新報之檢舉狀一 則太炎欲破壞黨勢之心已不留餘地 則想或已加公評於新世紀矣近見星洲來信 想不 日美洲各保黨報

惑叉弟於到各處如遇有人質問 必有照登不可不有以抵之如 先生前 必歷言太炎為人之狀以對並 未理會此文望於來期新世紀全錄之而 一望先生將劉光漢發露太炎同 加 公評 指 出其謬以 謀通 近好之筆 解人

斗 跡照片寄興 也非 有實 操以證 第用 以 彼之非則類於相忌之攻擊弟不欲爲也 證明太炎之所為 庶 足以破其言之效力因 並附上 海外革命志士多以太炎為吾黨之泰 重 行 信及信 封一 個 祈 爲 轉 交此 Щ 致 北

卽 候

大安不一

弟 孫文謹啓 十二月十六 號波士 頓

地 恐照信面地址寄至波士頓則不對也故再草此請 (四)稚 暉先生鑒今日發 一函請將太炎與劉光漢同謀之拍影筆跡寄與弟 先生將此件寄往金山大埠留交便可住 用 胩 未 有提及 址 另列 寄 弟

大安不一

金山大埠矣此候

函

札

弟孫文謹啓 十二月十六號晚

於禮拜一卽十二月廿一號則從波士頓反鳥約在鳥約頂多再住一禮拜便往華盛都住一禮拜便當直往

全

辛亥(一九一一年) 黃花崗起義前致李源水鄭螺

行著自願身當槍劍惟賴兄等為居者有以提携之則中國事大可為矣千祈鼎力為幸叨埠之行至期當再 耶當知其中為破棄財產以充軍實者居其大年古語云不有行者誰捍社稷不有居者誰資糗糧令弟等為 試遊法之巴黎美之紐約華盛頓等處其銅像峨峨高出雲表受後世國民之崇拜者豈盡當日之彊場戰士 皆原於此我今旣具有此雄 時機已熟咸願犧牲身命以 深威兄等既肯效包胥之苦計弟敢不决魯連之志以酬 力以為之者也我兄洞明時局尤切大義知交旣廣貿易亦隆必能設法籌措鉅欵以成此破釜沈舟之事 一)源水盟兄足下啓者澤如夢生 與廣拚命軍界之人更為激烈前歲 力安忍聽其軀肉相搏不為預備以喪我志士乎此澤如兄等所爲發慈悲施 兩兄 來函 知我兄於此次之計畫極力贊 公等乎抑有進者此番 土耳其之革命上月葡萄牙之成 決 心係 助 並 **允出** 由得 力各同 親 為 勸 功 主 人默察 捐 動 尤所 力 願

大安

函約

沈聯芳兄素熱心黨事聞與兄交情最厚兄若相勸

必可得其助

力特此

先佈

ÉD

請

弟孫文謹啓西十一月二十號

往歐美行 程親往歐美 (二)源水螺生 動 故 **甚速可及期返來今幸南洋籌欵之事已有頭緒兄等力任其難則** 弟不能分身到 兩 兄惠鑒前者本 星洲 前已電招漢民兄來此已至檳埠當合到坎羅同 約弟到星洲 與兄 共為運動籌別之事茲因有緊要問 成效必大總之光復之舉在 出 星 坡 協辨 題 日 間 屻 卽 至 須 弟 動

函

札

之奮然起也漢兄晤時更詳各節專此即頌壯安

茲曾經出力令次雖不無弩末之虞者然告以方今之事勢旣難緩圖內外同志宜作破釜沈舟之計當亦爲

此時機多一分經濟卽能多一分預備南洋人士不乏熱心而普通人情必有感動精誠所至卽金石爲開前

弟孫文謹啓西十一月廿六號

辛亥(一九一一年)廣州之失役敗後自美洲致各同志書

之時 謀 影響於全世界及海外華僑實非常之大由此所得之效果亦不可勝量以區區十餘萬而做出 地之事使吾黨之聲勢飛騰千丈亦甚值矣弟敢决此次失敗之因必定生出他日成功之果也從此之後所 內外於路皆易入手弟現在開始經營數路想當有一可成惟時之遲速不得而知耳此足爲告慰者 計之去省城失敗之時不過三四日耳追憶當日何以為情弟亦不勝萬千咸慨也然事 澤如 仁兄並各同志均鑒三月廿六日來書已得收讀足見苦心勞力為國奔馳欽佩無極也 雖失敗 如 此 按以來信 |驚天動 丽 也 其 爲

積不相 山 再 要想必能得當法國政府則向已有通情者也如是吾黨今日可决英美法三國政府必樂觀吾黨之成 致公總堂雖 舉之日必無 又經羊城一 寧數 月之前猶反對同盟會之籌餉美國華僑十居八 係洪門以 藉端干涉之舉且必能力阻 役之後外交亦易入手弟曾着人直說美國政府皆大表同情令已使人往英以說彼中權 反清復明為宗旨然向多老朽頑錮向無進取之氣故嘗與吾黨之少年 他國之干涉也此又外交之路因羊城之影響 九為洪門之徒致公總堂 反對籌餉 而收効果者 勇進 則 之輩 雖熱 也 事 企 剘

201

M 札 籌餉局以專責成想不日必能大收效果也此又羊城失敗之影響也茲付上致公堂籌餉章程

役之後見吾黨志士捨身赴義英勇絕倫則

心革命者亦

不

敢前放以美國華僑之數所集不過萬餘港銀遠不及加拿大少數華僑之捐

欵

乃 至羊

城

頑錮老朽之輩亦因而奮威今致公總堂已發起籌餉現已設立

閱弟於月

內此 處籌餉局規模大定之後當再往東美今冬或再往歐洲以辦外交要件而 囘 東之期 尙 未定 扎

之民氣倘得合大羣集大力以南洋美洲華僑之財力以濟內地同志之所需自無不足而成功之期决 南洋人心想亦必以此次之失敗而 愈增奮勵也望 兄及各同志竭力維持已聯之人心並鼓 吹初醒 其不

遠也幸共勉之

家然弟於萬里奔馳之中每見家書一至亦不能置之度外常以此縈擾心神紛亂志氣於進 月由金慶君散向同志收集亦殊非易事常有過期收不齊者此亦長貧難顧之實情也雖曰為天下者不 有不給故前後兩次向港部請撥公欵然此殊屬非宜實不得已也自港欵撥後則 弟家人住 榔家費向由榔城同志醵資供給每月百元自弟離榔之後兩女讀書家人多病醫藥之費常 無向榔城同志取費蓋 取前途殊多窒 顧 毎

礙敢請 內 顧之憂而減榔城同志之担任以榔城同志之供給已過半載未免疲勞倘 兄於榔城外之各埠邀合着實同志十餘二十人每月每人任 五元或十元按月協助家費以紆弟 兄與他埠同志能分担實為

至 威此 候

大安不一

弟孫文謹啓西七月十八號金山寄

辛亥(一九一一年)由南洋再赴美國後致吳稚 電調

悲觀 沚 會 方 悐 稚 暉 摯之氣然不期生出 间 先生大鑒頃讀來示並致伯耀君函驚悉篤生君有投海之慘劇殊深悲悼弟觀篤 此 卽 社會之一份子亦不盡為我所有 此等結果也夫人生世 也偷犧牲此身不有大造於社會者 間 對 於一己方 面 此身似屬 我 有 决不 行 動 應為 似 可 生 君 也 自 嘗 楊 由 具一 君 然 對 於 種

弟質 無不大驚失色恐 國 死友今遵諭 已 放 君 未接此 勉進 報收乞覆與旨 所差者不過三千元便能 爲之大憾焉 身為 自羊 少年 萬元 城 電之前 同志之所望亦革命成 失敗後黃 尚差五 先 學 組 耐: 按 及 再 此 織 演精 中 千元弟另發函檀香山 此 四 間已有兩同志趕囘欲代彼行此 君堇午亦 電 隊 山 先敍 致 衞 按 次進行 公堂並 君之悲劇於是各埠 足萬五千之數矣黃君實仍居香港惟此事當千萬秘密爲望石君 \彼欲行 生一 敗之關 轉芝加 惟設機關及養恤 憤憤不平之氣决欲行 個 鍵 人主 古 請將餘欵電匯大約可得千元若 也 一役之職 義之理 電 涵 函 電 悉 弟行 也今彼欲組織 務蓋可為更大之事業則此 費 紛 由 馳以 甚 次日 鉅 此 一个遵渝 以粤事 個 勸 茲李準雖傷須 人主義以與李張等賊拚命吾黨同 阻 之 四隊按 切 非 卽 先破 勿行此 允從各埠同 再接再 壞急難下手 石君蘅青能速電 次進行大為同志所贊成 茲得黃君 個 勵懇助 芯 人主義非彼所 函 且不足 覆電謹 電之勸阻 萬五 匯楊 電 錄 壯 千元電中 数 可 人聞之 於左 黨氣 君 宜 也 着他 一蓋黄 遺 昨 爲 也 欵 H 酬

函 札 則

辛亥(一九一一年)由南洋再赴美國後致吳稚暉書

由倫敦直電香港中國報收電匯後宜即發一電報通之黃君可用吾黨之秘密A字電碼發去 (此碼弟過

英時似曾留下一本在 (勿用姓) 收便可弟於西九月二號離金山往美之北中各省兩月後可再抵紐約通信請照上地址寄便 先生處或石君處) 如無此碼可用中國電報明碼云電某銀行若干元請交克強

大安不一

安此候

石君衡青統此不另

弟孫文謹啓西八月卅一號

大安

辛亥(一九一一年)在美致吳稚暉各書

力弟准 陶之流言略有小阻耳然無甚大礙弟一到其地必能掃清之望先生同時在新世紀多發闢邪之言以爲助 堂為望美東人心大局漸有轉機倘得有人鼓吹之必能成一大勢力也美西想亦有同此景象惜一時 覆以正人心甚善甚善此文登報後請各寄二三十份(前號駁陶之件亦請補寄)與紐約並波士頓 詐 近日之所爲眞屬忍無可忍云此可見與 (一)稚暉先生鑒十二月廿一來函已得收讀領悉一切據最近漢民兄來函亦云章氏托瘋癲以行其 此 禮拜內往金山一帶因有西友電催速與往商大問題或得意外奇逢未可知也到 先生之意有不約而同矣 先生欲將彼之行為於術 時 再 報此 兩致公 詳 有章 爲發 候 205

大安不一重行兄同此候好

全

弟孫文謹啓西正月三日紐約發

(二)稚 暉 先生鑒弟已於十 九號午安抵紐 約惟沿途海 上風波甚惡暈船殊苦為向 來 所未遇幸今已

過美地情 形頗佳目 的 想可達也弟明日發程往西方效果如何容俟再報匆匆此 致即 候

弟孫文謹啓正月二十號

哥華則事更匆忙至今日始有片時執筆茲有要事欲對 (三)稚暉先生大鑒弟自魋紐約入美西以急於籌欵接濟軍用之放日不暇給不能致書前 先生言者弟到 金山 大埠此間少年之士多以新 禮拜抵雲

世紀為金科玉律殷殷 存問 先生弟以在英杜門着書對而少年中國報切欲 延致 先生為之主筆彼等

函札

謝

君

望 初開 便貴眷可以同來於世兄等入學讀書亦有適宜之地 千餘字以 想早已有信來請矣而更托致書必期 多歡迎革命之理者若得 先生爲大局一 先生順手揮來大約不過一打鐘之時其 來美洲千萬勿却少年中國報願奉月脩六十元美金只欲 先生之筆 先生之惠臨弟思 以發揮之必可一華僑之志也此事關 餘尚有暇時以致力於著作也 先生何時能來並需旅費若 南 北 中美三地有華僑不下數十萬 先生主 係於中 干請 此 間居住於華 詳 論 國前 細 說 途甚 人近皆 示 悉少年 門 人亦頗 大 日 不過 思想 弟 切

辛亥(一九一一年)在美致吳稚曜各書

大 多 不 一

國報當為設法早日奉寄也此致卽候

弟孫文謹啓 西二月十二號

處經營籌欵一月有餘已得所需之半數今尙差一半當往加東各埠籌之加屬行完則再入美國大約一月 (四)稚暉先生大鑒二月廿二日來函已得收到弟近在加拿大西隅之雲高華域多利兩埠及附近數

之後可再入紐約飛島之行尚在無期必俟美國經營之後乃能往也

能自 則 精 由 衞 看管 爭 尙 有 者 望 大 都 也 可 以利 弟昨 日 使若有錢當不難設法逃脫云現與精衞同事之人已親 由 雲埠 東行 沿途停留 胙 晚到 此地 入北 五百甚熱心 **京設** 法等 語 贊成 觀 此

言精衞之事想是傳聞弟最近得胡展堂來信云近有人入獄見之三人中精衞獨寬鐐鎖

在

丙頗

革命弟擬停 此 日明早即往別地今乘有片時之暇草此數行 Kamloops 奉白 並 候 有華人四

大安不一大安不一一里里自己男士不多不是用文明军业集

弟孫文謹啓 西三月二十日

得

全

請

為

盡力然猶

恐

耳

目

未週今再

先生

就歐洲同志

密商

如

各有所識可靠之人在

北京者皆望

托之查

探

生辯 護之力也弟在該二地巳聯絡團體約有千四 稚 暉 先生鑒久未致候遙想旅況多佳弟自抵美西及檀香山二 五百人將來大可進步弟本欲 地大蒙華僑歡迎此皆多新世紀 队人留該 屍 以 圖黨勢之發 先

十一 達乃以祖 號抵 國情勢日急恐再蹈羊城覆轍故急於東囘在 星加坡十 九號由 星乘德郵 船往檳榔嶼會同志謀議要件 日本 住有兩禮拜 大約 一二禮拜當囘 旋於西六月 廿 星 Ħî. 埠 H 作 雛 略 日 人之寄 本七月

寓請 先生 時 時 賜 教 為 幸

近情 及 吾黨今日 精 衞 在 囚之地: 有 急要問 故先當調 題 必須 查 設法 確 實 乃可 解决 行事此 者 爲 謀救精 必靠 北 衞之事今外 京官場同 志乃能 間 已有 為之此 担任 之人惟苦不詳 間 同 志已各就 悉 所識 北 京

現在 實在情 精 衞 被囚之法 形及想出妙法望即 部 衙門地方及看管之人詳細 示弟知 香港展堂君 情 形 知 如 何 並 請 他等代為籌思有何妥法可 以救出 如 查

大安不 李君褚君統此不另 弟高野謹啓 七月二十 號

涵

並

為

騗

此 候

涵 札

辛亥(一九一一年)旅歐途中致宮崎萱野各書

(一)宮崎先生大人足下日前寄英國之書久已收讀欣聞各節所以遲遲不答蓋因早欲東歸諸 事

cnkin 作面談也不期旅資告乏阻滯窮途欲行不得遂至久留至於今也茲定於六月十一 號佛郵 船凹 東過南洋之日或少作勾留未定否則必於七月十 九日可以到橫檳突相見 日從佛國 馬些 在 邇 港 不日 乘

可復與先生低掌而談天下大事也謹此先布幸少待焉餘容面述即 候

大安不

六月四日寫於佛京巴黎旅館

各同志並祈問好

(二)宮崎先生大鑒弟今由桑港到些路 Seattle 港將轉而往米東十月底可到牛育 New york 矣

其後或往歐或遄囘西米俟到牛育後乃定也近聞日本已換內閣西園寺之政策如何對於支那革命黨取

何方針可詳以告我否並望再托木堂先生向 新內閣重開交涉請求弟能入日本之便宜如蒙政府允肯請 俠

先生速告我我以後之通信處如別紙所載切 **盼好音此致** 卽

弟孫文謹啓九 月 十二日

(三)萱野先生鏖民國統 成功弟亦息 肩念我放 人盡瘁民國之事窮且益堅百折不懈而 日來適館

饋

授餐禮猶未備私意殊未恢茲特倩溥泉兄賚上三千元

M 札

弟中山

一謹啓

左右非敢以為報伏前 辛亥(一九一一年)族歐途中致宮崎萱野各書

惠納專候

起居

孫文

集

辛亥(一九一一年)由歐返國時致鄧澤如之書

詳 細 奉知將 (一)澤如先生 來或有電請 執事承遠道出 先生囘國帮忙幸勿吝玉自接此信之後祈 叨一敍感慰可知惜話別匆匆末由暢談頗以為憾國內情形抵滬後當 即預 備 切 隨時可 行為佳 一弟進 崩

日 過 港附 此 卽 候

台安

各同志均此恕未另函

弟孫文謹啓西十一年十二月廿號

市面之恐慌濟軍旅以餉糈黽勉經營將屆一 (二)澤如先生大鑒啓者客秋風雲變幻波濤險惡滬上志士所以有中華銀行之組織 載頗邀中外之企仰邇日營業發展方謀再求推廣爰於七月 也開辦以來救 211

茲國 基大定商戰 方般銀行操 金融之樞紐為振商之要品關係國 計 涯 屬細微文不敢不兢兢而受事 且值

之季會衆議决就已立之基改爲完全商辦重訂章程力加擴充並

推文為本行總董任以提倡進行之責際

乎

行之推 吾國工 廣刻不容緩也招股員王君奕友日 商實業尚 在 萌茅輪電路雛發端伊始惟自 前順 道赴閩即蒙福 有銀行始得借貸推移之便方無艱難窒礙之虞洵 州商會電認股洋二十萬元海內外各埠亦

1/1

極

端費

成

則基本雄固

信用

愈昭中

華銀行不難成民國中最強大之銀行

也

執 事僭居異地思念國 事夙 抱 熱腸 用敢以義務相挽為特附奉章程至祈詧閱務乞

札

函

公安

執事担認本行招股員席以資策勵尚希鼎力提倡設法鼓吹並 請諄告僑寓諸同胞 須 知 # 華銀行 為民國

開幕之第一銀行與國同休戚亟應羣策摹力共促進行想我

玉成也茲特派王君奕友**來** 公之熱忱定荷許為

執事與陳武烈君前並囑伊會同

賜以金針指示一切不勝企感之至肅此敬頌

一就南洋各埠廣招勸募共襄盛舉所有一切手續統俟王君詣前詳述益懇

孫文

212 —

理

辛亥(一九一一年)武昌起義後由美到英訪吳稚暉於倫敦所

留之緘

稚暉先生大鑒弟今午從美抵英行動主極端秘密今晚八點到訪聞 先生與張君出外不遇為悵明

晚此時(八點)再來訪請留寓一候爲幸

各省同德同心協力於建設則吾黨所持民權民生之目的指日可達矣 近日中國之事真是央央大國民之風從此列強必當刮目相見凡我同胞自當喜而不寐也今後之策只有 弟文謹啓

札

函

頃 莱君恭綽自京來滬携有閣下惠貺之大勳位證書此件文始終不敢領受其理 由既於前 次 電 文内

之殊榮 文由 異 而同 為海 認以 親身之所主 詳之今尤有不能已於言者賞位固國家應行之典惟當今國家基本未固 文均量力 之理 志之損失其身命 內倡 為功者個 南 岩 京 則 補 政 歷 此 此文不欲受此勳位之故也文於乙未年始起革命軍於廣州庚子丙午兩 次革 年 持 助 府 Į, 共事之人 解 m 人方將認爲一 命之成 皆無 純 職 以 屬 財產者 私 來 所 死者 人 識 成同志之以 功 關 與 則 己對 不計生 不識 極衆 值 係者文均 全 其以 國 故 於祖國所當蓝之義務而 若因 此犧牲其身命 者今 人心 公私 一概 倘 此 理 行賞則 拒 娴 多流 育 絕以 係 北 來 將 雛 4 被貨 求 失 士 財產者甚 所者 國 金錢之補 和 衷之所! 人民今日之窮困 者其數當甚 文將 無絲毫邀買希榮之心文不敏觸 |衆此後各處革命之起 助 何 成 就文 者 以 毎 衆 對之此文不敢受此 更無可 尙 月必有百數十 丽 情 非 不 形 可 國 博 勝 褒異之處若文徒 人言功邀賞 計 车 施 濟衆 大 繼 文質 概皆 起 之三次之事 堯舜 其 펣 無 與文有 之時 有 位 願 猶 關 之故 人 以 國 獨 病 公 此 圖 若 皆文 家所 益 關 主 <u>ال</u>. 己 文 者 自 係 義

215

B 札 科

丽

有 應接

不

暇之勢此文不能受此勳位之故

也若閣下於文個人欲有

加

恵則

黐

有

事

奉告文有

男名

尚無受官費之資格欲

旣

受勳

付.

及所

附

年金是文因革命

ini

得

金錢

則

曾經從事

革命者以

私人

之關

係

萷

來

求

助

文將

無

詷

以

對

已入美國大學一媳陳氏又有二女名姬及婉皆在美洲中學據留學章程後三人

閣下特別待遇飭有司准許此四人補給官費讀書使有成就以免文之私累太重文感且無旣矣此項動位 民 衂 元 年 致 袁 世 凱 辭 大 勳 位 書

證書一 俟有便將托人送京奉還先此佈達伏乞鑒諒即頌勳祺

孫文

民 國元年覆參議會論 國旗

之解 天白 之歷 軍以 赤 洲 民 則 色取 成立之後付之國民公决若决定於此時則五色旗遂足爲此 此 之旗 為漢 幟 各 國 為 上上二 義不確 說究之革命用兵之際國 亦 日 最 塢 元前二年 五色為一二品大官之旂今黜滿清之國旗而用官旗未免失體(二)其用意為五大民族然其 大別有三武 貴會咨來議决用 為三色其主 華 族共 取義宏美 良非有絕大充分之理由 僑同 旗之取義三旗之美觀武漢之旗以之爲全國之首義尚矣蘇浙之旗以之克復南京而天 和 如以黃代滿之類(三)既言五族不平等而 廣 黨 情 中 於 東 人用 漢首義則用內外十八省之徽誌蘇浙 國為遠 張之理 共和 新軍之反 育 Ŧi. 者亦 色旗為國 方起義者十 東大 由 已多年 旗統 Œ 尚 倪映 多 國 不能爲折衷定論故本總統不欲遽定之於此 旗等因 但 H 典等 餘年 尚非所急有如美國亦幾經更改而後定現所行用之旗章故 本 出 甪 總統 外 方東為恆星之最者 自乙 À 流 本總統對於此問題 爲 總認爲民 血 | 未年陸 非 前 於此 车 國之族 廣東 時 皓東 上下排例仍有階級夫國旗之頒用 則 决定 用五 身殉此 H. 城之起義七十二人之流 較最良之徽誌否殆未易言(一)清 一青天 則可 至於 以爲 色之徽誌今用 勿詳 旗後 白 収義則武 未 日示 可 如黄 遽付 論 因 光 岡 漢多 朔 而 時 頒 其 知 正 防 mi 行 武 城鎮 照 有 蓋現時 必廢 俟滿 漢 血皆以 自 極 所 由 IE. 南 其二所 虜 大之主 主 4 關 |所重有| 既亡民 民國 等之義 渻 此 河 亦 旗 用 口 國 各 木 有 日之旗 選國 張 帕 最 省 分 舊 者 總統 完 著於 近如 洋 而 例 必 旗 美 青 漢 會 較

K 札

以爲暫勿頒定施行而候諸民選國會成立之後謹覆

民國

元年

覆參

腦合

論國

族書

孫文

____ 218 ____

民國前途大有利益也

府雙方主持僕未便以個人名義逕向政府商議貴會宗旨與此事性質甚合祈努力鼓吹以收倡導之功於 民生國計會總部諸公大鑒手書具悉移民就墾增益田賦等事其旨甚偉惟事關國政應由議院與政

孫文

1

札

能否准女界設傍聽席皆當次諸公論俟咨送參議院議決可也此復幷候公益 多才其人同盟會奔走國事百折不囘者已與各省志士比美至若勇往從戎同 該社擴充公益之用該社員等宜力行 慮高遠深堪嘉尙所請開 才學優美幷不違求參政 辭艱險或慷慨 來書具悉天賦人權男女本非懸殊平等大公心同 助 餉鼓吹輿論振起國民精神更彰彰在人耳目女子將來之有參政權蓋所 辦女子法政學校應由該社員等呈明教育部核奪辦理 而謀聯合全國女界普及教育研究法政提倡實業以 無倦以光吾國 兩促進步至女子應否有參政權定於何年實行 此 理自共和民國 成立將合全國以一 協助國家進步願力宏大志 仇 並 北伐或投身赤 由本處撥助 孫文 必至貴社員等 致進行· 十字 五千元為 國會 女界 會不

函

札

代四百兆同胞向大英國國民作此呼籲之求

也

孫文

民 國元年要求自由禁烟主權致英國國民書

已銘 此 於進退維谷荆天棘地之中諒非貴國仁人志士之初心也囊者貴國仁人志士協助緞國 運然後禁種 復容人售賣岦蚩之農必嗜利 禁烟之第一 至 酷 諸 鴉片 人民無不熱 肺腑今復掬我仁慈心公義心怨求貴國人士於我國更新之始還我自由禁烟主權 至烈之毒 於中 要者 事 國乃數十年來一大害也其流毒之禍 物而 固 心賡續烟禁急望其速底於成 始可望其實行也奈昨年 在 出我人民於孽海焉余確 全國禁種 種烟以 然 如 中 不於禁種之時同 國 中英訂立鴉 幅員之廣大 信我國如有權以禁賣其禁種 鄙) 人解 視諸兵戰瘟疫饑荒有過之無不及者方令共和 片新約 時 時 任之後亦 禁賣則 局之多艱不禁賣 與禁賣禁運大 時常 禁種之令極 耿耿於禁烟問 imi 有妨礙 禁種: 難施行 事定能速具 甚 使我 :蓋今日 題而 非易易故必 禁烟感激 俾吾人 反覆深 國 成 烟價培 禁烟 功 能剝除 之忱人 思之知 故 禁賣 不憚 成立 政 增 陷 禁 倘 223

函 札 家為

前

提

黨

德

清

浴黨

勢

必

H

臻

強

盛

仐

國

民

黨

基

礎

已定勢

力已宏

此

後當

體詧

大

局

情

形

從

穩

健

上

相

機

民國元年致南洋同志書

解衆 之日 與 盟 行 商 祇 會 事 經 同 北 改 背 猶 阳 胚 故 上 南 **翁然從** 南 得 會 組 新 存 洋 舊之見 意見大 諸同 政 政 方諸 躬 綱 親 黨之後黨勢日見發達而 其 風 省 相 志公鑒文以 局 盛 而 迨 和 共 協同 惟 南 時 尚 思 北 不 和 難 意見之疑 告 足恃 政 倂 除 黨天 合定 彼 成 國 事奔 此 國 考 逐有 顧 基 職 名為國民黨業於八 文於 刚 波 粗 在: 共 定 £ 娛 久 恪 守黨綱 前 未 和黨勢力差 此 卽 會文所到之處深受各 乃渙 月 解 脩 漫 大 涵 總統 遊 問 觀 然 派 祭 冰 俠 國 堪 釋 晉 之 H 心 職 情以 甚 間 相 嗣 齊 魯 將 歉 開 埓 後 間 然 筲 舒 成 腙 道同 界歡 展 立大會設本 見 行 妐 因黨見之不 國 北 民 有 生 民 方人 數事 風 迎 意旨 皆 事 共趨 士 業 堪 有 之傾 然論 種 部 同 爲諸 Œ 相 國 總 的 見 種 機關 應 事 國 恨 间 者 同 付當 共和 志告 事當 晚 謂 頗受影響近 之態度 於京 共 者 剔 賞 和 H 有 除 都 有 形 文歸 眞 式 進 經 偏 時 意 文數 雖 有 步 見 適 不 文 數 也二 具 國 乞初 過 以 規 抵 政 番 模 國 京 團 间 勸 於

函札

邑

者

稱

為

支部

或

分

部

鯙

處宜

卽

日

改

稱

國民

黨南

洋

支部

為

要三

同

盟

曾

旣

改

爲

國

民

黨

嗣

後

同

盟

曾

名

義

相

匪

勉

以

求

持

我黨

為國

爲民

至

大

至.

公之名譽也

再

衂

民

黨

本

部

當

然

立

於

中

夾

政

府。

地》

點

凡

分

立

於

各

都

行

事

哲

國

國

基

未

固

勢

力

衰微

是

狆

大

病之

後

矛

Ħ.

遽

投

剔

劑

維

持之責是

在

政

黨文不

敏

甚

願

與

諸

声

志

共

雖

存

E

變為

歷

史

的

及

祉

會

的

團

體當

居

於政黨之外間

接以

水三民·

主

義之發達

惟

歴年

來旣多

代表

革

卽將

遊

歷

歐美籌資開辦屆

時

或道

經算

處

復將與諸同

志握手言歡

傾

禮

道故

也海天

南

望

꺠

奥墨

馳

諸

維

紀念

垂諸永久規

模不可不宏也文近承政府委任籌辦全國

鐵道

事務

綢繆措

置忙

迫異常

俟

部

署

稍

淸

民國元年致南洋同

志

書

之功 人之觀聽想諸 同 盟 耗 會 無數心 俱 樂部 同 將 Ń. 志 保 財 心樂觀 存 力及諸先烈之身家性命以恢復神洲名物聲威不容磨滅此間諸同 此種之價值 厥 成 也 茲附去緣起及啓事 以昭示來茲此舉不 獨 ----東祈 為吾黨歷史上之光榮實足增民國之莊 諸同志 量力資助以冀集腋 志設 成 裘襄茲 於上海 嚴 盛舉 設立 歆 外

亮詧

孫文 十月九日

_

容閎老先生偉鑒丁此革命垂 成戰爭將終及僕生平所抱之目的將達之際逖聞太平洋對岸 有老同

之事業以還吾人自由平等之幸福致有此 志大發歡悅之聲斯誠令人聞之起舞然揆先生其所以羈留 逃亡異域同 病相. 憐非僅 至此之源想亦因謀覆滿清之專制 爲 先生已也即僕等亦嘗飽受此 而 建 偉

苦

大

乃今差幸天心眷漢胡運將終漢族之錦綉河山得重見於光天化日之下僕何幸如之雖然吾人蜷伏於專

耶以是之故况當此破壞後民 制政體之下迄茲已二百六十餘年 國 建設 而教育之頹敗人民之蒙蔽恋一 在 在需 二才素仰 盛名播震環字 旦聞 加 以 此自由平等之說得毋驚愕咋 (才智學) 識 達 練 過 人 用 敢 傰 極 舌

吾人得安享自 歡迎懇請 先生歸 由 平 等之 國 而 幸 在 福 此 悉自 H 華 民國 先 生 創 所 立 赐 矣 完全之政 先生 人跳 府 以 鞏固 鄉井祖國祭懷量亦不致 我幼 稚 之共 和 倘 掉 俯 頭 允 所 丽 我 請 棄 則 也 他 臨 日

風濡 穎 不 勝 鵠 **盼之至謹** 此 并 請

道安

函

札

弟孫逸仙

民國二年勗南洋各 同 、志書

此次失 城 長城 天者 倍 存 **曠觀天下滔滔皆是不能盡責亦不足責** 變遷 本 善長惡消之天理 此 西 在 丽 必 意 有 以 袁氏之種 心不死既不可 勢力之消 同 受殃害· 放以 料之中亦 逐胡 囘 志諸先生 民 生之幸 後 揭 而 旗關 乃二 自 長而 人者終害己 種 則 非 表 道鑒久達道範不 政 終有 奇 外 世 策 以失敗而 有 福 面觀之已覺勢力全歸 im 而 尚 所 也 最後 宗 能 短 夫 滅袁氏對內 長者則 此 社 力 連 爲民 灰心 結 成功之一 被裁撤之議 黨 亦蠢焉 此 團 勝渴 體亦 國製造革 亦不能以困難 尤難矣所以當安樂之時 四方不靖之時 剘 日 狮交友: 思動 不 也 想連奉教言猶深咸佩十一 他我輩 員兵士能安 卽 如始皇之威 鳥 使及 命黨 有 徒 而 然共患艱 無雅 解散國 身而 既以 內外交迫之際不特應聚精。 鬒 而 則 縮 復合各爭權 也其 步精 内 不 担當中國改革發展為 然不變乎始皇 能成 省 地 難 對外 議 胂 所交朋友 共安樂易 谷 四 貫泩猛 處 會 則不 裁撤 時局 億萬蒼生 其革命分子 月 力向前 若此 如始 帕 以蓋世之雄 而 廿六日尊函 到生 忠難 方 皇之武 烏能 當 軍 ·較之湖 己任雖 應乎世 安樂皆 死關 隊 亦 會神 有 人 自 巴 以 哉 1 內 以 聞 頭 界進 石爛 圖 一拜讀 ıfii 以 寫 北革 風 未 去 惟是我黨旣 有不各 亂 北 坑 此 mi 賏 命 步之潮 (共不因 策得 再 儒 興 有 徘 根之袁氏 焚書 起 以 枯 四黨勢之衰 蒙古兵逼 矣不 尋各 前 者 mi 豖 以 流 此 時 毋 不 合乎 則 路 更 改 知 啻 怯 身 革 長 粱 逆 萬 倘 者 也 229

ΪĤ 札 計及

人袁氏倒

後如

何對

內

如

何

對外

之方策諸先生久居海外當必有洞察全球詳觀字內

念及也張

命中

國

圖

民

爲

H

的

當

層不特目

前

江同志中之健者 思想識見超越尋前既早赴貴處想已晤及此次失敗之原因當可稍 明 端緒矣至於經濟

致疾者弟雖盡力設法救濟而 矣此層務望同志諸先生深慮 無進行之欵卽同志中之衣食亦都不能顧者前日大雪在東之亡命客中竟有不能向火而 而力助之言短意長不克備述海風有便再候德音順 力微不足以逼過此以往苟不圖一長策則殊無以對此血戰中之苦寒同志 碩道安伏維 涧 察

孫文十二月二十日

公安

南京獨立之際貴埠同志曾匯欵五千元赴滬交吳君世榮轉交軍前嗣欵到時已取消獨立欵遂留吳

諸公一片熱誠可否函致吳君囑其交還此間同志流離失所者尚多衣食且不給而彼輩心志堅銳前

途有

君手中未有交出致有用之財化為無用殊負

望倘荷

諸公將欵撥助接濟尤威

高誼未悉以爲如何手此奉達即頌

孫文二月初四日

硱

札

民國三年討袁之役致鄧澤如各書

(一)澤如兄大鑒頃得

來書具悉壹是已交黨務部居覺生等詳細答覆俟寄上黨章請

為分致各埠同志近者夫己氏日失人心海內動機四伏歐洲風雲大起無暇 東顧國賊所恃為外債軍器之

接濟者已絕其來源此正吾人奮起之機會南方同志近狀如何念念即 頌

大安

孫文九月一 日

(二)澤如兄大鑒弟自去歲以來恢復大業之志不敢少懈茲遇歐洲戰亂無暇東顧袁氏更無後後祗

有待斃此時機會更不可失海內同志已預備進行 惟以餉糈極細未能應時發展

兄等在南洋提倡籌駁以為接濟兄於黨內外信用俱優若得振臂一呼事無不濟尤有怨者不審兄能 抽身

離 南 洋否弟欲請

兄到東京

本

部 助

理黨中

財政事

務

弟視

同

人 中 能

勝任愉快者莫如

兄也 願 兄 勿辭幸甚茲寄上軍前籌餉章程敬乞

察照着手 組 織 切 旣 有 頭 絡 卽 來東相 調查報知專此 助 至盼更聞 陳競存李烈鈞俱有鉅欵約數十萬交陳楚楠林義順

函 札 兩君經營商業不審確

否乞密

中

Ćli

頌

民國三年討袁之役致鄧澤如各書

大安

(三)澤如先生大鑒前數日上一 書倂附有籌餉章程想已

察收頃得麻坡來信知該處分部已照章 成立此皆

足下提倡指導之力惟函內言有同 :志宋淵: 源 到募福建軍債又李濟民募三民實業公司股票此非統

辦法流弊滋多故望

先生速與各熱心同志發起籌餉局一面指導海外黨員依章辦事其有未經本部承認而人自爲政或省自

爲政者俱宜以此曉之前請

先生來東相助為理能撥冗速來否念念專此即頌

大安

再者

孫文九月十五日

所惑所有各處欵項俱流匯至東京本部由本部接濟各專任人員以杜紛歧而收指臂之效 港中 頗有人私立名義出外籌欵卽 屬同志倂未承奉本部命命則一概不能承認請告同志勿為 文再及

234

=

孫文九月八日

一之

台安

集

民國三年討袁之役委鄧澤如為財政部長及南洋籌餉事

(一)澤如我兄大鑒 十月一日手書敬悉

兄一 時未能來東仍可爲本部辦事茲卽 請

兄以本部財政部長名義在南洋募欵則收欵憑據即可由

兄簽發弟原約

兄來東即為辦理財政部事務其東京一部職事弟可暫派人代理南洋英荷各屬均望

省閩省軍事用須由東京應付旣昭統一 辦法亦且弟處不能 僅顧一方面也專 此 卽 頌

提倡辦理籌欵事宜此係為黨擇人幸勿辭避至於償還期限變通辦理自無不可惟各欵必使直匯東京

孫文十月二十日

(二)澤如兄鑒今日展堂交來

省城 手 書具悉昨報載港電言洪兆麟起兵惠州宣言獨立又十二日約一 或 在佛 Щ M 一仲元等尚未有電來或已入內地故消息反較外人為遲也弟等行動當視粤事 千革命黨同 時襲破五 立處兵營 (或在

粤事 尚不能大起有功則 弟欲

兄先來東京一行親視此 間黨務情形然後再往香港或南洋設立籌餉局選擇妥人担任籌欵至陸文輝處

函

札

來

書所言對付此派

第

民國三年 討袁之役委鄧澤如爲財政部 長及南洋籌餉

_. ___

伊 前 將委任狀寄囘東京弟加以解釋重復寄之茲請

兄 面 詢 伊得 弟信後能 否釋然於心如其尚 未释然即請向 伊取回委任狀爲荷以後籌詢委員悉歸

兄節 制委任狀亦 耍

兄副署各埠人員

選擇報告前來當即發委狀寄署然後交去也匆匆即頌

源水兄暨各同工业安安 尼志均請問 問訊

(三)澤如我兄大鑒得

手示 併附 來俠黃書誦 悉俠 自 有 來 此 間 泒 契闊 聯 歡 之語 耳 新 政 前 此 數 月 即 有書來言出資助 黨以既

占 有名城大省聲勢赫 濯時 始 能喚起羣情故緩進之說 出 RII H 其 心 由

兄辭 財政部 長之職不徒謙德可欽亦見處事之卓識茲弟爲名實 相 副 起見改

人之辦法甚是先使有志者不爲此等言論

所

搖

勤

最

為要着

也

兄為南洋各埠籌 然委員長如 此 既無曠事之嫌亦不必更謙讓矣 (在 程度至高者 說祗盡義務無取名義

但 以之對 於普通人則名義不可少故吾人亦尚引度之而不能避也) 專此 ģp 頌

大安

孫文十二月廿八日

236

民國三年致鄧澤如述范鴻仙被殺事

(一)澤如我兄大鑒茲寄上委任狀一紙卽

察收現在

兄

未來東即

以

南洋英荷各屬籌欵事

宜相託

各處應

如何

設

置局

所分

派

人員

均

由

浙 麒 城 捕 北 兄之人望不能提挈之也前 兄指揮英屬事 事已數 事 殺其 (寅 軍 為 過 卿 北 半)亦與焉 氣范 月 袁 來軍士二百餘· 賊 切 死浙 .--定則望往荷屬 俱已準備 夏老成負 方 江事亦 知其勢不可 人蓋皆與范通 有頓 孤 重望其在江浙屢為武 月范鴻仙 以 ----一遷延期 、挫至上 行因 遏乃懸紅 君 從前我黨以英 月廿 日(因欵不足)洩漏風聲而我重要人乃俱不能出險殊 而 在: 滬 暗殺之花紅六萬元其 担任代表者又埋攻製造局之炸藥亦 被刺范 \mathbb{H} 杭州 備 省城破 臨爲 君 陸軍學堂總辦與廣東之趙聲相似 係 安徽舊 本 壞機關五 位 丽 於荷 死與宋教仁相 同 志辦事 處捕 愿 尙 甚 涉 去黨人三十餘軍事 久 疎 類范 被發覺上海 此 懈 次 非 死同 担 以 m 任 時 勢力尤大 上 木 一海事 上 與 主任 ग्र 海 傷 杭 鎭 E 其謀 蓮 夏之 11 州 守 省 使· 現 動

237

函札

黨乃

無

死於戰

事者

范君夏君以流

m

之遲

早

丽

患死事

之無人有此影響有

在

各同

志

依然奮勵進行食謂第一

次革命雖由武昌起義而實廣東三月廿九之役為之先革命不

忠成

功

我

此模範及於各省則革命之成當甚近耳弟意亦如是第二次革命

洗前事之唇即以種將來之果斷非徒死者也其餘他省機局

幸

尙

Ξ

各同志均此

公安

無甚變失知關廑念附及即頌

民國三年致鄧澤如述范鴻仙被殺事

孫文初一日

____ 238 ____

總

民

國三年致

南洋

同志書

誓約 黨員 行 民 中以 國民之公僕 自 平 有 次辨 動之準 等之 則 似 由 當 法頗 数 組 設 於 雖 竊 國数 | 犠牲 説 飛聲 傀儡 文自 織 黨之中 備 有不同 未 機 實行亦不能不聽一人之命令可見不 必須 嘗以 一黨員 勢雖 民 關 東渡以來夙夜以 為己任 己之權利意 再 有類: 圖革命 曩同 人 統 大 人 而 號介 爭 於散 內部 盟會國民黨之組織徒以主義號召同志但求主義之相 則當先犧牲 己之自 斬以 自 大利 服 用 沙迨夫外侮之來立見摧敗患 分子意見紛歧 爭 國事 從黨魁爲條件耳 犧牲之精 密且 由 平等則舉 平等絕 爲念每覩大局之頗危生民之塗炭輒用怛惻不能 己之自 兒 作 胂 政 世當 對服 盡 步驟凌亂旣 黨社 申 ||救國之天 不等為國 從國 無 殊不知黨員之於一黨非如國民之於政 論 會學 有 何黨 能存 家以 謂 無團結自治之精 職 平民政 未有 民謀自 為人 之者蓋黨員之於一 難之志疎如路 副副 不服從黨魁之命令者 民 誠 治精 謀自 曲 悃當早為諸 4 胂 等故對於黨 由 最富之黨 平等惟, 人此 神復無奉命 黨 無 同 君 他當 不計 黨 猶官吏之於國家官 所 亦然凡 派 魁 洞 共 mi 則 胯 品流 鑒惟 承教之美 自已因 児革 府動 日 當 立黨徒眩 常之事 À 服 之 此 從 命之際當 ||斜合| 投 輒 純 次 身革 命 可 德 立 糅 令 爭 務 于 致 故 黨 同 對 命黨 吏 4 自 黨 當 志宣 重 與前 行 要 等 國 由 魁 時

239

函 札 從文

人毫無疑慮

Mil

後可

若

口是心非神離貌合之輩則甯從割愛斷不勉強務以多得

氭

令軍令之下尤貴服從乎是以此

次重

組革命黨以服

從

命分為唯一之要件

凡

入黨人

員

必

自

間

#

願

服

黨員

卽

多

黨

者(一)各支部

分科

組

織

不

必

悉如

斡

部

文不

मि

襲

幹

部

總

協

理

各

部

局院等名目

如

幹

部

中

之軍

事

部。

政

或立名目以號召均

無不可是在諸君斟酌而

妥籌之

員之用 無 所 浮 濫 以 免良莠 不 齊 此 吾 等今此 立 黨 所 以 興 前 次 不 同 者 但 前 因 草 剏 伊 始 同 人 均 IJ 精 胂 爲

係 結 支部发定 规定本 合 故 黨全體 (總章用) 切 軰 程 組 資遵守茲特郵 规 織 則 故 未 特 經 制定 詳 於幹部 呈左 邇 因 各支部 右 黨員 倘蒙 漸 就地 組 衆 黨 織 宜 開 務 按 設支部 日 各 隆 地 非 情 尙祈 有準 形 自 悉 繩 訂立 心 無 研 所 章程呈 究 依 按照 據 加 請 總 以 幹 章 海 部 妥 内 為 核 外 定 辨 紛 但 理 請 所 惟 章 宜 程 本 注 總 剏 意 章 立

稱股不 庸 部 大張 協贊部及部 旗鼓 稱 部 局 介紹黨員尤宜審慎 院 內各院支部 以 免清混 均 m 清界限 不必 至 问 設 來設立之國民黨支部 立各支部 本黨係 깺 宜 設部 秘 密 結 長 乃係政 副 祉 部 非 政 長 公黨性質 黨性 不宜 質 設 與現 各 總 處 協 在 創 理 之黨並 立支部 各分 科 當秘密 一行不悖 辦 事 祇 從 班 宜 庸 4. 稱 改 班 科

組以免枝節尤當同 心同 :德毋 以 新舊黨員 被 存 畛域 一總之此 次乃秘密結黨有時或 藉國民黨名義 為旗 施

孫文

_

民國三年組中華革命黨致李源水膏

源水先生鑒 頃接高維兄來函以

足下業已商允吳世榮君將前匯寧之捐欵轉匯東京接濟各貧苦同志厚誼隆情至堪感佩當即電達台端

諒登 記 室尚 祈

幹部支部章程 組 早 足下熱誠愛國始終 Ħ 織 幹 寄下不勝盻禱之至此 部 集合同志各具誓約 革命方略均 如 刻下 已 間 陸續 服從 此間 同 志 命令以 組 訂定現擬擴 困苦顛連備嘗艱苦惟精神 織必 原贊成倘能擔任組織支部將現國民黨支部內部暗 期統一 充各 力洗從前散 處 組 織支部 團 渙之弊各同 結百折不磨弟 俟章程 志均 刊 就 踴 卽 初來此間擬重整旗鼓特 躍加 造 分寄各埠 人黨勢 組秘 间 H 志 隆 素仰 名 近 制 頃

體當將 章程 郵 寄

全

尊處未 審以 爲 如何 尚希

示復專此 布 復 卽 頌

日祺

孫文四月十八

札

14

(一)螺生兩兄大鑒

手書具悉

兩兄愛國 外同 志有見於此急籌欵項以資接濟足徵毅力現在海內同 熱誠始終不懈絪佩奚似歐洲戰事方殷無暇 東顧袁氏後援已絕 志俱各籌進 行祇以 正吾黨恢復大業之時 尚 未能 應 機海 時

展耳今得

兄等提倡內外合力大功之成當指日可待此次辦事弟求完全統一 籌部及某某機關者俱如某某等之辦法各立名義各籌各用不承認目前已極紛擾將來尤必衝突斷 現在各部籌餉事宜亦必盡一己函告各同志欵項須統匯本部由 以杜流弊故重訂黨章整頓 本部策應各處若 所有 切 號 切 稱 統 卽

不可行廣東軍事弟已專派鄧鏗擔任經費則由弟處接濟故弟意欲請澤如兄徑往日本至本 財政不必到港因 港中人既不免複雜澤如兄至彼亦難以主持不若來東在本部辦事弟得收指 部 經理

兄等為我勸駕專覆即頌

助

也

澤如兄素得

信用於黨人而才幹亦優望

大安

丽

札

孫文九月八日

寄上籌餉章程乞 察照

(二)螺生三兄公鑒十月十七日手書敬悉張陳登廣: 愼剛 告一 事誠莫明其用意所在

而

南洋之欵逐受無

尊處請統匯東京然後由 形之阻力伊等實不能不任其過也前以各省紛紛有人運動籌款實於統一有礙故曾致書澤如處及 本部支付各處應用聞與事緊急已由南洋匯欵萬餘至港此亦爲例外之不得

已但須要收欵人寄囘收據南洋由

尊處寄來向東京本部換取弟親書收據方合手續

各同志於金錢緊迫之時竭力以助軍需

熱誠可

敬而

兄等提倡之力尤難能也專覆即頌

公安

同志各位均此

孫文十一月初六日

_

民國三年委託南洋同志變賣庇能房屋書

進行現在需數甚般而同志之力甚形竭蹶查辛亥同盟 南洋同志公鑒自中日交涉經過袁氏賣國證迹昭然內地人心異常憤激我黨當此時局不能不急速 一餘欵存

萬餘元置有大屋兩間請卽商同庇能同志將此屋業變賣統匯東京本部應用在昔辛亥廣州三月廿 役温哥華城多利 兩埠俱將致公堂物產變賣以助軍需海內外壯其義舉矧茲存欵本為黨中公積則當務 :庇能者 (除經) 手人被吞者之外)尚有二 九之

公安 見書請即商略執行勿緩為盼專此即頌 之急以為軍用更無疑義

孫文 Ħ. 月廿六日

函

札

諸兄招待盛意

無任感謝此間以積極進行刻不容緩故遣許宋黃數君前赴飛律濱羣島

以視察黨

大安

民 國三年派許宋赴 南洋致鄭螺生等書

考源螺 章水生 赤霓八堯问志鑒許崇智宋振兩君自南洋歸備道仁甫

務一以籌措軍資事緩之後當再有南洋之行也謹此鳴謝幷請

孫文六月十六日

(二) 虞剛 源水先生公室

七月十九手書誦悉精諗一

切當此商務疲弊之時而

公等能再接再厲鼎力籌捐集成鉅 一数非

愛國熱誠達於高度何以及此宋黃二君 報告書亦 述

林先生深得社 為國爲黨之公心則非弟私 會信用: 此次提倡不遺餘 人所敢言謝也精衛兄已有書來言將抵東京矣專此即 力級 感不置要皆 出 於

孫文八月七日

頌

函

公安

公安

(三) 赤源螺愼 霓水生剛 增波增益我兄暨各同志公鑒許宋二君報告为堯 具道

貴埠同志團結之堅南洋各埠視爲中心 悉由

兄等提倡之力曷甚 一威佩邇來各 埠共議集欵救亡之策馬六甲麻坡已議定募捐及徵抽生產品店伴工

資之辦法想

貴埠亦已在策劃進行中以

貴埠同志之素養足知收効尤大似此衆擊倂舉一致扶同真民國前途之幸也自中日交涉經過夫己氏 賣國證迹已彰內地人心異常激昂將較滿清末年鐵路風潮為烈吾人當此時局務必急速進行現在

沿江各省準備 加頗周若一 經濟問題稍能解决定可如意發展望

兄等速圖之毋失良機專此卽 頌

孫文五 月廿 五日

民 國三年通告洪門改組支部函

其 足 剕 洪 當 年 十二條所 暗 命者 種 約 所存 份子 以 門當 靕 種 以 當 竊 族 **登國** 之勇 族 來 時 촖 國 逕啓者當 目 機 革 以 日 機關 未 行 擁 的 關 密 命 主義 進 民之觀 兵帝 載 設保障人權之道 揭 完 外 首 切 # 而 旣 除 全 無論 關 妨 旣 義黨員 備 民國紀 表率後來之平準渺微微義幸海內外同 制 已達 面 係 聽 多 巴 進行 具 自 懸 立. 所 昭然若揭 賊 雄 丽 囘 秘密 示 在 避 悉隸爲元勲公民得參政執政之優先權 亦有端倪惟是此次組 道戕 於是促 顧秘密 元 何 外 意 以 鄰之干 機 種 欲 乎茲袁氏天怒人怨舉國公認 義 前 通 各埠 關 而 為 成二 結 我洪 後 信名 災 民 祉之時: 洪 沙今 為 此 賊 門以 次 養不妨 分頭 菛 再接 作 政治革命不 團 日 自 倀 代 體 並 再厲猶應 無 放同 尙 由 悉仍其舊其內部 織與前 急 論 進之活動 幸不 組 起 谷 胞 織 直 種 幸精 同 負 繼 協力 車 不同 追 志枉 初 續 共圖 體 政 胞 神潰 活 衷 並 治 均能 文以 均 前此 遭慘戮 有 動 革命 革 已 圖况政治革命與 志意 散 133 則 命 天職 利 根 相 國 體改 則 律鑒及故新進黨員 事 純 本 者 艱辛 魕 成 律 業 仗義執言非以堂堂之陣 未 所 諸 為保障真 失 日 援照總章 並 倂 備之經驗令必 在 垂數百 不 敗 公偉 全部 发集 萬 勝 流 紀 班 力 塡 涯 種 正革命 景炎趨 合同 謂 誠不容沒也 年辛亥一 (寫誓約 族革命 通則改組中華革命黨支 源 非 實此 志 國 黨而 勢之徒 大率 須 組 家法 織 役建 加 意 性 妨 也 質 入 類 其 # 設 居 律 文添屬 中華 Œ 旣 以 覆轍 華革 虜 45 未幾 且 淪 正之旗 殊 干 亡是 足 政 H 革 及袁氏背 難 萬 命 以 故 權 附 洪門 以 計我 鼓勵 總章 黨 逐覆 非 和 不 自 閱 黑 革

249

函 札

民國三年通告洪門改組支部函

覆以便正式委任倘天祐民國完全之目的能達則洪門之名譽事功將來益垂無窮矣書不敬意專此奉達 部以免消息隔閡而收指臂相助之妙用望諸公極力提倡國家主義而破除門戶各立之微嫌迅速籌辦致

孫文謹啓

民國三年通告海外國民黨各支部改組至

產兒同 用袁氏 新章 未 凡國 左 自當高出 凡 進行務以武力削彼暴政先破壞而後建設數施方云順序惟組織之初團體務求一致國民黨爲同 全之法治 力之國民 稍磨滅 右 所以養 在 直接 事 政 各 逕啓者凡一 卽 省 盟 均 府 有今日 八黨可謂 受本 千萬然值此 經 乎弟覩此現象殊失初衷故於第二次失厥之後即繼續持積極主義統 欲 不迫分解散亦己名存實亡茲已解散我輩精神主體克存更不必為機關名稱惜也 以 成 為革命黨之元素其精 多數 政 在政治上解决令起視神州赤縣四郊多壘生黎塗炭鋤 使 府 部 政治之不溢 解散者 民國第 指揮 破壞之能力始有 國政治之善良純恃強有力之政黨以擁 者政治上之智識 惟 風 及其 雨飄 游 產兒乃袁氏以武 **平正** 外 餘 各 搖之民國袁氏不足救亡已為國民共見由是推之黨員心理莫不共以革命 支 駐 神主義乃始終一貫者今國民黨雖 軌 八部袁氏 設 他日建設之餘地 此皆共同活 丽 租 使人民有對於政治之興味二 界 命令不 者 均 力剷除國 動之精 逮 律 機關 秘密 因 時 神 會憲制蕩然政治不容人民置喙 護憲制 改 權宜方不失之膠固 也民 岸 爲中 仼 猾 國 存 華革命黨支部 mi 成 被解散 組 不 法臆制非 立以 抵抗少數者之專 為勢屈 織 來同 政黨 而 故國內國民黨支部 驢 盟 内 不為時懈較之隨 或交通 非馬機 曾以 閣 段革命之精 率新舊同 直 行其 制 五黨合倂 本黨早 此以 也故政黨之作用 部加 志爱謀第 政策三監 寫誓 政黨之 神 往 日 其能 已失 波 組 交通 盟 約 逐 久 織 其 彌 會之 目 督 流 遵 強 的 作 者 或 篤 有

函札

辦理

允是荷此啓

為前提而以研究政治為第二之問題也既溯國民黨之歷史復徵國民黨之與情均與革命事業相維 相

命黨者務希全部填寫誓約照總章重行改組外雖不妨暫仍其名內必一 只以機關 名稱隔閡致未能聯絡一致茲特公函通告海外各埠國民黨支部交通部如有未 律厲行其實或有一 經加 部分已先改 入中華革

為中華革命黨支部者所餘部分亦望概行改組 如能 |依照| 定手續章程辦理妥善呈報本部當 或與前所立之支部併合或另立支部均聽酌 ģŊ 正式委任以歸統 諸公毅力熱忱多 量各地 所 建 FI 情形 國 步

方般遇事務 求循名核實新舊兩黨皆文發起用是不避更張樓晰披告以祈實際進行之便利 務 望諸 公察

孫文三年十一月 H

_<u>`</u>

足下

言弟去

年

抵

此

ģŋ

發起

重新黨幟為捲土重來之計當與同志秘密組織因鑒於前此之散漫不統

澤 如我兄足下久失通 候 緣 此 間 在組織黨事擬俟成立而 後詳 達

台端 故 爾 疏 睽 茲 就 緒 矣特 爲

志聲勢 之病 完備 悟 以 事袁氏自 於散 國事 至第二次之時 先後已得四 開專念橫行之漸乃當時同志咸責備弟 弟當時主張不為無見 此次立黨特 雖 瘓 此 誠 益 間 未 稱受命於隆裕意謂: 為確 形 同 如 原黨務 Ŧî. 膨 志 當即 黨員皆獨 大 聞 百 主服 His 人均 風 如南 將 此 傾 慕均 最誠信 從黨魁命合幷須各具誓約誓願犧牲生命自由權利服從 告 傳 京政 餰 大 聞吾黨分) 踴躍加 獨行 成 非受命 滋可 府之際弟忝 可靠之同 各 爲 額 入計以前 崩之象悉已消 於民國 其是無 南京及飭袁氏南下受職兩事弟當時主張 首 志惟此時來者 也 為 且大爲反對今日袁氏竟屬 至 弟當 同志 總統 復 此 統 次 中重要 乃同 陆 滅今後舉事 組 憤 因 織 mi 木 而 其 倘 失勢 分子 力爭之以爲名 偶 所以 未爲多近頃幹部章程及新革命方略 力誤時 切皆不由弟主張 均隸黨籍 必誓服從 必不蹈前者覆轍當歸 其黨宣言非受命於民 機 者 分大義所關 弟 固不待言又獲得多數銳進 不 ----少識 人 者原 命令盡 關於袁氏受命為總 者論 寧復 第 弟 忠職 **吾黨之敗無不歸** 人 開 次革命之際及 國 守誓共 戰 統 矣此 不得 陸續 率之下是 放任 睛 統 新 訂立 生 方 死

253

函 札 也

其

餘建都

極力又為同志反對第二

近祺

實無事不立於敗衂之地位故鑒於前轍茲乃力洗從前積弊幸同志多數均以爲然故能至此成效今大致 次革命之前有宋案之發現弟當時即力主開戰克強不允卒遷延時日以至於開戰即敗可知不統 服從

已經就緒即分寄章程前赴南洋歐美各處剏立支部

足下久居南洋聲譽素普諒能本此宗旨設各埠支部以張黨勢故茲特瀝述情形冀望

足下贊成其事幷為傳播此旨想

足下必不却其請也至章程一切日間即行寄上手此奉白即頌

孫文四月十八

_

民國三年答朝日新聞記者書

地墾荒 継徳 洋洋人祇得從澳門招 利 與日 德宣戰於攻克青島之時則對列強宣言以青島還我乃於我參加歐戰之日則反與列強締 兄不當恨乃弟過於恨強盜以吾二人本同血氣也此今日日本人同種同文之口調也更有甚者卽 強無以加 國主 黨者 之故 吾黨之士亦欲步日 國在山 此 友子向 本之立國方針根本上不能 義之野心忘其維新志士之懷抱以 ģp 茲承貴記者問中國 乏人 事以 Ħ. 也 十 外洋 東之權利夫中國之參戰也日本亦為勸誘者之一也是顯然故欲以中國服勞 中 丽 為主 年 國 何以獨恨於日本尤深也嗚呼是何異以少弟而 前 資 人 張中日 日 本 眼 本維 本志士之後塵 家利 Ï 光觀之爲何等之事乎即 毎 新之志士 親善之最 人何以恨日本之深及有何法以調和兩國感情予當竭誠以 年 中 ·由澳門 國 人 相容者也乃日本人之見解則 之勤 力者 也 而改造中國予之主張與 出洋者以十數萬計此等工人皆拐自內 H 勞而 中國 本 乃近年以日 本東 傭 爲最少抵抗力之方向而 値 粤語所謂賣豬仔 方一 廉 本政府 弱國幸得有維新之志士始能發奮為雄 也 篴 向 中 毎 日本親善者以此 ·國招工 日 興強盜爲伍以刧其長兄之家而 助吾國官僚 也 中國向受列強之侵略矣而 何謂賣豬仔郎 乃當 向之以發展其侵略政策焉 時 m 地餌以甘言厚利 海 也乃不圖 挫民黨不禁痛之夫 禁未 往 答並 開 時秘魯智利 中 日 衂 丽 本武 結密約要以承 以 日本 此告 政 變弱 日 誘以 府 猾 本 人 坐享其 對之日 吾日本 古巴等 日 較 禁工 此 逞其 中 而 發財 之列 中國 本 國民 爲 出 對 帝 強

255

函 札 幟

甚

為鮮

明者也其

即德與土布

乃以侵略爲目的者其一

英法美俄乃以反對侵略爲目的

者放英美之

擅行

其

决否之權

而

且以

行

此

權

而

得列

強

Т

償

矣此

(非賣中)

國之行

為而

何

夫

此

囘

歐戰

固

分為

兩

方

面

國

集 之人 所以 收 豬仔 於 勝 國爲豬仔矣而 處中國於台灣高麗之下矣是可忍孰不可忍儻以此爲先例此後世界凡有戰爭日 此 人 希 本今囘之命中國參戰 夫 望而 中 攻 其 豬 等 八利矣此 而賣爲豬仔 國 痛 則 存 運 取 被 參 恨 之地 出 工 丽 異是是故當時澳門之爲豬仔 人 人 日 、拐賣と工人日 加 得 洋 歐 者 本 位 以 直以豬仔待中國耳尤有甚者昔澳門之豬仔頭亦不過賣人爲豬仔而 戦 深 也 固 作 猶 旦受欺入 之 果 比 入 向 也 苦工工人終世辛勞且 骨髓 日 爾 豬仔之本身割取一 以中國視之則 家奴爲尤下也家奴雖賤儻 始 也 則 者即在 既以此 豬 问 日 於澳門之豬仔 仔曩者 列 本 強密要為酬 何不堂堂正 獲南洋三華島以為酬償矣乃猶以爲未足而 此等之行爲也 日本今日尚不忍使台灣高麗服他人之務而己 日本之勸中國 頭 臠肥肉以自享也天下忍心害理之事 者 備受種 館終身 償之 無論 正向 具也夫· 而 如 列 服務勤勞奉 種 無從逃脫矣而 日本 何食利 國要 參戰 痛苦鞭 中 求 人有為己辯護 丽 國 斷不忍賣其家奴爲豬 承機 同 撻 命惟謹 殘殺 倘 時 又攫取 豬仔 Ш 未 ₹棘屬於□ 東權 視 猶 為尋常 頭 望得 者 Ш 利 (拐賣工人者) 東 H 於攻克青 則 本 日 主人之憐 權 是無異乳豬之受人 和是何 也 尚有 日 更取山東之權利 本 而 仔 本必使 坐享其 之取 取其利 島之 過此 也必 日 異賣 本 顧 則 政 時 Ш 者 拐 而 平中 中國 利 誘休 以 於洋人而 府 温 中 丽 東 國 也是日 飽 竟 乃 嚾 是既以 戚不 爲豬 宰食 Ē 鬼 叄 價 利 無 國 對 加 鬼祟祟 乃以 憂 人 此 本 겱 故 中 已 相 也 而

丽

杫

H

中

之山

東青島何

方針

不向

中

國方面

爲侵

略

則東亞

庶

有

多

所 軍 在 攻克之城 歐 洲 戰 場 地 皆 戰 勝 --攻 取 鯞 巴 由 ·德國奪 原 主 也 i回名城· 日 本 為加 大邑不啻百 入反對侵 倍 略之方面 入協商國 於青島 方面 者 也 也 且 其犪 而 何 得以 當 加 牲 戰 入 亦 萬千倍 德奥 勝 攻 方 取 面 而 於 也 要 日 水 或又 本 承繼 也 謂 而 英美 中 Ш 東

於參 德 國之 戰 權 並 未立何等勞績不得貪日本之功也而 利 耶 若 日 本之本 意 本 為侵 略 則 當時不應 不知此 加 次 爲反對德奥之侵 略 主 義 im 戰 則 百 數十 年 爲 德 國

國侵 略 所得之領土皆一 獨不然且丹 ---歸囘 麥猶是中立 原 主也彼波蘭捷克二族亦 國 也於戰 更無可言功 無 而德國六十年 赫赫之功也而 前所奪彼之領土今亦 其故土皆已恢 以復矣我 歸 中 國 還

生 原主 遠不如歐美是何怪 反 動 矣是中國以 舉國 致以采遠交近攻之策與 参加 中國 戦團 人之恨 而望得還青島亦固其所也乃日本 日本 M 親歐美 爾 借口者] 也 何可 日 本 得 政 也是 府軍 閥以其 人士日倡同 日 本 **今日之承繼** 所爲 求 種 其所 同文之親善 德 國 欲 而 山 獪 東 而 望 權 利 中 其 國 待 者 中 人 卽 之不 國則 爲 他 257

年承繼 德 國 敗亡之先兆 丽 已東鄰志士 其 果 有同 文同 種之誼 宜促 日 本 政 府早日 猛 省 變 易 日 本之立 國

孫文

函

札

全

民國四年討袁之役致南洋同志書

(一)南洋同志公鑒與

兄等睽別以來寒暑迭更而

舊雨之懷未嘗一 日去我心曲 也國本未固民賊忽張偕黨人避迹於東又兩年矣弟覩祖國之瀕危與海

內 .外同胞所受之苦痛以為非急倒彼惡政府無以挽救而往事之失則當引為鑑戒是以一面 面重整黨務以企完全負責統一進行比來海內是非漸明人心日去彼而就我加以內地同志奮發不 日 圖 進 取

懈海外同志力予扶持民國不亡共和必復此可預决者惟弟與

同志諸兄各居異 各節 不獲 相 聚 地雖其 處商推蓋言 間 書信往來可 诚 為歉 以道達情意吾人爲目 慽 且 近頗 聞有人懷挾私異故作 的 而 集合学威在於精 違言此 縱 不 神然關 能 惑我 於黨事 進行

同志諸兄 丽 中立者間 爲所 動 則 亦於大業有妨茲故特倩許君崇智葉君夏聲何君 天炯宋 君振偕 到 南 洋

典

集

兄等接洽倂宣佈弟近 日之所懷四君皆黨中要人其歷史不待贅述特各予公函為證其行專此 倂 頌

各同志公安

文三月九日

孫

(二)澤如兄鑒茲派許君崇智等南來聯絡同志擴張黨勢並報告進行各情到時請爲接治並帶往各

函札

大安

民國四年討赏之役致南洋同志書

埠介紹於各熱心同志為荷叉許君等動程時剛值公欵支絀所帶旅費無多如有所需望兄處設法籌墊作

公欵所支所支若干卽向許君取囘收據他日匯欵前來本部財政部將收據寄來財政部長當如數發給債

票也此致即候

大安不一

各同志統此問好

(三)澤如先生鑒許宋兩君歸備 述

飛律濱羣島籌措鉅資約一閱月卽當再返南洋冀收成裘之效到時尙須仰仗大力爲之周旋屬在知交不 飲 接之殷公誼私情感銘五內現在時機利在急進而各處零星小數皆不足以圖大事故復遣許君等前赴

慰也專此敬請

敢言謝弟身體精神強健逾舊洵堪告

孫文六月十六日

260

孫文三月十四日

民國四年復鄧澤如談計袁與籌款事

(一)澤如仁兄同志鑒六月十三日

猜慊正深及時一 有仍當匯存此間以為積集策應較便計算較易也陸軍段總長去職次長被劾皆確有其事北京內訌 兄鼓吹効力自有可見欵項直接匯滬之說前因事急故允照辦但該方面事非同時有十萬金不濟今旣無 吾兄加以策勵同時匯集則此間所定計畫當能實現也弟離東之說全屬虛搆倘局面仍舊我不至 惠書幷巴城致函均經誦悉巴城另有函來亦同此意刻已作覆幷請其卽將存欵匯東矣兩洋各屬得 舉當具冲天之勢汝爲函來述小呂宋方面認捐踴躍十萬之數冀可達到南 洋 他 帶 行 倘 Œ 烈 也 由

大安

專此敬請

常即袁素所親信者亦多叛雖吾人手創共和更復何能忍是顧兩年以來謀之非不急任事者亦各致其 (二)澤如先生大鑒袁氏自賣國之交涉經過近日竟嗾其爪牙及然爲帝政之運動內外人心憤激異 孫文

君許汝爲君鄧仲原君南行至英荷及暹羅各屬籌措餉需其意尤注重荷屬許鄧二君曾與 力乃輒因經濟支絀往往功敗垂成今茲擬厚集吾力乘時大起非先籌有鉅宗欵項不辦故派委陳英士

先生接治陳君爲吾黨健者第一次革命於滬上握東南之鎖鑰其功最大至第二次革命後志意極爲堅銳

盃 札

閩粤

下與雲貴打成一

片南·

舉北發現在定計大略

如此但

軍

木 部 成 立以 掌總 務 實能代弟任勞任 怨 茲 行 望

先生匡 勷 不逮為 指導 切不 勝 感激 專 此 卽 頌

大 安

> 漢民兄 H

間 亦 往 小呂 宋籌 欵

(三)澤如仁兄大鑒去臘 許 鄧 兩 君 倉卒言歸 許君 留 滬籌備閩事鄧君 獨行 東來 報告 切 H 間 常再

但 南 長江 渡襄助執 帶敵屯重兵且 信經營粤事 雲貴 有津浦京漢兩線運輸之利急與爭衡過 獨 立後鄂贛蘇杭等處均準 - 備發動 其中 費資力刻下决注全力於粤省旁及 雖稍 有 洩 破然勢力仍 在 元 氣 福 無 建 傷

命軍 斷 難 撲 滅 而 內蒙馬賊與乎宗社 黨徒大足爲吾黨牽制使北 兵不能多數南 下南方軍 械 補 足 卽 圖 大

方局勢己足自活沿江各省自然動搖至於北方經營現亦大

兩 君 行後今年南洋來欵不 如去臘之繼續而以荷屬各地 方 爲 最滯) 許 鄧兩君 行後已担 認 而 未出 欵 匯

需浩繁非鉅欵莫濟去年各處匯欵盡用於雲貴川陝及沿江

各

地

方

許

鄧

鼓 東 舞 者居大年) 各處 一籌餉局 際此着 速催 手施 未匯之欵使其卽匯東京或香港以稗軍用其已匯 行 新策之會萬不可 使辦事 者 雖 决 心 而 有 棘 齊者 手 致 則 虧 請 全 其竭 功 於 力再 簣務 籌 源 請 源 接齊

為荷 專 此 敬 請

大安

各同 志 均 此 候好

孫文十月三日

五年 ---月廿日孫文

有

頭緒

陝

西

革

民 國 四年討袁之後與鄧澤如 各書

海 之實· 告獨 之訓 外 袁氏 與往 遣 固 自 非 此 迫此 時 到 不 已 張 民 是 東 較 黨 立 機用之而對待 練 搖 無異也今即以粤事言龍氏是 日 **傖必倒殆已不**)澤 力質 用 戦 從 亦 氣 此 以 此 前 倒 備 勝 吾 脉 較之辛亥 如我兄暨諸同志公鑒 時 他 言之即 易 雅 無 滿 地 與創 切 日 所 爲成 爲 點 中下級軍官之選此 南 活 不 尚未 時 功者同 是武 造 成 能 洋 莊 動 共和 張鳴 問 信任 蟲 同 而言 確定特先定 志 猛 力 題 之勞無 成之為 獣須 如 者 顧我等責任 **人受薫陶** 念 比例 將 何 屰 兼用 料 創 來 比來夫己氏一 獨 何毒 則 中 有保 有 非真民黨不能任維持共和 此 策甚關 立尤難假借弟另已面諭 國 直提了當功夫亦望物色其人為要粤事詳情港澳當另有 且不乏壯 組 凡 計劃尊處同 前 物論 則 織 愛民國之誠意者 百 或駕 事 途紛 由 體皆 重 此 其罪惡决不稍輕於袁令爲四 要幸祈 勇可造之資是以 馭原 糾 落千丈自取 而 决未 益 須以自己之人物 志 有 形重大此 泛師旅 加意毋忽至 易言驟定故 面招徕 雖其 消帝制以來益 皆須 目 蓋鑑於辛亥之往事 主任諸人仍前 振興民國一 日 前為 專 間當再以地 吾 以 於軍旅之外敢 函 爲 輩 利 奉託注 中 敢 害所 死 心 須 無轉圜 得 國是未定則吾 不 般官僚復活即 面 迫且 日漢漢革 意速 力之同 避 反對 點告 戴 死 延努力 為 偶 進行勿怠至其 以 大局之勢力 知 有爲 志為 命 物 得 倒 再 色 機會遂復 袁 軍 7赴之弟 之士 加 此 本 所迫乃 典 為 人須 以 等 位 第二 成 湘 軍 人 然 有 功 内 Œ 等在 告 茲 事上 嚣然 亦宣 第三 好 士 者 外交 後堅 不可 他 資 乘 本 質

263

函 札

陸您羣賊削平

· 佝須時

日此事

一俟粤局已定後再爲商酌

未晚

也龍賊偽佈獨立

圖

騙

時

此

中

用

A)A

路

人

不贅沿 江各省暨東北方面 日內當有好消息專此卽頌

近安

同 志諸兄均此

(二)阜平同志仁兄惠鑒三月廿二日惠書誦悉種切簡英甫兄熱心助餉同人欽佩至深前此已叠次

寄 **函獎勵茲讀來書欲於將來粤局大定後舉充粤省實業之職以資格及助力言良堪當選惟** 此 際 Œ 軍 事

可見今吾黨繼續進行 仍 未有已月來頗獲極佳之消息想 **尊處當亦略有所聞** 也此 外各省佈 置 亦 甚 見

進 步倂以告慰專此 致 覆料 候

義安

孫文四 月 八十六日

(三)澤如我兄大鑒五月十日手書誦悉收支各節當由 財政部 詳細 函 覆庇能欵今日 移 書新 政等另

函 致怡保督促其辦理矣此數乃黨中公積原非一 埠之事 卽

兄等亦有責問之權也某某政府自某某當局即趨向夫己氏故有此番秘密關係凡所要求旣 **风經承認** 且除

公布外另密約四條所以為報酬者既如是則夫己氏之求援亦必實踐惟驅逐黨人一節則 外交上 之颗

者不以為然現時我輩對於某某實無何等奢望第以此地與內國消 息較靈取道返國 較便 現 時方着

進行則礙難他去某某國民與政府意見歧而爲二將來若果有事政府即懷惡意亦難實行猶之滿清季

孫文四月十日

其計劃自不能不博探衆意但於此際償債問題未經决定則提出問題恐亦非宜

大安

之事

於滬商

會

求

其同

意此

|後乃未見發表或以內

地憤交涉失敗

人心激昂故不敢遽然做

去

耳

專

覆

頌

年元

老本

欲

干

涉我國革命卒以民黨反對

而止是

其前例也夫己氏於去月會授意京總

商

會

電

詢

帝

支

四)澤. 如先生台鑒七 日手書並徵信錄 已收到當飭財 政 部 詳 細核 對另覆此 孫 文五 次籌 月 # 六 餉 獨 日 任 艱 鉅 ß,

者當不以此虛文為重耳張志昇彭澤民二君來帶來手書亦已閱悉所有會館一 為黨皆不能不致謝於我 兄又以十餘年心腹之交殆已忘形欲以言達此忱殆亦不可 事 既以 國 達惟 外華 僑 兄 爲 知 主 我 則 深 國

統支俟 貯 朱執 商辦 法 飭 信 能 財 經 來與 政 手 部 用 不希復 抄寄 經 份以 册 音基金多少容俟斟酌 報 昭 本 大信 部 所 周 開 蘇羣之欵如 南 洋 匯 來公慎隆之數 乃能决定至於存欵留辦會館 已列 有細 與本 數 亦 希 部匯去各數 交 來存 查從 並 層自屬 軍 無 華 分 别 僑 列 可行 合 給 賬 只有 請暫 紀 念 功 統 爲 章 收 存

開名單 已託 人 寄 鑄 造 來 以 但 此 便 按名發給 須 鑄 造 即 免有 刷 均 偏枯其 費手 續 債券功章已託陳肄生君帶去二等叁十 尚須 兩 月始可完 /成請 先告各1 同 志 並 希 枚三等五 涵 譚 盛 將 當日 + 枚其 在 餘 澳 門 俟 鑄. 所

妥再 行送上此 復即 請

台安

函

札

Ξ

孫文二月四

H

面亦欲

待我

兄

亦

此

公安

民國四年討袁之後與鄧澤如各書

五)澤如先生大鑒英士兄靈柩定於本年五月十八日安葬因經營紀念碑修墓及送葬運柩等件 需

欵頗多豫計須在萬元以外而此處同志人人皆已窮窘至極 無以葬寶吾黨之責故决欲在黨中募集七八千元以充葬費經有通函至各支分部 無從設法以英士為國為黨鞠躬 請 촖 虚 一力籌措。 殉 彙 其

職 有緩不濟急之虞英屬同志務 交前籌餉 m 死 局 長匯滬此為對於死友之責任諒兄亦必不辭也然各支分部對於此 希由 兄 涵 [促開籌 面 請在前存債券尾數項下移撥四千元先行匯 件雖 可决其必各盡 力仍 滬 將

來收得再行塡補庶可不愆葬期至盻照辦並乞復示即請

台安

孫文啓一月廿八日

(六)澤如先生大鑒敬復者得接十二月二日來書備悉各人於舉辦報館會館各節均極贊成至爲欣

慰華僑會館自不能專設一處廣州汕頭廈門等處當然應設分館以利進行章程當於日間草定分發各埠

請求同意先此奉復卽請

孫文正月七日

七)澤如先生台鑒 茲有浙省特派調查南洋實業專員王君字川(名廷揚)丁君心耕(名 福 田 來

觀貴埠之光特爲紹介希

妥為招待並導觀一切且紹介之於

貴埠籃鄰近各埠實業家俾得詳細調查將來歸國報告鼓舞政府振興實業保護華僑之心必大有所助也

74

集

台安

台安 專此 敬達

卽

請

業此行! 各件 均經 (八)澤如 得 財政部收妥 兄招 先生大鑒三月 接王 函復 君 將來歸國必 在 案王学 十三日 可 川 廿 聯絡 君 九 本 H 感情也 浙省 兩 書及 所 一徵信錄 派 24 現浙 月 督 已 日 雖 經 致 易人 收 執 到交 信 地 書均閱悉债券存 財政 方人 部 仍 甚欲 查對名單亦 與 華 根 僑聯 誓約 已收 絡 委狀 内 開 到 出 俟 辦 存 力 獎 實 根

孫文

緬支部 解散後囘埠託其帶至星架坡交 章製造妥當後分寄其 査陳君! 行 蹤 卽 上黎總統書亦已交報館刊 知 此 復 卽 兄收 請 入而來函云尚未收妥恐彼在星有錯交 削 矣陳肄 生君 係 緬 旬 華 一僑前 他 在 處情 山 東軍 事 請向 義勇 星支部及 團

大安 各同 志均 此

孫文啓四月廿五

日

或 問 緬 甸 覺民 日 報陳振便悉陳 振 卽 肄 生 也

士葬 費此 九)澤如 時不 便用黨名發收單 我兄鑒匯 來二千六百 當由 其 四 家 + 族 兩 具謝 伸滬 洋叁千 帖奉寄也 陸百伍拾 請將 此 壹元 涵 暫 存 74 以 角五 代 收單 分經已收訖此 餘 俟後 信 欵係 此 復 屬英 卽 請

孫 文啓四 月 十 亢 H

債券吾 (十)澤畬兄大鑒閱 兄以未及經 手 故欲 致 仲 愷 請 本部 書 知 另派員 已通 信 收囘 各埠 並薦林師 將 所 有 債 肇相 劵停 助 止 發出 ___ 節 收 查 林 巴 君 清 數 由 港 敏 再 腕 到 至 上 佩 海 惟 後 荷 旋 屬 再 各 赴 埠

函 札

Ĭî.

辦竣後希

速來滬一行關於實業前途有多數問題欲

待吾

兄

面

商解决希望至大萬勿客一

行

也

此

請

事

北 京現尙未歸滬地吾 兄本為各埠籌欵委員長荷屬雖間有直接向本部請領債券者其請領人名號數

筒 皆可 稽此事再四籌維仍以由吾 兄勉任收束爲最妥適收囘之券當彙存一 處候設法寄囘其數目 亦

兄經理 須早行結清始免為償還時之障礙二者皆非吾 此件萬望勿辭其許鄧二君經手發出之券及由本 兄不能辦妥故仍修函致各支分部籌餉局長 部 直接寄去者俟抄齊彙寄尊處以 便 稽 委任 核 此

公安不盡

孫文九月十四 B

(十一)各支分部長籌餉局長公鑒敬啓者茲委任鄧澤如君淸理債券收據數目各處之債券收據已

以淸數 目其未售出之券亦請迅卽交鄧君點收以便寄囘本部彙列準備交涉償還希卽照辦每埠辦妥希

並存根交與鄧君其已售未交之數亦請隨同交與

售者請開列匯交某處者干及經支售券經費若干

孫文九月十四

賜

(十二)澤如吾兄台鑒茲有湘省同志欲組織 錫鑛公司於湘 南全省中 所有錫鑛 擇 其 最 佳 請 求 開

採並希望華僑入股且 一欲得南 洋同志之在 行 者親 往 各 鑛察 看擇 定最適合者始行開 採此 事 旣 為國

利 亦為民間 輿 盛之基南 洋志 願採 錫 者至多 亦可 以酬 其 宿 願 望

兄 《商諸同志推妥要人迅速囘國一 行以免為他黨先得茲將湖南同志寄來之節略抄寄此中各鑛均可

興

鄧君

必

水完備

則

需

験 自

不能

少現在國

會

雖

佔多數

而各省

會經第二次革命之後

已被各地

方官

踩

躪

無

遺

非

集

大安

現營業者

商

量

取

狀

請

領者

紛

至

此

間

經

巴

無

存

日

前

已緘

東京刻

日

備辦不日

可

以寄到當

卽

寄

上

以

備

分

給

山

口

洋

欵

此

間

而繼續辦之者也此信到後希即示復以便先復湖南

孫文啓五月廿九日

同

志

此

請

(十三)澤如我兄大鑒十 月一 日 來 書 於前 日 領收. 從前 寄來之清 册 亦 已收 到 交 財 政 部 備 案 功 章 凝

力 持 並 未收 攻 黨 逐解 務 到 擬 想係 職 要 歸 滬並 鄭鶴 求償還華 年 偕展堂同 吞沒請: 僑 借数 鯞 絾 175 時 知 留 該埠 適 仲愷 唐君 爲望 入京擬 在京專理償債事 此 間 就職 辦事 情形 外部 應為 此 胡 事 廖兩 必非段氏之所欲 兄告 君 會擬以兄為星洲 者 前 月 派 惟 胡 未能 廖 兩 領 顯 事 君 示 後 入 拒 京 唐 絕已 爲 帝 擬 主

至富 閣 議 外人久 數 次或 已垂 有 成議亦未可 涎 想 兄亦有所聞 知 如萬 以無 也 他 如黨務各埠多 擬 要 以規 水以 四 復國民黨為請弟意亦已决行 川河底機器淘 金權 相 抵 Ш 惟章 省 河 程手 底 產 續 金

再 事 經 營不 可 以各 省論 現 祗 有 湖 南 IE 誼 祉 成 立 而 他 尙 闃 然 此 中 窘 難 情况 兄諒 知之若 復 黨 之議

挹 行 注 則 各 而 各 省須 種 費用 設 分 支 部 銷 其間 甚 鉅 應籌交際之費 此 中 衷情 兄 自 非 不 能 外 少自 人不妨逕告 解 散 軍 也 隊 東 停 京總 jt. 軍 部 事 募賃 各 友 均 以 已 後 此 [巴] 滬 間 或 僅 以 恃 假 美 歸 僑 近 進 數 款 日 爲

已將 兩 月 辨事 情形 **黻達各埠俾知大要已分人繕寫數日** 後 可 寄到星洲 帶 矣此 復 並 請

台安

孫文啓

台安

再前緘請兄來滬一商各事如貴冗稍暇仍望即來

時由財政部照發收據外特先奉復並頌

(十四)澤如兄鑒

本月五號

尊處交耀平兄由台灣銀行匯來港幣伍千元經已收到除俟清單到

孫文啓十月十九日

八

源螺澤愼 水生如剛

先生 暨各同志大鑒袁氏與某某密相結託

民

國

四年致鄭

生螺等論

討袁

懸案 隨 後 談 判 秘 密 承認 以避 人耳 自 袁旦 一夕將 昨日要求條件悉已通過 稱 帝已授意北京商會電 (其第五項亦非撤回 詢 Ŀ 海 商會意見 從 但 此 作

中

華 民 國 名 義 亦 將 歸消 滅内 地 不平之聲甚 烈 即 袁所 部 如 馮 段輩亦表示 反 \對觀 此 嚴 詰 電 可 夘 外

力籌 此 較 備 滿 淸 至 此 末 時 年 運 鐵 動 道 已成 國 有 更 風 與 潮 機 尤易 會人 激 心 動 全國 相 應黨 間 中 為吾 重 要 黨不 入 物 ij 已冒險 失之時 深 機至 入 一於沿江 内 地 急 思 數 一發動 省自 成 前 敗 年 以 在 此 來 極

舉不 能復待敬望我

同 志 軍 相 助 知 英 屬勢 成 強弩之末 然過此不 圖 則 事 勢難 料 且 已派 入之人員已佈 置之 機關 及 已運 動 之

隊 會黨亦 驟 難 維 持 收 東也 望以 此實 情轉 告 有 心之同 志共籌劃力副我 期望幸甚 專 此 卽 頌

文五 月 初 + H

孫

螺 生 怡 領

源 水 熾 列 位 同 志大鑒比來袁賊於國內信用大失又值歐洲戰亂誠吾黨恢復大業之機維

我

海外

愼 剛 道 舜

函 札

大安

民國四年致鄭縣生等論討袁事

同志熱心不懈故望

兄等能鼎力提倡籌於以濟軍需前寄上籌飲章程想已達覽此次吾人辦事鑑於前失要取最統一之辦

法庶事無所紛歧事後不致衝突對內對外方有完全之美果所慮舊日同志未見及此一時輒欲爲一 方面計出外運動籌欵辦事其用心未必盡非而於事實則殊無裨益現在本部統籌全局南洋美洲 設

局籌欵俱直接匯到本部以得本部弟親發收據為憑其有以他種名義未經本部承認與未得本部收

據者將來概不負責僅此通知並乞傳語同志專此卽頌

孫文九月十一日

X

民 國四年爲中日交涉獲北京學生書

之重大 其 秘密 顧 4 翻 入 邳 承認示人以 雖 然悟 都 然 也 和之志自信不居人後常不惜有 乃 ... 悟君等 得覽手 者因 從 彼 乘 而 間 者而袁於未得最後通牒以前固己 事迨外報發表輿論 戰 彼奸 爲之解宣言十 H 僭 勝 本審國 國 帝 人 未嘗知交涉之內容也 而 **書**知君等於勤學之際憂國不忘至足 力無 而 非 驕 求 益 恆 民都 可 助 情 無 於日 所測 年不 如 忌 憚二年 無戰 何 預 由 沸騰所 本 且 政治 意而 日本要求條件觀之如山 此次交涉實由彼請之日人 必有破壞共和 以來莫非倒 知之則 國際上 親 俾國 重大之犧牲故當第一 如段馮亦出反對乃不得不遷延作態俟日人增加 人 無甚 專 必不 「宜取圓滑之手段故假為讓步謂俟 之心 行 心信託之即 齟 逆 如 施國 而 來函 感 齬 佩關 後 至 第五 動 人 東如滿洲 所 於惡故 於此 提出條件 憔悴於虐政之下至不可言狀歐洲戰 東遊一 云云而 次革命解職 項則我國實爲第二高曬城下之盟局 事 各方 月不啻爲袁氏 如東蒙如 憤慨之情將無 念主張討 彼知相當之報酬 推 面 袁以 來書 福 他日 賊以愛國之故 免 頗 建加漢冶萍煤鐵皆爲利 游 流 異 多 血之禍 協商何 說 弟 而 蓋弟平 爲不可却 也 君等言之尤為 強 迨宋案發生弟 張 期 硬之態度然後 京氏囘 不能復 方之難 日 爭不 愛國 剘 思全以 外 亦訝 逸東 愛和 婉 身 自 愛 權 始

第五號五項 卽 顧 問 軍 器學 校 病院南滿鐵道宗教五 問 題) 承認 日本政 府之提案惟 民國 |政府

希

函

札

中

乃有左之

餰

學安

望中 日 兩 國 水遠平 和 願將 此 等一 切懸案速爲解决 (見萬朝 報十二 日 報

之先例 **人將復現** 大 禍 以 承來書獎飾更加責備謂不宜忍視甚艱難締造之民國坐致沈淪弟不敏請事斯語專復即 何止逕庭果然滬上消息傳來則北京商會以功進之言電求滬商會同意新室王莽與拿破 希 盜在室乃如 首罪魁豈異 望為密約不公布」 去是真別 是山 日 嗚呼 本 東 有肺 滿蒙 報紙亦云 圆 入任傳 取 如攜 區民國之名義吾國民以 腸者 福 建 禍 日 矣 # 「此次條件以條約及附屬公文宣言書三種 見十二日 Ŀ 本不清遑言扞外彼方以是爲求擾得擾將莫予毒 「國必自滅而 海大陸 條 件 日 時事新報等) 人 報 所 云 後 急欲 無量數之犧牲 據北 人滅之」 得者 京電報 就以上觀之則袁氏以求僭帝位之故 固 故有國者恆自愛其國侵略 承認不遑即 中 而搏得之者亦歸 日條約于公布外有密 其 爲約束條文中 爲 暫 時之讓 於澌滅尚何 而乃望以 兼併 約 步 四 者 祗 部 條 亦 致為國 視其力所能 甘心賣國 惟 言哉尚何言哉 分從支那 恐其不 崙第三枚事不 蓋倣 頌 相 中 俄 速 去 而 政 府之 萬 攫 爲 不 密 里 辭 約 而 取

孫文

民 國五年致馮國璋請釋秦毓鎏書

國之帝 可見當 以快 鐢 中 報 積 未 君 修 左右 則 知子 附 頗 典 憾 《繁之司 故 大 和 私怨今附 飭 華 錯鑄 孫戚 倘因 制犯 兵事 黎大 区 甫 時法庭之眞是眞 對 先 一个之進 矣道路 里 黎 者至今將遭非 總 者 尙 生 將 統 大總統與執 奉 周 未 督 原 納 報請 同 先 軍 言執 判 傳 城 其詞 頒 執 聞當 百 即 故 釋 事 非且 事 自 世 物 何 罪 東 未可 能 所不 之命 民 事 法之誣妄而 由 南 一之惠猶 國三 飭 **猶免其脅從寬嚴稍不倫** 贛 紙 柱 誤 衛往事 条 imi 石 屬即予省釋則秦君 至今之格於明 119 造 君 執 **外佩賢勞咫尺** 稽實 數 事亦叠 年之交某姓以父喪設弔 如 姓 首 依 有侵佔公欵之罪 施秦 不 難如克強協 反對之聲某則飽颺某則 解之深仇以 有 聽 君 省 旌 前 據秦君家屬泣涕來: 囚之舉江 塵未 ----充 和 身永戴明 南 雅 程前 京 承顔 總統 蘇政 益不免於從新對簿則大獄將與揆之傾 千 色茲 於故 督 百年 德 治 依 府秘 **尚繁蘇獄必所司** 罪犯 啓 鄕 而 法必予幷科 席 喪儀之 報復之 告即 書弟略 者 報國之士亦愈 捲曾屢見於隨 次第 自 由 共 循環脱 盛 一赦空惟 邑人 知 和 其品 四 胡 再造 方 因其毛細 爲 兩 不幸 益奮 僅治 來 意專斷之府合 姓某 性 四職 以 觀 來 其 與某散 譁 脫 其 吳 咸予 m 人 獄 叉秦 傳 秦君 未能 生 內亂之罪 當 長名 之秦 更新 瘦 君 及 道 放 死獄 邑人 時 覆民 倘 門 將 流 君 以 此

275

函 札 秦君

由

蘇

獄

解

錫

斬

首

於

南

校

場

Ñ

祭無

知

男女空巷

出

探

快

心之

報已

極

淋

漓

反問

紊

君

前

過

止

光

復

時

准

封

私

產

及因

市

政毀某姓之垣

擴充

市

街

如

是而

已殺之以相

復本未免太過此

次如得.

仁鏡高燭恕秦

君之

小過俾罪與恨皆適可而止即百年以往將誦名賢之大惠矣祗頌勛安不備九月十九日

孫文

民 國五年致黎元洪辭顧問緘

淪況在艱屯之秋實有風雨同憂之誼豈建設之方始而蒭蕘之不供但使國家有事謀及庶人文必竭其愚 得手輸獎飾逾量倂以高等顧問相屬執事仁德涵蓋萬方憂國至誠天下共見文雖術慚匡濟志匪隱

風緬想無任屏營肅請鈞安伏祈垂鑒

慮以裨高深至於前席隆禮顧問鴻號受者不無短綆之愧評者或生尸變之譏敢請鑒此悃誠收囘成命臨 孫文

函

札

民國五年通告國內外同志之兩書

還華 實即 應徇 信吾黨 俾 經此 京議 同 到 法恢 之動定必所關懷弟謹將六月以後吾黨之目的及辦事大略概 書旁午又無暇箋候起居殊深歉仄惟於各同志愛國之誠 人固 :底於成而歷年以來募集資金為數至鉅今共和再造應要請政府償還以期符合原議昨已托由廛仲愷 故 衆議 員 即介 次 復國會再集吾黨不得不宣布罷兵以示吾黨革命志在 僑債勞計 爲 (一)全國各同志均鑒契閱 及各 用心 變亂 此 結 山 不 但以勢力之消長言之仍恐杯 為復黨之準備是 堅忍 解 後 埠 東廣東及各路軍 同 自癸丑 竭 純 至公無 誠 志 取監 悔 毎 督政 過 有 以後吾黨以袁氏弁髦法律破壞民國無 私日 者 規 亦多 手續須 復 府主義以 國 相 隊 接 數年相思殊切睽違雲海延跂維勞幸聲氣相 故於月前 民黨之議 (水美備) 近 律 俟時 且有圖謀合倂之議以 停 止 水車薪無裨擴充計畫此不能不藉兄等之圖 托 而國 機發舒吾黨之政策 迨段氏組 III 胡漢民 經費又 會議員隸國 織内閣 須寬籌日前通告各支部復收黨員 君 入都 動輒 主持一 雖位 頀 北 民黨籍者 京政爭 括之以爲同志告自袁逆 **鈋**篆未嘗去於懷也口口 耳枚 法 日不以討之為職志端賴 置吾黨數 而非為利 切 月 至烈气 而昔日 尚居 來所辦之事 多數雖 黎能 無 人 進步 同 暇 實 守 時 非弟之所欲 及此現弟爲黨務擴 時 共 間 其 法 威應 則 和 有不 維 轨 擴充黨務 吾黨 各同 者 月 兩 自斃黃陂 黨中之 健全之份 J. 也 也 捐及入黨基 返滬 弟唯 為國 志毀家相 其二要求償 Ħ 的 欲 繼 以 經 目 凡 張 部 子 吾黨 後軍 前 巴 任 黨 深 但 在 達 約 計 助 金

279

函札

唯

非

備

五

擬

在

Ŀ

建

立

下

间

志能集合之資力共有若

干以定通

盤籌措請

兄等先就貴

(埠究能

集股

多

少早

白示

覆

是深

切

一般又目

民國五

年通告國內外同志之兩

不至 償吾 君 黨 黎總 虧 折 歷 此 年 統 之鉅 可 爲 財 · 欵現仍 諸同 政 部 志告 請照數 交涉 也 其三與 發還 中 如 此項 惟 辦各種實業弟自 # 債数 央財政支絀萬分前以五百萬之日本借款幾 不能急遽收囘 宣布 則 罷兵之後卽 擬要求 以 ·擬着手 朔 優越之權 實業以 (醸政 利 期振興 相 變恐無 代俾 國 吾 黨 產 餘 僑友 杜 力 再 絕

深望 漏 巵 此 初 事 念先 能 辨銀 成一 可 行 利 Ü 華 為各 一僑之匯 種實業倡 一兒二可 始惟 便華僑之儲蓄 其事體大資 Ξ 本須 則 各 鉅 章 種實業胥 程 狼 備 由之解 規 榠 义須 决惟 宏敞 集資 現 匪 IE 易 在 擬 計 就 議 各 中 弟 埠

先籌開 四 吾黨於滬夙無完善之機關報以至吾黨之用心行事足以爲國利民福者世人莫或知之雖有良 華 一僑歸者 辦幷 每苦無業内 擬於長江一 帶擇 地黨人不能自贍者亦多須妥籌安插之法 地開墾如辦理得 宜獲利 必厚刻已派 人調査 擬先於內地 切俟 礦 稍 產 一中擇 有 頭 統指當再 其 尤者 (善政策 奉 告其

設立宏大之機關報為請者 無從宣達以起國人之信仰此最為缺憾者茲當建設伊始自應從事鼓吹以堅吾黨之信用 數萬資金不能 得其美 現擬將 擬托 徐朗 兄等代為募集其 西君所辦之民意報從事擴張完全代表吾黨意 招股章程日內 刊就即 付郵 寄 其 思 後揮吾 昨各埠多有以 黨 海 政 綱

華 僑 會館 爲 僑胞 與 內 地交際之機關 凡工 商事 業 藉此 地 以為 調 查 聯 絡之所 使華 僑 虀 知 內 地 各 種 天 伙

利 希 達 源 到合海外華僑之財之智以與發祖國利源之目的將來草就章程當再呈正務望各埠同 生 財 機 會庶 不致為外人捷足 其 會 舘 之規 模務 期宏 大 組 織 務 期 完備 俾 海 外 华 僑 囘 國 人協力成之 有 所 問 津 務

諸

君

子

總

切

肹

再

中

國

現狀

雖

似

安

寧

丽

帝

壁伏

莽

猶

遍

佈

要

津

張

倪

諸

龙

人

倘

敢

干預

國

政妄肆

要挾遙遙

前

路

罔

知

孫

文

聞

此

請

足

所能

爲

力

不

得不

仗

諸同志之協

莇

前

茲

種

種

切

望不

避煩

瑣

代

爲

策謀以

翼早收

良果

裨

益

國

家是

所

以

Ŀ

五事皆吾黨近日之措施應爲同志

諸君告

者

現

在

時

局贴

危民國

基

礎

危

如覆

卵欲

|| 謀奠定

非

弟

手

所 屆 而 內 閣 不盡 負 責 此 可 爲 深 憂者 知關 綺 注 再以 達

台, 安

(三)中 華 會 館 列 位 鄉 先 生 大 鑒 久 仰

山 「斗景幕: 殊 深措年 渡美 以 國 事 · 繁絜不 克 繞 道 南 州 以 從

遊得 收 切 磋 之盆 至 个 猶 以 爲 歉 昨 朱 伯 元 君 鯞 備

述

高 義 力 助 捐 欵以 濟 民國 今者 共 和 再 造 何 莫非

諸

君

子

擁

頀

之力

更

聞

有

倡

辦

建

造

輪

船

公司航

業工

一藝互

有

所

關

此

弟

所

深

爲

感籾

也

弟

夙

昔

秉

性

質

直

+ 討 之隨 年 來 蹶 祗 隨 知 起 救 數 國 年 不 來 知 未 其 嘗逸豫幸 他 滿 虜 Ê 눚 除 相 中 中 間 土 復 袁逆自斃黃陂 經 袁逆之變使 依 國 法機 人 流 任 雛 恢 顏 復 沛 約 無 法 所 重 控 集 告 國 弟 會 用 弟 自 卽 疚 宜 率 布 國 罷 人 以 둊

以示前 監 督 政 之革命 府 主 義 志 方 在 籌 頀 法 措 而 I 非為 商 事 利 業 黎能 以 圖 守 國 利 法 則 民 目 濿 茲 的 將 已達應分 邇 來 所辦之事 各路 軍 撮 隊 其要旨以 律 止 戰 爲 方 結 合 在 野 同 志 取

諸 君 告 其 罷 兵以 後 弟 卽 擬 振 興 實業 杜 絕漏 巵初 念 先辦銀 行 爲各 種 實業倡 始惟 茲事 ·體大 必須 厚 集

札

函

E

四

民國

五

华通告國內外同志之兩書

自僑友始將 來章程 編 定當 卽 寄上 |以俾核奪又歸國華僑每苦無業須妥籌安插現欲擇內 實業之發達擬 地 礦山 集股先 之尤者

二區先籌開 辦幷 於長江 ----帶擇 地 開 經如辦理得宜獲利必厚經派妥人調查俟有頭緒當以奉 ·告其二

各 擬 種 在 天 上 然 海 利 建 設 源 華 生 僑 財 會館 機 會 不致為 爲 僑胞 外人捷足其會館 與 內地交際之機關 規 模 凡工商事 必期宏大組織 一業藉此 地 以 為 調查聯絡之所使華僑 虀 知

希 達 合 華 僑之 財之智以 與發祖 國 利 源 之目 的 將 來草 就章程當再呈 正望各 埠同 人 協力成之其三共和

必期完備俾

華

僑歸

國有

所

間

津務

建 國 雕 已五 一稔所以 中 經 雕 亂 幾至 覆墜 者 類 由 人民源 視 國 體 爲 秦越 人之視肥瘠 漠不相 關 非得 良善 報

民知 章為之鼓吹指 人 權之可貴不 導 來 至仍前 軫方 遒 放 依 棄被 然危 險 人 蹂 現擬 蹦 組 竭 織 力調査 宏大 質業供 報館 ----華 使 僑歸 人民 國之引導俟招股簡章 知 共 和 為 世界最 良之政治 刊 就 三使 卽 付 人 運

寄以上三事均目下切要之圖 深 塱

倪 鼎力為之協助俾早收良果裨益國家弟實有厚望焉再中國現象表面似屬甯靜惟 諸武 人 / 尙敢 干預國政妄肆要挾莽莽前路不知 所界而 內閣不盡負責此 為可隱憂者 帝 孼伏莽徧 知 關 布 要 /津張

綺泩 謹 以 達聞仍望時惠好音是所切禱專此 郎請

公安

孫文

比肩致力而提攜奮鬭尙冀諸異日遽此凋謝爲國爲友悼傷百端謹告

各支部同志均鑒

胃 啓者黃克強先生自創同盟會以來與文同事奔走艱難迄於今日凡我 日早二時突再吐血醫再注射旋即 上月下旬更發見肝部腫大之徵候三十日下午五時忽又吐血不止勢極危急由醫注射暫見血 中血管破裂之症吐血 數盂暈絕 經時 脈停氣絕不可復救嗚呼哀哉以克強盛年 卽延德國醫生克禮氏診治據云尚無大礙 同志諒均知悉前月國慶日突患 稟賦 嗣後胸 素厚雖: 此 膈仍覺飽悶至 次討 止 賊未得 三十

孫文啓民國五年十一月一日

同志共鑒察之

札

理

民國五年通告華僑從軍經過及遣散情形函

篴 鯞 人 死 廣 鮠 下 有 方 而 東方 隊 各同 戦 以 往 者 延 丽 面 十 聘 績 袁世 攻汕 復踵 各 分支 組 者 志陸續 教 織 餘 主 面 山 員 東 凱 華 主 相 頭 人 由 部各同志均鑒啓者此次推翻 鎮 僑决 組 死 謝 坎拿大及 由 接 伯堯羅 編 部 中 職 守使署之役 其堅忍勇往 南洋英荷 華革 始 飛 為華 死 行隊 因 隊 北美 坎 命 其 僑義勇團分爲三隊 金蘭 拿 法 胡 軍 中 先登 領等地 解散 多各 君漢賢等十餘 大華 主其 合衆國 之忱誠不可 歸 逐馬存 事 僑 之華 攻擊 依 部 其 華 份仍 軍 鄉 僑 多得者 務 肇 糾 發 組 僑 帝制各埠華 率子 去之既 織之而 入石 部 和 組 人皆日夕練 夏重民黃伯度伍橫 織之而 之役 命 弟以 龍 組 也 計 南洋及 織 助 死 而莫擎字 美洲 鄧 助 傷者 團 此 僑 一种元 大軍 體歸 次囘 旣 習期於一試雖 幾半 及日 日 捐鉅資以 來 守石 本 國 國 如吳業剛李子華等之兩: 以貫葵鶴 爭汕 餘亦 之華 本等 從軍之華 效命美國同 龍 處 為軍 頭 皆 僑 中華 華 部 九 亦 未見實戰然其聲威 朋等主持之又有一 ·僑可 費 歸 死 叄 僑 志亦同 革命 而 與焉 叄 入周之貞所 分為 痶 牛 囘國效命决死以 始得 黨 廣 焉 時 軍 兩 東 他 不欲 攻江 腉 部 有數十人 걞 其 統 則 險 已播 部 自 華 門其功尤著 分 爲 未 立志 相攻 幾又 部 僑 始 活 爲 爲 矣 歸 護 動 僅 黨軍 擊 以 學 極 於 活 至 濰 組 動 東 篴 數 飛 縣 軍 織 Ш 皆 去 旣 旣 + 東 於 模 北 决

285

函札

軍

解散義勇

團及飛

行

隊亦各領費散歸

計廣東

華僑成

立在先解散

(亦早東)

北

軍

 $\dot{\mathbf{p}}$

華

僑隊

成

立

較

晩

解

散

較

译略各

支持半

车

備

極

辛

·苦而

廣東

經

戰

鬭

多華僑中死傷者頗多東北軍

幸尚無損傷

然華

僑之勇氣

大安

地

自難快意其伊鬱覺不滿足自屬人情至可共諒所恨事勢如斯無

大華 學問 之船 熱心益爲同志所敬重 變不能再以革命用兵解散之事實出 三十元東北 熱心决死來歸今日得此結 費外所 僑 但 以此 未 取 囘 時 餘 軍 亦在 情勢我黨不爭政權 遣散費雖較裕 頭紙不能囘埠者現亦代為籌畫總 無幾蓋諸同 世人 果雖云共和已復帝制已除從軍者皆有無限之光榮而抱勇邁之心無用 所驚服矣當解散時廣 而合本 志熱心愛國深明革命原 則 華僑諸君留 於萬不得已此誠初意所不及料 部所給與軍隊遣散費亦不過三百元諸人遠道 東欵項 之盡 習軍事學亦 力期使有可營謀之機會而已從軍同 理不避艱險出於天性 至絀每人所給不過數元其 無 所用 各同 故力勸各同志及早囘埠其 志 倘 所惜者 多 欲 冰歸除· 一會經戰 173 留 袁氏 軍 役者亦 志以 去再赴 籍 學 死 有坎拿 絕 習 大 不過 武之 美洲 頂之 軍 局 事

自致勳 各同志對於從軍華僑已未囘埠 業則華僑之光榮卽吾黨之光榮亦卽國家之大幸也專此布達希卽 者均以口 一或以書信勸勉慰解不使遠爾灰心將來仍可出而 轉 知 附近各 屬同 志知 為國家棟梁 悉 敬請

孫文啓五年十二月十日

由解其憂鬱吾人亦無可

如

何

乞

民 國 五 一年通告黨員儲金章程 函

事然隱 孽潛伏 汚劣跡 之大端而不爲一 則 約 曲 稍 事 賴 息 人發電攻之適李協和激 法既 其責任有容諉避者通告謂 突徒薪實爲天下之先導雖天戮袁賊不假手於吾人然專制 預 我同 事 稍 防 寧 定 支部 矣前 有備無 人 志以 復黎總統爲依法繼任之人故相勸 憂 北 與吾黨亦 方者 計 同 未 現已 息 志諸兄大鑒弟由東返國已三月以中間 生 日 忠茲 由 倘 命 則 人一 財産 有聯絡 本 國 不 飭 少中 興 龍早 部發出通告附有弟到滬後兩次宣言想先達覽吾黨自癸丑 人 事 同 權 猶 以立言蓋基礎 央不 戰 粤事 去代 志 未得 利 擬 各 韶 暫得 州黎 高 無 者為陸榮廷現聞 有 種 「革命名義不復存」 臥 蓄 犪 投鼠忌器之 ·總統· 也 結 金辦 牲 東國 我 丽 鞏固 漢 法蓋集合全力為未雨之綢繆 購 有分罷龍 會 龍 人 得之今後國 |則百事 驅 開 忠其 兵示仗義者非為權 除異 會後內 已於十 而 他 亦即 皆其 經過變象殊多難掇拾其片段故簡於箋告比來 族 如 未既交代粤人 中 專 張 閣 日 交卸 此 E 能 制 後也粤東龍逆毒民最甚故 倪 建 得 意弟在滬在杭 輩 立 陸於此 推 遵共 承 亦 認現 利 翻 民 依 共 國 和 然跋 惡龍已人乃共起 而動 和 次 如 Œ 中 在 其治 軌 遭 扈 正 獨立名譽甚 至今後對於政 再造我黨原 屢開 一從事 與 袁 如 安無事 否事 逆擾 世 大會演 於制 以 人 後無 所 未可 亂 自可 來 猶 指 定 佳 師 與 日不以 説專 府 希 知 其 重 唐 能 憲 此 望亦 國 置 絕 時 法 在 困 紹 而 至於 儀 論 民監 而 吾 廣 省 斪 固 思過 討 民國 不用 王龍 復 難 西 城 人 督 則 續 帝 亦 中 賊 操 潰先 大局 半矣 指 惠諸 制 還投 此 切 制 無 央 爲 皆 從 餘 貧 爲 治

287

K 札

之各個人生利之業其不然者則咄嗟立辦無臨渴掘井之虞此事弟籌之頗熟以爲可行故特函奉商倂詩 轉告分部各處同志想俱樂於贊成也區區不盡欲白卽頌

民國五年通告黨員儲金章程函

孫文五年九月十日

=

分部各同志均鑒敬啓者各埠屢有函來問滿任職員是否改選查本黨改組在卽若重新逐一支部各同志均鑒敬啓者各埠屢有函來問滿任職員是否改選查本黨改組在卽若重新逐一

選舉反

仍由新舉職員接理此請分部現任職員雖已滿期仍然照舊辦事俟至改組日為止以歸一支部現任職員雖已滿期仍然照舊辦事俟至改組日為止以歸一形煩瑣請各

公安

孫文

律但在接函以前已經舉定新任職員者

札

第

=

大安

不吝賻助

至盼覆示此請

分部各同志均鑒敬啓者陳君英士功業彪炳志行卓絕去歲爲凶人謀害寃痛未伸現擬由黨中醵資

民國六年通告醵資安葬陳君英士函

間已迫信到切望從速籌集交匯以資送葬凡屬同志俱有救恤之誼矧在陳君為吾黨惟一柱石於此切希 妥為安葬豫計所費尚需萬元務望同志盡力募集彙交原日籌餉局長匯滬供用葬期擬定五月十八 日時

孫文六年四月

函

札

民國六年再復李村農論借外資

獨立國 之貢使 以二者 解之實· 利 則 器 十 外 以 更 則 之金 外資 資而 车 必我 不可然致此機器非 待乎借中國今日所缺之資本非金銀也乃生產之機器也欲與中國之實業非致數十萬萬匹馬力之機 以 君 前 村農君鑒以爲君 **尤窮** 自造一 矣是 為 揆君 心所 錢而 立致之遂成富國焉如美國英國是也今日欲謀富國足民舍外資無他道 不知外資爲何物 外 海盗 法 一數十 擬之件 購 Ħ 尤弱 其 所规始 雖 後 此機器不 切生產之機器 弱國借資亦無害而安南 年一 於我 近似 在於今日 能受教 知中國無保彼之能 也此 躣 m 一時所能也經濟先進之國以百數十年之心思勞力而始得之經濟後進之國以借 如以 也又以君以外資必由政府借也不知外資不盡指金錢若金錢則我亦有之何必 im 前 為 兩 日 低利 國 以 中國之人心必 故前 矣然自造之亦當 強國矣暹邏 雕 前 我 日 丽 擬 太遠或 借此機器之為愈也如 批答來件不覺言之過長今讀來書反責我誤會 君誠誤矣君 高麗則 力 則 而翻 為君 更窮 無成事知其不成 需機器 更弱 向來反對外資外法也今如何我之以 然以外資外法 所 反對外資以為美英二國不能 未 乃能造 而且愚三十年前 知今更以近者言之日本 人人化能 機器此機器之母 Mi 開 必欲 朔 發其國之利 其 斌是出 尙 理知借外資即 入貢 我法不 必當購之外 也若如君之意必排 源今居然成為亞洲 於我倚爲上 也 風 暹邏 頭 也 適 借機器 著 君 知 也又 更證 此二 茅 爲 國 當 知 明 國 之則 耳中 知 國 其 矣以 最 如 半解者 後 何 在: 外資 完全 知半 國 其 百數 愚 日 本 四 次 世.

293

函 札 集

民國六年再復李村農論借外資書

十年 **也廣借外資** 之可成效也必也萬般齊發始能收效然要其萬端齊發非一二銀行所能爲力亦非一二工廠所能爲功 萬萬 何每年所出之猪鐵數十萬噸尚要運消於出鐵三千萬噸之美國是可知欲謀實業之發達者非謀 後便可達到 岩 每人需十匹馬力之機器以代勞而作生產之事業則全國需四十萬萬匹馬力之機器者借外資則 (即多賒機器) 目的若欲得資自造則數百年恐不能致也漢陽鐵廠已開辦二十餘年矣能 以開發種種之利源互相挹注互相爲用乃能日進千里十年之內必致中 造 出 其 機器 囡 必 棩 幾

政府立公平之法律以保護之則官場不能壟斷囘扣矣如是中國乃有富強之希望若君之一意排外資真 則知外資非獨金錢能借非獨官場當無信手囘扣之弊矣能知其則不排外資人人歡迎外資則必能要求 於美之富於德之強也如是則美英日暹等國不得專於前矣然而 能致此者必先在智識若智識 高遠 透 切

義和團之思想耳謂爲一 知半解者此 也

孫文

理

民 國六年爲對德參戰問題復段祺瑞 絾

重累彼 之實 關 爲弱 中 心 榯 必 歸 稅 止 揆度 英 不 國 使受重 國 分 人 輕 遇 芝泉 反 方急於 覆 終 皆 自 而 於 共 有弱 思維 謂加 白辯 挑 和 總 強 苦 欲 戰 底 理 在 财 國 隨 未 入 謂 及 定 大 (有害中) 、鑒敬 彼實毫 美行 絕 政 敢 無 應守之分比之鄉 卽 公贊同 我乃分其 交議 迫 專 脅 意 覆者 動 無 反須 美國 國 中 起深 開 ·國之舉 發實業 無 E 所 恐有 君 獲 借 彼 戰 益 方借数: 協商 亮疇 而 債 德 拒 **隣有門豈可** 資 外 雖 在 而 諸 到得 我 助 力 屢 其 日 (賠) 則 助 協 軍. 本 相 聞 我是則 反 商 終 人 迫 有 奉 使 國以 信總 引中 惠札 藉 亦 逼 彼 見 人道 不自量力強欲参加今以 故 加 告 財 軍 理 曾 國 倂 政上 能以 謂 以 JE. 入之後適以 餉 入戰 由 私 義之名以 軍. 日 王 加 需 絕 本 人 團 君 名義電 交為 之說 数十 雖 道 苦痛 歡 達 ·萬萬然 累英美之軍 求 迎 ıŁ 見邀赴京之意 而 彼方以 英首相 卓 小 搅 以 爲總 利 也 國 加 中 後以 此 此 於國 貿易 國 次王 入决 告以 理 医参入戦 富 丽 海 不負引 家體 已中 迫 於識 求金融之緩 陸 君 來 + 兩 國 述 國 面 團 力尤 軍 有傷 機之我 誘中 積 尊 卽 入戰 加 弱 意 洞 鼤 於 和 協 無 謂 國 團 悉 佩 乞責 政 國 我 之非 商 可 加 德 何 治 諸 乃 諱 無 入 國 極 高 道 國 美 事 任 利 文 情 德 其 以 國 難 私 自 旣 形 爾

函 札

當

處

於

特

别

監

一督之下

大

局

何

堪

復

問

中

國

百

無

能

惟

有

自

犠牲

其

領

土

人

民則

甚

足以

滿

欲

望

旣

能

葢

IE.

義

以

相

扶

H.

加

入之

後

我

國

不

能

赫

如

何

芝

職

jį

將

冷

Л

謂

我

之軍

隊

必

須

有

特

别

訓

練

之

人

我之

財

政

必

有

背甚

非

所宜

我

之加

入

旣

以

求

利

爲

鯞

將

來

何

能

博

人

好

感

卽

有

侵

損及

我之事

入亦

將

目

爲

自

取

不

復

持

之國

尤尊

重

此

精

神

今者

總

理

不

棄

遐

遠

丽

樂聞

反對者之意見

信有

古

人之

風

爲當

代

政

治

家所

倘

况當

辛

主

亥改革之際文以南方人士倡

立民國

M

總理以

北方

軍人贊成之孕育保持竊謂

兩俱

有責

而

今 者

為危急

集 天下 難之中 其 議 抑 不愼 人食 濟國 席 正 可 財 言宜 軍事 且 求生不得 類 不生欲免今之困難只有懸崖勒 權 卽 一家之貴 後連 覺 困 病夫旁人方肆 歷 則 軍 戰之後困 措國 難之來各有原 考 陷 權 本 財 動 不可 難 政 $\dot{\mathbf{p}}$ 於 因又言 為避此 痛苦愈 家 Ŀ 外 任 彼 之職 難之劇 則 於磐石之安人誰 卽 非 開 死 將 以 明 責 饕餮彼獨向隅於是有聳動之者曰 困 之主 不可 增 E 何 個 將叉出 剘 非運 如 難 因避之不得 恐 人 之境 使抗 逐 將 道 惟 立 有日 以 憲之國 動 日 德 於意 此 不 議不至絕交則今日之困 非絕交不可 論 何 代之矣 不愛國家 痛 可元氣未充運動之後 旣 非死不可而已今日 馬徐 其方 想之外者此 荷 勸 如之及今改圖 有大 政 必 側 求補救之途否則 府 Ā. 聞 聞 旣 勿宣 政 變 王君 絕交矣而 此公忠體國之苦衷 必 時 本 詢 戰 言及此 何以 加 **芻嶤不以** 當 則 中 厲譬之中國 心當 前 處之萬 之困 轉 非與宴不可 難 困 國 次總 滋 尙 發 揚湯止沸畏影却行 自可免今日絕交而 難又較絕交之前 他 未 執 其 難 理 政之威 才 至 病 决 竟有 寧不 則又 向守 主 非 智使 非 張 外 旣 無 # 感動 加 人 日 與宴矣遂以停 而 政 可 代管 種 入殊 立 非 府 解 謂 為 本 困 但 服 免 脫 人言為不足 甚今日 終無以 |難發生 非得 文以 劇藥不 未 者文以 財權 未宣 此 有 抗 已 戰 軍. 困 為 議 善其後 欲 可至 乃有 則 致 難 食自覺困苦又 腷 絕 公誼 權 非 可 將 生 以 抽 交 不 言 此 菲 有 來 外 可 後 論 於藥發展轉床 其 之困 之地 人代 宣 自 基 拔 也 所 固 在 此 戦 從 禍 出 生 近 有 之 難 我 不 提 肼 生 凡 位 代 竭 見 出 有 管 可 百 困 力以 若 中 亦 民

國

抗

胎

困

鑒照不宣

函

札

至

孫文

然若兩有未能貿然命駕恐反形未臻融洽而已知惟善人能受盡言故悉告無隱尚希採擇即頌台綏諸維

存亡之會尤不敢不掬誠相告者豪採納愚見必當束裝北邁敬獻其所懷否則望有以釋其所疑亦自當翁

297

公安

民國六年率海 軍開府廣州致 南洋同志及鄧澤如各書

)南 洋同 志諸先生均鑒 啓者七月二十五 日已由 財政 部 將弟歸粤近情通告 想 經

議員 鈞覽月之五 亦已陸續 日 前來 海 軍 日 ·程總長林司介己率艦隊 間 齊集當即 開 會組設 最 抵粤各界備 高軍 事 統 極歡迎粤人趨向共和 機關 出 師 討逆以 \達眞正: 奉情一 共和· 致 之目 堪 為 的 告慰 邇 來 國 聯 會

告 絡海 照常匯滬用 .陸軍士已費不少此後餉項之需尤為浩大希即從速籌匯以助 廖仲愷名收茲因緊急之秋由 [滬再轉 頗 費 時 日請 直 電匯 進行 粤沙 前以香港收欵不便 /面台灣/ 銀 行 或 廣 由 東 仲 愷 銀 行 兄 交 涵

Sutafu 收若 無此 兩 銀行則匯上海 Siaochunghai 收再 曲 廖君 轉 匯此 處可 也 此 請

採 文啓八 月

+

(二)澤如 仁兄 同 志 惠 鑒 九 月 七 Ħ 致 書 誦 悉 切 前 匯 E 海 廖仲 愷 收 肆 丰 捌 百 肆 拾 捌 爾 據 廖 君 云

似 曾收 到 請

查上海 有 無答覆 涵 電 此 間亦 ----面 涵 詢 上海機關 矣廖 君 已歸粤東二十 五. H 就 任 財政 次長署 理 總 長 膱

嗣 後關 於籌欽 事 宜請逕與接給以 歸 簡 捷現以 軍糈浩繁 財 源無着 已由 軍 政府提交國 會 通 過 軍 事 內 國

公債 條 以例及其 他附 隨 條 例 兩 件 現已飭 財政部速印 債券着手勸募矣行文各埠商會殷商 已飭秘 書廳 照

行此覆幷 頌

W

扎

籌祺弁 致候

民國

一六年率海軍開府廣州致南洋同志及鄧澤如各書

螺 公生愼 剛 源

水諸兄

附 寄公報 份

(三)澤如老同志先生鉤鑒敬啓者弟自偕海軍艦隊來粤後曾將各情於八月十日通告想 經

六年九月三十日

孫文啓

元帥弟獻身為國不敢以謙讓鳴高爰於九月十日就職粤中各將士 均覽去月國會議員相率戾止依先進國之成規開非常議會於廣州議决軍 音表示 政府 歡迎西南各省將 組織大 /綱依法 帥 亦皆遙 舉弟 爲大

贊助人心一致成功可 以預期惟是義師待發需餉孔 般粤省財賦匱乏難以 應 付 素 仰

至 軍 政 府 財 政總 長暫 由 廖次長仲愷署理總長之職已於廿五日歸粤就任嗣 後關於財政事 宜請 逕 與

治可 也 再 此 涵 達弁 頌

同

志諸先生慷慨為懷熱誠

愛國當茲祖國根

本動搖之時正志士毀家紓難

之日

務懸籌助

巨 一数以

濟軍用

公安

採 文啓十月十日

附致貴埠商會壹函 一希為代 轉

商 會諸先生公鑒敬啓者 自 共和 恢 復國 會再開方期南北融和國家長治不料段祺瑞包藏 禍 心陰謀

擾亂嗾使逆督稱兵搆難破壞約法迫散國會張勳乘之釀成復辟之變段氏仍不厭亂乘機而起迫 自稱總理借恢復共和之名行攘奪政權之計全國人民無不痛憤文自去年以來避地滬濱不願與聞時政 逐元首

300

總 貴會諸: 亦多馳 任安唯 中 為國 察照不宣 功當永銘 華民國六年十月十 敢 電 先生熱心愛國當茲國家俶擾之時正義士毀家紓難之日務 希 憚煩勞爰於 推贊 於不 朽 人 矣臨風 心 九 致成 月 日 行望無 + 功 Ħ 可以 在 非常 任神馳耑此敬頌 預 期 國 惟是義 會就職學 師 待發需 中 各將

國之成

規

本國

人之公意開

非常國

會於廣州

議

决軍

政

府

組

織

大

綗

依

法

選文任

大元

帥之職文

旣

已

獻

身

領

暨駐

粤滇

海各軍

皆表示歡迎

西

南各

省

將

領

餉孔般粤省財

賦

匱乏難以應

付

素

仰

怨慨

捐

鉅

野

以

裕

軍.

實

則

再

造

足國之

猥蒙

內外同

人以

救

國大義共相督責自以

忝為共和先導際茲國家傾危義無旁貸爱偕海軍

·嚮義諸將

帥

來粤冀與

西

南各省共黝

義舉適

國

會議

員

亦

相

率戾

止

僉以舉兵討

賊

必先有

統

機關

乃

依

共和

先

進

孫文謹啓

301

函 札 所有最

近

段

賊

軍

械

借数

不惜全國兵權

全歸

外人之手是以

蘇督

李

純

贛

督

陳

光

遠

等

極

力

反

對

僞

內

閣

图

滇嫌

隊業已泯

除

唐元

帥

親

自

督

師

尅

日

進

取

重

慶以

扼

長江

Ŀ

游

湖

南

方

面

傅

賊

已

逃

長

沙

省

城

ച

為

南

軍

各同

志先生

均

鑒

敬

啓

者

自

軍

政

府

成

立.

以

來

非

常

發

展

Щ

川

方

M

劉

存

厚

已受此

間

委任

爲

四

]1]

督

軍

11

(四)澤

如

先

生

員

全體

辭

職昨

叉

以

王占

元

爲

援湘

總

司

个段芝貴

(為代理

鄂

督

而

王占元

逐宣

佈

自

主

因

乏西

南

大局

更

=

民國六年率海軍開府廣州致南洋同志及鄧澤如各書

進步第軍餉之需待濟良鉅當此功在垂成之際尤望

速籌鉅欵陸續匯來以應軍用民國前途庶幾重有光矣特此通告幷頌

均安

(五)澤如兄大鑒

月來通告及公報已次第付郵想登

記室邇者軍府局面日見增進足紓

遠懷文自光復以還久欲從事發展國內實業奈以政局迭起紛擾竟有志未逮去夏歸國深憫民生凋敝亟

固擬卽着手展拓利源設立礦務局以統籌全局礦務所有礦務章程從新改訂以惠商利國爲宗旨近粤中 欲有所計畫旋以政變又生匆匆以護法歸粤經秋涉春運籌軍事幾無寧晷旁及民生事業現學勢已 榊 穩

軍民兩政均就軍府範圍趁此時機各事辦理較易而手續上亦不生種種障礙以放敬請

閣下早日束裝歸國董理其事想

閣下才大識高深於礦務且屢年在海外發展鉅業成績至優倘蒙 **慨允主持則實業前途不勝厚幸耳臨**

穎 肺 馳不盡萬一 匆匆亟盼

復音 此頌

籌安

(六)澤如兄鑒 昨接吳世榮兄自檳來函言病中需用甚急未便向外人挪借請酌量接濟等情茲寄

孫文啓三月十五日

孫文六年十一月二十二日

302

義安

台安

代收幷煩

卽

交世榮兄收用此託

幷

頌

四

月十六日孫文啓

上台灣銀行

伍百元匯票壹紙

希

為

附台灣銀行五百元匯票壹紙

所則對於經營礦業自有管理稽核之權且願自行營業以收實效兼示提倡 (七)澤如兄大鑒接三月 卅 號 來函對於囘粵辦礦一事提出三問題特爲解答如下(一)如設立局 (二) 改訂礦章先祗 願於廣

東實行逐漸推行於各省然祗就廣東一省而論如能辦有成效已可達吾人之目的(三)礦章如已施行 則將來議和可提為條件之一如施行不及亦可日做一日宜擇速於見效不須大資本之礦開辦自無資本

能 虛擲之虞至現時大局西南各省見軍政府日有發展恐失其地方割據之權已生出最大內鬨 否無變尚未可 知倩 兄暫候三兩 月 爾 時 軍 政 府如仍進行勢力必更鞏固 兄歸 來當更易展 晤 潮 其 軍 政府

丽 現 時 所辦南洋之礦亦當能清釐手續矣此 復並 頌

孫文啓四 月二十六日

(八)澤如兄鑒茲特派鄒海濱兄爲文駐港特派員並特派兄爲理財員望兄與海濱 相助爲理調和各

孫文十月二十六日

大安

人意見以期速達滅陳目

的

為荷此

候

函 ŧL

F

近安

九)澤如我兄惠鑒我軍既得福州許黃李三部以 所得軍實擴充兵力增加 不 止一倍 **滇軍朱張** 兩大

兼顧故弟認此

為恢復百粤最好時機茲

在港

議立辦

事機關以爲西江及內地各路之策應卽委

部亦漸趨近西江以此驅除陳賊賊雖狡惡斷難東西

兄管理財政以

兄資望信用為同志所共知亟望

慨任不辭同時囑海濱兄囘港與各方接洽海濱於民黨熡次圖學均與有力且熟知粤桂等軍隊之情狀關

於支用數項之手續可由

兄存貯於銀行而支用時則必得海濱與

兄兩人簽字乃行交付則對內對外皆妥善矣專此即頌

孫文十月二十三

六

304

全

民 國六年督軍團倡亂致鄧澤如各書

奸人乘位 (一)澤如我兄大鑒敬啓者倪並造叛迫散國會馴至復辟旣而奸人內訌 盡棄約法 別謀固位擅權之術 :此而不討中國尙何由自立何以免人吞倂民國者吾人所 復辟事敗而 民國 固 万手造今 未 復也

又何忍坐視 其淪胥不復我

之成 此 國 同 相 公與文十餘年之奔走非待言說始足為 會爲 志 툊 承 敗視 千載 認此 悉 万 民 海 時 國 相 軍之向 助 時之會也惟粤省財政向 出 根 本雖 庶幾有成至 兵討叛事 被非 背此 在 法解散仍可 次文實率 心成以 政府立後南方局面略定自可籌借大筆外債先將前二次軍債及此次助 西 海軍主力艦隊 組此 自行 南六省發難 重前 際海 召集現 倪逆造叛時 軍 國 而西 已陸續來粤不日可 闸 來其 會 兩項費用固繁將來連政府出 北 已專 餘 東北復有響應之約揚子江 未 來之艦 涵 申 意 足 亦 想此際必能見義 法定 不為彼効 人數 命我 組 師 流域本 織 合法 已操 勇 所需尤夥全賴 爲 多民黨 政 制 也 海之權 间 府 來革 外 欵 軍. 人 定 矣 照 我 隊 305

章償還 倘 希 我

兄致 協 寄廣東省城 力進行俾鉅欵速集 力至籌集有成數即照舊日辦法黨齊匯到廣東省城沙面臺灣銀行交 長堤實業團 丽 海軍 轉交爲宜茲乘陳卓平 國會等費用有所資不勝至盼卽請 簡寅初一 二君南行之便倂託其周歷各埠鼓吹義舉 Sutafu 收卽 妥若 有 尙 函 件 則

函 札

命

不足請多印分寄可

也此

致

民國六年督軍團倡亂致鄧澤如

近安各同志均此 致候

孫文啓八月十日

(二)同志諸公大鑒 逕啓者茲有同志譚君根伍君平一由美洲心道經此間譚君 爲飛行大家聲譽

著於世界此次帶有飛行機械多件幷有學習生二人據稱擬在日本暫應各界招聘俟試演完畢不日 南洋各埠飛濱幷擬就南洋演技籌欵開辦飛行學校招收學生教育此項人才云云按飛行機為近世軍用 前 往

之最大利器譚君既有此志於國家前途吾黨前途均有裨益用特豫爲介紹於

諸同 志倘譚君到時尚祈

費神 招待弁 斱 代為設 法開場試演 勸 銷入場票位俾得髌集資財成立學校作育真才

諸公然心公益諒能玉成 (其志· 也手 此布達. 卽 頌

公祺

孫文二月二十日

(三)澤如兄鑒茲付國民黨改組通告多通請兄轉寄各要地之支部請速舉行以歸統一爲荷如

通告

孫文十二月三十日

改

組

軍府

别

開

生

面

人心

旣

振運

用

卽

靈凡

此

情形

已

一成過

去望

期

者

IE

式會

議

旣 開

卽

可

依

法

組

織

政

府

存

民國七年軍政府改組致國會及各方面之要緘

均 乃貴會議 已領悉文以德薄能鮮前 狎 覆國會非常會議 復屬望於文而又委之以重任此心彌覺內疚唯私衷或竊喜者則 者早有遺大投艱之懼方謂 書 敬覆 者貴會代表居正焦易堂兩君交到貴會議 辭 職 以 後但 求蓝匹夫之賣以 江式會 公函並 衞國 議早 經 政務 或 開 可 會國 總裁 稍 補 證 法之 前 書 愆

不 擁 在 頀 此其詳已與居焦兩君 有 人 經 依法組織政府卽 丽 談茲不多贅至區區 所以扶危而繼絕改組軍府一 **思忱始終尊重國會且** 案已屬過去問題國 一始終 因尊 重 民所屬望於國 國會而是 尊 重 貴 會 一曾議 者 諒

是以當選證 書已謹收受雖不欲再 居天下之先亦不敢不請從諸君之後倘稍 有未 盡之責仍當劾其棉

此 復

全

國

會 非 常會議

覆吳蓮伯 函 蓮伯先生閣下 接奉來 函承以文當選政務 總 裁敦 促 就 職 過蒙獎譽 愧 何 克當

亡繼 絕匪異 八任先 生前見早經及 (此豈非 以我 國民之屬望者 固 在 此 耶 至於文者身雖辭 職 獪 不 敢 不 盡

匹夫之責庶幾來 教 所謂 致行 動 者非歟顧己所不欲 勿施於人前深者 威孤立無 援之苦今茲 雖 欲

居天下之先亦當請從諸君之後聊 盡援助當選證書謹以收受一切囑居焦兩 君面達頑軀患目 初 愈 他 尙

函 札

307

安適承注 並聞 順 頌

民國七年軍政府改組致國會及各方面之要緘

議祺

覆 林伍秩 卿庸函 悦卿先生均鑒接奉惠函 猥蒙獎譽愧何克當兩公德望 爲文所 深 佩 來 教 尤多

答

卸

於後

悃

能

孫

文

共諒: 孤 見道之語領 立 改組 無 援之苦誠不欲再蒙居先之誚然亦當請 軍府 誦 為 再三 時 勢所 爾般 趨 嚮 往 兩公毅然首 聞 匹夫慕義何 允担 任 洵 處 征 諸君之後聊 足 不勉惟不辭勞怨於前邊 使 頑 廉 丽 儒立 盡聲援之責溽暑賢勞豁 至 於文者 敢 息、 仔 肩 尙 存 不忘 希 珍 攝 救 悃之愚當: 國 順 唯 頌 を於

台祺

四 致趙其. 相 函 其相先生惠鑒得書推許過至護法之役本於衆志豈區區一人之力所能 主持

惟衆志之趨向稍涉分歧 日不能忘情國事是以遄來滬上居焦 致護法前途轉生頓挫此 兩君 邂逅 相 得悉非常會議屬望之意今已收受證書當取老氏後人 則 鄙 意所歎息者也台旆蒞粤適已赴東未 罄 所 犪 惟

之旨以補過固 未變其初衷也請釋 雅 念 卽 頌

議祺

五 致劉定五 函 定五 先生惠鑒得 書 承注 一諄諄囑 言弟之遄 來 滬 上 亦 卽 此 意 至 就 職 問 題 初 無

孫

文

兩

君

交

來證書業經收受希釋雅懷尚望與同志諸君 成見唯當茲是非 混 淆之 時 質 直 者 動 齀 得 答老氏所! 為國奮鬥不盡 謂 常後 一欲言即 人 者 亦 頒 可 見 古與今不甚 一相遠 也 居 焦

孫文

議 祺

指揮定 役將 逮 矢誠 二載 而大義所在猶未能曉喻於人人非法政府乘之遂得藉手外援肆 護法義不反顧我公忠勇果毅佩仰益深方今國內大患在 覆唐莫廣函 莫廣先生執事前鄧君和卿來粵籍奉惠書具感 乎是非 混淆 其負嵎貸金購城 般懃之誼 Æ. 理不 並 彰以 聞 畫 以 被 絲 郥 渡 创 鷹搜 義 法之 ßþ

孫

相 抗 甚 可 痛 也

執 衰 邁 事 前 領 袖天 此 勉 竭 南 民國 駑 鈍 柱石 深 愧 無 倚望勉任 裨 時 難 | 艱鉅克 雖 養 疴 海 竣閎業盪 上於國民大責未敢 滌 瑕 穢 匡大 云忘苟利於國不敢不勉茲 難以 副 海 內 咡 **喝之**望豊勝幸 因 鄧 君 北 返滇 文以

戏祉 不悉

順

致

數

言籍

申

鄙

悃

南

雲在望

惟

爲

囡

珍 重

順

頌

全

が文

力盡 救國之責任徒以 七 覆羅家衡函 德薄能! 緱生先生執事 鮮誠 信未学 於衆以致孤 頃奉惠書詞義懇摯甚感眷念之厚文不敏前者 立無 助 iffi **胎覆**餗之答退職以還方 期効其 勉膺艱鉅亦 晶 圖 稍 欲

組 織 正式 政 府以挽垂絕之國運 振中

之間

爲時已屬甚暫況羣彥畢

集壁

壘已新顧維衰庸所裨有幾然救國之责

未

敢

弛尊重國會之心

不敢

外之觀聽影響

所及

成

效百倍

至若

此

時

所

謂

軍

政

府

繼

續

函

札

倘

由

此

丽

來教廣營博喻殷殷以

任

職

相

勉文雖駑鈍能不思奮顧

反覆思之今日國會既足法定人數

已能

JE.

式

開

議

懐悚

而

盡匹夫之責乃重辱國會諸君之過舉畀以大任力薄責重彌深

309

三

議祺

諸君子之後棉力所及不敢不勉謹布悃愊藉頌重以諸君子殷勤之誼謹當勉盡聲援以從

民國七年軍政府改組致國會及各方面之要編

四

民國七年覆港商陳賡如函

賡 如先生 執事頃奉

台 涵 깺 承種 切不法軍官橫行 間里踩 職鄉 民至於此極可 勝 怨 慣我

駐港同· 志僑 商激於公憤羣推 先生仗義執言不辭遠道來 呼將伯文亦 鄉人當 此宗國 垂危里閭不靖俛仰

嘅歎 實有不能已於言者請得 為

左右陳之溯自革命醞釀十有餘年始以中 國自滿洲之手還諸國民夫民國旣為國民所公有則 關 於民國

立 無援之苦况而官僚與盜賊遂從而麟齕之曾不須臾民國政權已操於官僚盜賊之手由是 切設施不可不以國民爲之基礎不幸當時國民於此責任尚未了解於是少數爲民請 命之黨 m 袁氏 人陷 稱 於孤 帝

張 、勳復辟魚爛之禍凡三數見蓋民國之名雖存而其實之亡久矣文竊痛之當發憤欲爲民國 清官僚盜

賊之毒以樹立真正之共和故於去歲謬膺大任竭蹶進行非不知去粤日久有同寄寓軍權吏治失所挾持

所以直 快終至於解職以去此誠非文一人之厄實民國之厄也中國今日萬事無一不可蒿目棘心而 任 而不辭者旣恃公理亦恃大多數之後援耳艱難支撐一年之久孑然無助徒為親厚所痛仇讐所 最終解决仍

在 根 本 問 題 卽 如

台 函 所 稱 護沙 統 領救警魂等不法情事夫彼等為服役之軍官耳馭之得其道未嘗不可束身寡過勉自致

瓸

札

台安

於功名之域馭之失其道則放佚恣睢逐成民國之罪人假使今日有賢明之國民以監督政府有賢明之政

民

國 七 年

覆 港 阇 陳

賷 如 函

府以監督地方長官以監督其所屬則彼等之事何致發生即使發生亦可不崇朝而决何致遷延以迄於今

然而竊國者侯竊鈎者誰得而誅之此豈尙有望於今之政府與地方長官哉文自大元帥解職以後避居滬

上政 務總裁尚未就 職匹夫在 野

台函 所稱從嚴懲辦各節不在其位無能為力深以為數尚

希

鑒之夫僕役有罪惟主人得而懲治之

機關 子敢不黽勉以從諸鄉先生之後率布胸臆惟 有 報館 在宜從各方面着力明事實之真相得犯罪之主名庶幾公憤可申大法得立文亦國民之一分

諸鄉先生身為國民卽民國之主人對於惡僕橫行弁髦法紀誠不可不加以

垂察之幸甚幸甚專覆敬請

孫文

在喉舌 312

制裁監督機關有議會

民 國七年致陳競存函

聞風 也今日 戰 士 乏處 起舉義全省已震彼等亦 直系 致 也 氣言閩軍亦不如粤前黃崗失守之日正廈門恐慌之時蓋彼以西路屢挫恐汀漳南 無 現 書 響應 此 可 相 嗣 競存 日 粤軍 本當局 戰 局勢萬 角逐不能專力對 因目 我兄 亦 而 餉城雖之然努力前進猶有因械於敵之望較之株守待斃得失奚止霉壞況近時 恐守無可守為兄今日計惟 閩 疾待治匆匆歸 仍决心 難操全勝之算若審愼求全則我之兵力有限敵之增 軍 惠鑒文前 兼 顧 不暇 助 南故 段遽欲 深略得有力之後援及統 自 抵 必致勢分力薄 滬比 其 東以 目 內容困難亦與 其改變万針 後鑒於外交方 疾告痊又患感冒近 有奮力前進冒險 我軍當能 事 南 恐大難惟 師之人如兄能 面驟 方無異兄身當敵衝 大占 難 日 段雖得 勝 求 始瘥 活動 利 勝 加以 規 放 直向 取閩 外援然 於學中 切計 汝為 援 中而 無窮 後援難 福 畫 兄 州 在 消 未 能實行 方 已以實力言粤 潮 北 息 軍 面 汕 恃 方 多 進發則 未詳 在西路叉屢 強 因 隅勢、 敵 欲 無可奉 軍 在 預 晰 後等 必陷 儲 尊 前 舉 軍 告 肵 處 後勝 必紛紛 閩 丽 固 戰 於重 部 部 故 H 覆其 中間 不 叉 分 **犯尤** 利 志 園 餉 兵 加 以汝 來附 士 巢穴 閩 不 槭 力 任 紛 以 特 與 念

書俾悉顛末書不悉意 **W** 并 頌 札 戏祉

惠音

兄之進

行

倘

能閩

中

得

手

則

萷

途大

有可為望悉力圖之也文刻仍暫留滬稍事休

息舒處

近狀

幸

腈

爲之志向

堅定

主

義

貫且

不

競權

勢

成

功

不居

必能

爲兄

有

力之臂佐

助

孫文

俱

=

行旌已安抵始與得免於難卅

言近况知

民國七年莫榮新抗命致李烈鈞書

協和足下前徐君元誥在滬備道兄意甚合鄙懷文當囑其代達一切旋得足下接管滇軍信愈喜復耑

緘奉覆計今已月餘矣未識已一一入

覽否此 下以足下能討柱 次李莫抗順文得 一賊以伸 國法援足下亦所以護法也惟以道遠音梗傳聞異辭頗爲焦灼咋盧 報時卽已電合湘 | 閩各方面尅期出援茣賡殿綸諸兄亦來電贊文主張 君元弼 非 獨 來 助 爲 足

得便乞

初志足下能為國除賊苟非賊黨孰不願為效死千載好機會勉之勿失表同情於足下者决不僅文一

餘日煩惋乃為大解不禁稱慶者再望即持以堅决勿為調停讕言

所

越致負

人也

315

時 賜詳情俾資策畫餘維

心照不宜

孫文

札

函

持湘

南

局勢

全

民國七年勗討莫各軍書

襄義舉良堪 一)自先兄鑒來書備 京慰以 後 如何 動作當聽廣東討 悉桂賊盤踞粤省破壞西南實非掃除不可兄本愛國愛鄉之熱念聯絡舊部 賊軍總司合命合爲一致之進行 **庶桂賊不難** 殲滅 也 希 卽 共 努

力準 備以待時機策勳不遠至為勉望此覆卽 頌

時 綏

(二)德彰兄鑒來書備 悉柱賊罪惡貰 盈 在 所必討! 兄密集舊部 編緋 陳君 自先已得十營之衆 救國 埶

孫

文

解决 勝算 忱良堪嘉慰頃已致函 川 可 操至 局川定即可 若 俟時機成熟協同討桂西南大局乃有轉機兄歷載戎衣備嘗艱苦益 湘 南譚張之戰不過局部之事不至影響和議亦不能牽動我方根本 會師 陳君告以以後動作當聽廣 討 桂 以清 內部蝨賊粤軍 現亦 東决定協和 積極準備矣查桂 亦 已於六日 軍實 赴 港日 力本不充足我方同 希策勵以竟膚 計畫永望兄等極 內决赴雲南贊 時 力維 幷 躯

念問 此覆

(三)溶川兄鑒惠書及接晤羅君運闓藉稔一是護法以來歷經艱阻湘西局勢原賴撑持刻下 譚張雖

孫

文

功

至

開戦 衅不過局部之事 牽涉大局文曾熟籌西南 根本計畫祗須將桂系遏平餘事即可 迎刀 ifa 解 蓋 柱 派 護

法其名爭權其實把持軍柄 搗亂全局實為西南蝨賊此派不除吾儕正義的主張終難實現非今日得 城

札

函

人助莫康

漢賡解: 秩 川 明 庸少川莫賡宜言諒能達覽北方有力者皆表同情當能圓滿解决協和 .局齊定會師圖柱勢岩遺砥 日獲一城之所能奏績 决川局 此行必收大效倒桂之舉决可實行尚望秣馬厲兵以待大舉我方根本計畫絕不容譚 心現在 至粤東方面桂 川中聯桂之熊克武已被川滇黔各軍攻擊我方迭得勝利桂派右臂已斷 派實力不充我方布置各皆就緒競存已積 於六日 赴港不日 極準備 ép 往 矣前 雲南 張局 贄 日 助 與

部之戰有變遷也此覆

四)伯仙 兄鑒討 賊 軍總司合令已下希為一 致之進行希兄等努力排除困難積極準 備 屆 時 大 舉必

孫

文

告成功至爲勉望此覆即碩

時綏

舉熱心毅力殊堪 五)湘丞兄鑒來書備悉兄數年轉戰勞苦功高現值時局愈棼勢須 嘉慰柱賊日偪不可緩圖 希卽積極準備聽候陳總司合命令 肅清內患兄 致奮鬥以竟全功 能益 加 奮 属共襄義 是 所厚

望此覆即頌

戎綏

(六)廷槐兄鑒來書備悉美洲同志現已意氣融洽至為欣慰當今祖 國危難救國之責端在 吾黨非同

孫文

飛機公司成立將來致力於國家之處不少俟蔡君到時自當與商辦法岑陸等盤踞粤東破壞護法大業殊 志協力何以成功各同志皆具 愛國 熱 誠 自宜常體 斯旨以圖 共濟救國儲 金業由 [懇親大會通過甚善甚 善

_

民

七

年

勗

討

莫

各

軍

害

健祺

函

札

(3)

=

志力為後盾壯我義聲斯大局不難底定而我黨歷年經營之苦志亦得申展耳此獲即頌

可痛恨現與各方面協謀申討以貫徹我黨正大之主張將來大功告成我黨必愈見發揚所望於海外諸同

書

臻強富: 自 所以適於吾志者時值改組軍府之議成而文之責任已盡惟有還本匹夫有職之誼以期致力於國家 丽 在 以 文以 護 者以爲段氏枉 後亂 非有 潮東渡由東歸 ~·· 法 紙 爲 間 同志 法營私 此 飾 書 藉 關 諸先生 心此志爲公爲私當爲吾黨所共 言其 為國 此可 來粤 法之罪 會謀恢 無非 稗政 所以治兵西南 以 拯 滬救國主旨未嘗或息伏念文行年五十有二奔走國事 鈞鑒敬啓者 百出甚且 大 欲 (復文所) 與諸有 固無可逭若以之相 法之淪亡寧民國之危 一縦賭以一 文以 組 志者 者迹彼用心祗 組織之國 五 翦除暴逆 **隆其欲** 月辭 會非 \喻近雖 大元帥 衡則段氏且振振有辭矣文早知非可 常會 欲分 厄不 一濫殺以示其威以言護法誠 納舉國之人 中 屢 議 期 職 世之所 央専 離粤 暨謀召集國 遭挫敗而得 於法 制 赴 謂 汕 全國之權俾 軌 嬳 經將 以 會開 法恆與 百折不撓者 自進 去粤 會 彼得 於與果 文異 不知 情 於 者垂三十年 文 形 始 明 視 專 通 此 告諒塵 有何 不過 與謀文欲 制 其 非盡文一手一足之力純 中央之毀法 時 於二三行 無 徒 人 頀 青鑒 為 飾 法之聲幾 非欲奠定邦家使 我 護 雛 溯 者 省 贊 法 而 去之 之詞 自 助 何 故 若 自 前 編 去 别 國 年 未 曲 有 獨 事 是 立 以 求 識 俱 嘗 中

函札

之策必先事吾黨之擴

張

故

亟

重

FI

黨

章以促黨務之發達並與同志諸君約

務

期依照黨章繳

納年

金以

供

蹶

躓

Mi

腄

滅其

壯

志

猶

乏操

舟

逆流

須

策羣

力以

相

撈拄文深望諸

君子之同

喻

斯旨

也

歸

滬

而

後

益

感

救

恃吾黨諸

君子

竭力

相

維

故文深信吾黨實繫中國之存亡使吾黨

驰而

不張則

中

國或幾乎息是斷不能

民國七年辭大元帥職後通告海外同志書

黨章一俟刊行再為奉寄順頌

均安

孫文啓八月三十日

總部經費俾文得專力於國事而無窘乏之慮所有各項義捐幷期一律匯滬簽還收據謹此布達希為朗鑒

_

奮其 外僑胞 行 以 吾父老昆弟 雖然 先工 久矣 雖奔: 之懼乃悉力畢慮期驅異 質之進步 艱 脢 難 義憤 此 塞之象劇 商學子又往 文常 亦 風 恆 復敝衣 走國 辛亥一 |人之辭 俗 而 聞 念締 日 在 國 事之頃 以 於 八之所 人民愛國心之勇猛輓近幾十年來外怵於異 専制 役遂滌盪數 節食罄其血 偷薄寇盜日以 也文則以為吾粤之所以為全國重 造之艱難凜建 往 航 此 每念桑梓之鄉 行 以稱吾粤者矣以 則 族建民治爲全國創自乙未以來大 萬里 吾父 千 汗之資以扶義舉數國內革命之軍敢死之士殆往往有吾 一遠適異國履 (老昆弟) 充斥 车 設之不易猶欲 專 制 釣 疑 所 游之地 之瑕 以 爲粤據南 大穀險關 為傳 疾 首 穢 斯須之間 聞之過迨 太息莫可 瘁其心志進 m 海之形 建 草 立 一者不在 萊所 民 客 未 如 國 以 勝襟帶三江 答去 國家於 歲歸 何 治貿 小數十役斷首洞 國之侵陵內鑑於滿政之窳 地 此則吾父老昆弟大有造於國 而 形之便利 逐而 來 懐 亦 文夙 **羽治** 頗 目 擊 水學 天産 聞 夜所引 所謂 數 顧 m 在人 年 以 術者 至 豐地 民 以 胸 權 爲深憾 政 莫不推 來 邪 後先相 民進 之不修 民生 力至 柄 國 取 粤志 繼而 博與 日 者 性之 粤而 良 敗皇皇然有 財 以 也 法 者 文 堅強 力 凋 美 也 士 終 從 海 之支 一從事 不反 之步 外交通 敝 去 政 民國 物 鄉 遏 矛 之日 危亡 絀 力 絕不 在: 趨 其 旣 顧 間 海 物 焉 最

E 札 政無不備之此真吾粤之深恥奇辱而我父老昆弟所宜力為湔濯者也夫以吾父老昆弟愛國如是

惡德亂

俗之淫

艩

賭

博之縱态擴人於郭內

mi

不能禁殺

人於通衢

ım

不能

救行

旅

相

戒

動

罹

嗣患舉全國

所

未

有

芝

風

H

造

而

江

其般 也 進 取 如是其強也 丽 獨 於桑梓之鄉日聽其窳敗墜落而不一 加拯救者是則 我父老昆弟愛國之心

剁 過 厚 無以 而 愛國之責太重故雖意不忘故 抗 也然國者鄉之積也愛國者亦必愛鄉文以數十 鄉欲曲 葢 其維護之任 年奔走 丽 力有 在外未能為故鄉有 所不 能顧暴力者 乘之遂肆 其 摧 殘 劾

所

盐

力

夙

夜

耿

耿

毎用 父老昆弟 自愧 也今任 此 載 來雖處: 務稍 得 故鄉 息肩 顧 方欲 迫於護法之役備歷艱難 藉 此 漫游 海 外 略事 休 獨任勞怨綢繆 養復 我元氣俾異 補 蒖. 日 心力交瘁仍 得再効驚鈍於我父老昆 未暇 有 所 助 於

整治 弟臨別惓惓竊欲 鄉 邦亦 宜引 為己任 我父老昆弟深 夙 夜孳孳 念夫愛國 而 致 力於所謂培養民力增進民 固 吾人之天 職愛鄉亦 吾人義所不可 智扶持 風 俗發展 廢吾人 自治 旣 採 負 人之所 救 《國之責》 長 去 mi

棟 我之所短以發揚吾粤之光榮永 救國之責 摧 樑 崩 而 乃可完滿 後 已此 **豈我父老昆弟所** 丽 無憾不然徒舍近而 永為全國之儀型以馳譽於世界如是而 忍出 也 圖遠譬之巨廈第 文行矣翊 事 粉 飾 外觀不知其 我父老昆弟愛國之心 內之蠹 蝕 日 積 月 乃可 累 必 云 至 杰

瞻望五嶺語長心重不覺纖縷區區之忱維我父老昆弟共鑒之 衞桑梓發揚 光大 重勞我父老昆 弟之慮劃 溯 囘 珠

有

以

制

憲而來亦豈因文辭職

而致裹足文甚不欲以

此

無

謂之願

慮輕

量暫未來粤諸議員之人格若國

會仍

蓮伯慧生先生暨諸先生公鑒奉讀支日快郵代電殷殷以抑志勿去 相勉期以保存 法律 統 系為最低

權主義前電已述衷懷非徒自爲痛心亦非但 限度屬望只此復不能如命良用憎歉文所望於國 向國 會同 會者在於代表國 人致慨 也 坐言起行還以望之於羣意至 民行 使最 高權驅除 不法 政 於制 府 以 憲 達 民 自

是國會本分豈有文之去 就能損益於其間哉諸公代表國民先來者 以 頀 法而 來固 有最後之决心後 來者

忍無重可負諸公之屬望未免空懸矣專復卽 推翻 現制之决心勿遽作最低限度之想卽 ·强决心 或犧牲於一 時尚可 伸大義於天下不然者則 在文雖

孫文九月十日

有

札

函

民國八年覆在滬國會議員論南北和議書

美總統 本已一 所忌憚 武人及奔走權勢政客必犧牲國會以易權利 仍 **况當** 旣 府之代表章行 胡君漢民 後結果可 再三 視 時 國 敬 切不問 請 聲 改革 況近又 會 復者公函敬悉國 明由 想 爲 其主張公道承彼贊同因電粤主張 一人耳其他皆營營於權利 軍政 而 無 知 大 嗣 物 聞 嚴屢次對 家指 以國 府者 國 此又國會諸君自植 丽 會議 國 揮代 一會同 |會議| 本國會之主張文曾以 會完 員 北方聲言國 紛紛 員 表文仍不問時局 人堅持要求文派 中叉間 全自 北上 由 有不知 |會不成 復何 其因自穫其 興 行 非 使 職 法 暇以及此他日 去就 問 請美總統爲仲裁而不與 自愛者及不肯奮鬥之人內蠹外邪紛然並 國 權 也乃國會諸君又不能用其 至五國勸告之時外論 遣代表誼難 會謀 題 本爲文唯 相 果深可太息者也此 切 爭而 調和 勿以 固 國 因 國 倘國會問題爭之不得文祗有屬漢 之主 會諸 却因從多數人之請求而派遣之然派 會問 丽 亦爲 君 題 張始終無 人所蔑 丽 亦多不助國會文復有所不忍乃致電 意孤行不用其言是以文離粤之後 時 北方議和 阻 南方代 和 (言和議 視是則 議之進行云云以 所 變更惟 既開遂有今日之現象 蓋深知一與議 表對國會尚 所謂 此 次 南 起文復奈之何 方 和 議之時 致 和 民辦 能 堅持 議 北 和 、遣之時 方 職 則 代 軍 南 表 亦 者 哉 無 政 淦 方 者 祗 此

公祉

其他亦非

文所能爲力也專

此奉復

並

頌

融札

民

主革

命關係究

有不同

似宜另編為秘密會黨史而

不以 廁

雜民國史中此事界劃井然亦

希注

意

及之也

恐完全由滬印行

分連為艱擬

自

行

籌

文所著

述之稿現尚未有定名顧卒業以後意在普及國民廣行印刷

明 史 備 日 為何國民之所宜自力者為何 發揮平生所知與民國建設之計劃暨行易知難之理撰為一篇以誘導國人俾灼知三民主義最後之意 意文實未之知也然述革命之槪略爲信史之資此固文所樂爲者惟以文近方從事於著述欲以政治 前 故 採擇 止 已略 民族之主義雖甚普及而 編 孑民蔚西先生惠鑒頃誦 此事現 上溯清世秘密諸黨會此 述此 尚可 數十年革命運動之概略足為民國史之幹骼至更求其詳當從海外各地搜集材 辦文當通告海外各機關徵集材料然欲彙集其稿恐亦需 內部 草創將半再閱數月或可殺青其中一章所述者為革命緣起至民國 意文猶有異同 惠教述方君寰如函稱國史徵集材料文允爲間日講演 組 織仍為專 制階級綦嚴於共和 以清世秘密諸會黨皆原起於明末遺老其主旨 原理民權 主 載餘 義皆概 乃可 乎 此事恐係方君之 未 也 有 至 所 尊 料 在 聞 覆 乃 建 函 清 元之 故 主 可彙 哲 於 扶 烟 埋

譔祉

望以辦法見示俾得

有所折

東甚幸專此奉復並頌

資由京滬分別

Ep

刷

執

事

聞見

較詳

倘知

北

京有優良之印

局足以印行或完全由滬印行

後分運亦便

者均

區 札

民國八年護法之役致林修梅書

浴凡兄鑒魚雁久梗項脰為痛兩地心情想同此况每 湘中人來道及我兄屹立不依之概輒爲悚坐因念忠

勇如 嘗不憤彼窮凶極惡者欲得之而後快也文盱衡時勢覺今日護法首在 兄連年護法之志竟屢挫未申 **孰實使之兄因身** 歷 其境者: 試一 迴溯當無俟文之縷覵亦可了然又未 去彼假護法以實行破法之桂 派 柱

派不去就合飲至燕京終屬拒虎近狼何補於國况內奸未除决難立功於外往年長沙之役卽其殷鑒

但旣

與桂為敵則凡與吾共敵者應引為友

尊處對於張督旣有所接洽宜壹意奮擊桂敵早除國賊前驅

除維諒察不備

孫文

兄莫屬時機已迫不容稍緩萬望速合湘南諸將士剋期準備共圖大業有便尚祈時賜好音俾資率履此瀆

重任舍

札

函

殺祺

民 國九年覆美洲葛崙埠分部長吳東垣函

素 具愛國熱心對於我黨大多信仰得兄極力倡導贊成者自 東 垣 兄鑒六月七日及廿 八日兩 函均備 悉我黨停辦數年現復繼 必踴躍惟望本奮鬥之精神以收人心 **顧進行辦理艱難固意中事** 擴 惟 張 僑胞

欵及香 勢 續接各埠來函多已認定今已着手開辦兄意勉訓 本黨大有賴焉救國儲 江 晨 報股欵皆非由 金一 本 部 時雖難募集惟此舉關 經 理 一請直 接致 函黃伯耀 |同志捐| 係本黨者至大仍望 夏重 助甚善甚善請即 民 兩 君 交涉 隨時勸誘 實行 較 為妥便 可 也黄 必可成功英文報数 幷 化崗 希解 烈士 釋 此欵之手 建 坊 捐 陸

續不清不能怪及本部各同志不得因 此 m 灰其對黨之熱念也 除不什 此覆 順 詢

孫文

Ä

札

頭

山紛

大安不

寺尾翁

統

此候好不另

木堂翁

在惡戰之中朱執信兄往虎門收降為敵 滔天先生鑒兩接手 書 祝 弔 所 軍一 祝 者 部 尚未 所暗算殊為不值 確 而所弔者 已成真良深 日者廣州已 痛恨也惠州屢攻不下至今尚 所我惠州當終歸我 有 可 無

疑義按今後支那大勢吾黨不獨可以得志於南方且不久可以統一 中國英美對我方針近來大 表好 意白

以糾正軍閥之方針不為同洲侵略之舉而為同舟共濟之謀則東亞實蒙其福而日本亦終享其利 有已期也如此則吾人亦不能不倒行逆施親英美以排日 人外患可以無憂此後吾黨之患仍在日本之軍閥政策倘日本仍行其 也而其咎則當歸之日本深望日本民間 扶舊抑新之手段則中國之內 東亞 同 志有 亂 經 未

綸百年大計無愈於此者矣日本同志幸為圖之此覆並 候

Œ

札

孫文謹啓十月五 日

民國九年致滔

天

要之圖 倘 中 消滅顯有欲罷不能之勢我方若以戰勝餘威速組大軍急出宜昌以圖鄂省乘其混亂之機不難收復 以 生變化所以文意戰略上應以攻取長江爲第一計畫此時鄂省主客軍隊甚爲複雜而皖系長江勢力未盡 面 原有 彼方 [出陝以斷中原現陳樹藩已在懲辦之列勢必歸附我方以 來迄 **雪竹兄鑒手書備悉川局未定滇軍自難兼顧粤東惟現在川事已告成功而長江形勢因直皖關係又** 未提得 軍隊守 果 至 若規復粤省粤軍 逼 而 尚不 備桂 挑戰 知何 邊 至 時當再電奠公商辦耳請以此 卽 時可 堪 鞏固 方面猶覺力量未 以解决殊惱人也兄跋涉多勞希珍攝為要此覆 聊 在 湘 滇軍 足故 再由黨公臨時調度或取 尙 意代達莫公斟酌進行 在猶豫中來書謂暫緩 取自保此 亦 桂 林 絕好機會至於對桂文覺祗 爲附關 興 或由常澧出長江均 並 桂 衝突切 頌 餘 本 實整 應分 頓 配 文甚 為現 惟 自 涉訟 贊同 以 方 滇 337

時 綏

孫文

札

函

奉之爭 更 北 撲 數 無涵 桂 路 洋 派 林 出 民 蓋之能 (勢力自) 如是則 乃又繼續開幕蓋直曹奉張其 兵一 畏兄鑒手書敬悉刻选接川中確報熊氏已走川局自可大定今後惟望主客各軍極端 由 力由 斷 南 JII 中 征 股而 此 北伐兩向必勝天下不難定也天 編定大軍 觀之奉 我方原定目標亦已消滅自我方言之未始非最大利益今彼派既將段氏打倒 直 東下宜昌進規武漢一 必因 權 野心皆無底極 利 丽 衝突而 决裂 與不取反受其答望轉達莫公速圖之刻下段氏 由滇 而兩方勢力又莫能相下徐世昌今已為彼等所卵糞 而皖系之餘燼又必不能不附我而 中連合貴州 出兵百色及柳 州 由 圖 融洽 在 報復 湘 即可分 滇 然則 失 重 直 敗 直 **3**39

占京畿· 逃粤失 點以 作 直 乘此皖系未全消 軍內 戰 氼 患全清 則 方 勝 因 未同 面叉 廣 餘 西陷 威 必不敢 由 無 時幷舉致 |百色柳| 滅之時 懈 於夾攻之地 可 擊 出 矣至 我猝 州 兵 有失敗然今猶繼續進行 相 取 於粤東· 救是武 然出兵武漢則 建 亦不能自存矣此又 領之勢而 漢可 方面! 在 兄 探 湘滇 所 囊 凡前之願為皖謀者皆將為我効其死 計 m 蕭清桂 軍叉衝 劾力 取 畫甚妥刻 也 蓋武 甚 一賊之好 入 大 競存 廣西之腹 下民 漢主客各 時 亦準 軍蠭起江 機 軍 也 則 備 雖數路 桂 混 進攻粤垣 一防艦亦一 **賊老巢岌焉** ; 弁舉實 已有 力而 JE. 已受我連 有 風聲 曹錕 力似 震動 可 乘之 勢 鶴 恐 有 動 不給 必棄粤 前 勢 奉 **赆之勢**旗 軍之獨 過 日 然就 曾 此 動 則

函 札 以上

情况

觀之實已占

軍事

上

種

種優勢似無須專以力鬥也尊意以爲然否正密本今特抄

上前

察收

有

何

大安

消息希時見告此覆並頌

民國九年護法之役致川中何民畏書

M

札

民 國九年爲創辦英文報致三藩市林直勉書

股欵足見諸同志對於本黨宣傳主義之舉倍極熱心將來本黨發揚光大皆我黨員同心協力之所致也 此急要之圖自必爭先恐後當拭目以觀厥成 **分告所屬各支分部及通訊** 芝辦理英文報鼓吹黨義聲舉極 因時勢之要求急須開辦而欵項 直勉兄鑒本黨創辦英文報及印刷所計畫前經通告諸同志現陸續接到覆函皆極表贊成幷多認定 處妥 與 佳 尚未完全認齊故特托衞君 衞 其効力於本黨之處不少故今特托以募欵之重任請 君 斟酌 此致即 情 形儘力將欵認定以成盛舉想我海外同志素抱熱誠今對 詢 新前來各埠勸募衞君乃芝城老同 兄卽 本 志向 照 此旨 在

孫文

341

理

各國之各大政黨無不一

下列之三項

直

接參

加於世界

爽論將

吾黨之精神義蘊宣達於外以邀世界對於吾黨之信

仰

民 國九年與海外國民黨同志書

黨慶 也 同志公鑒敬啓者迭接海外各支分部來緘均稱黨務日見發達吾黨同 茲有 最近弟所計畫舉辦二事請各地同志贊成資助者謹佈 如 左 志亦正磨礪以須此則

足

爲吾

設立 英文報機 關

聲疾呼 國凡有關於外交上之事動以言論不能發抒之故因而痛受損失者甚多况近日輿論 略言之本黨同 時 移歸 以 吾 中 査 黨 芝加 國 功效顯著惟以中國文字外人無從了解其所影響者止 政治 由 哥各同 本 黨幹部 志設立之言論 上之主張 志 繼續 曾 辦 建 設上之計畫宣傳 辦 英文 機關 理 弟 意以 八月刊雑 如建設月刊星期評 為吾 誌鼓吹本黨宗旨 黨在 於世界殊為切要之著此 本 國 論 Ŀ 民國 海 設 嗣以 日 於吾國人我黨之精神義蘊無從宣示於 事故 報以及海外各支分部所 英文雜誌冀於 其事有關於本 停版然而 言論 此 志迄 喉舌端 黨者 上 得 未 辨 甚 少衰 興 之日 大姑 在 外 報章 擬將 國 報等大 舉 周 試觀 其 旋 該 要 同 報 外 343

函 札

故途分雖有絕大之計畫亦無由披露於世界是故吾黨苟能設立一英文雜誌其利

言既出聳動全球夫豈不藉報章鼓吹之力而

我黨獨以缺乏外國文報紙

機關之

益誠不可

量最

少則有

民國九年與海外國民黨同志書

生外交上積極的作用(期得精神上物質上之援助)

Ξ 生外交上消極的作用(排斥各種侵略主義

觀以上要點則吾黨之實行設立一英文雜誌為必不可緩茲因芝加哥同志有將雜誌移歸本部開辦

之議現擬實行辦法如下

開辦費並第一年維持費須二萬元(概算另表開列)

此項 (經費擬· 由各分部酌量擔任總期達到此 數

各埠支分部認定此項數日通知本部後雜誌即行開始所認定本欵務請於通知本部後三個 月

內匯滬以 為經費

四 干分至一年後發行增加則此報可 雜誌發行伊始世界未能週知閱者之數未能增長維持生存仍賴各支部各分部每年代銷至若 以獨立無 須捐 助

槪 算表如左

英文印字機全副連運費約計四千元

紙價(每年十二期每期印三千册每册約一百頁)約計六千元

Ξ 印刷工費約計二千五百元

四 主筆翻譯及雜役等薪工約計四千五百元

於黨

有

盆

於國之事

而舉辦之誠

莫如

設立

大印

刷

機

關

其

理

由

如

F

五 廽 費 約 計 千二百元

六 屋 租 約 計 千二百元

七 電 燈 燃料 及 其 他 雜 用 約計六百元

創 辦 最 大最新 式之印 刷 機

所得之經 下十餘萬人月餉動 志拳擊之意若以之充軍餉究非有效之舉蓋現在屬於本黨之軍 本 黨 问 驗 而 有 愛國儲 緰 亦 非有大宗固定之鉅欵不濟儲 需百萬以外謂儲金一 地 金一 徵發以自養此又無待於儲 項 原 爲 備 本黨救國之急需此項儲金應以充最有實效之用途方不負我 項 而能供其浩大之餉糈實屬不能 金之為 金一 助 項岩 甚 微 爲將 故 除如在四 荷 來大舉計則 以 吾黨同· JII 抑 陝 志 以本 或 西 僅 湖 熱心斯集之儲 黨 供 南 最近 福 部 建 則 廣 兩 受 東等 次 舉 歧 金 擇 視之 事 處 時

全國 思想界空前之大 豔 最 蓬蓬勃勃發抒 各 為有 人皆激發天 極 自 其 北 裨 致 京大學學 社 會逐蒙絕大之影響雖 言論 良誓 變 動 國 生 死 簽 推 內各界輿論 生五 原 為愛國之運 其始不過 四 連 動 致同 以 動 以 由於出版界之一二覺悟者從事提倡途至輿論 來 |倘能機長增高其將來收效之偉大且 頑 劣之偽政府猶 倡 般愛 各 種 國 新 青年 出 版 無不以 且不敢 物 為熱 攖其 革 心青年所舉辦 新 鋒此 思 想為將 種 人遠 新文化運動 來革 者 者 紛 放大 可 新事 紛 無 應 業之預 疑 異 在 時 也 彩 我 而 吾 學 國 出 黨欲 潮 仐 揚 備 於是 瀰 日 施 漫 誠 吐

函

札

鴻

儒之發憤著

作等等均有待於印刷事業之擴張至於商場上之各種新式告白需求更切故以

進

步

爲正

比例

今者我

國

因

一新文化

之趨勢

時受直

接影響者如全國各學

校之改

良

教科

編

FII

講

義

碩

書

現勢度之

夫

兩

無

壓

不能任 館 在 改 以 其 抑 論 印 大 便言之至 最 革命之成 造利 良機 致 廣 出 拒絕不得已自 矣 近本 新 刷 (吾黨) 東 出 且 版 機 設 綜 器 版 關 黨 爲保 物 二家 觀 西 由營 擴 近 物 同 功 實 如 必有賴 近 南 張 日 凡 皇 出 志激 建 營業 所 日 大 利 有 黨之餘孽所把持故其所 設雑 屬吾黨印 版 行印 物之 壟 即 學 絕大 上 揚新文化之波 刷之增 斷 已 故 觀 誌 於思想之變化 察現 刷 有 FII 計畫之著作 星期評 試 __ 觀 成議 當 大工 刷 刷之件及外界與新思想有關之著作彼皆拒不 此 事 在 日 進 其所要 業為 新文化 論等已 大學 本 出 具 瀾 我 版 商 國 成 並 灌漑 書 國 兵法攻心語 一各同 受社 印 求 後 務印 報逐 倡 印 書館 於 於 導 出 刷 新思想之萌 削 FII 書 日 志 正 機關 會 盛之時 切書籍: 一歡迎然三 大者 刷 刷事 館 最 增 機 所 加 有 日 惟 何 關 業 獨 價 商 商 革心皆 上叉增 乃受該 之供 占利 業告 上十 務 蘖 值之撰述皆 均帶保皇黨氣味 而 Ep 樹 尙 數 書館號 給 益 白 自慊 此 立 者甚 小者 興 書館所抑 新事 之故 爲 新 所 時 於力有不 多斷 不能 業之基 稱宏 E 市 專 俱 故 不可 進 場 此 而 葢 阻 非 吾 思 大 種 而 而又陳腐不堪讀不特此 四望全 代印 行 勝 黨 即 新文化 想 而 逮 礎 刷 計 亦 出 不 其 者 描 /在營業· 其 FII 起 爲 所 版 卽 則 繒 國別 營業之發達 此就 丽 所 依 新計 書 如「孫文學說」 ED 運 館 圖 動 制 然 刷 吾黨宣 之又 無 質 所 近 如 上 機關 畫 他處 能 者 前 有 之 爲 之缺 徒 陳 無 馥 雛 最 供 大 斷 乃 其 資 爲 競 傳宗旨之不 形 有 乏是 與 要 商 存 力者 即 也又 性 者 價 文 剧 書 求 務 質 值 兄 則 文斷 不能 機關 曾經 之事 化 提 且 固 也 印 有

四

國

內各種

有

益於思想革新之著作

可

以代印

並

可

改

良告白以

益

商業

部

可

業

此

能

躯

則

革

命

之成

功

必

可

有

即

Ŀ

足

助

此

均

名

住

址

開

列

寄

來

以

其

巴

國

相

助

如

未

有

此

項

孰

識

Z

不可 謂 非 急 務 矣果 能 成 事 其 利 如 左

此

種

印

刷

機關營業

Ł

必

可

獲

利

以故

吾人

深

感

現

在之痛苦預測

將來之需要從

速設

立

大印

刷

機 關

誠

凡 關 於宣 傳 吾黨之宗旨主義 者 如書籍 雜誌等類 可 自 由 即 刷免受他 人 掣 肘

本黨常有 價值券褒獎狀以及各秘密文件圖籍等均 不必 遠 託 外 國

= 本黨自行 編 譯各種 新式教科書以貢獻於吾國教育界

五 倣 有 限公司 辦法 可為 本黨之一 營利 機關

支分 如不 敷 據 計 此 上 數 每支分部 理 則 由 設 各支分部之 立 集千數 此 即 刷 已辨 機關 百 元 ép 儲 擬先暫定資本 金者 成 此 請 最 益 集多 有裨 為五 於黨 數 一十萬圓 其 有 未 舉 益於國之大事 一辦者 擬 分作五 請 早 一萬股此 日 極 力 舉行 項資本 而 以 本黨 擬以 在 愛國儲金充之 外 國 數 百之

操券 刷 此 智識 FP 刷 及技能 機關 絕 對 贊 不 招外股 事 實以 者 請 吾 黨 將 姓 精 肿 貫 〈注之) 現 本 黨 便請 極 力籌度 務 祈 早 日 實 現 如 在 外 同 志

人亦 應 就 近 派 遣子 弟 專 習 種 種 FII 刷 技術 以 為將 來 此 項 人 才之預 備 此 誠 久 遠宏 大之事 望 諸 同 志 極 力

贊助 早 H 成 事 爲

右 凡兩端均請貴支分部 贊助 如荷同 意速惠獲音俟本部得各分支部復信後即行編定詳 細章程

函

札

Ħ.

上專此並頌

民國九年與海外國民黨同志書

孫文謹啓九年一月二十九日

六

總

由發起人等公舉幹事十人主持會務廣設勸捐員 外者其誌斯言文終日焦勞冀我海外同志念前敵之艱苦祖國之阽危勃然有作踴躍 義 漫字內吾輩當如何自勉以求償厥素願慰我國民顧自治非托諸空言必挾實力以堅其後盾今前敵 不反 源 顧雖斷 水 同志兄台鑒文奔走國事迄數十年困心衡慮冀除暴亂奠我邦家今西 **脰裂身猶冒鋒衝進文每軫念其勞彼則日** 一面於國內分別募捐 男兒愛國當如是也我父老兄弟姊 一面函 **北海** 南 再造響應自 外同志擔任募捐之 輸將茲中央籌餉 妹之寄居海 治之聲 殺

賊

民國十年發起中央籌餉會致李源水書

致民國於福利者卽我同志之責也我同志其力圖之臨穎神馳努力自愛

事內外合力共襄進行夫國家與亡匹夫有責今四百兆同胞以重

孫文

任付託於我同志則

共同

、盡力以

解倒

349

函 札

非然 形進 得 問 怨不 雜 如 閩 敵 題 彼 事 而 避乃能 體之脈 者則 軍. 托 步 則 津 介石兄鑒頃見兄致展堂季新 兄以 也 將 粱 內部之大難題已得解决則 必百 從 由 士之日有覺悟 期於有 此 此 討 煩 事 以 可 恐 賊之任兄何能 較之福 日 無 觀 成 我能堅持 成若十日 爲 接 也兄前 也敵人之團體日形瓦解也百粤人心之恨彼 近 州 然根 情 形當 有志 無進 遽萌 便等進步矣故望兄切 本 之辨 退志如 書有十二 進步為極大矣其 過百 於西 步 |則不 法 + 圖 日内如 倍 我近 此夫天下之事 願幹則直 必 在 此 吾 日 無 毫無進 怪吾國 人稍有 在滬已代兄行之矣現已大 無事 勿 他紛繁小故何足介懷縱 稍 步 之志 其不 憑 萌 可 則 藉 成 退志必期達 如 無 乃能 也 士 可 乘與 就如來信云云子蔭當來 人意者固十 有 如何等語 日 所 而 措 甚也 滅陳之目 往 施 彼 常八九 若毫 思我 我無 得 都 吁是何言也吾不能 者悉皆敗 其 要 進 無 的 日 步 總在 領 所 深 而 藉 而 然 後 也 能 則 興 其 乃 敵則 滬 此 此 堅忍 能 雖 中 卽 而 返吾 情 日 事 如 成 日 日 È 耐 親 吾 日 形 示 國之 幸而 段 之無 身 退 煩 之 複 成 35 I

函札

省

為我

憑藉

則

大有

辦

法矣

此

次土

爾

其革命黨之成功者此

也

放

兄前

志之成

否則

全在

稲

州之一

着

也

能

可

知

非

先得憑

藉

不

可

欲

得憑藉

則

非

恢

復

廣

東不可

此

次廣

東

復

剘

西南

必可

統

如

是

便可

以

西

南

靑

年

共

產

「黨與

彼主

義

完全

相

同

矣

/亦奚能

爲

所

以

彼

都

人士只有勸共

產黨之加

入

國

民黨者

職是故

也

此

卽

進

丽

滅廣

州之賊

固

善如

其不能

則

保守福州

而堅持亦為

進步

也

蓋有

日

福

州

則

我有一

日之憑藉

最後之成功亦未可知也故兄無論

日

日之進

步非

紙墨

所能 壶

一种愷來當能略道一二總之十數年來在今日為絕好之機會吾人當要分途奮

如何艱苦煩勞必當留在軍中與我在外之奮鬥相終始庶

幾有 成

外間

民國十一年討陳之役勗蔣介石守福州書

多持一 外交內應則可以此為背景倘並此而無之則我不過為一租界之亡命客耳奚足輕重故兄能代我在軍中 日則我之信用可加多一日故望兄為我而留萬勿以無進步而去兄忘却在白鵝潭舟中之時乎日

福州則為我之後盾也有此後盾則我之計畫措施日日有進步或者不必待兄等之恢復廣州我計畫已達 惟睡食與望消息而已當時何嘗有一毫之進步然其影響於世界者何如也今則有我在外活動而兄等在

鬥不可一 時或息庶不負先烈之犧牲國人期望也千萬識之此候

籌祺

孫文十一月廿一 日

漢民

海濱並各同志公鑒文初本欲廣州一下則立即

回粤而

以漢民伯蘭季龍爲全權代表以辦護法

此

機關 政 從 機關 粤之事第 之象不能 漢民詳言之乃漢民去後我在滬便發覺政系與沈氏之詭謀曾電漢民設法圖之此約在江 政 澈底澄清粤中積 此之後日日接電非囘粤不可我亦以為來或能消患於無形也不期適起程之日則得江 府之收束換言之即 切 府態度亦 事 我乃改為我留滬而漢民囘粤又轉意以 此 變 機 不 情形及滇軍 有以 問 娴 變吳佩字對吾人之真面目則全露事已至此以為雖囘亦無益矣及滇軍代表夏君 題 未 岩非 於北京破裂以前不名為政府而 弊如是則 處斷之第一 爲 我回粤不可則我到粤之後必欲藉粤之機會以試 態度似又應有來之必要惟屢得專電 吾黨 議和之機關萬一 問 於中堅同: 題若 我 志决不欲其 不必囘粤則 為最好我能始終不囘粤而 和 議 但行政府之實權) 决裂則當再從事於軍事 担任 粤中政事當由兄等全權 地 方行 則吾同志之內部又呈分裂之象今對 政之事 吾革命數 而 行 在 我五權 欲其 後以 上海以應 担任之此 十年來 漢民以 在 我 之制 付各 左 未曾 所以 為在 右以 分 方 縣之 防之變而 防之變前 得 成 有 其 滬 到滬 遇一 理 無 立 治 任 此 漢 由 容 並 自由 五. 詳報 北京 + 已與 有 同 分裂 氏長

函 札 之地

自由之機以

施行

我之抱負今若囘粤則滿意以爲此其地

此其

時矣乃兄等不察斤斤以

省

長

財 政

權

時

魔題

運使為去就之爭此

我大

一惑不解也現所任命之省長財政廳鹽運使非必以其人皆適當亦斷

日

民國七年爲粵事致胡漢民鄒昝書

無弊惟其人已定於粤事未得手以前今不妨由他一試耳一旦有不稱職則去之可也總之我到粤則必欲 兄等在中央機關做事不欲兄等在地方機關做事幸為諒之

孫文二月十日寫於上海

國

商

會聯合會共勉之也

專 此

佈

臆順

强台

綏

民 國十二年關於勸告裁兵事覆全 商 國 聯 曾

與毅 第二 倍 裁 以 防 深切 志始終不渝 表示接 而 使然國 兵主 寒心 威 軍 一步之辨 甚 諸 著 力必不能使之降心以 由 受是項 計劃 佩 張 明 坐分奸宄横行 全國商聯會舉出之裁兵勸 甚 昭 利 所 民 法 顧 示 自 已有具體方案方期運用戰 訂方法亦 福之事 1維平生 猶 天下又得諸先生之大聲 名義幷於本年 不可不為積 有 不 能已於言者國 仇雙快 建國懷抱格不得行十常八九探其原因 國民不自急起直追又不予先驅者以援 切實可行 相 極之準 從 意 元旦 歷 丽 瀏覽之餘 備 史以 一發表 告代表聶雲台余日章蔣夢粵黃任之四 躬 被其 以 民之表示 疾呼 免徒 權 來無不勞而 通 禍 電明示 至深快慰文於昨年六 貫澈主張以不負國民 者 蹈空言當局之膜 國 主 民 仍 張 自 爲國 主張 自以 動之精 獲之民權 昨接 民言念及此可 勸 告當 神 奉元旦所發快 視輿論 |雖似由 無 助 渙 汗大 喢 局 則 付託之重猝 月六日發表宣言於化 手 為 先 可 第 號足 **汽驅者以** 摧 為痛心今者全國 敵黨之頑抗 成之功業願 殘民 使孤行 步 郵 人 然 勢孤 代電 意 因 遭粤變事 人矣非 鑒於目前 而 獨往 而實由 勸告裁 與 丽 虎 致蹶 諸 示 先生勉之幷願全 之士 兵爲工 謀 商 與 以 (願達 皮 會聯 後起者以 兵所 民衆之寡 情勢之需 實 久 聞 陳 之勇 行 合會 然耿 垂 及 之 制 明 理 决 覆轍 戒 要已 氣 旣 和 耿 置 由 故 h 以 有 此 國 旣

函 札

民國十二年緘促議員南下

圖竊國權者當以去就相抵抗文必為諸公後盾粤局日內可定一俟與各方面商定辦法布置妥帖 電奉達公請南行今先派劉君玉山來京詳述一切北望薊門風雲昏晦持正愛國是所盻切 以非法之行其何以對天下文與國會諸公始終相共務望勸告同人各盡所能力持正義其有以兵力金錢 兵力挾舉總統民國八年以非法謬竊大位殆尤過之夫今日之所謂北京國會者合法與否尚屬問題再加 案棄而不顧可知北方軍閥對於國會同人有利用而决無誠意矣今日軍閥攘位故態復萌視民國二年以 定國家之根本以促北方武人之覺悟不意國會方開民八民六問題不定更舉廣州政府數年召集所議之 各同 志流難 議員諸同 出走初衷未遂及文移居滬濱仍促國 志惠鑒比歲以來軍閥橫暴破壞紀綱故同志集合倡正義於廣州 會北上開會力謀國是欲持和平統 中途變亂粤局破 一化兵爲工之策以 手 此順 **返** 接致使 必有 候

孫文拜啓六月十五日自大本營發

函

礼

函

時安

民國十二年級促議員南下

=

敷

着 取便能了事至未來之急支即行 他 將備我用之欵移去李軍發餉可 一)漢民兄鑒廿七函悉何處有欵收入何項緊要支出未出發前已經批發清楚由各人向各 時 尚未發生問題其斷續發生者 也其數約五六萬元近日各機關之收入最有望者爲梅培處大 即惟李濟深之欵耳此 数向 梅培籌之可 機 約 關催

個月之例外支出並着梅培預備中央銀行印紙幣費尚欠美金十三萬六千元其他之緊急欵此

後繼

續發生者由兄審斷應付可 批

先為彼等告之倘東江不能早日肅清則北敵必再來而彼萬無在粤安享之理如能見機當為一勞永逸之 出 兵東江之事已電函交催紹基矣更由兄催之並將顯丞各電抄示各人由其各人問心安否而 已並 359

計也

滄白統此不另

昨日因 風雨所阻至今尚停留石龍大約明早乃可開行往惠到時情勢如何再告

孫文十二年七月

一十七

民恐不免饑荒刻下最急之事為着兵站速行運大批米石 (二)漢民滄白兩兄鑒東江水漲 為向來 所 未有稻田悉成澤國早稻多已失收 來博以 應各軍之給養並着各籌數 軍 隊 故 無 機關 從 購 火 糧 速 im 人

籌兵站之米價俾得源源接濟為要其他各種供應能裁減者裁減之不能裁減者暫緩之可也刻下則 務當

函 札

民國十二年致胡漢民楊庶堪各書

集全力以顧東江之軍米望同事各人皆當注意於此點是為至要此致

各同事統此不另

(三)漢民滄白兄鑒手機關槍不准各軍定造只造為衞士隊之用請為注意切勿再發手令為荷 孫文十二年七月三十日

以前所發者着卽取消

孫文十二年九月十七日

竭力做去便可何家猷委任發表亦無妨不過此時不可去接事必俟海南得後乃可大約不出一月也青陽 (四)展滄兩兄鑒四日來函收悉臧電已批答對滇軍在此候之較有力退囘省催之催之之責望兄等

駁一到有法時必助之惠潮下後必有法可為我先慰之也

孫文四日

__

時

祉

敵恐慌非常多向南昌吉安移動贛州以南敵力甚薄若我軍快出 漢民汝爲兩兄鑒現在軍隊已完全集中韶關務要速發乃能不失時機據探樊鍾秀已得萬安贛南之 必可得贛南全部惟出發費尙無着遲 恐

公司年結之中但因屢次政變政府無人往問該公司經理亦詐作不知但斷不能不認賬 失機望竭籌十萬便可出發前日着湘芹往電力公司討民國八年以前官股之紅利此等紅利之數列 如 他 處無 法立 在該

即此一筆欵為最整最快請兩兄協同設法助湘芹速收取之以應北伐之費至要至要此致即 候

孫文十三年十月十八日

国

札

理

民國十三年北伐致蔣介石各書指示關於分配槍械

與練兵等事

降卒一 出江 以何用為最適宜請詳細考慮以告我爲望北伐志在必行且必有大影響樊鍾秀所部數日前已破萬安收 心革命同志招集用黃埔學生爲骨幹練兵場在韶關故望兄照前令辦理將武器速運來韶以免意外至要 不可不有以慰之也此次一出必能成大功可無疑義望兄鼓勵各人速出一由東江擊破陳逆而 更恐慌矣趙成梁要求若能得槍二千則無欵亦必出擊江西江西敵甚無鬥志亦無鬥力大軍一 西圣省便可補上海之失張靜江有電催出師江西甚力亦有寧棄廣東亦當爲之此可見各省同志之望我 至要此意請轉知鮑顧問並請他向各專門家代籌妥善計畫及招致特種兵之人才為荷 西則川湘各軍必爭先而出武漢而中原可為我有否則無論奉直誰勝西南必亡際此時能進 (二)介石兄鑒槍械運韶旣未辦到盡交汝爲而條件今又以環境變遷無施行之必要然則此械兄究 (一)介石兄鑒新到之武器當用以練一支决死之革命軍其兵員當向廣東之農團工團並各省之堅 圍聞敵因此已疲於奔命大軍現尙無欵出發但二日後必令何雪竹隊再出以繼樊之後塵 文十月十一日 出必得江 出)則存不 福 則 建 敵必 363

(三)介石兄鑒機關槍之數旣無前預算之多今又分配無餘而朱益之出發確急需此利器請於學校

進則亡必然之理也望兄萬勿河漢吾言幸甚

函

札

孫文十三年十月十六日

無礙

則連子彈(每枝配四百)一齊火速運韶何時起運先電告知以便即與趙朱辨

之地

亦不可得故以三千槍(趙二千朱尚要一千)而易一

南韶

連其利實大請兄爲我酌奪如於練兵計

交涉

內撥出一枝航空局與甲車隊兩處或撥兩枝或壹枝總共三枝至少亦應給兩枝以勵軍士出發之氣可也

民國十三年北伐致蔣介石各書指示關於分配槍城與練兵等事

並 附 相當數目之子彈此致卽候

時祉

孫文十三年十月廿四日

前途 重之條件不獨要他北伐且同 一設法不憂無繼也若此時不 四)介石兄鑒槍械能否抽出三千枝來北伐望兄為我切實一打算如其能之我便可與趙 時要他交囘韶關防地爲大本營練兵之用實爲兩利 把韶關廓淸則以 後更難如此則吾黨欲得一 乾淨土為練軍 也 因槍械 一及試行 一物 成梁立 尙 民治 可向 嚴

孫文十三年十月 廿六 日

殺賊 以上上下一心又要汝爲先有决心毫無猶豫負完全責任爲我一幹便可將黃埔之械悉數給之立即 要兄與汝爲對彼衆要約立决死之誓必盡滅省中之奸兵奸商以維持革命之地盤此事當要部隊 官長與士兵皆一致者而言)請兄與汝爲細查其各部何部有此决心不爲奸商所搖動者如 實磋商立即决斷施行為要商團之七九彈則運來北伐之用可也 絕無 (五)介石兄鑒運械來韶如不能立辦到則其次為分給我同志中之隊伍肯為我殺奸殺 反顧如汝爲不能决斷 則無論 如何艱難危險仍將械運來韶關以練我之衞隊此事 有則 可與汝兄切 賊 者 合 萬人 集之 起 此 指

孫文十三年十月十二日

(六)介石兄鑒今日開始

練兵猶

不能行我所定編制

|若謂練

成之後兵士官長都

成了習慣

丽

後

再行

果將來 之制 我 彼二人曾 命 不 我 改 練 軍 知未來之戰 編 制 想大家不欲行 成之後我亦 負 度斯 制 則 能 革 規 更 與南方 聽我 命之任 模太大 將 難 來 矣此 指 乃 車 無 稍 揮 務試 能 爲何 我之制者則全為故習所囿 岩果因此何不以練 心用之矣今爲應我所用之故特托嘉蘭將軍將我衞士 爲我所定之制則 有 則 服 革 我 觀 從 物 命行 我之 必導之去以 北 而 洋之軍 Ü 動之軍 命介聽從我 其師承爲一 隊 欲 隊 訓 至一營或一 練 攻十 接 練 成 非不 之後可 觸 指揮 成不易也 也本 或以 而 精 無 也 以應我 形 補 團 如 其日本士官保定軍官之一 攻百 中學 果今日 因爲此故我更要今日之軍人拾去 充 爲最大單位以一營等一 非不 得 也 方寸之運用 此 備 教學 二革 等任 丽 生則 作 命之戰 務 戰 更 存 則 也 非 練 遠 倘 成見 蕁 術 不 至 開 知半解 常 團 練之時 如 也 教成之 以 營以 兵法 此 败 於殘之楊: 間 丽 所 仐 團 爲他 已不能行 後何 其故 等 有倘 日 全不 所 化 軍之模範 今 能 習 知 練 昭 旅 之軍 使之 世界大勢 我之制 而 日 臧 有 開 致 服 何 練之 為革 隊 平以 從 不 兄 如 我 可 則

軍官學 校教員學 生同 此 不另

始

不行

我

制

待

至

練

成

時

謂

能

聽指

揮

我决不信

也

此

致

附 步兵編 制 表 分其 餘 他 兵飛兵(代騎)工兵輜重

車

機關槍甲砲車

未定

並

六 官

六人

爲

伍

兵數

函

札

革命

軍

步兵編

制

O

 \equiv

民國十三年北伐致蔣介石各番指示關於分配槍械與練兵等事

四

六連 三旅 三團 三列 六伍 爲 爲 為 為 爲 為 旅 師 團 辔 連 列 仝 仝 仝 仝 仝 仝 三八、九九二 一一、六六四 三、八八八八 六四四 仝 仝 全(附二人) 二一 仝 仝 全(附二人)一二九 三八八 四

加

此表人數定實官數可酌量再

傳隊爲沿途宣傳之用佛山車已備妥次日開始宣傳而兄處派人忽將手機槍並短槍收囘致不能照計畫 (七)介石兄鑒前日命李縻將軍設備鋼甲車四駕北江兩架東江一架佛山 架爲保護車路 兼載宣

舉行李縻將軍因大為失望吾亦同此心此事關於黨務軍事之進行甚為耍着且我擬一二日後親往韶 更需此車(二甲)隨行務望照前命令發足手機槍拾八枝駁壳槍二百五十枝切勿延誤爲要此致卽候 綱

孫文十三年九月四日

毅安

八一介石兄鑒函悉令撮要答復如左

大本營决定在韶糠兵地址最好在馬壩南華寺之間此地水土衞生極佳 我必要湘軍及朱培德部完全出發後乃能囘省大約要十日左右

槍

枝

之置

處當不能

照第二

議全交汝為

因

彼未曾照

我所定之計畫

施

行

也

行指

奸

商

奸

兵同

時

要

與 爲 練兵之用則當不能 萬得二 練 兵一 |萬亦可給與二萬因 事為今日根 移作 他用 本之圖槍枝處分當以 俄 汝爲果要一 船已 |水過此 式之槍可着之先整頓其部隊若 地以後 此事為準若用五千則可以三千為北伐之用 再來當更容易 如我 確 能汰 有可靠之兵要槍 劣留良得 來用 萬 如完全皆 則 以 可 給

不 成問題此 頭一 批之械不過到 來 試 耳以後 只要問我有人耳 必可 源源 接 濟 也

繼續 其 出 發 他之事兄所見甚是至於北伐出 如 此 出 兵當然犯正 兵家各個 兵此 擊 破 間 之所忌然樊鍾秀竟然 自樊部 出發 而 後已使 冒 此忌 籟 敵 疲於奔 m 出未見 命昨 敵有 Ħ 何 何 能力 雪竹 部 始 破 能 也 367

吾 料 再 湘 軍 興 朱部 ----出 則 贛 南 全部 必 爲 我有 也 此 答

留 備 東江 之七 九子 彈當要 撥 五 + 萬 為 湘 軍 出 贛 之用。 此 物 ---到 湘 軍 ģp 發 幸 勿延 遅 至 要 至

孫

文

現 在 只欠 朱部 出發費 耳 岩 此 小 欵 有 着 則 頭 ----起 之北 伐 軍 可 完 全出 發矣又及文

旅 如 現時 九)介石兄鑒今早收到 已經 開 始訓 練 則 不 專人帶來之信匆匆作 必 移 訓 練 地 到 韶 因 遷 移 答 費 趕車 榯 寄 則 巴 兩 月 尙 斷 有 難 未 成 盡之話兄 就 果 期 兩 言 月 兩 可 月 用 内 則 可 練 就 現 支勁 地 加

成 工 梁 便 部 可又 在 所 韶 練之隊 巴 練 就徒 爲數幾何 手兵數千彼要求加槍二千必即 五 千平 抑 八千乎如 是五 日北伐不求出發費李 千則 所 餘之三千 槍 必要 國柱 卽 日 (湖南 運 韶 最熱心之革命 以 利 北 伐 因 趙

札

函

民國十三年北伐致蔣介石各書指示關於分配槍械與練兵等事

六

槍萬二千此三部共槍二萬(其他不計) 同志)亦需步槍一千分他編入朱培德部內如此則趙成梁一 向江 一西進取 未有不 成功也江西得後則湖南 部有槍四千朱培德 部有槍四千湘 不 成問題然 軍有

合滇唐川熊黔袁會師武漢以窺中原曹吳不足 平 也

無捷徑可通專靠繞道海外殊屬艱難也三千槍能速運來否切望即 最好能由 兄之新軍 西南 打開 兩月練好之後立調來韶聽我差遣者西 --- • 聯絡 西北之交通線如陝甘等地 一南局 則西 北 面日有發展當先鞏固 之經營乃容易入手蓋西 西南 然後再 北所欠者在 圖 西 人如 北 且

孫文

答

(一)介石兄鑒截緝那威商船私運軍械事今晚着鄧彥華率同江固艦來長洲之後更約英國兵船來

黄埔協助如遇有事可協商共同一致行動可也

文白八月九晚

(二)介石兄鑒商人有願籌北伐費而討囘槍槭者此事現交精衞交涉如得完滿結果當要給囘一 大

也

部與服從政府之商團故欲沽其一部分為練兵費一節不可施行此幫械如何發落當俟精衞交涉後 採 文 而 定

欲斷 而又帶囘去此殊失李將軍之望李君專長甲車戰 我省韶鉄路之交通我日內往 (三)介石兄鑒前李糜將軍要取手機槍拾八枝為配甲車之用務要照發不可令學生帶來 韶關 則此鐵路之防備更為急要務望將手機槍同 術 切須 由 其配備乃能靈捷且 一敵人 駁 已來窺 売 槍一 借 翁 齊交與盧 源 用 泂 時 頭

振柳帶囘俾李將軍得以 配備後方防衛 至要切勿延誤此 致

孫 文

四)介石兄鑒請先發朱培德部 步槍一千枝子彈配足其餘前令發給各部一 概從緩以待精衞與商

人交涉妥後另議此致並候

近安

五)介石兄鑒據汝為兄言如果將長短槍交囘商團當能得百萬以為出發費果爾當可取消今日各

孫

文

函

札

369

毅安

命除益之之槍外可悉數還之如何請與汝爲酌奪可也

孫文九月十二日

(六)介石兄鑒聞仲愷說械船到時擬在金星門內起卸以避耳目我以為不必如此若為避人耳目計

然實在不能避而反露我們欲規避之心示人以弱恐反招英艦之干涉因英艦已視此等海面為其範圍

則金星門大大不相宜因金星門之對面即冷汀關該關有望樓有緝艇凡到金星門附近之船無不一目了

此不可也且金星門外年年淡淺此時之水路當較數年前海圖必差數尺恐致擱淺此二不可也又在該處 搬運實花費太多又恐小艇有遇風雨盜賊之危險此三不可也究不如直來黃埔公然起卸為妙而以 此為

試驗若英國干涉我至少可以得此批到手而不必再望後日如不干涉則我安心以策將來若往他處起

卸恐此批亦不可得也

孫文十三年十月三日

(七)介石兄鑒貨物幾種各種幾何務期詳細報告為荷對於用貨之計畫兄有成竹在胸否鮑顧問意

見如何若皆無一定之用途便可將貨運韶關由我想法可也

另有漢民一信請兄發意見俾我參考為荷此候

孫文十月七日

(八)介石兄鑒如明日果有罷市反攻之事則商團槍彈亦當與我貨一齊運韶爲革命之用蓋有械豈

愁無人運到我自有辦法也酌之

孫文十月十日

(九)介石兄鑒函電皆悉今先答函槍彈運韶决不瓜分各軍乃用來練我衞隊之用汝爲亦不能給以

370

毅安

汝爲同

帶其

可用之部

隊齊來尤好望為商之如何速答此

復即

候

答電 部 足可 在 避之以待 此 小 枝如有必要只可將黃埔前時之槍給他此八千一式之槍一枝不可分散到韶後甚多地方可以貯藏我 如下北 斷 坪 由學生任之黃沙並小 小部 無人 衞 1伐必可 **敢起心** 隊 布置妥當槍彈 練 成再 成 來搶也至於運來時途上之保護只在黃沙一段要小心其他一 講話 功 無 · 欵亦出 陳 卽 坪一帶可用張民達之隊以保護之其法着張假作出發 賊 Ŀ 來 車 攻我 决不囘 與學生同 可 放 顧 廣 來 去由爭食之軍 便可至於然項現當將黃埔學校收束 州母兄速拾長洲來 自 相 殘 一般可 韶 因 有某 也 亂 無可 軍 欲 卒 路則 劫 韶關集於車站黃沙大 ·只有i 械 俟 並 到 串 |速避耳 欲 韶關 車 殺兄 與數百· 再 或 故 酌可 暫宜 人便 更邀 也

孫文十月十一日

函札